



F
I
25

1684

650-





Digitized by the Internet Archive
in 2015

Recreatio Mentis et Oculi
in Observatione Cochlearum





RECREATIO MENTIS, ET OCULI

In Obseruatione Animalium
Testaceorum

Curiosis Naturæ Inspectoribus

Italico sermone primum proposita

A P. PHILIPPO BONANNO
Societatis Iesu,

Nunc denuò ab eodem Latinè oblata, centum
additis Testaceorum Iconibus, circa quæ
varia Problemata proponuntur.



R O M Æ,
Ex Typographia Varesij. MDCLXXXIV.
—————
SVPERIORVM PERMISSV.

REGRETTIO

MENITIS

ET OCCVLL

In Omissionibus Annis

Tellurionis

Indice Novae Editionis

ATHELIPRO NOVATINO

Indice Editionis

Indice Editionis Novae Editionis

Indice Editionis Novae Editionis

Indice Editionis Novae Editionis



Indice Editionis Novae Editionis

Indice Editionis Novae Editionis

Indice Editionis Novae Editionis

ILLVSTRISSIMO,
ET EXCELLENTISSIMO
PRINCIPI
IOANNI BAPTISTAE
PAMPHILIO.



LX recepto in Æuū vſque
noſtrum Veterum more,
quo librorum voluminibus
magnorum Virorum nomi-
na ſolebant inſcribi, anſam
vt plurimum Scriptores ac-
cipiunt, vt eorum præ-
clara geſta, animorum dotes, & Familiæ
decora in theatrum proferant; At illorum
gloriæ dum ſtudent, ſuas pariter laudes ſa-
tagunt aucupari. Longè tamen ab huiusmo-
di Viris meus aberrat animus, dum tibi
Exc. Princeps librum hunc humillimè por-
rigo; licet enim Virorum inſignium dotes
in memoriam reuocando audientium auribus
blandiamur, adulationis notam omninò non
cui-

euitamus , tunc præcipuè cum laudatos Vi-
 ros Fama apud omnes iam conspicuos red-
 diderit . Idcirco ab hoc vitio abhorrentes
 inter Veteres Sapientiores in fronte librorum
 sola eorum , quibus offerebant , nomina ex-
 primere consueuerunt . Cum igitur Excell.
 Princeps opus hoc meum , exiguum quidem
 illud , nomini tuo inscripsi , non tuas dotes
 recensere , sed obsequium meum , quod in-
 timè latebat in corde , publicis in paginis
 contestari peroptauì . Scio equidem tanto
 Principi impar esse munusculum Cochlea-
 rum testas , solo calamo expressas ; vt verear
 me ab aliquo fortassis non minoris audaciæ
 damnandum , cuius olim , Marco Antonio
 Asiæ Rege pisces captante , quidam , qui oc-
 cultè infra aquam adnatans vncino ponticum
 falsamentum affixit , fuerat condemnatus .
 Vt propterea risu , vt erat consentaneum ,
 oborto , ad iracundiæ motus in Antonio , præ-
 dam se nactum existimante , temperandos ,
Nobis , diceret Cleopatra , *ò Imperator Pharijs* ,
& Canopice Regibus calamos trade . Tuum est
Vrbes , & Regna piscari . Nihilominus quando
 ob animorum relaxationem , vel ad Piscatum ,
 vel ad Venationem Principes diuertunt , nec
 telum , nec arundo eorum manus dedecet .
 Sic Cæsar Romanorum Imperator , Sueto.

nio referente, *piscando otium fallere consueverat* : Attalus Asiæ Dominator non solum Arti Metallorum fusoriæ, verum etiam Agriculturæ operam suam nauabat : Cyrus Persarum Rex, sexcentique alij, regia clamyde deposita, aratro manus admouebant, sceptri loco sæpè ligonem pertractantes. Artes enim licet viles, haud semper suos asseclas abijciunt, verum potius ab eis exercitæ ad fastigium, quoddam nobilitatis euehuntur.

Fulg. lib 8
c. 2,
Sal. lib. 2.
c. 9 ex Cic

Quæ cum ita sint temeritatis notant, non timens, hanc Oculi Mentisque Recreationem magno Principi offerre non dubitavi, ea præsertim de causa, quod ipse suæ mentis acie, veluti aureo hamo, quidquid admirabile, pretiosumque in singulis, licet abiectis minimisque Naturæ operibus, latet, possit expiscari. Tuæ mentis Perspicacitas Exc. Princeps, optimè patuit, cum in regia villa ad S. Pancratium Animalium Terrestrium, Aquatiliū, & Pennatorum varietatem, quæ in ipsa, vel spatiantur in siluis, vel per amœna Pratorum discurrunt, vel in Fontibus recreantur oculis obijciens, quæstiones Philosopho non indignas proponeres, animoque meo stimulos simul admoueres, vt Testaceorum Aquatiliū copiosam segetem tuo aspectui proponerem, quæ ex oculis ad mentem

tem translata Principis etiam animum philosophantem laudabiliter oblectaret . Ea igitur fretus fiducia , qua scio Hominum muneribus ex corde offerentis pretium addi , hoc opus , quodcunque illud sit , Humanitati tuæ porrigo , reuerenter veniam petens , quòd nimis audacter agendo fauorem tuum demereri non dubitauerim ,


Excellentiæ Tuæ

Humillimus Deuotissimus Obligatissimus Seruus

Philippus Bonannus .



ARGVMENTVM.



Res naturalium, & Animalium præcipue Cognitio humanam curiositatem, sciendique cupidinem adeò extimulat, ut Virorum insignium quamplurimi pretiosis laborum, temporis, aurique expensis illam explere curauerint. Alexandrum Macedonem, licet Asiaticis bellis distractum, thesauros ingentes profudisse scimus, ut à suo præceptore Aristotele Animalium Historia perficeretur. Verùm quia communi Mortalium lege utrique defecerunt, multas amisimus paginas, temporum ruinis consepultas, vel incendiorum vi sublatas, quæ quidquid ille ab experientia didicerat, referebant.

Tale verò adeò magnum opus unico sub Rege ita perfici à nemine potuisset, ut adhuc quamplurima de eisdem enarranda non superessent. Nostro igitur Aevo Viros ingenio, & eruditione eximios per Italiam, Germaniam, Galliam, & Angliam dispersos ad illud perficiendum Veritatis Amor extimulauit, omnique mentis conatu omnes suam operam nauant, ut ad Veritatis trutinam reuocent quidquid Rerum Naturalium Scriptores enunciarunt, scribebantque ea, quae vel temporis, vel cognitionis defectu iidem omiserunt.

Cum igitur in Animalium Testaceorum historia, quae pari, ac caterarum Rerum Classēs, oblectatione animum afficit, quamplurima scitu digna desiderentur, eò quod, vel omninò falsa, vel non satis probata, vel tedio quodam legantur Iconum defectu, in quibus Animalia relata clarè recognoscere haud possumus; opera pretium duxit Auct̃or hisce paginis Curiosorum oculis subijcere ad viuum expressas Conchyliorum Testas, quae ipsi notabili figurarum, aut colorum varietate, constanti lege in singulis concinnata, ad species diuersas referenda vise sunt; easque, ex multiplici Oceani sinu, ad mentem suam priuato studio relaxandam, acceptas, publicis in paginis collocare, ab Amicis extimulatus, non respuit; sibi suadens multorum pariter mentibus, oculisque non ingrato futuras oblectamento, dum in se ipsis referunt mira Natura opera, indicantque nouos eiusdem lusus, à nemine huc vsque relatos.

Quinquaginta circiter supra Quadringenta inter se diuersas Italico iam pridem sermone descripserat, nunc centum alijs adiectis, curiosorum oculis latino porrigit, & ne ieiuna esset eorum recreatio, utile menti otium addit, dubia non indigna Philosopho proponens, quibus ad Veritatem clarè dignoscendam extimulatur, ea omnia, pratermittens, quae circa Testacea longis enarrationibus Aucto-

*Auctores exposuerunt , ne aliorum dicta transcribens ,
legentium aures fastidio damnet .*

*Vtilem propterea Tractationem quatuor in partes
diuidit ; in quarum prima , postquam non puerilem , sed
sapientem , ac proficuum occupationem esse comprobauerit
Testaceorum indaginem , eorum inuestigat Generationem ,
siue sub Marinis undis illa spatientur , siue terrenis gle-
bis sine animali subsidant ; Deinde materiam aptam
recognoscit , qua formari possunt à Natura , Colores insu-
per , Formas , & Proprietates , quarum beneficio Diuini
Opificis Prærogatiuas Philosophorum mentes sibi spectan-
das obijciunt , ceterosque demum usus , quibus iuuantur
Homines , ea idcirco pretiosarum rerum loco in Museis
habentes quamplurimis , quæ referuntur .*

*In Secunda verò Parte singulas describit , notando
Partes , Formas , Colores , Nomina , & Maria ubi na-
scuntur ,*

*In Tertia quadraginta circiter Problemata proponit ,
dubijs rationes subnectens , quibus aliquis Veritatis ni-
tor , vel saltem affulgeat , si clarius philosophica indagi-
ne recognosci non possit . Docet Margaritas è rore ne-
quaquam formari , ut sibi , & multis Plinius suasis-
set , neque Concharum filias esse , sed morbosam earundam
luem . Refert rationem , ob quam Cochlea auribus ad-
mota maris susurrum videamur audire ; causam inqui-
rit , cur sub undis copiosius , quam sub glebis nascan-
tur , & præcipuè in Mari Indiarum Orientali , in quo
egregius picturata : cur in superficie potissimum externa
distinguantur coloribus , cur multæ spirarum orbibus cir-
cumuoluantur : cur membrorum diuersitatem vix habeant ;
Cur Dentibus , Corde , & Ossibus careant : Cur Luna defi-
ciente macrescant : Pigra & stolidæ sint : Balanorum suc-
cus noctu eniteat . Cur inter colores , quibus diuersimodè
pinguntur , non appareat Cæruleus : Aliaque post similia*

*Problemata, à nullo hactenus proposita, examinat: An Cochlea, quæ dicitur Venerea, sit Remora à Mutiano re-
lata, cuius abdita vis velocem Nauium cursum valeat
retardare.*

*In Quarta demum Parte, supra Quingentas Testa-
ceorum Icones ponit, in parte secunda descriptas, & tri-
plicique Classe distributas, in quarum Prima numerantur
Univaluia non Turbinata, in Secunda Bivaluia, in Ter-
tia Turbinata.*



INDEX

CAPITVM

PARS PRIMA

P æfatio ad Lectorem . pag.	1
CAPVT PRIMVM.	
Qua ratione mens, oculique sapientis possint Cochleis delectari .	7
CAPVT II.	
Qua ratione à Cochlearum contemplatione menti oblectatio augeatur .	12
CAPVT III.	
Animalium Testaceorum diuifio, in qua Specierum Varietas, eorundemque Origo indicatur.	17
CAPVT IV.	
Quæritur an Cochleæ propagatione Specierum generentur, aut potius spontè ex se nascantur .	22
CAPVT V.	
Exponitur generatio Balanorum, eaque confirmatur Caput præcedens .	29
CAPVT VI.	
De materia apta ad productionem Testaceorum.	37
CAPVT VII.	
An Cochleæ, quæ in Terra inueniuntur . Lapidès Terrigenæ sint, in quamdam imaginem Cochlearum figurati, an potius in Mari generatæ .	41
CAPVT VIII.	
Earum Varietas in Formis, & Coloribus obseruatur .	53
CAPVT IX.	
Vndè nam oriatur diuerfitas Colorum in Cochleis.	58
COROLLARIVM .	
Quæ circa colorum Genesim in capite superiori dicta sunt Experi-	

I N D E X

perimentis comprobantur.	65
CAPVT X.	
Referuntur Proprietates aliquorum Testaceorum, in quibus elucet Prouidentia Diuina.	67
CAPVT XI.	
De vario Testaceorum Vfu,	72
CAPVT XII.	
Referuntur varia Musea, in quibus Cochlearum, & Concharum Testæ conseruantur.	81

P A R S S E C V N D A.

D Escribuntur Testacea in Parte quarta delineata.	86
CLASSIS I.	
Continens Vniualuia non Turbinata.	88
CLASSIS II.	
Continens Testacea Bialuia.	91
CLASSIS III.	
Comprehendens Testacea Turbinata.	112

P A R S T E R T I A.

C Ontinens varia Problemata Menti proposita in Obserua- tione Testaceorum.	173
PROBLEMA I.	
De Generatione Vnionum. Quæritur in qua Concha fiat.	176
PROBLEMA II.	
An materia, ex qua Vniones formatur sit Ros.	179
PROBLEMA III.	
An Vniones nascentur ex Concharum Valuis, an in visceribus Ostreorum generentur, & an sit Morbusan Partus illarum.	183
PROBLEMA IV.	
Cur Testacea oriantur potius in Mari, quam in Lacubus, & in Fluminibus.	187
PROBLEMA V.	
Cur nascentur in Mari potius, quam in Terra.	190
PRO-	

CAPITVM.

PROBLEMA VI.

Cur multa nascantur in Terra, nunquam verò in metallis. 191

PROBLEMA VII.

Cur in Orientalis, vel Australis Indiarum maribus generentur in maiori copia, & coloribus magis picturata. 192

PROBLEMA VIII.

Cur aliqua Testacea super Ligna facilius nascantur, quam supra Lapides. 195

PROBLEMA IX.

Cur ita Testæ obdurescant, cum ex molli aqua generentur. 196

PROBLEMA X.

Cur viuant Plurima immobiliter saxi affixa. 201

PROBLEMA XI.

Cur nonnulla sint certo ordine striata alijs non striatis. 203

PROBLEMA XII.

Cur vt plurimum in externa superficie sint coloribus picturata. pag. 205

PROBLEMA XIII.

Cur multa sint Turbinata. 208

PROBLEMA XIV.

Cur ex Turbinatis pleraque figuram Sphœricam induant. 215

PROBLEMA XV.

Cur Turbinata, vt plurimum habeant Orificium Testæ ad dexteram partem conuersum. 219

PROBLEMA XVI.

Cur vix aliqua membrorum diuersitas in Testaceis appareat. pag. 222

PROBLEMA XVII.

Cur careant Ossibus? 225

PROBLEMA XVIII.

Cur sint Corde orbata. 226

PROBLEMA XIX.

Cur sint Edentula. 227

PROBLEMA XX.

Cur Fel, Iecur, & Lienem Testaceis negauerit Natura. 230

PROBLEMA XXI.

Cur Testacea, quæ os non habent, attamen nutriantur. 231

PROBLEMA XXII.

Cur Turbinata habeant operculum. 232

PRO-

INDEX CAPITVM.

PROBLEMA XXIII.	
Cur multa Turbinata, sint etiam cornibus munita.	233
PROBLEMA XXIV.	
Cur vocem non edant.	236
PROBLEMA XXV.	
Cur careant auditu,	237
PROBLEMA XXVI.	
Cur Testæ animatæ nullo sensu sint præditæ.	240
PROBLEMA XXVII.	
Cur Testacea, terræ Vegetabilibus non abfimilia, nec viua, nec mortua odorem vllum diffundant, vt plurima Vegetabilia.	242
pag.	
PROBLEMA XXVIII.	
Cur diutius quam Pisces extra Aquas viuant.	243
PROBLEMA XXIX.	
Cur Echini, seu Marini Erinacei Dentes habeant, & Oua numero quinario disparia,	244
PROBLEMA XXX.	
Cur Turbinatis Cochleis Auri admotis videatur sibi quisque Maris susurrum excipere.	245
PROBLEMA XXXI.	
Cur in Plenilunijs sint Pinguiiores.	248
PROBLEMA XXXII.	
Cur Pigra stolidaque animalia sint Testacea.	251
PROBLEMA XXXIII.	
Cur Cochleæ Testa non exuantur, vt Crustata.	252
PROBLEMA XXXIV.	
Cur Ballanus fulgore quodam splendeat.	253
PROBLEMA XXXV.	
Cur in tanta Colorum varietate Cochleas picturantium, Cæruleus nunquam appareat,	257
PROBLEMA XXXVI.	
An à Cochlea Venerea, quam Echeneidem, seu Remoram dicunt, possit Nauium cursus retineri,	265

PARS QVARTA.

Continens Testaceorum Icones, quæ in Parte secunda describuntur.

CAROLVS DE NOYELLE
Præpositus Generalis So-
cietatis Iesu.

CVM Librum, cui titulus (*Recreatio Mentis,
& Oculi in obseruatione Testaceorum curiosis
Naturæ Inspectoribus proposita*) à P. Philippo Bo-
nanno Societatis nostræ Sacerdote conscri-
ptum, aliquot eiusdem Societatis Theologi
recognouerint, & in lucem edi posse pro-
bauerint, facultatem facimus, vt Typis man-
detur, si ijs ad quos pertinet ità videbitur,
cuius rei gratia has literas manu nostra sub-
scriptas, & sigillo nostro munitas dedimus.
Romæ 13. Iulij 1684.

Carolus de Noyelle.

Imprimatur, si videbitur Reuerendiss. Patri
Mag.Sac.Pal.Apost.

I.de Angelis Archiep.Vrb.Vicesg.

EX Commiffione Reuerendiss.Patris F.Dominici Mariæ Puteobonelli Sacri Palatij Apostolici Magistri perlegi Librum inscriptum: *Recreatio Mentis, & Oculi in observatione Cochlearum curiosis Naturæ inspectoribus Italico sermone primum proposita ab Adm. R.P.Philippo Bonanno Societatis Iesu, nunc denuò ab eodem latinè tradita*. Nihil in eo reperi Catholicæ veritati, ac bonis moribus repugnans, imò publica luce dignum censeo, si eidem Reuerendissimo Patri Magistro visum fuerit. Ex Domo Nouitiatus Romæ die 1.Nouembris 1683.

*Nicolaus Bello V.Procurator Generalis, & Secretarius Generalis
C. R. Ministrantium Infirmis, S. Romanæ Inquisitionis Qua-
lificator; ac S.Congregationis Indicis Consultor.*

Imprimatur,
Fr. Ioseph Clarionus S.Theologiæ Professor,
ac R. P. F. Dominici Mariæ Puteobonelli
Sac.Apost.Pal.Mag.Socius Ord.Præd.

PRÆFATIO AD LECTOREM.

QVI negotijs otia , serijs ludicra miscent , non tam suo , quam naturæ genio , humanæque vitæ conditioni obsequuntur . Vitæ enim , vel laudatissimæ tenor , si nulla voluptate interpelletur , speciem refert Musicæ , aptis quidem modulis temperatæ , imperfectæ tamen , nisi Harmoniam pausa condierit . Tempus , teste Plutarcho , die nocteque componitur , quarum ista quieti , labori illa debetur , id quod Lucanus Pisonem pluribus monuit .

*Nec enim facundia semper
Adducta cum fronte placet , nec semper in armis
Bellica turba manet ; nec tota classicus horror
Nocte , dieque gemit , nec semper Gnosius arcu
Destinat exempto , sed laxat cornua nervo ,
Et galea miles caput , & latus ense resolvit .*

Sanè Viros undecumque spectatissimos nouimus , seu priuatorum studiorum contentionem , seu publicas curas honestis remissionibus , & ludicris exercitationibus ideòque laudabili vacacione relaxasse , quod non segne , & ignauum otium sectati , confirmare animum , & à labore recreare propositum haberent . Fatetur id de se Tullius , quod Tullius cum è foro , in quo versare omnium animos quoquò vellet consueuerat , rus , & in villam concederet , visus sibi fuerit tanquam è procelloso mari ad portum , ab armorum strepitu ad pacis asyllum , à se denique , velut ex aliena potestate , ac dominatu euasisse . Hinc summis laudibus dictum illud Scipionis prosequitur : *Nunquam se minus otiosum esse , quam cum otiosus* . Et verè nemo sapiente suauis deliciatur , qui ad rerum meditationem , aut lectionem secessum , & solitudinem captat ; Eius rei grauissimus auctor est Æneas Siluius Vir doctissimus idem , & Romanæ Ecclesiæ Pontifex Maximus . *Est (inquit) Magna Virorum recreatio , cum se aliquis retrahit in solitarium locum , vt meditetur , vel legat* . Et verò ad recreandum animum quolibet libro potentior est quicumquedumum partus Naturæ . Hinc , vt nihil de tot alijs dicam , Scipio , atque Lelius , tametsi alter ducendis agminibus , & conferendis prælijs , alter dicendis in Senatu sententijs , versandoque quod vellet Collegarum suorum iudicio insueuissent , ad litus maris eam aliquando voluptatem quærebant , quam in Cochlearum

Lib. 8 c. 8.

descriptione ipse tibi ministrare constitui. *Constat namque eos ;* inquit Plutarchus, *Caietæ, & Laurenti conchulas, & calenulos le-*
litasse. Quod genus recreationis etiam ab alijs pari studio, ac
iucunditate usurpatum verus adagium peperit. *Conchas legere,*
hoc est iucundis vtilibusque occupationibus sese oblectare.
At enim ista rudibus puerorum oculis parata neutiquam est; cum
enim plurimas concharum formas produco, simul Musæum
aperio, in quo non tantum se lumina pascant colorum, ac figu-
rarum varietate, tanquam qui viridarium ingressus varijs consi-
tum floribus, atque admiratione defixus, nesciret tamen quem
ex illis omnibus præferre, ac concupiscere potissimum deberet.
Verum etiam, ut animus ex accidentibus substantiam cognoscere
disceat, calleatque subinde modum causasque tum molis, tum
formæ, tum denique coloris singularum. Comperies enimverò
quanti sit operis, ac laboris, penitus intimèque rei cuiuscunque,
vel minimæ pretium cognoscere, quam Natura produxerit,
aliā atque aliā admirationis materiam omni suo opere
solita ministrare, quæque terræ impressa reliquit vestigia,
ea mens capax, & prodigiorum artifex Gigantis esse depre-
hendet.

Equidem ista magnificentius, quam veriùs me dixisse ne-
mo putaverit, qui vel solas Cochleæ spiras intuens exigit secum,
quantopere laboratum à Geometris fuerit in illis rite ducendis,
& verò quæcunque demum eius artis præcepta tradiderunt,
aliter esse tamen semper sunt visi, ut qui eam è circuli portio-
nibus in angustius spatium semper contracti composuere, cum
contra spirales lineæ circuli haud sint, tamen si circulares appa-
reant. Quis, rogo, Vitruvius tam mirabilem, & nulla satis ar-
te imitabilem domum ædificavit? Equidem quo magis in-
uestigandis earum causis progressus fueris, eò clarius deprehen-
des verissimum esse, quod Veteres dicebant, Deum, Naturæ
nomine comprehensum, in omni opere suo, geometrizare quo-
dāmodo, adeoque licere in simplici Cochleæ spira iucundissi-
mo labore humanum ingenium sese circumagere.

Non erit proinde, aut inutilis, aut stultus eorum labor, qui
vel è Pelagi fundo, vel littorali arena legant quod, ceu foret
indignum oculis nostris, aut aquis obruitur, aut pedibus procul-
catur; At inquiet aliquis, nunquid ante disquirendum censes,
sit ne quod pertractandum suscipimus argumentum eiusmodi,
quod dignitate sua, ac pretio temporis, ac laboris impensam,
pro-

promereatur. Est ne autem contemptibilis, atque informis Cochlea ex Animalibus ullum? Quam aptè illam contemplanti obijcias quod Teutonum Orator Romanis, qui, ut Plinius refert, Romam ubi venisset, eiusque pulcherrima quæque lustrasset, contemplari iussus à ducentibus fuit tabulam pictam summi, ut aiebant, pretij, atque artificij. Referebat ea Pastoris speciem pascendo gregi intenti, habitu, qui huic hominum generi vsitatus, vili, ac incomposito. Iam ubi ille semel atque iterum omnem dimensus oculo fuisset, nullo neque admirationis, neque approbationis edito signo, professus est: *Sibi donari nolle talem Virum viuum, verumque*: Sugillans haud obscurè infelicem laborem haud alio fructu insumptum, quàm ut eius hominis effigies coloribus representaretur, quem eorum adstantem nemo, vel aspectu dignaretur. Nunquid autem in Cochleas non hoc aptius cadit? Sanè *limaces à limo* dicuntur, Festo Pomponio teste, ut adeò à luto natiuam humilitatem, ducant, ipsaque Anatome, quantumuis sese fatiget, artus ordine dispositos reperire non possit: neque aliud adeo mireris, quàm quod animantes cum sint, nihil fere animantium habeant, quippe corporis adeo imperfecti, ut neque oculis, neque sanguine, neque corde præditæ duras filices sensu, ac motu parum admodum vincant. An fortè in tam vasto Naturæ Theatro desunt res aliæ nobiliores, elaboratiores, digniores, oblectando sapientis animo accommodatiores? Par ista profectò ingenij tam male feriati stoliditas est illi Claudij Cæsaris, quem scribit Lælius Calcagninus dispositum in ordines Exercitum aduersùs mare duxisse, iussis militibus galeas Cochleis, quæ litus omne complebant, onerare, *hac ratione de Oceano triumphaturum*.

Lib. 3.
c. 4.

De calculorum ludo.

Hæc pluraque alia dici fateor posse ab ijs, qui nihil præterea cogitantes in solo nomine, uti per vulgi ora vagatur, acquiescunt. Ego verò haud alia mihi defensione opus esse censeo quam, ut palam faciam, Sapientem ex omni re quantumcunque minuta, ac exili, quam ipsi Natura obtulerit, capere voluptatem posse. Vnum à te postulo, ut intelligentiam iuxta, ac sensum ad istarum, de quibus agimus, Conchularum considerationem demittas, sic ut altera alteri magistra fiat, ac iste illi se ducem præbeat, eo planè modo, quo in arte nautica oculus manusque mutuam sibi officium præstant, cum ille descriptas nauigationum tabulas examinat, ista ad earum præscriptum

remorem regit, & vela pandit, atque alter scientiæ, altera experientiæ magisterio edocetur. Idem seruet necesse est, qui de Naturæ operibus philosophari amat; quippe in ijs disciplinis quæ planè contemplatrices sunt, licet quidem esse cæco, reuocatis ad intima mentis penetralia rerum imaginibus, quod ut melius consequerentur, non defuerunt Philosophi, qui barbara quadam immanitate oculos sibi eruerunt, verùm in Philosophia naturali illos habere nos duces oportet, ac monstratores, nisi identidem incurrere in offendicula velimus. Hinc sapienter monet Galenus: *Quicumque vult operum Natura esse contemplator, oportet eum credere proprijs oculis*. Quapropter curandum sedulo est, ut certa rerum experimenta teneas, ut ne errore labaris, quo etiam me aliquando mare decepit, cum scopuli cacumen arbitrarer, quod nubis Horizonti imminenti erat principium. Sic igitur experientiæ partes erunt multorum rationum fundamenta ingenio ministrare, quandoquidem, si Tullio credimus, *temerarium est, aut falsum sentire, aut quod non satis explorare, perspectum sit, & cognitum, sine ulla dubitatione defendere*. Et verò subit me neglecti opportuniissimi temporis penitentia, cum ad litus maris Adriatici habitanti commodum esset multas mouere quæstiones, earumque solutiones animaduersionibus fidelioribus adinuenire. At neque sic tibi fidem adhibere te velim, ut falsitatis coarguas quæcunque alijs idoneis cæteroque auctoribus comperta fuerunt. Mihi sanè propositum est per aliorum narrationes viam sternere ad multarum quæstionum haud ita expeditarum rationes eruendas, quas ubi experientia, duce inuestigare non licebit, eas in medio relinquam felicioribus ingenijs penetrandas, & remoto penitus omni ambiguitatis velo inspicandas; nempe satis habiturus sum, innoxia voluntate oculos tum mentem non inutili doctrina pauisse, vel quæstiones mouendo, non indignas Philosopho, vel à terrenarum rerum consideratione ad cælestium contemplationem animum subleuando. Sic ut ex illarum admiratione ad Conditoris laudes exurgat, illius videlicet Artificis, ac Præceptoris, qui dubijs omnibus vnus occurrit, nodos omnes dissoluit, & veritatem ex quauis quantumuis perplexa ratiocinatione exculpit.

Ita veterum præscripto nauigabimus nondum audentium, **Prop. lib. I.** alto se committere, & alter remus aquas, alter sibi radat arenas; egregiam voluptatem capturi, dum prope litus mare percurrentes, in ambulare quodammodo terræ pullo pedum labore, nauigare

gare verò nullo naufragij metu nobis videbimur . Neque otiosa, aut sterilis , sed fructuosa eius recreatio futura est , qui veluti cymbam promouens, vel è terra passim flores legit, vel retia, ac nassas colligit curiosis pelagi partibus refertas : Itaque dum naturales causas attingemus , veluti remis vndas sulcabinus , dumque istas penitus introspicere non dabitur , ad vniuersalis causæ recondita mytheria, velut in portum , & solidam terram è naufragij periculo nos recipiemus .

Haud equidem consilium est, spissum volumen conficere, referendo quidquid ab alijs Scriptoribus de Natura Testaceorum fusè copiosèque traditum reperi . Vt enim ingenuè dicam, tametsi multos eorum percurrerim , non tamen contigit reperi-re, quod concupieram , atque illi sese exposituros promiserant . Visi mihi proindè fuerunt earum Avium instar , quæ suspensæ in aere alarum vastitate , ac multitudine plumarum magnam sui speciem faciunt, captæ verò deplumatæque venatoris expectationem molis, ac corporis exilitate deludunt . Habeat proindè laudem suam Aristoteles , quam illi animaduersiones suæ , in Libro quarto Historiæ Animalium præcipuè congestæ , pepererunt . Habeat , & Plinius suam ; nec minorem reportasse Bellonium dixerim , qui eam ob causam difficillima longissimaque itinera per tres Orbis Partes Europam , Africanam , Asiamque suscepit . Rondeletio quoque accuratæ descriptiones , Gesnero, damnatæ licet memoriæ Scriptori, eruditæ annotationes, ac denique Saluiano diligens multorum corporum Anatome laudem suam afferant . Porro ex his ea tantum delibabo , quæ ad breuem tractatum consiciendum erunt satis : perindè enim ac Coralliorum Piscatores , nulla certa, ratione itineris sibi præscripta , ibi scilicet intersistunt , vbi spem concipiunt insignem ramum è maris fundo reuellendi , ego quoque huic mori insistens non id omne consecabor, quod dicendi argumentum , ac materiam præbet, verum id duntaxat, quod vel repetere necessarium , vel cognitu dignius conuenientiusque reputaui . Addam quæ alij , seu incitia , seu pigrizia inexplorata dimisere .

Et certè non faciliè dixeris , vtra in re magis laboret ingenium, an tractata ab alijs argumenta retractando , an noua comminiscendo . Equidem in his viam tibi aperias necesse est , vtque ad metam pertingas, tuis ipse te pedibus tribuere : vtique cum desertas per Regionem, tamquam per Libyæ arenas, veluti va-
stum

flum per mare, nullo signata vestigio incedendum fit, in quibus

Lucan. l. 9.

Iter omne latet : nec sunt discrimina terra

Vlla -----

Nullusque potest consistere miles

Instabilis raptis, etiam quas calcet, arenis.

Exiguus profectò illorum numerus est, qui pariter, ac argumentum quoddam pertractandum sibi proposuere, viam statim inueniant, qua perducantur ad metam, imò plerique, cum iam sibi attigisse illam videntur, adhuc in principijs, atque carceribus consistereprehenduntur. Accedit quòd in tam varias, ac propè infinitas semitas, aliorum videlicet, qui præerunt vestigijs signatas, distractum ingenium in totidem laberinthos se inducit, è quibus euadendi difficultatem ipsa viarum multitudo facit. Hinc ista, quam in Testaceorum contemplatione honestissimam voluptatem asserre lectoribus constitui, non sane exiguo labore parabitur, quippe quorum, vel sola nomenclatura tam diuersa apud Scriptores est, vt non sine labore designatum ab illis corpus intelligas, de quo sit deinde differendum. Quanti verò erit operis eorum naturam causasque philosophando comprehendere? neque ideo tamen despondere animum; imò Platonis dicto inter huiusmodi angustias excitari te velim. *At non est nobis quoque natandum, conandumque, vt disputationis undas incolumes euadamus?* Aristotelem proinde imitabor, qui in triginta octo Sectionibus Problematum suorum plusquam mille quæstiones proposuit, ad rerum cæteròquì notissimarum arcanas causas eruendas. Ego quoque seligam aliquas ad solum Genus Testaceorum pertinentes, occurram dubijs per eas rationes, quæ se offerent, atque efficacissimæ videbuntur, ita dumtaxat, vt alijs integrum sit addere quidquid volent, itaque, quod ipse dixero, ex eo pretium habebit, quod alij, vel iam adiunxerunt, vel præstantius etiam subindè adijcient. Nempe, vt ait Aristoteles: *Quisquis aliquid de Natura dicit, & singuli quidem nil, aut parum ei addunt, ex omnibus verò collectis, aliqua magnitudo fit.* Quod si secus agerem, non vitarem temeritatis vitium, ab eodem Philosopho in alijs reprehensum, Laëtantio teste; *Aut stultissimos, aut gloriosissimos fuisse, qui existimassent Philosophiam suis ingenijs esse perfectam.* Conabor præterea id ita præstare, vt etiam mediocriter eruditus quam minimo labore ea contemplatio constet. Atque vbi vel Natura, vel Ratio

con-

Dial. 5. de
Rep.

Liq. 2. Me-
taph.

controuerſiam pepererit, primas partes Veritati dabo, Seneca Epiſt. 45,
 monito obſecutus. *Multum Virorum magnorum iudicio credo, ſed non me cuiquam emancipari.* Vbi deinde tam abſtruſum erit argumentum, vt ad intimiora penetrare ſenſus vetentur, dubitabo ſcilicet, atque ex illo *mibi videtur* eorum audacia reprehendetur, qui ſtatim facilèque pronunciant *ita rem ſe habere.* Apparebit demum quam voluptatem capere liceat ei, qui ex inſpectione Cochlearum didicerit, non eſſe indignas admiratione noſtra, imò deberi earum conſiderationem Philoſophia totius Naturæ ſcrutatrici, ideoque à Sapiente non alienam eſſe RECREATIONEM.

CAPVT PRIMVM.

Qua ratione mens, oculique Sapientis poſſint Cochleis delectari.

OTia, quibus Sapientes ſolent animum relaxare, haud ſunt in eo à curis omnibus reuocando, vt ſolent aliquando Nautæ, quorum mos eſt è naui in litus deſcendere, vt in eo vndarum agitationem tantummodo euitent. Oculus ſapientis Brutorum, & Vulgi oculis eſt longè diſſimilis. Hi enim non differunt à ſpeculo, in quo tantum nudum obiectum cernitur, eamq; ſententiam de eo proferunt, quam ſpecies ab eodem tranſmiſſæ ſuggerunt, albumque eſſe dicunt ſi album videant, bicolorem verò, ſi duobus coloribus picturatum. *Attonitum propterea facit Idiotam materia*, inquit Galenus, cum oculis uſurpat opus, vel Artis, vel Naturæ præclarum. *Artificij verò magnitudo Sapientem*, qui non oculis tantum, ſed mente perluſtrat. Intima hic obiecti quodammodo fibras penetrat, & veluti anatomico cultro præditus omnia diſpicit, nec à labore ceſſat, donec oblectamento illo afficiatur, quo poſt Geometricam demonſtrationem inuentam, centum victimas, vt Muſis gratias haberet, Pjctagoras iugulauit, & quo Archimedes ita à ſenſibus abſtractum ſcimus, vt circulo inſiſtens ſupra arenam delineato, ab horrida mortis facie non abhorreret, quam ei Dionij miles Syracuſas aggredientis minitabatur.

De uſu
par lib. 3.
c 10.

Plutarcus
in Marcello,

Eſt inquam Sapientis animi Relaxatio, vt ea, qua idem Archimedes in balneo ſæpius oblectabatur, Geometricis demonſtratio-

Plutar.
contra
Epic. sent.

De otio
Cap. 34,

strationibus studens, digitoque lineas formans supra corpus odoratis vnguentis delibutum. Adeo verum est maxima voluntate tunc animum affici, cum eo libere rapitur, ubi Naturæ rerum sensibilibus objicit venustatem. Quamobrem eam tanquam prouidam altricem esse obseruat Seneca, quæ ingenitam in homine sciendi cupiditatem possit explere, cum *curiosum nobis ingenium dederit. & artis sibi, ac pulchritudinis suæ conscientiam* spectatores nos tantis rerum spectaculis genuit, perditura fructum sui, si tam magna, tam clara, tam subtiliter ducta, tam nitida, & non uno genere formata, solitudini ostenderet. Et quocunque oculos conuertamus, ubique theatra rerum sciendarum amplissima patefunt, quarum cognitionæ utiliter animus oblectetur

E più dell'opra, (vt ille cecinit) che del tempo auanza.

Nec in tam vasta rerum cognoscibilium Vniuersitate, vel ex minimis aliqua potest indicari, quæ à curiosis Naturæ indagatoribus, veluti abditus thesaurus, non iudicetur. Singulis pedum vestigijs prodigiorum acruus subest, siue per amœna pratorum, siue per littorum spatiosa discurras, ubi flores quicunque, & arenæ fragmenta inter se notabiliter differunt, vel forma, vel colore, vel magnitudine, vel duritie. At aliqui mente nimis decepti herbas, vt ita dicam, veluti Bruta decerpunt, floresque calcant, eorum pretiosissimum succum negligentes. Quamobrem iure merito D. Leo omnes Mundi plagas paginas publicas appellauit, quæ ab omnibus quidem leguntur, intelliguntur à nemine.

Ser. 7. de
ieiun.

Quod si vniuersus Terrarum Orbis huiusmodi doctrinarum fodinas mentibus vbique proponit, in mari quidem præcipue, cuius in scopulis quoque ipsis, & lapidibus, inquit S. Ambrosius, reperit Natura, in quo delectaret. Veluti in omnibus montium præruptorum saxis, omnique speluncarum, licet abdito recessu, aliquid nascitur, quod medicinæ facultati adiumento est.

Præfati in
Psal.

Rerum profectò Nouitas vehementius mentem allicit quam excellentiâ; Quamobrem quæ assidue oculis vsurpamus, quamuis decora, & admirabilia ea sint, vt plurimum prætermittimus, nec oblectatione eorum animos recreamus, ignorantiam nostram hoc pacto lactantes, qua rerum cognoscibilium notitia mentes priuantur, thesauro scilicet pretiosissimo, sub rerum omnium superficie, tanquam velo, à Natura recondito.

Hoc veritati maxime consentaneum de quocunque maris Cophlea affirmare haud dubitabimus, si eius fabrica structuram

ram

Tam, si colorum varietatem, si partium ornamenta, quibus omnes condecorantur dispiciemus, adeo in singulis prodigiosa, vt cum qualibet cæteræ de pulchritudine dimicent.

*E quel che il bello, e il caro accresce all'opre
L'Arte, che tutto fa, nulla si scopre.*

Ars enim, qua exornantur, supremæ mentis est, vnde studio quodam laudabili in littoribus Oceani remotissimis colliguntur à multis, vt inter gazas pretiosissimas collocatæ lusus Naturæ oculis intuentium explicare possint, & oblectationem parere non imparem illi, qua Romanus Vlisses Petrus de Valle afficiebatur, cum Orbem Terrarum discurrens, *mores hominum multorum vidit, & Vrbes*. Ille enim Epistola vndecima referens Conchas in mari Rubro inuentas ait: *Pescava io, e presi quantità di Ostri- che, e Lumache di più sorti, tanti Coralli, e bizzarie di quel mare, che ne hò empiute quattro, ò cinque casse, e già le mando in Italia, per farne col tempo vna fontana in memoria de' miei viaggi. Nascono queste in certi fondi, de' quali è pieno il Golfo Arabico, e i Pescatori scendono in quei luoghi sin con la camicia à pigliarle, che l'acqua non arrina loro à mezzo petto. Io haueno gusto di dire, piglia questa, piglia quella, rompi quell'altra, e dauo anco di mano, quando bisognaua, essendo l'acqua chiara in modo, che si vede il fondo, più che non si fa à Pusilipo la state*. Hac ratione itinerum labores sibi minuens, dum oculos oblectamento demulcebat, vt olim suos Beda, huiusmodi Naturæ ludentis opera sibi proponens, eaque miracula dicens, *que cum veris, ac serijs negotijs quasi fatigata ludendo efformat*. Nec lusus Naturæ Sapientiæ Diuinæ ineptè tribuitur, cum in sacris paginis eodem significetur circa Mundi opificium intenta ludens in Orbe terrarum.

Tirius
ferm. 4.

Beda apud
Condon.
de Brigant.

Villa enim, vt ita dicam, menti spectanda in Cochleis proponitur, rustico quidem, & neglecto ornatu concinnata, at idcirco haud minus spectabilis, & decora. Hinc iure multi prima rei alicuius apparentia adeo vehementi capiuntur amore, vt cætera negligentes, in eiusdem contemplatione sistant, non studio prorsus inani, quo Xerxes ille Regum stultissimus Platanum, adamans, Trunci amore militum Turmis, quas in Lidia partibus ducebat, turpem nuntium remisit, imo laudabili, cum Dei opera perscrutantes, maxima è rebus minimis Sapientiæ Diuinæ argumenta percipiunt.

Allianus
var. hist.
lib. 2. c. 14.

Multorum profecto Librorum volumina, quibus notissima

B

plu-

pluries referuntur, vnica superat pagina, quæ aliquid noui menti dispiciendum proponit ; ideò laudibus semper celebrandam ; studioforum Academiam arbitror, quam Regiam Societatem Anglicanam dicunt, cuius Affectu hoc vnum agunt, & versant, vt Naturæ recessus vndique solerti, omnimodaque indagine magis magisque patefiant : necnon Collegium Naturæ Curiosorum, quod in libera Imperij Ciuitate Schuinfurti anno 1652. natales sortita est Virorum delectu abundantissimum, quorum plurimi per Germaniæ Prouincias dispersi, omnes medicis occupationibus dediti, physicis considerationibus, & experimentis vacant. Celebrandum pariter est Italicum Experimentale Sodalitium, cuius Collegæ veritatem adhuc ignotam experimentis detegunt, inter quos magni nominis Virum Florentia nutrit D. Franciscum Redi, Patriæ decus, literatorum non infimæ magnitudinis fidus, & ob experimenta quamplurima in Naturæ arcanis studiosè peracta Magnis Etruriæ Ducibus charum, vt cætera ommittam, in Europa instituta, ad rerum veritatem perquirendam Veteribus omnino ignotam, pateatque Senecæ effatum, qui dum viueret, ait : *Multa sæculis tunc futuris, cum memoria nostra exoleuerit reseruari*. Hinc etiam laudibus extollendus, qui Animalculorum partes minutissimas, nec antea visas, sinicroscopij ope mole auctas. spectandas proposuit, qui Araneorum formas, eorumque telarum structuram, tempus insuper & fabricandi rationem exactè animaduertit, qui multorum Insectorum fibras accuratissima dissectione lustrauit, omnes quidem Veterum Philosophorum iactabundas mentes redarguentes, multarum rerum cognitione penitus destitutas, comprobantesque, quod de Sapientia Diuina Vates sacer affirmauit, asserens. Deum mira semper operari, cum effundit illam *super omnia opera sua* ; Quamobrem Recens Auctor suo calamo extollens splendidam liberalitatem, & solertiam, qua Magni Etruriæ Duces Academiam promouent, ad res naturales attentè dispiciendas, institutam, eos dixit, *Promotori d'ogni marauiglia naturale, e benemeriti di simiglianti delitie letterate, che sono i degni trattiamenti delle anime grandi, e che raddoppiano la corona in chi regna fra prerogative di tanto acclamate eruditioni*.

P. Gio. Paolo Oliva
nelle lettere
Tom.
1. let. 653.

Plin. lib. 8.
c. 10.

Ea etiam de causa Alexandri Macedonis curiositatem probamus, naturam Animalium omnium dignoscendi cupidam ; quamobrem scimus Aristoteli summo in omni doctrina viro aliquot millia hominum in totius Asia Græciæque tractu parere iussu,
mirè

mirè quidem illum oblectantibus Animalibus, quæ ex varijs terræ marisque diffitis partibus deportabantur, vel Quadrupedia illa essent, vel Pennata, siuè Aquatilia; omnia sanè, aut forma, aut moribus, ad oblectamentum afferendum aptissima. Eorum partes deinde Philosophus pariter, & Notomista Aristoteles diligenti perquisitione singillatim recognoscebat, vt omnium mores, proprietates, & appetitus, si clarè non deprehenderet, saltem argueret; idcirco Quinquaginta fermè volumina illa præclara de Animalibus condidit, quorum aliqua, à temporum ruinis sublata, quidquid ille de Insectis Terræ, de Musculis Aeris, & Oceani Testaceis disseruit, nobis referunt.

Quamuis igitur vilissima sint omnium Aquatiliū Testacea, arguendum me fore haud existimauero, si paruo volumine in succisuis horis, rebusque magis serijs subtrahis, concinnato, quamplures Cochleas recensebo, quas, licet inutiles visas, ac flocci æstimandas, aptas tamen duxi ad ingeniorum, humanorum iactantiam infringendam, cum experientia satis abundèque sit comprobatum, quod Plinius in libris Insectorum animaduertit: *Rerum videlicet naturam, nusquam magis, quam in minimis, totam esse. Quapropter, inquit ille, queso ne nostra legentes, quoniam ex his spernuntur multa, etiam relata fastidio damnent, cum in contemplatione Naturæ nihil possit videri superuacaneum.* Quibus dictis non solum voluptas illa aseritur, qua ob nouas rerum cognitiones mens Hominum capitur, verum Naturæ voluntas explicatur, quæ, asserente Tertulliano, De Resur. non ad ostentationem inanem diuitiarum suarum res condit, sed e.ia.

Hoc de mari à nobis dicendum esse quis dubitet? sacro enim Vati, quælibet sub aquis condita obediunt, cum inquit; *Consteantur tibi omnia opera tua: benedicite Cete, & omnia que mouentur in aquis.* Neque linguæ vocisque priuatio locum dubitationi relinquit, ait acutissimè S. Prosper, cum laudantia dicantur, que sunt laudabilia, dum que non possunt eloqui, faciunt non taceri. Sub aquis enim, Nazianzeno docente, veluti Nautilus cognitio est, quæ sine remis, sine velis, & clauo, feliciter sinus Oceani profundissimos peruagatur, recessusque scopulorum abditissimos perlustrat, in quibus Purpurarum tincturas, & Concharum margaritas recognoscit, ac Platonis effatum damnat dicentis, *nihil memorabile producit mare.* Si Cælo illud compares paludi quidem non absimile dices, at prodigiorum fodinas eius

Lib. II

De Resur. e.ia.

In Pl. 140

sinus esse quis dubitet? Quamobrem S. Abbas Radbodus sub aquis vitam traducere posse peroptabat, ubi mira Naturæ opera sine vlla mentis euagatione contempleretur.

Magna quidem ad hoc requiritur Vis ingenij, & perspicacia; quoniam, cum aliquid difficile captu mente assequi non possumus, aut aliena nimis à veritate pronunciamus, aut omnino tacemus, ab eo animi mœrore abhorrentes, quo Tyrannus Ægyptiorum Farao excruciabatur, cum vilissimis ranis, & musciculis præfocatus indecorè moreretur. Quare etruscus ille Poeta res æque difficiles, ac iucundas scitu mente reuoluens, lepidè scripsit.

Hor dell'Ingegno ogni vn la zappa pigli,

E sudi, e si affatichi, e si affottigli.

Berni.

Idest Ingenij ligonem quisque arripiat, & sudet, defatigetur, & acuatur.

E quibus abundè comprobatur otio non inuiti Cochleas è littoribus colligi posse, non vt superuacanea ornamenta, sicuti mulieres Brasiliænæ, capiti imponamus, sed menti scientiam comparemus, quod Capite sequenti clarius comprobabitur.

CAP. SECVNDVM.

Qua ratione à Cochlearum contemplatione Menti oblectatio augeatur.

QUæ hæcenus dicta sunt, eam tantum delectationem explicant, qua purus oculus in rerum naturalium contemplatione recreatur; Quod si è rebus, quæ sensibus obijciuntur ad Artificem Diuinum, à quo, tanquam à perenni fonte, quidquid pulchrum, quidquid bonum est in Orbe terrarum, emanat, mentem nostram extoliamus, oblectamento prorsus inexplicabili afficimur. Brutorum profectò, non Hominum nos est, oculis tantum, non mente uti, in hoc adeò specioso rerum theatro, in quo, teste Epitecto, tanquam spectator nascitur homo, optime sciente pulchritudinem non possidentis, sed videntis bonum esse; quamobrem (ait ille) *turpe est homini, si inde incipiat, & eodem desinat, ubi cetera solent ratione destituta, magis autem conuenit inde incipere, in eo autem desinere, quodunque Natura nos enexit ad fastidium quoddam, quo nimirum res*

con-

contemplantur, eisque attenderemus, quas D. Gregorius, *tanquam vestigia Creatoris agnuit, & per illa, quæ ab ipso sunt sequendo, imus ad ipsum.* Moral. lib. 26 c. 8.

Neque debitum omne persoluimus, si cognitione solam curiositatem nutriendas, ieiunas prorsus animi affectiones relinquamus; rerum quippe naturalium varietatem frustra contemplantur, nisi earum Conditorum amemus. *Vanos esse sensus hominis, in quibus non subest scientia Dei, sacra testantur eloquia, & nulla prorsus utilitas est sola cognitione ad nos derivatur, nisi Thesaurus, in rebus latentes, percipiamus.* Quis Plinio, quis Aristotele in eruditione rerum naturalium maior? *Ita die Pent. ser. 3.* attamen illorum misertus est D. Abbas Clareuallensis, eo quod in rebus earum Ordinem, & Naturam, sint perscrutati, neglecto prorsus fine, in quem easdem Opifex summus direxit, ut nempe, ait Gilibertus, *prudenter intuenti admirationem Conditoris facerent, & pie consideranti amorem.* Ser. 3. in Cant.

Hinc S. Augustinum vehementer pcenituit sese otiosè Araneum obseruasse, qui Muscas venabatur, ac si truculentas Gladiatorum pugnas in Theatro circumspexisset, cum etiam ex aranei venatu haud parvam percipere posset utilitatem, salubriter animum erudiendo, ut S. Propheta David eundem in pomarijs videns, suos mores instruxit, dicens, *Anni nostri sicut aranea meditantur.* At ubi ad meliorem vitæ frugem se recepit, ab inutili sciendi voluptate abhorruit inquit: *At ego iam in illa vanitate non eram; transcenderam eam, & contestante vniuersa Creatura tua, inueneram te Creatorem.* Philosophos omnes insuper erudiens, cognitionibus tanquam alis vsuros eos esse, ut ad Dei solum mens euehatur, cum dixit: *Si placent corpora, Deum in illis lauda, & in artificem eorum amorem rectorque.* Lib. 8. Confess.

Neque longo pennarum volatu, sed vnico oculorum ictu opus hoc perficiendum esse docet Richardus Victorinus, cum attentè perquirens, cur in sponsa sacris Canticis descripta, Columbæ potius oculos, quam linceos sponsus adamauerit, demum ingeniosè sibi respondet: Oculos Columbarum sufficere, eo quod haud longè sponsus absit, sed vbique sit proximus, idèo *Columbinum oculum Amorem esse, qui in rebus humano vsui concessis, quocumque se vertit, familiarem habet admonitionem amoris.* Tract. de grad. char. c. 3.

Quamobrem Pinacothecam esse hanc rerum Vniuersitatem

rem S. Prosper iudicauit, in qua summus Rex, atque opifex Deus suas collocauit statuas, quibus publicatur. Illarum nempe nulli, licet elingui, dicendum est, *loquere, ut te videam*, ut olim discipulo Socrates aiebat: *Habent enim, si intelligantur, linguam suam*, ait S. Augustinus, qua suum Conditorum celebrant; & amorem erga eundem ab Auditoribus exigunt, & *undique omnia tibi resonant Conditorum, & ipsa species Creaturarum voces quadam sunt laudantium*.

Cum cæteris Animalium diuerforum agminibus omnes etiam species Testaceorum voces suas reddunt, carmine dauidico extimulante: *Volucres Cæli, & Pisces maris, & qui perambulant semitas maris*. Omnia enim statuis Mercurium referentibus æquiparauit Pachimerus D. Areopagitæ scholiastes, quæ rudi Minerua sculptæ, & pedibus manibusque orbatæ, numina condebant in sinu, nec ullam, licet ex minimis, rem indicare quis potest, in qua aliqua Diuini Conditoris prærogatiua non affulgeat. Conchulam maris aliquam menti tuæ proponas, inquit Tertullianus, & tibi, *crede mihi, patebit Deus, sanè totius expers inuidia per singulas Mundi particulas ubique splendens*.

Neque enim Diuini Conditoris prærogatiuæ radijs Solis tantum, & Planetarum Hominibus describuntur. Minimæ etiam vilissimæque res, quæ ante oculos stant, docente Seneca; auctorem suum ingerunt, & inculcant, nec obliuisci eius sinunt. Et à rebus medijs, & infimis nominatur Deus, sapienter inquit D. Areopagita: cum à singulis earum, aut Sapientia, aut Providentia, aut Bonitas eiusdem indicetur, quibus tam mira, tam pulchra, tam varia sciuit, potuit, voluitque conficere. Si ab eius manibus venustatem talem rudis materia mutuatur, qua nam pulchritudine prædita mens erit, à qua quælibet Orbem Terrarum exornantia perficiuntur: *Inuisibilia profecto ipsius à Creatura Mundi, per ea, quæ facta sunt, intellecta conspiciuntur*. Omniaque cum mediocribus minima, mediocria cum maximis assiduo Marte concertant, ut Artem sui Conditoris declarent non magis prodigiosam, quam dignam amore.

Hac de causa aliquos truncis arborum amplexus, & Plantis oscula dedisse, nobis narrant historia, non quidem amore erga eas ductos, sed Conditoris, qui hominum utilitati omnia perfecerat. Hac pariter de causa S. Rotardus floribus adeò suauiter recreabatur, ut cum virentibus non posset, saltem frueretur depictis, & apibus instar, mel è singulis delibaret. Maximus

insu-

In Psal. 16.

De cælest
Hierar. c.
2. § 5.

Lib. 1. de
benef. c. 12

C. Hierar.
c. 2. § 51

ad Rom. 1.

insuper Episcopus semper præ oculis eisdem habens , Dei præ-
rogatiuas , veluti coloribus in illis expressas , recognoscebat .
B. Ioannes Marinoni , inter Clericos Regulares ob sanctimo-
niam morum illustis , campos videns , seu virentibus herbis , seu
matura segete flavescentes , pias lachrymas copiosè effundebat .
Et D. Ignatium Loiolam in singulis rebus philosophantem defi-
xum hæsisse scimus , & animo pluries defecisse , ac si in singulis
attonitus redderetur ab ipso Deo , omnes earum partes moliente.
Qua de re S. Theodoricus orbem Terrarum contemplari
peroptans , eò quòd à gloriæ folio quodammodo recederet , suum
errorem apud Deum excusat , asserendo : à Mundo elementari om-
nes Hominum cognitiones expleri omnino posse . Nobis enim
extra Cælum exultantibus Deum clarè intueri non conceditur ,
sed ea recognoscere , quæ Deus ipse condidit , ob quorum noti-
tiam non mediocri de illo scientia potimur ; quare Salomon
vnumquemque nostrum alloquens , viam ad illam aperit , cum
ait : *Considera opera Dei* , porrò , *à magnitudine speciei , & crea-*
tura cognoscibiliter poterit Creator harum videri .

In medic.
de Christe
Crucif.
occupat.

Sap. 13. 51

Hac mihi suadeo animi relaxatione Regium Prophetam
Dauidem rebus sensibilibus delectatum , cum per amœna cam-
porum , per Aulæ cubicula , per silvarum inuia spatiabatur , vbi
varietate , & elegantia rerum , vel pulchritudine colorum , vel
partium dispositione mentis curas sapienter demulcebat , dicens :
Delectasti me Domine in factura tua , & in operibus manuum
tuarum exultabo , deinde Diuinam Sapientiam haud potens in-
rimè perscrutari , nec non prouidentiam , omnia gubernantem .
Quam magnificata sunt opera tua Domine , subiungebat , *Nimis*
profunda facta sunt cogitationes tuae , vir insipiens non cognoscet ,
& stultus non intelliget hæc . Stultus quidem , eò quòd intimè
omnia dispicere sibi suadeat , cum externam tantum superficiem
rerum contempletur , Insipiens verò , quia videndo attonitus
hæret , mentem suam ratiocinatione à Deo iussa minimè
exercens .

Psal. 96

Mirari fas est dum ab Ethnicis ipsis hanc veritatem do-
cemur . Plutarchum audiamus . *Amor Diuinus* , inquit ille ,
Traianum alloquens , mortalium oculis subiecit rerum bonita-
tem , & pulchritudinem , *ut ipsis , quæ foris apparent , gradum*
faciamus ad Diuinum illud amabile , & vere beatum , & admi-
randum pulchrum . Sicuti Geometriam addiscere cupientibus
pyramides , globuli , & cubi lignei , vel metallici proponuntur ,


In herot.

ut in materia figuras tantum speculentur.

Quæ cum ita sint, negandum profectò est temporis pretiosi iacturam fieri ab homine, illoque indignum esse, quamvis ei Natura os sublime dederit *Cælumque tueri*, in luto oculos mentemque defigere, in quo Testacea nascuntur: imò prudentis esse; cum eorum perquisitione adeò salubriter potest mentem suam erudire; non secus, ac sapientem diceremus Regem illum, qui gemmas in luto dispersas, ad diadema condecorandum, ditandumque colligeret.

His igitur prælibatis, contra aliena dicta me ipsum munire necessarium duxi, antequam Testaceorum tractationem aggrederer, demonstrando scilicet utile otium, quo sapiens in eis perquirendis oblectatur. Quamobrem nullorum irrisiones pertimescens, quamplurima è Maris fundo accepta, in conspectum dabo. Flumina enim ipsa, quæ suas opes feliciter in eo deperdunt, ac nomina, *elevauerunt vocem suam*, sacro testante eloquio: *Mirabiles elationes maris, mirabilis in altis Dominus*. Quippe sub aquis Innumera Testaceorum seges latet, quæ iure oculis spectanda proponitur, ut admirentur, menti verò, ut erudiatur, Animoque omni, ut erga Diuinum Artificem amorem, sese salubriter oblectando, concipiat. Feliciter igitur fruiere his epulis literarijs Quicumque hasce paginas pertractas. Illæ (benevole Lector) famem curiosam ut eximam, tibi donantur; si ventriculum nactæ fuerint fortè delicatioribus assuetum cibis, fastidientem animalia hæc Testacea, primo aspectu quidem horrida, sub eorum regumento scias iuxta Academicorum Intronatorum lemma, *Meliora latere*. Quod si mentem ægra accedas, prorsus abstineas rogo.

Ægro namque optima sæpe palato
Insipida, at sanis sit placuisse satis.



CAP. TERTIVM.

Animalium Testaceorum diuifio, in qua Specierum Varietas, eorundemque Origo indicatur.

AD explendam Curiositatem dignoscendi multiplicem Testaceorum Varietatem, quæ in vasto maris sinu generantur, haud certè eorum numerum perscrutari, quis debet, quoniam ex Dauidis ore, Oceani penetralia mentis oculo perquirantis, habemus: illic esse *Reptilia, quorum non est numerus*: & quamuis hiperbolicè loquutum esse intelligamus, cum omnino, quæ sub cælo sunt, finito numero comprehendantur, non tamen à quauis mente, sed à Diuina tantum, quæ omnia procreauit, possunt singula numerari. Sufficeret autem omnes eorum species, aut formarum peregrina diuersitate, aut partium combinatione, aut colorum varietate, inter se distinctas, quasi militari ordine ante oculos dispositas cognoscere; quod sanè obtineretur, si oculos conuertere fas esset in eam Turrim, è qua, Calligulæ Imperatoris mandato, mira Concharum Cochlearumque copia pendebat, vt in Posteris memoria excitaretur præclatæ, siue, vt verius loquar, stultæ victoriæ è mari relata, cum contra ipsum acies bellico timpanorum, tubarumque sonitu immittens, manum implere Conchilijs litore dispersis, militibus singulis imperauit.

Verùm etsi curiosorum oculi circa ipsam defatigarentur, quid profectò, nisi angusti litoris fructus dignoscerent? non autem cochleas in fœcundis vasti Oceani sinubus mira assiduaque varietate productas. In cupidum singulas numerandi eam Biantis irrisio meritò caderet, qua illos prosequabatur, qui cum Pisces in angusto maris sinu viuentes numerare non valeant, multiplicem stellarum varietatem, eamque ab oculis remotissimam inquirunt. Ingens profectò sub vndis Animalium Testaceorum numerus delitescit: & ne meritò irridear, omnium generationes singillatim referre non audebo, verùm aliquas eligens ex multiplici specierum varietate, quas in laudabili otio obtinuit curiositas, ostendam.

Apud Auctores, qui de Testaceis tractationes instituerunt,

non eadem fuit eorum diuifio . Aristoteles æquè accuratus , ac curiosus Naturæ perſcrutator , poſtquam multos cetarios , & hamiotas defatigauit , Alexandri Macedonis ſtipendio laborantes in expiſcando ex altis Pelagi fluctibus , quidquid philoſophica dignum erat obſeruatiōe , ea in quatuor Clafſes diuiſit , ac ſingulis earum diuerſas alias ſpecies comprehendit , vt cap. 4. lib. 4. hiſt. animal. apparet . Etenim quia ad eorum plenam cognitionem haud neceſſaria eſt perfectæ , & iuxta leges Logicæ , ſed prudens diuiſio voluntatis . vt ea , qua totus Terrarum Orbis in quatuor partes diſtinguitur , vel in oſto intenſionis gradus , calor , & frigus ; Omnia hic cum Aldrouando inter Scriptores eruditiffimo in duas Clafſes diſtribuam . Vna comprehendet ea , quæ vnica teſta circumteſta , Vniualuia dicuntur , altera , verò , quæ binis valuis deſenſa , vocantur Bidualuia .

Lib. 3 de
Teſtaceis.

Inter hæc autem Animalia aliqua , veluti milites cataſtracti , teſta vndique circumtegentur , vt Echini , alia ex tegumento vnico , quo defenduntur , aliqua ſui corporis parte exeunt , frontemque oſtendunt , quaſi dimicatura , duobus , aut quatuor corniculis armatam , eiſque quidquid progreſſum in via impedire poteſt , explorant . Huiusmodi ſunt Turbinata . Bidualuia verò ita binis valuis clauduntur , vt non ambæ ex omni parte arctè inter ſe coniungi poſſint , ſed in aliquibus ſunt perfectè cluſiles , in aliquibus ore aperto aliquantulum hiant , vt in Balanis , Tellinis , Daſtylis , Pectunculis , & his ſimilibus .

Huiusmodi diuiſione comprehendimus ea omnia , quæ Plinius longè pariter , ac confuſè deſcripſit , poſtquam in diſſicillima Piſcium perquiſitione vltra centum ſexaginta quatuor diuerſas ſpecies numerauerit . Vbi enim agit de Teſtaceis . *Concharum genera* , inquit , *in quibus mira ludentis Naturæ varietas , tot colorum differentie , tot figuræ , planis , & concavis , longis lunatis in Orbem circumactis , dimidio orbe caſis , in dorſum elatis ; leuibus , rugatis , denticulatis , ſtriatis , vertice muricatum intorto , margine in mucronem emiſſo , foris effuſo , intus replicato , iam diſtinctione virgulata , crinita , criſpa , canaliculatum , peſtinatum , imbricatim vndata , cancellatim raticulata , in obliquum , in rectum expaſa , prædenſata , porrecta , ſinuata , breui nodo ligatis , toto latere connexis , ad plauium apertis , ad buccinum incuruis .*

Non tamen plenè , ſic deſcribens , leuigatas omnes , & aſperas comprehendit , non armatas , vel inermes , non nitidas , vel aſperas , non expaſas , vel ſpiris conuolutas , non planas , vel tumefcentes .

mescentes, non striatas, non pellucas, & quotquot ingenioso studio Natura efformauit, mira colorum varietate ita eas exornans, vt singulas distinctè obseruare oculus non valeat, sicuti intimam earum cognitionem assequi intellectus desperat. Sed hoc manifestius constabit, cum formarum venustatem, & varietatem colorum obseruantes, videbimus, quam clarè Diuini Conditoris Sapiencia in eis elucescat. Nunc post breuem enumerationem earum Origo indaganda est.

Si huiusmodi Animalium varietate copiosæ Philosophorum Turbæ paranda cæna hic esset, vt solebat ad gulæ oblectamentum antiquitus, & omnium voces excipiens, sicut olim Tullius Tusculanas Quæstiones, singulorum sententias exponere conarer, non tam è litore soluens, immenso pelago nauim audacter traderem, sed propè Nembroti Turrim in linguarum confusionem inciderem, cum ea sit inter Philosophos altercatio, opinionumque diuersitas, vt non veritatem prosequi velle, sed pugnam fouere acriter videantur. Aliqui enim Ignem elementarem rerum Parentem vocant, alij verò Aquam: sunt, qui vel ex eorum confusione, vel ex proportionem harmonica numerorum, vel ex artificioso Naturæ studio, vel ex fortuita rerum combinatione omnia deducunt. Est satis notus Democritus ille, qui à catholica fide, ac à rectè philosophandi norma æquè aberrauit, putans casu progenitam hanc Rerum varietatem, quæ Mundum exornant; nunquam satis damnandus cum ijs, à quibus, res minimas penitus inutiles credentibus, summi Opificis Prouidencia, ac Potentia sapientissima impiè negatur.

Nonnè forsan vna cum cæteris rerum omnium choris, hic quasi infimus Animalium conditorem suum publicat Deum? & eloquenti, vt ita dicam, silentio assidue explicat magnum illud Diuinæ mentis volumen, in quo quidquid possibile est exactè describitur; & quia sub vndis copiosissima latet Testaceorum Turba, Diuitiæ eiusdem ostenduntur, qui penè innumera in singulis speciebus progignit, non sicuti inter maiora Animalia, quorum numerus ad pauca dilatatur.

Cum primum Orbem vniuersum condidit, in tam miro, varioque rerum opificio nullum alium admisit, quasi ad laborum leuamen, (si tamen labor tribuendus est ei, qui sola sua voluntate mentis ideas perfectissime exequitur) tunc enim omnia per ipsum facta sunt, eo vocis imperio, quæ vocat ea, quæ non sunt, tanquam ea, quæ sunt: Vnde cum primum in Aquis Ani-

malum vitam habuerunt, ipse Conditor illis est elargitus; idcirco post verba illa: *Producant aquæ addidit sacer Historicus, creauitque Cete grandia, & eorum animam viuentem, atque motabilem.* In præsentia autem minori, vt ita dicam, studio vult ea fabricare, alijsque diuidens laborem, operatur vt scribendi Præceptor, à quo discipuli manus in scribendo ita regitur, vt ambo eam mouentes efforment characteres, æque à magistro, ac à discipulo exaratos, ita tamen, vt huius manus impulsu ab illo recepto operetur.

Sed antequam ad causas inquirendas deueniamus, simul cum quibus Agens Vniuersalis vitam communicat Animalibus Testaceis, quæ immensos Océani sinus replent, scienda hic est, magna lis, qua curiosi Perscrutatores inuicem altercantur. Aiunt multi, eis inesse Virtutem quamdam propagatiuam, sicut in cæteris Animalium perfectorum speciebus. Alij iudicant omnia nasci sicuti cætera Insecta è massa aliqua putrefacta, prout exigit accidentalium rerum combinatio, è quibus talis massa componitur, nec omnes ipsorum vitæ originem eandem putant. E Terra suboriri, veluti è sepulcris expergefactas, Animas falsò aiunt aliqui; sunt qui omnibus tam mortuis, quàm viuentibus hanc generandi virtutem tribuunt, imò corporibus putrescentibus, asserentes, causam esse putredinem ipsam. Nec desunt, qui naturalem aliquam coctionem opinantur, quique animam quandam, vniuersalem Mundi vocatam, aut Elementorum, aut abditarum influentiarum, siuè cœli, siuè ambientis, siuè caloris, à cuius vi fragmenta quædam vegetabilium, & sensituarum animarum, inter cadauerum latebras otio torpentium, ad illam corruptam materiam animandam excitantur.

Sententiarum harum examen nullatenus hic aggrediar. Animaduertere tantum sufficiat, quam perarduum, incertumque sit, veram causam Efficientem Animalium, spontè nascentium recognoscere. Vndè Galenus assequi eam posse desperans, ab incepto desistit, respuens opinionem Platonis, quam sequuntur Scotus, Suarez, alijque, cum asserunt, à manu Dei omnipotenti illa produci in materia præexistenti dispositaque, ne sibi persuaderet Potentiam illam, quæ cæteris virtutem formatricem sapienter communicat, ad efformandos scorpiones cochleas similesque vermiculos descendat. Quod idem negans recens Auctor in suis accuratis obseruationibus circa generationes Insectorum, timens, ne Peripateticorum Turba in ipsum inue-

here-

heretur, qui alunt: Non posse rem nobiliorem à minus nobili generari, suadere potius sibi conatus est cum Empedocle, & Pittagora, ab Aristotele relatis, vitam sensitivam etiam Plantis inesse, eamque Animalibus posse communicari: Ac si veritati consentaneum esset, quod pulchro aurium blandimento Fabulæ finxerunt, cum dicerent: Armorum ictibus vocem, & cruorem ex Arboribus emanasse, sub quorum corticibus Polidori, & Amadriades circæis artibus latitabant.

Qui Deum rerum omnium Auctorem, & cuiuscunque animalculi conditorem non affirmat, acriter à D. Augustino reprehenditur; *Quando expanseis*, inquiens, *in minimis laudam Magnum*. *Qui fecit in Cælo Angelum, ipse facit in Terra vermiculum*: Quod non solum credendum est de prima rerum productione, verum etiam de cæteris, & si omnium conditor vnicus affirmetur, latabitur Mare, sicuti campi, vt inquit Plinius, quos manus Regum colebant, gaudente terra vomere laureato, & triumphali Aratore, copiosis fœtibus fœcundum, conditis à Diuini artificis manu, non ideo minori pretio habenda, quia materiales animas effluxit, dum sua virtute è vili massa-venustatis prodigia produxit. Eadem, inquit S. Ambrosius, si cut non laborat in maximis, ingentes quercus, & Cete grandia componens, ita non fastidit in minimis, reddens prodigiosum naturæ portentum vilem vermiculum, aut luteam cochleam, & sacri Vatis effatum comprobans, dum facit mirabilia magna.

SOLVS.

Et quidem, vt verum fateamur, nonnè huiusmodi rerum opificium adeò mirabile est, vt cuiuscunque mentis studium explere possit, indèque pateat, quod S. Augustinus pronunciauit, Deum videlicet, ita artificem esse magnum in magnis, vt minor non sit in paruis, quare cum Pisida attonitus hæreat.

Mirando, come la Diuina forza

Non si ristette, finche non aggiunse

Lauor immenso alle sue picciol'opre.

Si testam obseruas, deprimunt nè Dignitatem Artificis circumsolutiones illæ, admirabili quodam artificio procedentes? damnant fortasse orbes, quibus seruata proportione finiuntur? Imò potius celebrant, cum è lapidea materia compactæ ceræ mollitiem ostendunt in multiplici varietate formarum, tot colorum, tot incisionum, tot anfractuum dispositione perornata. Si verò cum insentatis rebus, licet præclaris, de nobilitate,

in Ps. 148.

Cap. 2. in
Genesi

Ps. 71. 18.

De Ciuit.
Dei l. 11.
c. 21.
De Opific
Mundi

De usu
par. l. 22;

contenderent, litem definiret S. Augustinus, qui muscam, eò quòd sit anima prædita, antecellere Soli, Planetarum principi, definiuit. Qui eas tanquam luteas animas, adeòque viles affirmat, palinodiam cantabit profectò, cum Iuristis, qui è pulchritudine corporum venustatem arguunt animarum, quibus à Natura conueniens domus fabricatur.

3. in Caon

Pf. 144.

Hæc indicasse sit satis ad defensionem illorum, qui cochlearum productionem perscrutantes, immediatam causam, earum affirmant Deum, semper maiori æstimatione habendum cum Giliberto Abbate, qui copiosas variasque rerum species ab eo conditas mente peruoluens, illi dicebat: *Vbique totus es, ex toto te vbique operaris, & virtus tua vbique, & tota operatur, licet non tota vbique expendatur.* Semper in nouas productiones intenta, & toti terrarum Orbi potentia suæ thesauros impertiens, vt cecinit Propheta, præuidens longæuam assiduamque seriem productionum: *Generatio, & Generatio laudabit opera tua, & Potentiam tuam pronuntiabunt.*

CAP. QVARTVM.

Quæritur an Cochleæ Propagatione Specierum generentur, aut potius Spontè ex se nascantur.

Propagationem specierum in Testaceis negauit Aristoteles, eaque, sicuti Insecta, è massis putrefactis spontè nati affirmauit. Antequam ad Quæstionis examen deueniamus, indicandæ sunt diuersæ generationes, quibus Viuentia producuntur. Triplici igitur modo, docente Philosopho, quorumcunque Animalium partus vitam sortiuntur, siue propria virtute, siue ab altero communicata concipiuntur à parentibus. Multa enim generant filios perfectos, qui perfecta similitudine causæ productiue assimilantur, cuiusmodi sunt Homo, Leo, Equus; Multa verò pariunt ouum, quod animal dici non potest, licet contineat partem aliquam, ex qua Animal formatur, & partem aliam, ex qua nutritur, antequam in lucem prodeat, & hac ratione Anes aliaque Viuentia, tum Terrestria, tum Marina generantur. Alia deinde vermem producunt, qui licet dissimilis gene-

generanti paulatim eius speciem induit, & hoc pacto multa insecta efformantur.

Præter generationes huiusmodi, quibus species Animalium propagantur, aliam notat Aræus, vocatque Metamorphosim quamdam, siue subitam transformationem, quæ tunc accidit, cum è materia disposita nascens Animal è nulla causa, vniuoca, suæ speciei propagatiua, procedit, citatque Aristotelem, qui de huiusmodi Viuentibus sermonem habens: *Quorum scilicet inquit, materia potest à se ipsa moueri eo motu, quo semen mouet in generatione aliorum Animalium*, qui motus dicitur spontaneus, & casualis, eo ferè modo, quo aliqua ab Arte fabricantur, velut opus Architecturæ, nec aliter possunt esse; aliqua verò, & ab arte, & à spontaneo motu possunt obtineri, vt sanitas. Horum autem origo solet esse putredo, lutum, excrementum, siue alia, in quibus insit Virtus efformatrix, & productiua, quæ iuxta Aristotelis sententiam est calor quidam Vitalis, iuxta Fernelium calor cœlestis, & primigenius toto elementari Orbe diffusus, secundum alios verò qualitates diuersæ, quorum non licet indaginem instituere, sed solum Cochlearum originem inuenire.

Exerc. 45.

Metaph.
lib. 7. 8.

Quicumque rerum generationem fieri propagatione specierum affirmat, etiam sub frigidis aquarum vndis eum ignem excitari putat; quo viuifica quadam Virtute, vt docebat Parmenides, omnia producuntur. Qua de re Lucretius, alloquens Deam illam, cuius nomine Veteres cum Platone significari voluerunt Providentiam, quæ Animalium generationibus præest.

Lib. 12

----- Ita capta lepore, (inquit)

Illecebrisque tuis omnis Natura Animantum

Te sequitur, cupidè quò quamque inducere pergis.

Denique per maria, ac montes, flumiosque rapaces

Frondiferasque Domos Animum, camposque virentes

Omnibus incutiens blandum per pectora Amorem

Efficis, vt cupidè generatim sæcla propagent.

Nasci verò ex Cochleis oua docuit in suo Prodro-mo Illustrissimus Præsul Steno, vbi habet: *Experientia constat, Ostrea, & alia Testacea ex ouis non ex putredine nasci.* Hæc autem sententia, directè Aristoteli opponitur, qui postquam multos Piscatores ingentibus Alexandri Macedonis expensis defatigasset, vt sub mari Naturæ Arcana pernosceret, constanter affirmauit: *Vniuersim omnia Testacea spontè natura in limo diuersa pro differen-*

De solido
in solidum
pag. 55.Lib. 5. hist.
Anim. c. 15.

tia

Martinus
Lifter de
Cochl. pag
107.

Pag. 119.

zia limi oriri, nam in canoso Ostrea, in arenoso concha. Quamobrem cupidus ab experientia ipsa veritatem addiscere, antequam obtinere illam possem, recentioris cuiusdam Tractatum de Cochleis Londini impressum legi, in quo asserit Cochleas non solum, ut pisces ex ouis, sed virtute ab alio accepta generari, sic habens: *Cochleas autem in coitu generari nihil dubij est, quod ipsum in multis earum speciebus tum terrestribus, tum fluviatilibus sæpius obseruauimus; & postquam multa experimenta in Terrestribus Limacibus facta retulerit, quæ curiosus Lector ibi inueniet, ita loquitur de Aquatilibus: Mense Maio Ostrea faturam eijciunt. Figura lenticulari est, & ipsis lenticulis paulo maior. Saxis verò veteribusque Ostreorum testis rebusque similibus per maris fundum dispersis adhæret. Non sinè ratione coniungunt recenter edita oua intra viginti quatuor horas testis contingi. Mense Maio Piscatores captis Ostreis faturam à re, cui adhæret, leniter cultello separant, ea re mari rursus commissa, ut loci fecunditas imposterum præseruetur, nisi ubi adedò recenter edita sit proles, ut tuto diuidi non possit. Post Mensē verò Maium, auferre furtum est, nec nisi Ostrea, quæ iustæ magnitudinis sunt, impunè capere licet. Hanc verò prolem, aliæque Ostrea ad quosdam maris sinus deuehunt, ubi ea alueis quibusdam maritimis demittunt, quos lectos, siue strata vocant, ibi adolescunt, & pinguescunt.*

Alij, qui in eadem sententia conueniunt, eam historia quadam Eliani confirmant, referentis quasdam conchas sub mari Rubro viuere, quarum vna ita arctè alteri adnectitur, ut dentes ambarum perfectè simul vniantur, adedòque manifestè comprobatur (aiunt ipsi) verum esse, quidquid in sua Mytologia dixit Fulgentius, quòd nempè Concha marina toto corpore simul aperto miscetur in coitum.

Hæ sunt bases, supra quas talem sententiam stabiliunt, quæ cum mihi semper visæ sint parum firmæ illi assentiri haud potui, E ne longè aberremus à mari, in cuius litore disputationem instituiamus, omittamus ea, quæ de Terrestribus Cochleis narrantur (ab aliquibus enim oua producuntur, & simul nascuntur spontè, sicuti mures, & herbæ quamplurimæ) deducenda fortasse idcirco erit ex peculiari, vel vnica obseruatione, vniuersalis illatio? Fallacissimum profectò argumentandi genus, cum potius è quamplurimis eruendam illam esse, quisquis Dialectica vel leuiter imbutus, pro comperto habet, quando

habet,

habet, quando philosophari aliter non possumus, vt veritatem, in aliquo rerum abditarum genere absconditam inspiciamus. Quamobrem multiplicem eorum generationem hic enarrabimus; sed primum sciendum est, quod in multis post exactissimam anatomen obseruauit Aristoteles, rudem nempe partium molem inesse Cochleis marinis, sine sexus diuersitate, sine membris ad propagationem aptis, vt suo loco clariùs patebit, ex quibus arguit nullatenus à Cochleis progigni alias posse, vt ab Animalibus perfectis; cum certissimum sit à Natura data esse omnibus instrumenta ad finem obtinendum apta. Quod si Eliani veram opinemur historiam, eam arbitror conuenire quibusdam Conchis, quæ binas valuas ita arctè simul connectunt, vt non duæ inter se coniunctæ appareant, sed vna quodammodo nulla diuisione circumscripta videatur. Non igitur ex diuersi sexus commistione generare possunt Testacea, nec etiam possunt fecunditatem ouorum habere. Habentur quidem oua præcipuè à Turbinatis tempore Veris, & Autumnii, vt obseruat Aristoteles, at quia non aliquo determinato, sed totius anni tempore in ipsis insunt, definiuit vulgò dici oua per quandam nominis analogiam, & ab eis tanquam ab adipe nutrimentum Animalis, non fecunditatem indicari. Præterea si materia, ex qua generantur Oua, est Sanguis, vt ipse Philosophus docet, affirmandum necessariò est, nullum Animal exangue, ideòque nullum testa circumtectum, esse oniparum, & licet oua produceret, illa esse ad generationem inepta, quæ sine generis commistione pariuntur, etiam mulierculæ sciunt.

Tali base in hac quæstione fundata, diuersarum specierum generationes, & partus si inspiciamus, omnes vno eodemque modo fieri videbimus. Apud Aldrouandum legimus Incolas Pirræ Insulæ in Lesbio nunquam inuenisse Ostreas numero auctas, licet semper mole maiores in eo maris sinu, ad quem solebant trasferre, vt pinguius nutrentur, quod idem de multis lacubus affirmat Aristoteles lib. 4. de gen. Anim. In Piscinis nouis aqua maris repletis Testacea multa spontè exorta fuisse narrat Kircherius. Apud Tarentinum litus vbi Mare paruum dicitur, generantur Conchæ illæ, quas Incolæ dicunt Cozze Mitulos Latini, nec alibi, quam in Palis, & stipitibus, qui humi figuntur eo modo quo Venetijs ponuntur ad fundamenta Domorum stabilienda, eisque nauiculas onerant, deinceps

Lib. 3. de
Gener. c. 1.
p. 14.

Hist. anim.
6. c. 2.

Lib. de
Testac.

In Mundo
liber.

transferunt ad alium Maris sinum , vbi nunquam generantur , sed solum molem augent , aptioresque redduntur ad mensas . Progenitam esse magnam Ostrearum copiam in cœnosis Pelagi locis , vbi exhausta aqua , temperies fuit in luto apto , ad earum generationem didicit ab experientia Aristoteles , & ego ipse ab eadem edoctus vidi Conchulas Cochleasque inter saxorum abditissimas rimas , & cauernulas delitescentes , quæ de profundo Mari eruta in frustra disrupi . præcipuè Mitulos è superficie illa lutea pendentes beneficio tenuissimi fili tanquam fructus ex arbore . Insuper Microscopico instrumento sum sæpe diligenter vsus , vt in arena Testaceorum oua distinguerem , nil tamen aliud , nisi testas inueni , & adeò paruulas , vt inermem oculum penitus diffugerent , omnibus licet partibus Cochleæ absolutæ , orbibusque eleganti ordine circumductis , non absimili modo , quo etiam maiores , & maximæ circumplicantur . Quæ perfectio fortassè nulli Naturæ opificio conuenit , cum gradatim semper suis in operibus ad perfectiora procedat . Narrat insuper in Relatione Congi Philippus Pigafetta Turbinatas testas generari supra Balenarum cadauera , quæ in litora affricana marini æltus trasferunt post truculentam pugnam , qua sæpè inuicem congregiuntur . Aldrouando teste , *nauius , putrescente fece spumosa , adnascuntur* , sicut apud Rodiorum Vibem supra luteas testas in loco , olim Cochleis penitus carente , *obducto cæno Ostrea reperiebantur* . Hoc etiam pacto è truncis putrescentibus nascuntur Conchæ illæ , Anatifæræ dictæ , de quibus suo loco agemus , sicut etiam de Dactylis , & Balanis intra viscera saxorum delitescentibus . Apud Insulam Loandam *Ambiazamatare* vocaram , hoc est Piscem lapideum , magna Ostrearum copia generatur supra cortices arborum , quæ sub marinis undis virescunt .

Ex hac igitur aliarumque similium generationum inductione , quæ adduci huc possent , Conclusio Oppiani Aristotelicæ consentanea deducenda videtur , hoc est .

Quæ non concumbunt , nec fetus nexibus edunt

Per se nascuntur , sedo , velut Ostrea cæno :

Est non distincto semper leuis Ostrea sexus :

Hos inter pisces , nec mas , nec femina nota est .

Possent quidem dici foecundæ Cochleæ , vt Plantæ , quibus earum multæ assimilantur , idcirco Plantanimalia dictæ à Philosopho ; & si Virtutem propagatiuæ , vt Plantæ , non habeant fructu ,

Lib. 3. de
Gen. anim
c. 11,

Lib. 3. de
Testac.

fructu , in quo semen ad speciei propagationem seruatur , habere eam tamen possunt in corpore diffusam , vt ex Plantis multæ eam habent in radicibus , & trunco . Anguilla , cui sexus discrimen , oua , & semen Natura negauit , *atterit tamen sese scopulis*, inquit Gassendus cum Plinio, *eaque strigmenta viuiscunt, nec alia est earum procreatio* . Huic sententiæ fauet fœcunditas Purpurarum , quam cum Aristotele multi supponunt ex eo , quia tempore veris ex testis quidam humor mucosus effluit , ex quo deindè primùm condensato , & quasi putamina Cicerum referente , postea putrefacto , humoque diffuso aliæ purpuræ generantur , Fœcundæ tamen analogicè dicuntur Purpuræ , sicuti fœcundos fungos dicimus (si tamen verum est illos nasci in locis madefactis aqua , in qua decocti sint fungi) ex humore aliquo illorum , vt apud Cubaguam Insulam certis anni diebus Ostreæ humorem quasi menstruum emittunt, quo aqua efficitur rubra . Putamina enim illa dici non possunt oua , quæ vt talia sint , debet Animal intra ipsa generari . meo quidem iudicio massam illam concreti humoris non à Purpuris progenitam duxi , cum è mari Purpurarum fœcundo acceptam diligenti indagine peruoluï , sed potius Alcionium Dioscoridis , quod Imperatus inter Alcionia Secundum appellat . Ranæ , vt Plinius affirmat , *resoluuntur in limum nullo cernente , & rursus vernis aquis renascuntur* ; quamobrem , inquit Gassendus Testacea , & Zoofita renascuntur in locis, vbi alia primùm vixerint , quia humi aliquæ particulæ primigeniæ eorundem insint , aut quia in cineribus putrefacti cadaueris inest aliqua dispositio , licet occulta , ad nouam perpetuamque indiuiduorum similium generationem . Hinc probabile redditur quod in Palladio retulit Fabri , generationem videlicet spontaneam è virtute , toto in corpore diffusa , à se obseruatam fuisse etiam in rebus , quæ virtutem propagatiuam speciei habent, tunc quando ex eis beneficio artis spargiricæ sal separatus , humoque sparsus , vt vegetabilium semen , caloris , & humiditatis Elementorum auxilio , aliud corpus primæuo simile portentoso naturæ arcano germinauit : *Id experientia tentare poterit Zoilus quiuis* (sunt verba Fabri) *si ex calcinato aliquo mixto vegetantem salem extrahat purum putrum , ab omni terrea fœculentia defæcatum , lotionibus , filtrationibus , & euaporationibus idoneis , donec in igne leuissimo velut cera liqueat* . Hoc pacto cuiuscunque Plantæ sal separatus : Terræ mandatur sub dio , aliorum *seminum instar* . Tum aliorum *seminum*

De hist.
Anim c. 11

Olaus magnus §. 1.

Li b 9 c 5

Io. Fabri
Pallad.
Sparg c. 2.

num instar, statim conuocato spiritu Mundi in aere residente, & terra, & aquis ad generationem rerum omnium, statim putrescit, & germinat, simileque mixtum gerit, neque sal terræ mandatus extractus est. Mirum certè, & quasi incredibile, sed quod vidimus, & fecimus facillè testari possumus. Quod & ultra ratione summa peruestigauimus, eique tandem experientia ipsa consonum, reperimus. Hinc in pbialis vitreis possunt flores, possunt plantæ plantari, & nutriri, crescere, & germinare.

Si vera sint hæc, vt Fabri affirmat, quis credere recusabit, quod Petrus Gilius refert. Bizantinos videlicet Ostrea serere, quæ Vormius refert dici ab Italis *Gauatoni*, & eorum quasi lac in testis feminare, id ipsum enim in aquam iniectum ad saxa ima adhærescere, & Ostrea fieri.

Alij verò cum Arueo iudicant spontaneos partus in lucem prodire non quia hæc virtus causæ Vniuocæ præexistat, verum, quia in terra marique insit, nescio quod, semen, quod ipsi vocant genericum, quia ad generationes aptissimum. Hoc docuit Fabri, & Kircherius noster: *Fiunt Cochleæ* (inquunt Ambo) *ex semine generali viscoso, & tenaci ipsius aquæ, viuunt ex eodem*, quod à Deo Terræ Marique datum est cum imperauit, vt Terra produceret animam viuentem in genere suo, Iumenta, & Reptilia, & Bestias Terre secundum speciem suam, & Aquæ producerent reptile animæ viuentis, & volatile super terram. Aut quia Deus infuderit proprium semen cuiuscunque rei, vt opinatur Gassendus, & manu adedò liberali, vt nunquam spontanearum generationum series terrarum in Orbe deficeret. Hinc Veteres miram fecunditatem maris agnoscentes, Deoque soli conuenire putantes, illud Neptunum dixere, nempe Deorum Parentem, cuius manum loco sceptri tridenti hasta exornarunt, vt ipsa dominium aquarum in triplici Regno, Animalium nempe, Vegetabilium, & Mineralium corporum indicaretur. Nos qui verum, & vnicum Deum adoramus, & credimus, virtutem hanc ab eo donatam dicemus, & ne pulchra hæc productionum series deficeret.

*Continuò has leges aeternaque fœdera certis
Imposuit Natura locis.*

Quo autem pacto ad finem statutum perueniant, atque in ips animal in lucem prodeat, altioris indaginis res est, & admiratione potius, quam examine mentis humanæ digna, sicut si quis in siluis nutritus Artiumque mechanicarum penitus rudis, horolo-

Lib. 4. Pa-
chim c. 27.
Dial. 2. c. 7
itiner.
zitat.
Genes 1.
Phil. 10. 3.
de gener.
Animal.

horologium rotatum inspiceret, mirari quidem posset morus, & partes à quibus tale opus componitur, nunquam verò cognoscere quo factum fuerit artificio. Verum hæc omnia, quæ in hoc Capite dicta sunt, in fine libri forassis, vel libello alio contra oppugnantes exarato, enucleatius discutienda erunt.

CAP. QUINTVM.

Exponitur Generatio Balanorum eaque confirmatur Caput præcedens.

Multas inter Bivaluium species una est, quæ Balani nomine appellatur, qua voce quidquid glandium nomine à nobis intelligitur, Græci significant. Hinc multæ Balanorum species, ut suo loco videbitur. In præsentia haud intelligendi sunt ij, quos Petrus Gillius *leues*, dixit, & in *cauernis saxorum stabulari*, quoniam hæc etiam conueniunt Daëtilis Bivaluibus propter similitudinem, quam habent cum Palmæ fructibus sic appellatis, sed de ijs, quos in nostro Tractatu num. 25. & 26. Classis secundæ posuimus.

Part. 4.
Class. 3.

De eisdem loquens Aldrouandus dixit: *In litore Anconitano saxa magni ponderis quinquaginta, & plurimum librarum è mari trahuntur. His color, & constitutio exterior ea est, quæ lapidi Aetiti: rudis nimirum, & non difficilis læsu, aut tritu: interior verò crusta; aut tunica dura est, & quæ poliri possit, haud secus, atque interior Aetite tunica, colore etiam subcæruleo. Rumpuntur hæc saxa maioribus malleis ferreis, non quò intus, ut in Aquila lapide alius calculus inueniatur, sed quo pisciculi delicatissimi extrahantur eiusdem generis cum solenibus, quas Cappas longas Veneti appellant: sed è delicatiores quòd non aqua marina, sed rore quodam tenuissimo per lapidem imbibito pascantur. Hi plures numero saxo includuntur, ut singulis suis sit nidus ad magnitudinem, & figuram piscis omnibus lineamentis respondens. In his igitur validissimis saxis, in quibus aqua nulla, nullus liquor inuenitur, præter eum, quem Piscis continet, non figura modo Daëtili, siue solenis, sed vita etiam, & omnis pisciculi laus perficitur, & absolvitur, melior, ut multo sit, quam si in ipso mari extralapidem natus fuisset.*

Lib. 3. de
Testac.






Cum

Cum ergo his ultimis verbis doceat Aldrouandus Balanum in lapidum visceribus nasci : libet exactissimum examen instituire , vt vera pateat eius origo , qua quidquid in præcedenti Capite diximus magis roborabitur . Pono igitur sub oculis saxum , quod in partes dissectum veritatem ostendat . In quarta figura representatur Testa cum animali, in secunda cauernula saxi, in quo viuit , quæ aquæ dilatatur , ac ipsum Animal molem suam auget, & pro comperto satis haberetur in saxo ipso Balanos generari , si aliquis eorum lapideis visceribus circumdatus omnino delitesceret , sicuti in Quercuum Gallis muscæ, vermes, & formicæ inueniuntur , vbi nullum apparet foramen, rimula nulla , per quam ingredi certè potuerint alibi generata . Verum quia ex omnium caernis , vt in figura apparet, extenditur ad superficiem vsquæ Canaliculus quidam, idcirco ignotum est an generatio eorum intra lapidem fiat . Obseruando omnium domos , ita dispositas , vt è superficie lapidis centrum versus, licet non per viam rigorosè rectam , augeantur, & nunquam è centro ad superficiem , hoc credere recusabam, suadens mihi extra saxum primum generari, vt aliqui turbines viuentes in spugnis primum alibi nati , vel vt vermes oriuntur in superficie lignorum pomorumque, deinde partes intimas corrodendo penetrant , ibique semper aluntur . Suspicabar idcirco oriri posse in canaliculis quibusdam turbinatis , & minutissimis , quos oculus microscopij ope deprehendit in saxis, quique sub vitro, quales num. 3. exprimuntur, apparebant.

Nec obstabat , vt hoc crederem , saxi durities , quoniam in alio saxo , è fundo maris accepto , & in partes conciso , in numeros vidi canaliculos non quidem rectos , sed sinè vlla regula inflexo tramite procedentes , vt notantur numero 7. In singulis eorum vermibus valdè viuidis latebat num. 8. expressus, & num. 9. mole maior, vt apparuit sub Microscopio , & quia illum obseruabam non solum canaliculo absconditum , sed aliqua sui corporis parte in luto, quo cauernulæ saxi replebantur stabulantem, incessit mihi sciendi cupidus qua vi penetrare facile posset durissima lapidum viscera è quibus calybis ictibus scintillæ ignis excutiebantur . Diligenti idcirco studio perquirens , animaduerti ex parte , è qua saxum penetrabat , bins dentes euaginari , & quidem acutissimos similes illis quibus Viperae truculenter feriunt, colore nigros, & adeo duros, vt ferri incisioni tanquam ossa resisterent . In figura 10. videntur quales



Micro-

Tabula
Prima
Car. 3o.





Tabula
Secunda
Car. 30.





Microscopium representabat , vt falces curuati , & dentati , vt ferra in parte, quæ è gingiuis prominet , idest supra lineam. I E. Componitur autem binis his dentibus instrumentum, quoddam ex vtraque parte acutum, quo saxi particulæ paulatim radantur, & durissima quæque faciliè terebrentur .

Hinc igitur prudenter credendum existimabam, indè Ortum ducere Balanos, eò magis suatus, quo magis credendi fundamentum & ratio ex his, quæ subijciam, augebatur . Præter supradictos vermes alios obseruari, & quidem mirabili artificio in saxis inclusos . Inspice sub littera N. num. 5. & num. 6. littera A C D. eos videbis ita inflexos, vt figura A C D. formatur, in qua cana'es extensi semper paralleli, hoc est æqualiter inter se distantes procedunt, vsque ad superficiem, vbi foramina ostenduntur in A. lapideo tenuique septo diuisa. Vbi-que digitalem crassitiem non excedunt in longitudine, & vermes inclusi acum subtilem, imò setam equinam in crassitie referunt, omnino similes ijs, quos in turbinatis canaliculis supra obseruauimus . Cum autem Balanum perfectè formatum nunquam inuenire potuerim spatio canaliculi inflexi minorem, sicuti nec vermem, qui paruulos Balanos magnitudine superaret, probabile videbatur vermes illos saxum peruadentes à Natura perfecti posse, & in Balanos commutari, quorum domus remoto septo in canalibus perfectè representatur, vt consideranti patebit . Nec nouum in Natura profectò est, quod pluries Aristoteles obseruauit: sub pluribus videlicet formis posse idem Animal quasi personatum viuere . Credendum est enim non mutata substantia à Verme Aureliam, & ex ipsa Papilionem, vel Muscam emanare, nisi suadere nobis velinus Animam pueri aliam esse in Iuvene aliam in sene, quod à veritate longissimè aberrat .

Verum quia vniuersalem Conclusionem ex præmissis non-evidentibus inferre fallacissimum est, diligentiori indagine hæc perquirenda duxi. Quidquid igitur hætenus expositum est, cum D. Camillo Pichio nobili Anconitano, Viro aequè humanitate prædito, ac solerti in rebus naturalibus accuratè perscrutandis, communicauim, vt in Anconitano litore Balanorum fertilissimo, diligenti obseruatione ad conclusionem stabilien-
dam hæc tria perquireret . Primum: An in lapide Balanorum vermes inuenirentur, quorum canaliculi ita è superficie extenderentur, vt sinè curuatura aliquo in loco desinerent sicuti
num.

num. 5. littera M. & littera N. delineauì. Deinde an Vermes viuerent etiam in faxis, in quibus Balani nunquam generantur. Demum an lapides aliqui vermibus illis omnino carent, licet Balanis pleni. Humanissime ille postquam diligenter perscrutatus fuit, vigesima tertia Ianuarij huius anni hanc epistolam dedit.

Se la Natura hauesse in me solleuato il talento conforme il desiderio, potrei hora sodisfare con vno spiritoso discorso alle sue nobili istanze, ma non posso formare ne pure vn ordinario racconto, che seruir possa di lucè frà le anguste cauerne d'vn traforato sasso di Ballani. Nulladimeno per dire conforme a' dettami della mia ignoranza, approuando la sua considerazione, dirò, che frà tanti vermi, che si fabricano la casa nel sasso, non se ne troui pur vno, che non l'habbia perfettionara. E ciò è verissimo, mentre non vidi mai anche col Microscopio vna casa, o canaletto, che non giungesse in giro con due buchi nella superficie del sasso. Che detti vermi sieno il principio del Ballano l'esperienza non me l'insegna, perche in altri sassi, che pur esaminai, non vi trouai ne meno il segno d'vn di quei Vermì, benchè de' Ballani ve ne fosser di molti, e grandi, e piccioli. Hò fatto anche diligenza se in altri sassi differenti da quelli, oue sono i Ballani, sieno l'istessi vermi, e gli hò trouati. Si come hò veduto ancora molti sassi de' Ballani priui di quei Vermì chiusi, e raggirati nel guscio, che sogliono anche trouarsi sopra le scorze d'ogni sorte di Conchiglie, e in mille altre cose del Mare, che perciò non sò immaginarmi, perche non si debba concedere la creatione de' Ballani ne' sassi, siccome non si nega quella de' Tarli dentro i legni, e nelle Pietre. Hæftenus Vir ille præclarus non minori studio, quam efficacia Balanos in faxis generari mihi suavit. Imò euidenter comprobatur apparuit cum Balanos, vix natos, & orizæ magnitudinem non excedentes, ita absconditos in faxis vidi, vt licet omnes cum superficie communicarent, paruulo foramine inca apparente, cauernæ tamen, vbi clauderantur semper spatio maiores erant, quâ centrum lapidis respiciebant; Quamobrem æquè impossibilis exitus, ac ingressus animalis inclusi deprehendebatur, quod tutò negat recens Auctor in epistola, quam edidit circa Corpora in lapides conuersa, satis eleganti, & erudita.

Difficile verò, est inuenire, an Virtus scetifica, quæcunque

illa

illa sit, aquis potius mista, quam saxo inclusa reperiatur. Saxo illam inesse suadent Gallæ, Glandes, & Omphacitides multæ, quæ à quercubus aliisque arboribus glandiferis producuntur. Nam cum Gallis, quas Coronatas vocant, crescit quasi ouum, in earum centro clausum, & in ipso Vermis, qui in muscas mutatus ouum perforat, gallam rodit, euolatque è carcere, ubi vitam obtinuit. Hanc autem generationem arbitratur D. Redi vir celeberrimus, in arboribus non casu fieri (verbis ipsius vtor Pag. 140. latinè editis Amstelodami anno 1671.) nequè à superuenientium Muscarum grauidarum semine ortum trahere! idque tanto magis, quòd nulla galluzzularum est, quæ vermem suum non habeat, & quantis Galluzzularum species proprias suas, & determinatas vermium muscarum, & culicum species producit nunquam variante Natura. Neque Generatio orta est ex semine à muscis ibi deposito, quoniam ex diligenti accuratissimi eiusdem Viri obseruatione, ut ipsemet ait, animaduertendum est, quòd Galluz- Pag. 136. zula omnes semper, & constantissimè in certa quadam, & determinata parte rami nouelli nascantur: & quod Galluzzula minores, quæ à folijs quercus, asculi, aut cerri procedunt, ibidem, sub fibris, & nervis eorundem constantissimè nascantur, & nullam unquam galluzzulam visam esse, quæ in plano folij inter duos nervos nasceretur, sed omnes infallibiliter procedere ab illa parte folij, quæ terram respicit, nullam à glabra, quæ Cælo obuertitur: cum è contrario, omnes ille, quæ in folijs fagi, & arboribus quibusdam non glandiferis morantur, in parte foliorum glabra nascantur. Qua de re supponendum est principium aliquod fœtiferum, à quo Vermes, Muscæ, & Balani producantur.

Nullus autem mihi suadebit (quod ille fortassè credit) Plantas nempe non solum vegetandi virtute, sed etiam sentiendi præditas esse, qua animalia sensitiua in ipsis generata, producere valeant. Scio à Pittagora, & ab Empedocle hoc sibi persuasum. Verum illud asserere potius est in scena ostendere, aut florida fabularum Vireta, aut quæ in horrida silua insignis Etruriæ Poeta finxit dicens.

*Allor porsi la mano vn poco auante,
E colsi vn ramuscel da vn gran pruno;
E'l tronco suo gridò, perche mi schiante?
Da che fatto fù poi di sangue bruno,
Ricominciò a gridar, perche mi scerpi?
Non hai tu spirito di pietate alcuno?*

Berni.

*Huomini fummo, ed hor sem fatti sterpi;
Ben dourebb'esser la tua man più pia,
Se state fossimo anime di Serpi.*

*Come vno stizzo verde, che arso sia
Dall'un de capi, che dall'altro gemè;
E cigola per vento, che vā via;*


*Così di quella scbeggia uscina insieme
Parole, e sangue; ond'io lasciai la cima
Cadere, e stetti, come l'huom, che teme.*

Poterit igitur à saxo includi Virtus generatiua, vt à Quercu continetur Virtus pariendi Muscam, aut eodem pacto, quo maffa aliqua ex luto, ouis, ac seminibus compacta virtutem haberet generandi flores, & Animalia, quæ mutuata potius, quam propria appellanda esset. Hanc pro comperto habuerunt multi, qui in Adriatici maris litore, ingens saxum incidentes, varias, prudentesque sententias inuicem contulere. Saxum enim, in quo Balanus generatur, nil aliud est, quam argillacea massa, siue luteum fragmentum cum spiritibus vegetabilibus herbarum, & Animalium compositum, quod ex monte Gomero, vulgò dicto *Monte di Ancona*, in mare subiectum prolabitur. Ita in argillis valdè duris vermes nascuntur, & viuunt. Alij autem virtutem hanc prolificam non saxo tribuunt, sed aquæ, quæ saxum valdè porosum imbuens, secum transfert spiritus Animalis vegetabiles, qui antea lato in mari vagabantur. Meo quidem iudicio veritati magis consonum esse duco, Virtutem hanc, nec ab aqua pura, nequè à saxo solo contineri. Non quidem à pura aqua, quoniam non repugnat Balanos in diuersis lapidibus gigni, cum vbique terrarum non desint pumicea saxa, in quorum poris, & cauernulis possit humor ille recipi, coagulari, & in Balanum perfici, & tamen in Anconitano tantum, ac Tulonensi litore, vt Gassendus refert, producantur. Non autem à solo saxo, quod licet aqua dulci, roreque imbutum, nunquam Balanos gignit, nisi cum in mare demergitur.

Dicendum igitur est, Balanum toties generari, quoties cum particulis terræ primigenijs, aptisque ad illius formationem, aliæ dispositiones, & Concauæ miscentur, humiditas videlicet sufficiens, spiritus falsi, & prolifici ipsius maris, qui arcano Naturæ puerperio fouentur, usquè dum Vitam sortiantur. Hac ratione pariter alia Testacea producantur in saxis diuersis, præcipuè in Tarentino litore ea, quæ cum ob saporem sint omnium

Physic.
sect. 3. de
variet.
Anim.

Cart. 35



nium præstantissima, Dactylorum nomine significantur. Ego ipse in multis multa inueni, sed omnia Bivaluia, ac testa fragili; Quamobrem satis comprobatum agnoui Naturam prudentissimè semper operari, cum leui tantum armatura circumtegere suos partus voluerit, quos iam lapideo munimento contra inuasionem protexerat. Insuper ex eisdem nouum argumentum sumpsi, vt crederem singulis lapidibus peculiarem virtutem inesse, à nullo quidem animali communicatam, vt, inuariata semper generationum serie, Viuentia omninò similia producerentur.

Irridebit fortasse mihi hæc asserenti D. Redi, qui in observationibus Insectorum constanter affirmat: nullam accidere generationem spontaneam, sed omnes, quæ videntur in corporibus anima destitutis, *accidere*, ait ipse, *ita tamen, vt musce ordinariæ, & culices, semen antea suum eò deportarint; quo deficiente, vt alias dixi, nequè ex herbis, nequè ex carnibus putrefactis, vel qualicunque alia re, actu non viuento, quidquam nascetur.* At quo nam pacto experimentum à me pluries factum oppugnaret, nescio. Illud subiiciam. Flores hyacinthinos aliquantum maceratos, & contusos in vitreo vase clauso detinui, vt aliquam spontaneam generationem obtinerem: aliquarum hebdomadarum spatio eam sum assequutus; nam innumeros vermiculos in putrida fœtidaque illa massa pellucidos inueni, qui per vitrum hùc illùc discurrebant, quò magis à fundi humiditate distantes, eò viuidiore. Duorum ferè dierum spatio vitam duxerunt, deindè in Aureliam transformati, ex illa Papiliunculus colore cinereus, quatuor alis, & senis pedibus instructus euasit, quæ omnia subiecta figura ostendit, à vulgari Microscopio aucta. Posito igitur, quod à nullo animali depositum fuerit semen in vase vitreo, vbi flores protrititi subsidebant, dicet fortasse aliquis supra virentes flores fuisse à muscis relictum, At si hoc dicat, illum interrogo, quare à quolibet flore imò à quauis re putrescente semper vernies eiusdem speciei, & non diuersi producantur, cum æquè benè omnium vermium semina potuerint à muscis vbique relinqui?

Ex his certis fidelibusque experimentis satis comprobata videtur Balanorum generatio, in saxis humore falso imbutis facta, manifestumque fit quidquid de Cochlearum formatione dictum fuit capite præcedenti, & dicendum erit de Testaceis calycibus Animali priuatis, qui in arida terra inueniuntur.

Videndum in præsentia est mirandum Naturæ artificium , quo Balanus faxea viscera permeat , æquè crescente cauerna , in qua latitat , dum ipsius moles nutritione augetur . Certissimum primò est Balanum A. B. formari semper propè faxi superficiem , vt videtur num. 6. lit. X. deindè longitudine , & latitudine crescente , centrum lapidis Z. num. 2. petere , à superficie X. recedentem , vbi est foramen , per quod aqua maris liberè fluitat . Quod non cognouerat Aldrouandus cum dixit : *gratissimos esse palato Balanos , quia non aqua marina , sed rore quodam tenuissimo per lapidem imbibito pascantur* . Præterea errauit à veritate , affirmans singulorum nidum esse , *ad magnitudinem , & figuram piscis omnibus lineamentis respondentem* . Videre enim poterat Balanum , licet in lapide inclusum , cæterorum instar piscium natere in humore à quo immediatè , & circumquaque alluitur , nec lapidi adhærere , in quo cauernula non perfectè , tanquam vagina ensi , Animalis corpori correfpondeat , sed , vt num. 4. figuratur , vbi A. B. pro animali supponit . Crescit autem eadem cauernula , vt statux augentur , & fossæ , quibus per ablationem partium additur magnitudo , seu melius dicam vauitas ; quas partes Balanus ipse adimit , cum saxo hirudinis instar , adhærrens parte A. valde dura , calloque simili , & semet ipsum contorquens , vi quadam à Natura ingenita , particulas minutissimas abradit laterum cortice rugoso , & aspero , augetque simul sibi molem , & domum .

Huius artificij argumentum fuit asperitas quædam , quam in parte superiori latibuli animaduerti formatam à circulis luteis , prout sub X. Z. num. 2. & in fossis num. 5. qui circuli arefacti in puluerem minutissimum soluebantur , remanente superficie dura , & perfectissimè leuigata , prout notatur ab X. & P. Vestiuntur idcirco à Natura testa duplici valde aspera in externa superficie , qua veluti scobina , denticulos acutos habente , saxum erodunt , formantque domum , quam quisque , eandem testam in argilla , vel cera molli premendo , circumagendoque , obtinebit .

Crescente igitur hac ratione domo , simul etiam augetur Animal nutritum luto , quod ex puluere faxi , & humore aqueo componitur , & in quo credendum est aliquem saporem Animal allicientem inesse , quod manifestè arguitur ex arenosis excrementis per partem B. siphoni similem , semper superficiem respicientem reiectis ; materia illa hoc pacto remota , quæ Balani pro-

progressum impediret . Nec tanquam fictitiam miretur aliquis famem , qua huiusmodi cibus ab Animalibus appetatur . Epistola enim , quam D. de Viu misit ad D. Auzout , num. 32. in Eruditorum Ephemeride notata , refert ipsum vidisse saxa cuiusdam muri propè Caen in Normandia , partem Mundi Australem respicientis , frequentibus foraminibus terebrata ; & dum causam eorum curiosus inquireret , aliquos vermes inuenisse hordei magnitudinem non excedentes . Tegebantur illi tereti testâ subnigra , in vna extremitate aliquantulum subtiliori apparebat meatus ad excrementa emittenda , in altera ampliori caput exerebant , in quo oculos decem valdè minutos numeravit , totidemque mandibulas , quas instar circini quatuor pedum semper agitabant ; Nec illos erodere posse saxa dubitavit , iniurijs licet aeris , procellisque tempestatum resistentia , cum multa eorum fragmenta in puluerem subtilissimum penitus redacta conspexit , quæ simul cum huiusmodi vermibus in pixide lignea optimè clauserat . Adeò comprobatur nullam potentiam , vim nullam in toto Terrarum orbe inueniri , quæ ab alia infringi , & omnino superari non possit , dum à paruulis tenuissimisque bestiolis , ut ille ait .

Mors etiam saxis marmoribusque venit ,

CAP. SEXTVM .

De materia apta ad Productionem Testaceorum .

Sicuti spontaneæ rerum generationes sine causa vniuoca im-
mediata non fiunt ad libidinem earundem , quæ velint esse quando cupido eas ad existendum alliciat , quoniam iam existerent , cum esse decernerent ; Ita summus rerum omnium Opifex , qui immediatè , & solus iuxta multorum sententiam , operatur , temerè suam potentiam non exercet , verùm semper rectissimas , rationabilesque regulas obseruans , in re qualibet , licet minima , summam harmoniam reddit , omniaque conficit , *in Pondere Numero , & Mensura* . Tunc maximè hoc patet , cum exempli gratia , ignis accensus virtute propagandi calorem sibi communicata non priuatur , aut lapis in aere proiectus ad
ter-

terram deinde suo pondere descendit. Seruat igitur in operando leges, quas sibi met ipsi imposuit. Quamobrem tunc formam substantialem materiæ donat, quando dispositam ad recipiendum eam videt, iubente lege iam statuta: introducendas semper esse dispositiones ante rerum generationem, quæ tanquam pedisæque Domum præparare tenentur, in qua Forma substantialis est permansura. Diuersimodè verò talis præparatio fit, & iuxta exigentiam formæ introducendæ, sicuti diuersus est apparatus conueniens mulierculæ ab eo, quam Reginæ dignitas requirit.

Cum autem Natura, & eiusdem Author veluti Artifex insignis operetur; sicuti hic, non ex eodem metallo format enses, & sceptræ, coronas, & galeas, ita ille materiam ad rerum generationem eligit aptiorem, magisque dispositam, vt alicuius Viuentis forma illi donetur. Indicata igitur causa, ex qua finè diuinæ Dignitatis iniuria possunt Cochleæ suam originem trahere, vt intimè eas perlustremus, cognoscenda materia est, in qua veluti supra fundamentum Domus, earum Generatio perficitur.

Meteor,
9.

Solum humorem aqueum aliquo coagulo concretum illas esse aliquis existimauit, sed falso: Glacies enim, semper in aqua supernatat, descendunt verò Cochlearum Testæ, quæ potius lapideæ dicendæ sunt ex humo, & aqua compactæ, cum lapidis definitione circumscribantur. Eam si ex Aristotele desumas, vbi ait: *Lapis non flectitur est friabilis, non recipit impressiones, non est ductilis*. Omnia hæc Cochleis conuenire videbis. Verum quia alteri etiam conueniunt, nempe Terræ, quæ pura non flectitur, in puluerem redigitur, impressiones non recipit, nec liquari vllò modo potest, & tamen lapis dicenda non est; Fallopij definitionem adduco. Obseruat hic Auctor oppositionem quandam in rebus. Terræ videlicet, quæ humido liquefit, non calore, opponi metallum, quod non ab humido, sed à calore liquatur; & quia corpus aliquod est, quod liquatur à calore, & ab humido, vt sal ammoniacus, sic (ait) dandum est aliquid, quod nequè ab humido, nequè à calido emolliatur, nempe saxum, quod idem de Testaceis est affirmandum. Si igitur cum saxo conueniunt, promiscua erit materia, dispositionesque communes, & saxis, & Cochleis, quibus solum adueniens copiosior humor ad formationem Viuentis inseruit, vt infra constabit.

Ad

Ad lapidum autem formationem docuit Aristoteles necessariam esse Materiam quandam, quam vocat *lutum lentum*, compositum ex tenui terra, & aqua, quæ, frigore superueniente, cogitur in duritiem; aut aliam, quæ dicitur *succus lapidescens*, vel quia calor extrinsecus expellat totum humorem, à quo lapidis concretio impediretur, vel quia in ipso insit quædam Virtus congelans, siue distincta sit, vt in seminibus arborum, Virtus propagatiua, siue cum ipsa materia mixta, iuxta Alberti Magni doctrinam, quam Georgius Agricola diligentissime perscrutatur. Vt lapides inde, & Cochleæ generentur stultè opinatus est Democritus in materia tali modo præparata animam eorundem agere, quasi à calore superueniente expergefactam. Ea quidem ab agente extrinseco perficitur, quod agens æquè benè potest esse frigus, & calor, vt docuerunt Plato, Theophrastus, & Aristoteles, calor inquam, non quidem nimius, nè in puluerem redigat massam illam luteam, non modicus, quia debet humorem exsiccare (ne iterum humido lique scat) & debet concoquendo, lapidem perficere, vt in fornacibus lateres, aliaque similia, quæ tantam induunt duritiem, vt à Chalybe percussæ ignem emittant, veluti filices. Hoc idem notauit Imperator in terra vulgo d'Ischia, & egomet in porcellanis finibus, non sinè amicorum oblectamento expertus sum, imò etiam in Cochleis Venereis, quæ ex mari Mosambiquensi acceperam. Quod si frigore ea materia induretur, expelli debet totum humidum nè calido iterum fluat, vt metallum, faccarum candidum, & glacies, in quibus remanet humidum à frigore concretum ideòque lapides dici non possunt.

Generatur itaque in tali materia forma substantialis lapidis, & Cochlearum, quarum testa durissima est, si materia valdè densa optimè exsicce tur, fragilissima verò, si humore careat; aut si humorem habeat, coctura non perficitur. Vocatur hæc eadem materia à Philosopho, vt diximus, Succus Lapideus, eò quòd ex humida lapideaque substantia componatur, vel quia Deus talem produxerit, vel quia in maris æstu paulatim, è saxis minutissimæ particulæ abraduntur cum terreis exalationibus mistæ. Talem humorem, & succum subtilissimè notat Agricola valdè differre ab aqua, quæ particulas lapideas secum detulerit, cum à calore per coctionem aptam, aut aliò coagulo densitas aliqua illi sit inducenda, qua si careant argillæ, ineptæ erunt ad lapidum, & testarum productionem, & sicuti non omnis

Lib. 4. de
ortu, &
causis sub-
terr.

Sect. 14.
probl.
probl. 11.

fert

*fert omnia Tellus, ita non in quolibet maris finu Testacea produ-
cuntur.*

Si autem de tali coagulo sententiam laturi essent Chimi-
ci, sal esse dicerent, quo putant condensari quidquid gignitur
à Natura. Verum quia humores singuli cum sale mixti, indu-
rari non possunt, imò in generatione Cochlearum putandum
potius est, sale separato, formari Animal testa inclusum, quod
argui potest ex sapore salis, & virtute soluendi viscera, quæ
propria est salis, vt cum Galeno notauit Cornelius Celsus;
ideò aliundè Testarum durities probabiliter deriuatur. Vt
tamen ipforum genio indulgeamus, illum esse Nitrum potius
existimo; humorum enim coagulatio ex eo facillè obtinetur:
idcirco fortassis Ægyptus Testaceorum fertilis Regio est, quia
aquis Nili nitrosis imbuta, magnam nitri copiam subministrat,
ex quo vasa aliaque multa Incolæ conficiunt. Habent enim
testæ virtutem restrictiuam, refrigerantem, & absterfuiam,
quæ omnia Nitro conueniunt, ideòque in puluerem reda-
ctas, docet Galenus applicandas Cicatricibus, Vlceribus, &
Ambustis. Quod si verum est, vt Plinius affirmat, nihil gene-
rari, nihil enutrirì à Nitro, dicendum probabiliter est, ex hu-
more illo partem magis aqueam ad formationem, & alimen-
tum Animalis separari, partem verò magis terream, & nitrosam,
vt Testarum fabrica conficiatur; sicuti ossa iuxta sententiam
Aristotelis, *ex partibus terrei alimenti habentibus admistum
humorem, generantur, cum virtute caloris interni exsiccatum humi-
dum, & quia, quæ calore concreseunt non dissoluantur igne, ideo
nec ossa.*

Talem humorem, qui facillè in lapides cogatur non solum
inesse telluri, sed præsertim aquæ: innumeris penè historijs, va-
rijsque experimentis comprobatur. Aqua Stygis apud Nona-
criam, ait Seneca, si bibatur, ob gypsum mistum viscera obtu-
rat, quare Poeta de flumine illo dixit:

---- Quod potum saxea reddit.

Viscera, quod tactis inducit marmora rebus.

Apud Augustam guttæ cadunt è crypta, quæ in libero aeræ
indurantur. Propè Ambergam, Rhodum, & Tibur in aquis Al-
bulis, paludeque Reatina saxum pariter generatur. In quodam
fontè refert Strabo florum corollas statim lapideas euadere,
si in ipsum mergantur, Auesque volitare amplius non posse, si
alæ eiusdem aqua madefiant. In Musæo Vvormiano legitur

Chiro-

Lib. de
comp. med

De Gener
c. 4 n. 26.

Ouid. Me-
tam. 15.

Chirothecam Friderici Imperatoris vna partē pelliceam, altera lapideam fuisse, huiusmodi aqua madefacta. Quod si hæc, & similia tanquam commento excogitata negentur, verissimum finē dubio est circa palos, qui ad struendas domos Venetijs in fundo maris figuntur, videri (vt Falloppius refert) *strias lapideas quæ sunt ratione succi lapidei, & prout est magis, vel minus purus, varios lapides generari*. Hac de causa in Mari corallia virescunt, quæ, si optimus sit succus, & perfectè mistus, sunt densa, si impurus, spongiosa: Componuntur etiam Alcionia: imò quouis humore, generari Nitrum, salem, & lapides, qui sub aqua concresecunt. docuit Aristoteles.

Cap. 71

4. Meteor.
6. 31

Huiusmodi lapidifica Metamorfosis, qua multa possunt in lapides abire examinanda vterius hic esset, sed de hoc alibi. In præsentia dictum sit satis de eo, in quo Testacea conueniunt: Ad videndum in quo eadem præcipuè discriminentur progrediamur.

CAP. SEPTIMUM.

An Cochleæ, quæ in Terra inueniuntur, Lapides Terrigenæ sint, in quamdam imaginem Cochlearum figurati, an potius in Mari generatæ.

ANtequam copiosam Cochlearum varietatem perlustremus. Quæstionem, quæ multorum ingenia fatigauit huc reuocandam duxi; Non utique, vt eorum sententias discutiam, cum id à multis nouissimè factum esse sciam, sed vt eas coram Lectoribus sistam. Inquirunt Veteres Recentisque Philosophi: An Testacea possint in Terra generari, an potius omnia primum in mari producta, deindè hac atque illac dispersa in arida tellure vitam amiserint. Loquimur enim hic de Testis sinè Animali sensitiuo è Terra desolis, non de viuensibus testa circumseptis. Quarum multa in Terra generari haud dubium est.

Nulli quidem latet innumeras ferè Cochleas, & Conchas sub terra varijs in locis delitescere. Præter aliorum paginas,

F

qui

De folido
intra folid
pag. 54.

qui hoc affirmant, adeat Niloscopium Beccani, qui scire vult loca, & regiones Testarum fertilissimas. At certum aliquid iudicare haud possunt Viri rerum naturalium studiosi, an istæ videlicet figuræ Cochlearum in lapidibus è testis marinis verè oriantur, quod plerique volunt, aut sui generis lapides perpetuò extiterint, & cum ipsis montibus nati. Falsum hoc putat Vir præclarus, ac Præsul in Dania D. Steno, qui terrestres Cochleas in tres Classes diuidit, quarum duas in mari natas affirmat, aliam verò humi; Earum prima illas continet, quæ cum marinis omninò conueniunt, altera eas, quæ solum differunt pondere, vel grauiori, quia (vt ille ait) *sacco ascititio repleta*, vel leuiori, quia *illarum pori leuiorum partium expulsionè ampliati sunt*, idcirco in lapidem, aut in calcem conuersæ. Tertia demum eas, quæ sola figura marinis assimilantur, quarum aliquas aereas vocat, quia nempè marinarum Cochlearum testis vi succi alicuius dissolutis, spatiola eisdem respondentia inter glebas remanent aere plena, in quæ, introducto humore, seu materia lapidescente, formatur Cochlea aliquando gypsea, interdum cristallina, aut similis, quæ verè Cochleæ non sunt.

Aliqui verò cæcutientes, & liberè, prout ingeaij propensio extimulabat philosophantes, nimis facilè tanquam verum pronunciarunt quidquid opinabantur, licet falsum ab experimentis comprobatum appareret. Nonnulli à contra sensuum ductui omninò fidentes, fallacia, & insulsa argumenta esse iudicarunt, quæ intellectus, incertas à certis illationibus prudenter deducens ad veritatem stabiliendam speculabatur: vtrique, mea quidem sententia, inscitia tenebris inuoluti. In rerum enim naturalium, & abditarum perscrutatione sensu vtendum est, quo comite intellectus tutum sibi callem aperiat, in quo deindè ex vna re cognita ad aliam gradum faciens, veritatem demum teneat in profundo latitantem; alioquin errabit profecto, aut canis instar ab Æsopo descripti præda carebit, dum eam putabit habere.

Aristoteles autem eandem quæstionem agitans, sciens Ægypti Regionem Conchilijs plenam esse, maris eiectionem illa credidit. Ea enim Regio mari Rubro subiecta, aquarum illuminatione pluries sub vndis iacuit, quibus siccatis, testarum ingens copia subsidit in arida, inquit Philosophus, ex quo Sesostris didicit mare Rubrum altius esse Ægypto, atque ea de causa, fossam è mari Erithreo in Nilum non duxit,

Insu-

Insuper maximam partem Ægypti ex Nili alluuiione excreuisse contendit, eam præsertim, quæ à montibus memphiticis ad mare usque exporrecta, fluminis incrementis, latè irrigatur. Atque hinc iam effici, ut nequè flumina vlla sint perennia, nequè semper Mare aliquid fuerit, quod nunc mare esse, cernitur, sed vicissim modo mare, modo terras eadem loca fieri certis quibusdam temporum conuersionibus, quibus nunc maximi humores alij, atque alijs locis existant. Ita Tanaim, & Meotida paludem, & ipsum etiam Pontum exiccatum iri, atque similiter omnia permutanda in temporis duratione. Hæc & huiusmodi plura Aristotelis partim ex Herodoti de Ægypti historia, partim de Platonis Atlantide Insula videtur hausisse, quæ Oceani illuuiæ sub aquis iacet. Non est igitur mirum, si Ægypti Regio nil aliud esse videatur, quàm Testarum coagmentum, si Delphinum, & reliquorum piscium exercitus statio quondam fuit. In hanc sententiam inter Veteres Strabo, & Plutarchus descendunt, sed multo certè prius Eratosthenes, qui sibi suasit plurimis in locis Concharum, & Ostreorum ingentem multitudinem cerni, & præter hæc falsos etiam ilacus inueniri, quia ibi maria fuerunt, uti fit circa templum Hammonis, & in ea, quæ ad illud ducit via, quæ ipsius testificatione longitudinem habet trium millium stadiorum. Ibi enim plurimam Ostreorum colluuiem esse scimus, & propè ipsum etiam nauium maritimarum fragmenta monstrari. Hisque inductus Eratosthenes Stratonem phisicum, & Xanthum Lydum laudat, qui existimarint ipsum Hammonis templum prius propè mare stetisse, ac deinde, mari defluente, in Mediteranea regione mansisse.

Ex impetuosis hisce marium inundationibus effrænatam, quandam philosophandi licentiam tribuit Aristoteli, licet suo præceptori, Olympiodorus inter Interpretes eruditissimus, eiusque effata in foras excogitata credit ad tuendum quidquid de Conchylis opinabatur, falsumque esse, omnes regiones, ubi Conchyliorum testæ inueniuntur, sub Oceano latuisse. Ventorum potius impetu arguendum est (inquit hic Auctor) ablatas fuisse è littoribus, ac in varijs Mundi plagis dispersas. Quis enim, si ventorum vis stateræ appendatur, hoc fieri posse negabit? Nonnè domus integræ, Surio referente, à fundamentis separata visæ sunt in Germania aliò transferri vehementi ventorum impulsu, eorumque flatibus magnas trabes Templo

Moguntino ablatas, per aerem volitasse, quasi pennas haberent, à Conrado Argentino accepimus.

Huiusmodi argumentis inducti Prisci illi Scriptores, alios sibi pedaneos, qui de Conchyliorum origine fusè tractarunt in eadem sententia stabiliuere. Verum, ut candidè loquar, utrosque à recto veritatis tramite aberrasse iudico. Qua nam, enim repentina Ventorum procella, aut siderum impressione, huc illucque olim mare discurrens, Prouincias, & Regna, longo licet intervallo diffusa, vnico quodam hauitu potuit absorbere? Illud littoribus circumuallatum fuisse ab Auctore Naturæ pro comperto est, in quibus indelebili charactere præceptum posuit, cum diceret: *Hic confringes tumentes fluctus tuos*, eique semper, licet fluctuantium vndarum impetu violenter excitatum, paret, ac ut cum Basilio Seleucensi loquar, *Curuatis fluctibus termini Positorem adorat*.

Non igitur Ventî, quorum flatibus leues Conchulæ à loco vbi iacent vix eleuari videmus, neque Oceani Procellæ adeò copiosam Testarum segetem in varijs Mundi Pelagis disseminarunt. Harum enim multæ, sicuti summæ Alpes, nunquam sub Oceano latuere, attamen in illis Conchæ, & Ostreorum testæ inueniuntur. Quod equidem cum aliorum relatu, tum experimentis diuersorum sum edoctus. In altissimis Tessaliæ montibus eas esse Solinus narrat. In arduis Calabriae rupibus inuenit Alexander ab Alexandro, & alibi multi. Quamobrem a diluuiio vniuersali delatas affirmarunt, ut cæteros taceam, Calceolarius, Maffæus, Orosius, Columna, & Imperatus, quod referens Quindius ait.

*Vidi ego quod fuerat quondam solidissima Tellus,
Esse Fretum, vidi factas ex aquore terras,
Et procul à Pelago Concha iacuerere marina.*

Vnde Tertullianus hoc idem sibi persuadens, subiungit; *Adbuc Maris Concha, & Buccinæ peregrinantur in montibus, cupientes Platoni probare etiam ardua fluitasse.*

Verum quia ex Fracastorio, & Cornelij à Lapide doctis Commentarijs accipimus Vniuersum Terrarum Orbem haud iacuisse sub marinis aquis, sed sub coelestibus, cum catharactæ Coeli apertæ sunt, inferendum necessariò est, eas ineptas fuisse ad tantam Cochlearum copiam generandam, quia dulces; Et quamuis falsis fluctibus additæ, quis tam facilè inferet Cochleas ex imo fundo Oceani in summos montes peragrasse, quò quædra-

draginta dierum spatio, quibus sub aquis Terra latuit, vix Delphini, & Phocæ peruenerunt? Earum enim motus, quo progredi aliò possint, vel nullus est, vel adeò tardus, vt in Ignauiaë symbolum adducantur. Neque emortuis Viuentibus vacuas testas in adeò locorum excelsa fluctibus asportari potuisse notat Ioannes Quirinus, imò, docente S. Augustino: *Vniuersa, quæ in aquis viuere possunt Diluuij plaga non tetigit, quæ terrena tantum mortificauit, ex ea nempe ratione, quòd Deus Terræ maledixerit, non piscibus, & aqua, quoniam per aquam diluere maledictionem illam parauerat, quod in diluuiò est factum. Aquatilia enim maledictò vindictæ non succumbunt, quia in maledictionis participatione non sunt.*

De mirabi
lib. fac.
Script. l. 1.
c. 14.

Scio equidem impudentis esse, non confiteri aliquibus in locis mare aliquando fuisse, vbi Conchylia inueniuntur. Vtrò concedendum hoc est; sed negandum de omnibus. In Alpibus enim Tridentinis cum Ioannes Goropius Beccanus perreptaret, altissima quoque montium cacumina vtroque pede vncis innixò, & manibus pinnatò baculo gressum firmantibus, & ipse conchas inuenit, & ab ijs, qui Capricornos, sinè Ibices, & Damas insectantur didicit non raro inueniri. Et crebrius hæud dubiè inuenirentur, si lapides æquè illic, atque in infimis locis exciderentur. Nunc cum vectura illinc nulla esse queat, nulla est lapidicina, nisi cum arces ex ipsis rupibus excauantur, angustis præcipitijs, & capreolorum semitis, vel funibus subeundæ. Cum igitur eiusmodi testæ internis, vel terræ, vel saxorum visceribus delitescant, & in summis Alpium rupibus raro in terra tententur, non potest fieri, vt illic crebro videantur. Videntur tamen saxi torrentium vi derasis, vel immani gelu, magno tonitru diuulsis, vel fulmine, turbine, aquarumque violentia præcipitatis, aut disruptis, vel alia vi quapiam naturæ dehiscenibus, quibus fiat, vt quæ intus condita fuere prodantur. Apud Limburgos, Leodios, Chondrusos, Namurcos, Hannonas, Atrebatas, Tornacenses, & alios multos, à quibus, vel marmora, vel alia lapidum genera aduehantur, non parua est testarum copia, & Varietas. Vidi ipse in marmore cæruleo solidissimo pectines multos, & ipsorum sedem ita affabrè delineatam, vt nihil ars simile posse videretur. Vidi in silice durissimo tot Conchulas totas lapideas, & conclusis valualis integras, vt magna cura, & arte ex illis fuisse cæmento aliquo compactus videretur. In suburbano Parisiensi agro, qui su-

per-

pernè copiosa fruge luxurians, subtus cauus magna sub parte, est, & vehiculis peruius, inueniuntur testæ non paucæ turbinum, elegantissimo ordine, & tortæ, & tuberculis insignitæ, atque ita omnibus modis perfectæ, vt nihil præter viuum pisciculum ad integritatem desit. Vidit sub Veronensibus montibus Saraina quum Veterum monumenta scrutaretur; ibi namque reperiiebantur: *Echini lapides, Paguri, Conchæ, Cochleæ, Ostrea, stellaque, Pisces, auium rostra, & id genus alia passim multa*. Videtur etiam Antuerpiæ quibusdam in locis postquam ad aquam subterraneam fodiendo ventum est, magna quadam crusta ad duos circiter pedes crassa, aliquando etiam tenuior, quæ tota est ex huiusmodi varia Conchyliorum congectione coagmentata, quasi vena lapidis, aut marmoris esset. Nec certè in Mari, aut litore tanta congeries Concharum nullibi visa est, vt frustra somniemus ita paulatim, mare recedente, fuisse congectam. Nam si hoc ita euenisset, cerneremus adhuc in Zelandiæ, & Flandriæ littoribus tantæ crassitudinis congeriem iacere. Non igitur magis ibi mare fuisse credendum est, quam in lapidicinis Megarensium, è quibus lapis eruitur, Concharum marinarum congerie compactus, & candidus, qui ab ipsis Conchides appellatur. Quod si à mare ille originem duceret, in Piræo potius inueniri deberet; & tamen cum tota Græcia varijs promontorijs mare amplectatur, nusquam tamen Conchis affluentior, quam Megaris inuenitur, vbi Megarius ille lapis adeò solidè componitur, vt Caris Phoronei filij sepulchrum, & alia opera ex eo facta fuisse Pausanias testetur.

His enumeratis, Quæstionis solutio non ex historiæ monumentis petenda est, sed è Philosophiæ penetralibus, ad quæ rapiendum hac mirabilium rerum consideratione. Aristotelem prius audiamus, qui lib. 3. de Gen. c. 11. *Testacea, inquit, ita se habent ad Aquam, sicut Plantæ ad Terram, ideoque Plantæ possunt vocari Testacea terrestria, Testacea possunt vocari Plantæ aquatiles*. Non tamen indè inferendum est lege inuiolabili semper Plantas à Terra produci, vt à Mare gigni non possint, sicut multa, quæ sub aquis viuunt, in telluris gremio etiam fouentur. Hæc enim pari fecunditate ditissima est, ac Mare, in quo præter innumera penè agmina Crustata, Squamosa, atque Testis inclusa, multi frutices germinant, & Plantarum species. In eo enim crescit Herba quam Lumbricaram vocant, crescit pariter, quæ dicitur Lanuta, crescit Capillaria, Forcellata, Tremula, Palmifolium

folium, & alia crescunt vegetabilia lapidosam substantiam habentia, vt Corallia, Millepora, Materpora, Porus Ceruinus, Frondipora, Retepora, Tubularia, Muscus Petrosus, & alia. Imò, sicuti inter Pisces (vt notat Elianus), sunt *Leonum, Arietum, Panterarum, & Equorum effigies, insuper stellæ, & Piscium genera auium formas referentia*, ita pariter humi diuersi gignuntur lapides, quibus, vel Plantarum, vel Animalium membrorumque diuersorum effigies exprimuntur. Inter eos singularis est Lapis Cissites, qui nomen trahit à Camecisso, idest hædera, cuius folijs assimilatur, lapis insuper Rhodites sic dictus, inquit Boetius, à figura Rosæ, sicuti Stilicites à stipite, Amigdaloides à nucleo amigdalarum, Bucardja à corde bouis, Ophites à serpente, Fungites à Fungis, & cæteri innumeri quos Gesnerus recenset vbi tractat de signis lapidum, & Ambrosinus recitat vna cum lapidibus, quos Cephaliten, Carditen, aut Perficaten, à figuris videlicet, quas referunt, appellat. Olaus Vormius, vti refert in suo Musæo, possedit lapides luteos, qui pectus cancri exigui referunt, quorum pars exterior leuis, & lubrica lineis albis, iuncturas costarum in cancris referentibus prædita. Vocantur tales lapides Carcini, non aliter, ac datur Amigdaloides à forma amygdali, Botrytes ab incipientis botri similitudine, Pisolithes à Pisis, Sicytes à figura fici.

Lib. 16.
c. 18.

Lib. 2. c. 13.

Neque ommittenda à nobis sunt ossa illa enormia, quæ Gigantum fuisse vana hominum ingenia crediderunt, ac ab aquis, virtute lapidifica impregnatis, in lapides indurata. Huc renouanda esset Quæstio, qua quæritur. An Virtus lapidifica Terræ insit, vt medusæo quodam dominatu, non fabuloso, sed vero, omnia valeat in lapides transformare. At nè extra Chorum diuagemur, supponenda tanquam vera, ac experimentis comprobata; quamobrem lapides multos, membra humana, arborum fructus, & alia referentes, primum vera membra verosque fructus extitisse, mihi persuadeo: de omnibus tamen cuiuscunque generis ossibus, quæ passim in subterraneis fossis inueniuntur negandum est, sic de cornibus incredibilis longitudinis, quæ monocerotum esse dicunt. Quid autem de hisce sentiendum sit: paucis exponamus, & quidem quod ad Gyantes spectat, refragante Sacro Textu, vt negare non possumus, ita quoque nonnihil communi famæ concedendum est, quam de Gigantibus variæ apud Auctores relationes, veluti iure suo

Lib. 7. c. 16

suo fidem legentibus extorquent. At fabulosum existimo Gy-
gantem illum, quem Plinius asserit in Creta, rupto monte in-
uentum quadraginta sex cubitis altum, aut aliud corpus huma-
num, quod Fulgosius in Plutarcho affirmat inuentum Tingi
Mauritaniae in Vrbe, & dimensum sexaginta cubitos impleuif-
se; Tandem, vt multos omnittam, quos Kircherius in Mundo
Subterraneo refert, falsum existimo quod omnem admiratio-
nem superat narratum à Boccaccio, repertum nempe in Erice
monte Drepanitanæ Vrbi proximo, hominem sedentem, tantæ
altitudinis, vt prægrandis nauigij malum ducentis cubitis lon-
gum excederet. Quærendum hic esset num verisimile saltem,
fit, Naturam carneas moles tam vastas producere potuisse, &
an corpori excedentis magnitudinis repugnet corpus organi-
cum maius, & maius in infinitum, sed vt breuitati consulatur,
adnotasse sufficiat: à Natura, vtpotè sagaci, sicut omnibus ani-
mantibus, ita & hominibus ad actiones suas probè obeundas
determinatam corporis magnitudinem constitutam esse, vt
quidquid vltra eam fuerit, merito monstruosum videri queat.
Fabulæ itaque sunt, & auilia deliramenta quæcunque de hu-
iusmodi prodigiosa magnitudinis gygantibus produntur: Hoc
satis dilucidè comprobat, quod Athanasius Kircherius de se
ipso refert; Certe, inquit, cum anno 1637. Drepani morarer
multum sanè cum peritis de huiusmodi inuento monstra Gygantis
quasiui, criptam montis intraui, vbi dicebatur inuentum fuisse
cadauer. Sed nihil horum quæ de vastitate specus supra allegati
Auctores tradunt, reperi; imò vix puto altitudinem triginta
pedum, quantam memini, constitisse, nequè mihi vnquam, aut
pedes manusque, aut cranium, similiaque membra, ex quorum
proportionem ad ordinarij hominis membra facta, in notitiam
veræ quantitatis prædicti gygantis deuenire sperabam, exhibere
potuerunt, quæ partes organizatæ, vti desunt, ita quoque verita-
tem rei suspectam faciunt.

Mund.
Sabter 1.8
sect. 2.Lib. 1.
Reg. c. 57.

Verum igitur est quod ipsa Sacra Scriptura testatur: videli-
cet Goliath altum fuisse palmis nouem supra decem. Verum,
quod Historiæ referunt de celebri Viro Lusitano minori qui-
dem statura, non impari viribus, Ori enim admoto manibus
pomo, ex eo ita commodè dentibus frustula carpebat, vt manus
remoueri nihil possent, decem licet baiuli toto conatu trahendo
duplicem funem illis alligatum, enixè laborarent. At huiusmo-
di vasti corporis homines, quia admodum rari idcirco omnia,
quæ

quæ in criptis inueniuntur ossa, siuè dentes, siuè tibiæ, siuè costæ, non Gygantum reliquias, sed opus esse Naturæ in subterraneis locis generatum firmiter tenendum est. Terrarum Orbem perlustra, in Palatinatu non procul Spira, costis, aut fœmore humano similes lapides inuenies, item propè Heidelbergam Saxoniz, eruuntur saxa ossium instar rotunda, quorum alia forma cranij humani, alij mali persci figuram expriment: alibique passim tanta eorum seges inuenitur, vt ibi esse, non possit, nisi exercitus Gygantum, & quidem miræ magnitudinis, quæ ossium moli responderet, antea extitissent, quos certè nullæ veterum historiæ commemorant, nequè à maioribus traditum est Nepotum Posteritati. Exercitus pariter Gygantum extitisse necesse fuit in cauerna illa in quam Panormi Illustrissimus Marchio Carolus de Vintimiglia, Vir eruditissimus, nec non exactissimus Siciliæ historicus introduxit P. Athanasium Kircherium, eique magnam ossium huiusmodi copiam ostendit. Rem totam ex eodem Kircherio audiamus. Me duxit (ait ille) ad locum tribus ferè passuum millibus Panormo distitum, quod mare dulce vocant. Erat ibidem ingens montis Promontorium, & è regione foramen prægrande per quod in obscura immensi specus latibula patebat aditus: descendamus, inquit, iam monstrabo tibi, mi pater, quantum Natura in similibus humani corporis membris effingendis possit, accensisque tædis, famulis præeuntibus, ingressi sumus longissimi tractus antrum, & cum iam aliquantulum intima penetrassemus ostendit mihi in sinistro antri pariete, longè latèque exporrectum, mirum Naturæ opus: Pariter dentes referebat paruos, mediores, maximos, & excessiuæ magnitudinis ea serie, qua Natura maxillis Animalium inferere solet, infixos, tanta copia, vt centum carros, indè onerari posse facilè crediderim, tanta animalium dentium similitudine, vt vix hos ab illis distinguere potueris, supra quidem candorem pellustrem, inferius verò radices monstrabant acutas, omnes tamen in lapidem solidum conuersos, tum ecce ad me Vir Illustrissimus; Hi sunt dentes, quos nonnulli Impostores hinc exemptos, pro Gygantum, aut Elephantorum dentibus imperitæ plebi vendunt. Sed non stetit hic mira Naturæ industria: vterius progressi in subterranei cuniculi parietibus, nescio quæ humanorum membrorum lineamenta intuiui sumus; nunc enim Tibiarum protuberabant formæ, modò vertebrarum genuumque vestigia, nullo tamen

ordinis nexu spectabantur, videbantur quoque nonnulli tumores argillacei ingentes, qui excisi ex vna parte os genuum, ex altera concavitatem relinquebant, caluariæ haud absimilem: Unde luculenter admirabilem Naturæ in ossibus, aut ossibus similibus saxis formandis industriam primò cognoui. His addendum est discrimen, quod idem Auctor comparata horum ossium symetria, cum humanis, observavit esse inter ossa vera, & à Natura minerali producta, quòd illa semper tibiarum canales, fistulososque meatus olim medulla refertos retineant. hæc verò solidum lapidem sine vlla Tibiarum concavitate mentiantur, & talia sunt ossa lapidea, quæ in multis Musæis exhibentur, quare illa purum Naturæ opus credenda sunt.

Ex hac certa rerum inductione, rationi æque, ac experientia consentanea parebit profectò quàm legitimè inferatur Conclusio, in qua asseritur etiam Testacea posse sub Terra generari. Inter ceteros id affirmat Gassendus, cum *Natura*, inquit, *eadem ubique sit, & rerum omnium semina ubique contineat, lapides efformat ex succo idoneo in medijs continentibus, referentes externa specie Conchas, & Pisces, quos procreare eadem solet in medio, ac diffuso mari*. Ex eo quod, ut idem Auctor probat, humore falso Terra non careat apto ad eorum generationem, eoque vel à mari per secretas rimas mutuato, vel à fossis aqua repletis, in eiusdem visceribus subsidente; deinde in probationem adducit, quod ex Asclepiodoro Seneca narrat, *Demissos videlicet quamplurimos à Philippo Macedonia Rege in metallum antiquum olim destitutum, ut explorarent, qua ubertas eius esset, quis status, an aliquod futuris reliquisset vetas auaritia descendisse illos cum multo lumine, & multos durasse dies, deinde longa via fatigatos vidisse flumina ingentia, & conceptus aquarum inertium, vastos pares nostris, nec compressos quidem terra supereminente, sed libera laxitatis non sine horrore visos*.

Natura nunquam otiosa ibi res format, ubi aptum humorem inuenit ad earum concretionem eoque progreditur, quoad eius materia patitur, ultra progressura, si loci, & materiæ inopia non excluderetur. Antuerpiæ Latomus quidam viuum bufonem in medio marmore inuenit, non aliundè quidem generatum, nisi ex apto humore marmori incluso. Argenteam arbo-rem à se visam in fodinis refert Fabri, ex qua virtutem omnium productiuam, quamuis loci angustijs, vel materiæ inopia impeditam ubique inesse arguit, Non est igitur mirum Testas in

monti-

Phisc.
sect. 3.

s. Nat.
quæst. 15.

Tom. 1.
phisc. sect.
4. Memb. 1
lib. 3. c. 7.
de Lapid.

montibus summis inueniri, minùs verò mirum in illis inueniri, in quibus salugo aliqua est marinæ salugini compar. Similis enim materia ad formas tales recipiendas est apta, multisque in locis reperitur. Adde aquam maris cum sale misceri, vnde *detergit roboratque valdè ventriculum*. In sale insuper nitrum, inesse deprehenditur, *quia validius quam salsa aqua mista cum eo soluit ventrem, subuertit stomachum, & facit nauseam*. Vnde inferendum est in multis regionibus, vt in Ægipto non saluginis modo, sed nitri etiam feracibus non mirum esse Conchylia generari, sicuti generantur in subterranea arena, quæ loco, & Natura marinis vadis respondet, cum ea temperamentum quoddam liquoris marini exugat, Oceano in Terras sursum per omnes canales magna vi irruente. Hinc igitur deducitur quo pacto lapides in aquis generentur, vt Aristoteles docet, & cauis subterraneis, & maximè ei arenæ, quæ proxima est aquis per Orbem Terræ subtus meatibus, liquor quidam communicetur, qui Conchyliorum figuras faciliè induit, vitam etiam accepturus, si locus viuum pisciculum alere posset, aut etiam, vt putat Grandi, quia in diuersis Oceani alluionibus quoddam prolificum Testarum semen Terræ communicauerit, non autem, quia, vt Recens Auctor asserit, Conchyliorum primigeniæ particulæ fortuitò coeuntes illorum formam constituent, Somnia hæc sunt Athomistarum.

An autem primùm Testæ formentur, an potiùs cum ipso Animali nascantur, non vna est inter Auctores opinio; Grandi, quem supra citauimus Testarum calices ante Animal generari affirmat; domus enim, vt ipse ait, constitui debet antequam habitetur, quæ vtique perfici poterit ab ipso Animali, non autem fundari. Huic sententiæ fauere poterit, quod in minutis Conchis biualuibus pluries adnotaui. Lenticulæ magnitudinem illæ non excedebant, Testarum valuis ita perfectè coniunctis, vt etiam cultri acie aperiri difficile possent, vacuæ tamen, & sinè vllò animalis vestigio semper inuentæ, idcirco argumento erant nullum adhuc Animal ibi fuisse generatum. Verùm quia inter arenas, & lutum è maris fundo acceptam, plures, & quidem minutissimas Conchulas, ope microscopij deprehendere potui animali scætas, clarius innotuit generari Testam simul, & Animal, cuius cadauer in Superioribus non apparebat, eò quia extra mare humor ille mucosus, quo formabatur, nec dum in callosam substantiam obduratus, penitus

4. Meteor.
c. 3.

De verit.
diluuij v.
niuers.
Ioannes
Quirinus
de sensibilib.

exeruerat. Testaceis enim Conchæ haud quidem parandæ sunt, vt domus, verum putandæ veluti eorum pars constitutiva, vt cæterorum Animalium ossa, à quibus si diuellantur, illicò vitam amittunt.

Tract. de
fossilib.

Putat Falloppius Testacea omnia, quæ sparsim in Terra inueniuntur cum Animali incluso formari, quod defectu humoris moritur, remanente cadauere, quod ex humore lapidescente aliquando reperitur obduratum. At eius sententiam non yti- que examinandam putavi. Eam coram lectoribus sisto, quos admonitos velim quam cautè credendum circa rerum natura- lium inquisitionem quidquid Phantasmata obijciunt, mentesque sinè delectu rationum opinantur. *Rationi enim*, inquit Aristo- teles, *fides habenda est, si quæ demonstrantur, conueniunt cum ijs, quæ sensu percipiuntur*. Quamobrem mihi persuadco, non omnes Conchyliorum figuras è Testis marinis oriri, quod ple- rique volunt, sed sui generis lapides esse, in ipsis montibus natos, & intrinseca virtute auctos, quam eis Naturæ Conditor impertiuit, quasi *ludens in Orbe Terrarum*, lusibus vtique eius dignitati non absonis, cum Sapientiæ, ac Prouidentia argumenta luculenter in singulis præbeantur.

Lib 3. de
gener. c. 10

Antequam Quæstionem absoluamus difficultas diluenda nobis est, quam Columna obijcit Theophrasto, qui multiplicis generis ossa in Terra generari credebatur: *Non enim*, inquit ille, *Natura quid frustra facit, vulgato inter Philosophos axioma. Dentes ò frustra essent, non enim, dentium vsum habere pos- sunt, ita nec Testarum fragmenta tegendi, sicut nec ossa nullum, Animal fulciendi. Dentes sine maxilla, Testacea sinè Animali, ossa unica in proprio elemento Natura nunquam fecit, quomodo in alieno nunc potuisse, & fecisse est credendum*. Argumento huic licet adèò impar videar, vt non armis me. sed hostili dumtaxat risu, & solo classico superatum iri aduersarius arbitretur, con- tradicere fas est, vt totum nihili pendendum videatur. Primum igitur illud aduerto, multas plantas humoris defectu in ipsa generatione deficere, ac mori: innumeros etiam flores virescere, qui licet ad fructus ordinati à Natura, in fructus non ab- eunt, imò in ipsis Calycibus arescunt, sicuti plurimi Arborum, fructus marcescunt antequam maturescant. Satis profectò ap- pertum est multoties Naturæ studia frustrari, cum Animalium, perfectorum loco generantur Monstra; Deindè miror adèò fa- cilè Columnam sibi suasisse vera ossa illa existere, quæ in Terræ visce-

Di. sc. de
Glosop.

visceribus efformantur . Analoga enim significatione nomen illis tribuendum putauerim potius , sicut Ostreorum nomina applicantur testis terrigenis, seu lapidibus , quibus formæ Testaceorum maris repræsentantur . Quid ergò arguendum dices affirmantem terrena Testacea esse Naturæ opus , quo marina referantur ? Nonne in pluribus hanc agendi methodum exprimit, & in conuoluulis præcipuè , quæ rudimenta Plinius eleganter dixit Naturæ *lilia facere condiscantis* : haud impari modo , quo Artifices argillaceas, seu cereas ideas constituunt , quas subindè in marmore, aut metallo perficiunt . Gaudet namque Natura huiusmodi rerum ludibrijs, & vti omnia in omnibus esse ostendit, ita pro conditione singulis in rebus laborat , quantum potest, vt sin minus sensum, saltem vitam ; sin minus vitam, saltem figuram nudam ijs, ad suam in Vniuerso decoris maiestatem, attestandam, imprimat . O quam prouida, sagax, & prudens illa est, ò quam formosa apparet Veritas ; Hæc vbique solis instar aliquo modo suos radios explicat , illa semper ex aliquo fine prudenter operatur , nec quidquam in Mundi Theatro vnquam profert , quod licet numeris omnibus absolutum, cæteris rebus non antecellat , admiratione tamen dignum non sit . Sed ne à mare nimis longè aberremus, ad eius Cochleas redeamus.

CAP. OCTAVVM.

Earum Varietas in Formis, & Coloribus
obseruatur.

Qui Conchyliorum varietatem obseruat , eam laudem Naturæ tribuendam existimabit , qua Virtus Michaelis Angeli Bonarotæ inter statuarios eximij, celebrata meritiò fuit , eò quòd in operibus, ab eo sculptis, duo vultus omnibus lineamentis omninò similes cerni non possent ; Adeò fœcundo erat ingenio menteque capaci , vt nouas semper ideas in marmore, representaret . Testaceorum enim tanta est Varietas, & in singulis formæ peculiaris diuersitas, vt nullum alteri correspondeat . Mirantur plerique cum Plotino Platonis assecla, *artificiosam hanc stupendamque Veritatem in abditissimis quibusque testiolis*, cum finalem causam in Naturæ laboribus scrutari nefciant.

sciant. Verum cessabit admiratio, si causæ efficientis cōgnitio ignorantix tenebras disijciat. Hæc porrò Diuina mens est, quæ infinitæ sapientix argumentum vnica vel linea æqualiter conuoluta in omnibus luculenter suppeditare hominibus potest, peritia longè maiori, qua Giottus ille ad ostentandam prodigiosam suæ artis peritiam, firmato cubito in tabula, circulem lineam adeò perfectè pennicillo delineauit, vt non aliter quam circino ducta videretur. Omnia circumuolutos Orbes ostendunt, at in similibus figuris dissimilitudo adeò magna cernitur, vt Boldonus eam admirans dixerit.

Tanto Natura in vn sembiante stesfo

Di varie forme hà i simulacri impresso.

Hoc est in eadem Cochlearum apparentia diuersarum formarum Varietatem impressit Natura, quas, vt iucundè oculis vsurpatas, sic sermone fusè expressas scimus à nemine. Nec mirari profectò debemus, cum ea sit Conchyliorum copiosa seges, *vt nulli facilius sit loqui, quam rerum Natura pingere*. Quod etiam de Floribus Plinius asseruit. Quòd si verbis aliquò modo expressas in his paginis candide Lector exoptas, eas elegantì æque, ac luculenta descriptione tibi subijcio de Italico sermone in Latinum conuersa, qua P. Daniel Bartolus summi Conditoris Excellentiam in vilissimis quibusque rebus se proidentem, indicauit. Superant profectò vires eloquentix meæ, ait ille, prodigiosæ Cochlearum Testæ, multiplex partium structura, conuolutionum varietas, ornatus elegantia, colorum dispositio, formarumque mira diuersitas, quæ in eadem materia tam variè componitur, & tam pulchrè condecoratur. Quotquot oculis vsurpauì, chiliades licet plures excederent, minimam earum partem constituunt, nullo prorsus calamo describendam, & quò plures darentur in scenam eò minor dicendi esset facultas. Adeò verum test inopes nos copia fieri. An non Cochleis sexcentis modis in spiram-circumductis prodigiosa Dei sapientia explicatur? nihil in rerum Natura vilius quam illæ, multiplici tamen artificio à Conditore Diuino redduntur capaces. Earum aliquæ ita orbibus circumuoluuntur, vt scapo illi hareant, & quò magis à basi recedunt, eò in acutiorem turbinem mira proportionem extenduntur. Aliæ contra in se ipsis Cochleatæ ex nulla parte in mucronem exuberant. Inter has quæ Venereæ dicuntur, & earum similes suos orbes omnino contegunt testa, cuius pars altera plana, altera in gibbam

elena.

De
Longob.
c. 7. 139.

Ricreatio
ne del Sa-
uio cap. 11
lib. 1.

elevatur. Aliæ ex basi pinnulis, aut cristis, aut muricibus cinctæ, paulatim deficientes turbinem expriment. Aliæ verò aliquando depressæ tonsillas, & tubercula, altero alteri superimposito ostentant. Multæ videntur quasi planæ, multæ subrotundæ, rugosæ multæ, vel expansæ, vel apertæ, vel angustis orbium anfractibus Cochleatæ, omnes quidem inter se diuersæ, sed omnes artificio elegantia, & venustate ita pares, vt de pulchriori iudicium ferrè non possis. Quæ sinè arte, & veluti negligentia quadam formata videntur, maximæ etiam censendæ sunt pulchræ, cum in ipso neglectu, errores placeant, & in rudi quadam massa maiestas eluceat, ac, vt ita dicam, pulchritudinis monstra iudicentur. In singulis oris aperturam si cernas, suam quodque venustatem explicabit labris, aut simul striatè coniunctis, aut omninò apertis, modò in longos canales productis, modò in brachia expansis, quibus lapideos polypos representant. Nec facilè causa reddi potest, cur in multis labra multiplici plicatura reflectantur, cur in pluribus dentibus muniantur, non ad vulnera inferenda, sed ad ornatum. Diuiduntur subindè in vulgares, & pretiosas, in nobiles, & rusticas; quarum plurimæ crustatæ, squamosæ, corticosæ, crispis corrugata, aculeis spinosæ, macronibus horridæ, multæ verò leues, pellucidæ, nitidæ, & sandracea velatæ, nonnullæ velut malleo contusæ, vel opere musiuo tessellatæ. Inter omnes verò præcipuè Nautilus ob testam pretio habendus, argenteo vel margaritarum nitore præciaram.

Nec silentio prætereundi sunt colores, quibus omnium testæ exornantur. Innumera gignuntur albæ, argenteæ, lacteæ, badia, cinereæ, pullæ, subnigræ, purpureæ, flauæ, aureæ, porraceæ, amethystinæ, & puniceæ, plurimæ discoloribus fasciis vinctæ, modò in longum, modò transuersim ductis, vel sinuosè crispatis; Aliæ veluti opere phrygio pictæ, aliquæ tessellulis albis, & nigris omninò distinctæ, aliquæ multiplici colore depictæ. Vt plurimum sinè regula coloratæ videntur, aut guttatim aspersæ, & punctis signatæ, aut notulis rotundis, seu quadratis maculatæ fuluis, rubris, sanguineis, vt in lapide Iaspide, centenisque diuersis coloribus adeò variegatæ, vt verba ad significandum apta deficient. Ommitto igitur, quæ recenseri hic possent, striatas, rugosas, sulcis excauatas, & crenulis crispas, ommitto eas, quibus coronæ minutissimis incisuris notatæ, venustatem addunt, quibus cristarum duplex ordo circa orbes

cir-

circumducitur, & nodulis coniunctis instar torquis ditatur. Ommitto eas, quibus decor additur à duplici linea altera vnionum, gemmarum altera, passim guttulis coronatis distincta, eas demum, quarum partes tuberculis, consillis, pinnulis, & bracteolis laciniantur. Inter omnes, veluti inter ignes Luna minores, Vna est, quæ indico in litore reperitur funiculis discoloribus contexta, inter quos veluti alia fila alba, & violacea simul contorta, per orbium semitas ordine adeò eleganti discurrunt, vt nunquam in spirarum anfractibus confusa, suum quodque situm occupet, ostenduntque peritiam, qua Artifex illam composuit. Huc vsque P. Bartolus. Huic luculentæ satis, ac perspicuæ Cochlearum descriptioni vnâ addendam censeo, longè omnium meo quidem iudicio elegantissimam. Parua licet mole, in angusta orbium aglomeratione magnum exhibet artificium. Nunquam inter Persas fœmina, licet muliebris luxus excultrix, multicolores linteolos glomerando, cidarim pulchriorem suo capiti aptauit, qui cum hac Cochlea posset de pulchritudine dimicare. In Brasiliano litore frequenter reperta, maris eiectamentum dicenda non est, vt de Vnionibus dixit Tertullianus, sed eiusdem proles, quò pulchrior, eò cæteris charior. Ab Indis vocatur patrio nomine *Caramugio*, quod idem est, ac Latinis Cochlea. Fraga dicitur ab Italis à forma, & colore purpureo simili, sed melius Latini Neritam appellarunt, hoc est maris genitam, ac si cæteris rebus, quæ in mari generantur pulchritudine antecellat, sicuti Nereides inter omnes Nerei Filias venustate elegantissimæ.

Si colores quibus tegitur inspicias, eam Cochlearum Reginam dices Bisso, & Purpura indutam, seu potius opere phrygio condecoratam. Cutem enim ostentat lineis vnionum dictatam, quarum vna alba est, altera nigra, & continuato ordine alternatæ. Inter ea alia linea coralliorum collocatur, triplicique hoc colore adeò spectabilis apparet, vt Gratiarum manibus elaborata videatur. Fabulosum quod ad excitandam admirationem Lucianus narrat, Prometeum nempe Aquarum Præsidentem igneam naturam induisse, at certius vero Cochleam hanc sola aqua nutritam igneo colore rubescere, quam piceus, & albus adeò egregiè notant, vt meritò Naturæ ingeniosum opus dices, & maris florem, sed incorruptibile, cum conchas floribus æquans Lucretius dixerit.

*Pingere Telluris gremium, qua mollibus undis
Litoris incurui bibulam lauat Aequor arenam!*

Verum singulas recensere impossibile cum sit, confusa quadam cognitione omnes simul complecti sufficiat, qua ad earum Condito- rem nostram mentem attollamus, inquirendo, quod D. Hieronymus in homine perscrutatus est: cur videlicet, in tam vili, & abiecta materia speciosissimam formam posuerit non verò cœlesti? Lutea licet massa compositæ, vasa, quæ Raphael Vrbinas pinxit, pretio superant. Inter sensitiua Animalia quamuis viliores cutibus, veluti acu pictis, & phrigio opere decoris, adeò æstimantur, vt cortex tantum in fructu meritò dici possit, sicuti Plinius dixit de subere.

Lib. 16. c. 12.

Et quidem, vt verum fatear, non semel præclaros sapientesque viros admiratione obstupescerentes vidi, cum plurimas ex elegantioribus in eorum conspectu darem, non aliter, ac si Auroræ palatium perlustrarent, in quo, vt S. Præsul Appollinaris describit.

Diripiunt diuersa oculis, & ab Arte magistra

Carm. 2.

Hoc vincit quodcumque vides.

Nullam enim ex eis esse omnium pulcherrimam iudicare quis potest, cum singulæ, vel partium structura, vel colorum varietate, vel orbium circumuolutione æquè possunt oculos recreare, nouoque oblectamento animum pellicere, vt sensibilibus rebus ad inuisibilem rerum omnium Condito- rem quisque sibi viam, sternens, eum tanquam siderum Principem, à quo cætera lumen mutuuntur, agnoscat, ac prosequatur amore, à quo, docente Seneca, dum ponuntur saporis in pomis, odores in floribus, in lapidibus colores, vsque ad delicias amamur.

Hoc igitur pacto honesta laudabilique oblectatione afficitur sapientis oculus, dum Cochleas recognoscit, miraturque singulas, quamuis in eadem specie numerandæ sint, proprijs quibusdam lineamentis à cæteris differre, vt stella differt à stella in claritate. Attamen admiranda hæc Naturæ opera, quam hominum pauci recognoscunt! Satis enim comprobatum est: *Ab assuetis passionem non fieri*, vt inquit Philosophus, & cum omnia condita fuerint in hac Rerum Vniuersitate, vt (docente S. Basilio) *ad veri, ac solius sapientis cognitionem facile penetremus*. Conditoris tamen obliti, eius miracula non celebramus. Quod si miracula dicenda non sunt omnia ea, quæ in hac rerum Natura existunt, ex eo prouenit, ait S. Augustinus, *quia*

In princip
Parabasa-
lom.

H

fiunt

*fiunt continuato quasi quodam fluxu labentium manantiumque rerum ex occulto in promptum, atque ex promptu in occultum, vſitato itinere tranſeuntium. Vndè admiratio non paritur ſi ſegetes è mortuis feminibus quotidie effloſcant, ingens verò excitatur, ſi cadauer in tumulo reuiuſcat, non quia hoc ſi-
maius, ſed quia rarum, inquit idem S. Auguſtinus.*

Hæc libuit ſuperioribus diſtis adnectere, vt voluptas cognitionis Animo pariat vtilitatem, indèque arguatur; *Quam pulchra, quam delectabilis viſu, inexauſta mens illa ſit, quam infinitæ rerum ſpecies comprehenduntur, ſi parux, & quidem non inter omnes pulcherrimæ intuentium oculos, animumque adeò delectant? Verum nè vaſto in Oceano felici quodam naufragio mens mea deperdatur, vela hic Colligam, & Cochleas iterum oculis ſubiciens, quidquid menti ſuggerunt proferam certè philoſophica indagine dignum. Sed antequam varia Problemata proponantur ſoluenda, quò magis obuia, eò difficiliora, humanæque mentis aſtutiam prorsus excedentia; de Coloribus, quibus Cochleæ pinguntur, aliquid delibabimus.*

CAP. NONVM.

Vndè nam oriatur diuerſitas Colorum in Cochleis.

Occultis profeſſò, & prorsus nobis ignotis legibus inſcribuntur Conchylia, quæ à muſicæ notulis muſica dicuntur, occulto etiam artificio aſperguntur Venereæ, ſignantur Turbines, & variatur colorum apparentia in Nautilis, & Vnionum matribus, ſicuti occulta arte Flores, Fructus, Gemmæ, ac Metalla colorantur. Quamobrem Bellonius poſt diuturnum, & laborioſum examen in hæc verba prorupit, nempe, *de colore forma, & ſubſtantia dicere poſſum, quod eos viderim ſapius, vndè veniant non ſat dicere poſſum. Imò Plato ipſe. Quo autem menſuræ modo, ait, ſinguli colores ſingulis miſceantur, etiam ſi quis nouerit, narrare prudentis non eſt, præſertim cum nequè neceſſariam, nequè veriſimilem de his rationem afferre ullo modo poſſit.*

Attamen sicuti non otiosè oculos mentemque defigimus in rebus ijs, quæ, in hac Naturæ Theatro proponuntur, & laudabili studio, considerare cum D. Hieronymo possumus flores, Liliū cum Nisseno, cum Tertulliano Pauonem inter aues ob plumas præclarum, ita non audaciæ, sed laudi tribuendus est conatus ille, quo rationem inquirimus in tenebris omninò latentem, inter quas semita aperienda est mentis face, à veritate probabili nobis communicata, illorum instar, qui metallorum fodinas ad thesauros eruendos magno cum vitæ discrimine perscrutantur, luteasque glebas, ut plurimum manibus pertractant. Feliciter erramus, inquit Aristoteles, quando cum errore aliquid verum assequimur, ita non quæcunque procellosa maris agitatio nauibus nocet, licet à litore quæsito eas remoueat, si ad ignotas terrarum plagas appulerint, ubi nouos mores Incolarum agnoscant Nautæ, nouisque mercibus redeant in Patriam onusti.

Licet igitur veram claramque rerum cognitionem assequi illic sperem, ubi Increatæ Sapientiæ lumen ignorantia tenebras prorsus exterminat; in hac caliginosa gymnade, in qua versamur, colorum inquisitionem pro mea tenuitate, quæcunque illa sit, hoc pacto aggrediar.

Primò suppono duplicem colorum speciem Cochleis inesse, sicuti etiam, in Gemmis, Opaci videlicet, & Diaphani siue Perspicui. Vterque autem, vel eis realiter inest, etiam absente luce, vel solum apparens est, cum lux affulget, & pro diuersa lucis intensione color variatur, ut videtur in gemma Opalo, & in testa præcipuè Nautili, in quo, ut in Iride notauit Seneca; *videmus aliquid flammei, aliquid lutei, aliquid cærulei, & an dissimiles colores sint seire non possis, nisi cum primis extrema contuleris*. Huius coloris perspicui examen Opticæ disciplinæ relinquo, ut colorum tantum originem, qui sine vlla lucis mixtione corporibus insunt, recognoscam.

Septem verò sunt Colorum species, iuxta Philosophum. Niger nimirum, sub quo comprehenditur Fuscus, siquidem Fuscus est quoddam Nigrum, Albus, Flauus, Puniceus, Purpureus, Viridis, & Cæruleus, qui colores consistunt in quadam mediocritate inter album, & nigrum. Reliqui colores componuntur ex mixtione horum septem. Alij verò ad mixturam colorum, eorundemque secundum naturales gradus genesis. Quinque præcipua eorum genera pro fundamento ponunt. Al-

Quæst nat.
lib. i. c. 3.

Lib. de sen
& sensib.
c. 4. art. 3.
n. 10.

bum, Flauum, Rubrum, Cæruleum, Nigrum, quorum mixtura omnis alij intermedijs, quorum non est numerus enascuntur, & sunt in appposito schemate comprehensi.

Albus nigro ad æqualitatem partium commistus nullum alium præter quam cineritium parturit, cum niger albo mistus semper subalbidum quiddam obscurum producat, vsque dum totus albus color in manifestam nigredinem, vel niger in albedinem superiniecta semper vberiori nigredine, vel albedine conuertatur, sed ad alios progrediamur.

1. Albus cum flauo subflauum albo vicinum, flauus verò cum rubro aureum sinè fuluum. Ruber cum cæruleo Purpureum, & cæruleus cum nigro subcæruleum nigro proximum producet.

2. Albus cum rubro producet colorem quem Incarnatum dicimus, & ruber cum nigro subrubrum ad nigredinem vergentem.

3. Albus cum cæruleo proferet colorem cinereo similem, flauus verò cum nigro fuscum.

4. Flauus cum cæruleo producet viridem colorem ex omnibus intermedijs constitutum, quem ad Homines, & Animalia oblectanda videtur Natura composuisse.

Atque ex hac quadruplici colorum combinatione omnes componuntur colores, qui nunc remissius nunc intensius ad eos reuocantur, quorum quique nomenclaturam suas ex rebus quas colorant videlicet ab Elementis, à Nubibus à Mineralibus; Metallis, Herbis, Floribus, Volucris, Piscibus, Reptilibus, & Insectis fortiuntur.

Qui plura desiderat legat in Tractatu quem Parisijs edidit de coloribus anno 1613. Ludouicus Sauottus.

His prænotatis adiungo, quæ in Libro quinto de Generat. Animalium Aristoteles indicauit, circa multicolorem eorum apparentiam. Diuiduntur igitur Testacea omnia sicut Animalia cætera in Vnicolora, Vesicolora, & Varia. Vnicolora sunt, quæ quoad omnia indiuidua speciei sunt vnus coloris. E. G. Conchæ margariti feræ in parte Interna semper margaritarum colorem ostendunt, altera Nautilorum species lacteam albedinem habet, altera colorem opalo gemmæ similem. Animalia Versicolora, sed vnicolora sunt, quorum totum corpus est vnus tantum coloris, sed quædam Indiuidua sunt vnus coloris, quædam alterius. Diuersitas hæc videtur præsertim in Pectinibus; quorum aliqui albi sunt, aliqui rubei, aut fusco colore saturati.

Animalia.

Animalia varia sunt, quorum corpora sunt varia, ita vt secundum vnā partem sint vnius coloris, secundum aliam sint alterius coloris. Rursus Animalia varia subdiuiduntur in duas Classes. In prima Classe continentur, quæ sunt varia secundum totum genus, itaut omnia indiuidua generis, aut speciei sint varia. In secunda Classe continentur ea, quæ non sunt varia ex toto genere, sed solum secundum aliqua indiuidua. Hæc lege adeo immutabili colorantur, vt aliquando, vel circumstantia loci, vel temporis, vel cibi, diuersum colorem inducere non possint. Quamobrem cum eodem Philosopho notandum est frequentius colores variari in Animalibus, quorum species continet aliqua indiuidua vnius coloris, & aliqua alterius coloris, quàm in Animalibus vnicoloribus, hoc est quoad speciem determinatis adhuc, vt secundum omnia indiuidua sunt vnius tantum coloris, ex ea potissimum ratione, quia cum species est indifferens ad plures colores, etiam eius indiuidua possunt esse indifferentia, adeoque ex vno colore possunt transire ad alium, qui non repugnat speciei, sic ex albis fiunt nigra, vel ex nigris alba, & ex albis partim nigra partim alba. Ex opposita ratione Animalia Vnicolora determinata ad hoc, vt secundum omnia indiuidua speciei sint vnius coloris, non possunt mutare colorem, nisi raro ex aliquo morbo, vel ex aliqua extraordinaria portione, adeoque visa est Perdix alba, Vrsula alba, Ceruus etiam, & Passer albi, & Florentiæ Leucoæthyops Serenissimo Etruriæ Duci à Genuensi Senatu donatus.

Quibus positis, dicendum est, colores, quibus Conchyliorum testæ semper pinguntur, itaut nec eorum situs nequē figura varietur, exigi ab aliquo Principio intrinseco, eosque producente; sicuti lux, & calor à Sole producit: non verò fieri mera qualitatum combinatione, à qua quidam Nasutuli, vt ait Boetius in Libro de Gemmis, *omnium rerum causas venantur*, & cum immediatas, & veras scrutari nesciant, genericis quibusdam vocibus, & vt plurimum falsis, suas sententias fucatas proferunt, nè tacendo ignorantie dedecus patefiat. Qualitates cæco agunt modo, nec artem possident, qua constanter, & eadem semper emanante influxus periodo, colores disponant, ita vt rosæ, circuli, tessellulæ, sexcentæque aliæ maculæ represententur, non fortuita pennicillorum combinatione, sed studiosa peritia, qua multicolores redduntur Auium plumæ, viridia arborum folia, & candidi calyces Liliorum,

Nec è patrio luto Animalia, testis inclusa ad nobilitatis fastigium immeritò attollimus, quid enim mirum si hæc possint, cum nomine Potentiæ summæ, summæque sapientiæ Testacea operentur. Rerum enim sensibilibus actionibus Naturæ Conditor, qui omnibus præest velo quodam obtegitur; mereturque Epigraphem, quam Planetarum Principi Mari, Terræque dominantis, quidam aptauit, cum scripsit: AB VNO.

Concurrunt quidem in pictoria hac arte alia multa, è quibus, ut ita dicam colores exprimuntur, & multicolor tinctura exugitur, ideò Vniones, qui à mari Britannico generantur non æquè albescent, ac Margaritæ orientales Sinus Arabici, & Purpura Cypria magis rubescit, quam ea, quæ in mari Adriatico nutritur, sicuti Purpuras in mari Aquilonari nigrescere, in Australi ut plurimum rubras esse, in Orientali verò, & Occidentali liuidas ex Aristotele accepimus. Docet deinde idem Philosophus duplici ratione variari posse colores in eodem subiecto, vel quia in eius generatione alterari nimis possunt humores, mutarique temperies, quæ ad talem colorem subiecto inducendum exigitur à Natura, vel ex diuerso potu aquarum, quæ, si calidæ, candidum colorem inducunt, si frigidæ, fuscum, ex ea potissimum ratione, quia cum calida multæ particulæ aëris miscentur, ex quibus candor prouenit, ut apparet in spuma ex aqua, & aëre composita. Verum rationem hanc Aristotelis ad trutinam non reuoco. Illud affirmare indubitanter placet, quod experimentis satis euidentibus roboratur. Colores videlicet non paucos à diuersitate humoris, quo Animalia nutriuntur oriri, rursusque variari à diuersa eorum caloris Coctione, sic Mitulorum caro, si coquatur igne, è pallido colore in vitellinum transit.

Quod si Pili, Plumæ, & Pelles Animalium ab eorum excrementis proueniunt, ut Aristoteles ipse docuit, confirmatur quod diximus. In cute enim Cochlearum Testacea colores præcipuè apparent, non aliundè profectò multicolori, & varia, nisi ex varijs humoribus, quibus nutriuntur, sicuti ex multiplici cibo magis multicolores sunt Vespe quam Apes, inquit idem Aristoteles.

Cum Oceano misceri hanc diuersam humorum temperiem arguere possumus è Coralliorum præsertim diuersitate. Inueniuntur enim alba, nigra, rosea, & purpurea, & quidem non in distincta maris plaga, sed ex eodem lapide aliquando coniunctim

*Et*im nata, certè ex diuersitate humorum, quorum sedimentum ad diuersos Coralliorum cespites semen posuit, præbuitque alimentum, vt feliciter in propria specie singuli germinarent. Hæc verò humorum necessariam separationem tum accidere, probabiliter mihi persuadeo, cum maris æstus non adèd feruet, & magis frigescit, sicuti videmus Balsamum Ægyptiacum dictum *della Mecca*, aqua calida dissolui, penitusque misceri, eadem verò frigescente separari in globum condensatum.

Istam verò tincturam ab exhalationibus, & mineralium corporum spiritibus prouenire iudicant multi, cum tingendi vim habeant; nonnulli ex varia Elementorum cōctione illam deducunt; plerique verò salinis corporibus, vitrioli, & aluminis adscribendam esse existimant, quibus omnia Corpora saturantur, & potissimum salis ammoniaci, cui insitum putant colorum omnium seminarium, qui in eiusdem fumo, cum sublimatur igne, manifestè apparent. Sed ne ab instituto nostro discedamus, harum opinionum examen ommitto. Ad Lucernam enim Cleantis in abditissimo terræ antro labore improbo mentem damnamus otio iucundo priuatam, quo in maris litore ad animi relaxationem minimè vituperabilem cœpinus feriari.

Suppono igitur cum Agricola mista esse cum aqua maris ramenta plurima mineralium, & particulas salium, nitri. & aluminum, quæ quidem agnosci possunt, præsertim sublimatione informace spagyrica obtenta; ex qua diuersorum corporum mixture necessariò diuersitas colorum, & saporum nascitur, cum rubrum Rubrica, & flauum Ochra communicet, sicuti alios colores Rubigines, Salia, & Bitumina producant. Hinc aqua Fontis Tungrensis igne supposito ebulliens rubescit, Aqua Nisi æruginosa apparet tempore siccitatis, in lacu Babilonico calidis mensibus rubet, & quamuis multæ aquæ perspicuæ sint, & claræ, alueos tamen diuersimodè tingunt; Hinc in fonte Theano proximo alueus rubicundus apparet, & litargirij decoctum, cum aquæ puræ infunditur, vt lac albescit, & condensatur. Ex quibus satis arguitur Cochlearum restas diuersis coloribus pingi posse ab aquis marinis, pro diuersitate corporum, quibus ipsæ inficiuntur.

Negandum autem non est macularum diuersitatem posse etiam ab extrinsecis, & accidentalibus causis deriuare; vel quia humiditas frigore exsiccet, vel quia è varia caloris cōtura varia-

Aplud Im-
peratum
lib. 5,

De luce
Animal,
lib. 2. prob
3.

Probl. de
color. sect.
38. n. 2,

Psal. 49


Salust. Eug-
barges,

Iorenzo
Crasso
Poe. 3,

variatur coloris apparentia , sicuti in agro Patauino glebæ sunt, in quarum meditullio terra alba latet , quæ colore ciano pingitur. si aëri exponatur . Ita pariter Cerussa ex plumbo facta flammæ vi in flauum colorem degenerat , & magis adusta in minium euadit . Ita *oua cocta multo sunt candidiora* , vt notat Bartolinus . Poma à Sole diuersimodè calefacta etiam diuersimodè colorantur , & Concharum valuas in aprico expositas varijs coloribus infectas, ego ipse post aliquot dies penitus albas inueni . Hinc Aristoteles ad quæsitum cur Nauticæ artis studiosi vt plurimum colorem rufum acquirant, respondet ; ex eo nasci , *quia mare per suam salsedinem est calidum , & exiccituum, adeoque aptum ad causandum colorem rufum* .

Quid ergo mirum si Testacea innumeris penè diuersisque coloribus induantur, ac si, licet eiusdem speciei sint indiuidua , & in eodem aquarum gremio generata , è diuerso tamen vbere traxerint alimentum ? Atque hæc de coloribus in genere dixisse sufficiat . velle propinquius immediatas causas singulorum scrutari temerarium est . In examine rerum naturalium ibi sistere prudentem Philosophum decet , vbi sensuum ductu probabilibus rationibus sciendi curiositatem lætat, quem nonnisi summi Conditoris cognitione omnino explere in hac vita possumus . Qui iurè meritò artem penitus arcanam sibi vindicat Flores , & Conchilia coloribus pingendi, cum dicit in Psalmis : *Pulchritudo agri mecum est* ; ac si diceret, inquit S. Mediolanensis Antistes . Quis enim alius artifex potest tantam rerum singularem exprimere venustatem ? Abditarum igitur harum rerum fibras magis intimè scrutentur alij , Nos interim Conditoris Sapientiam in eis arguentes, Poetam audiamus cum ait illum admirans ,

*il qual le piaggie
Di più varj colori orna , e dipinge
Che dell' Aurora il matutino volio .*
Eiusdem enim iussa sic exequemur, qui vult
*Mentre opre sì belle al Mondo spande ,
Che per esse ammiriam' quanto ei sia grande .*



COROLLARIUM.

Quæ circa colorum Genesim in capite
superiori dicta sunt,

Experimentis comprobantur.

Diximus è varia sulphuris varijs salibus misti concoctione
varios quoque, & diuersos colores emergere. Secundò ab
exalationibus, & minerarum particulis siuè spiritibus; Tertiò ex
salinis corporibus vitrioli, & aluminis prouenire; Hæc autem,
omniñò experimentis, quæ adducemus sat superque patebunt.

Si ponantur laminæ plumbeæ in scypho aceto acerrimo
pleno, eius acrimonia aliquot dierum spatio resolutæ in purissi-
mam candidi coloris cerussam conuertentur. Si verò hanc cru-
cibulo igni validissimo imposueris, videbis paulatim in flauedi-
nem quandam lucidam abire, paulo post in herbaceum colo-
rem postea in Fuluum, ac tandem in intensum colorem rubrum,
quem minium vocant, degeneratam; rursus in nigram scoriam
caloris ignei incremento mutatam.

Si autem quæras quomodo hic color candidissimus pri-
mò, deindè in rubrum, & tandem in nigram scoriam degeneret. Respondet in Mundo Subterraneo Kircherius, hoc fieri ca-
loris ignei incremento; primò siquidem acetum, ignea qua-
pollet acrimonia, plumbum in particulas minutas dissoluit, qua-
rum singulæ cum sale mistæ sint, à terrestribus deindè fecibus
separatæ, lucidissima corpuscula exhibent, non secus, ac si vi-
trum, in minutissimas partes contuderis. Degenerat deindè in
alios colores, vt dictum est, & tandem in nigram scoriam, quia
cum partes salinæ albæ, ignem expertæ fuerint, sulphur illis
admixtum in sal flauum abit, eò quòd adustio particulas trans-
mutet in vicinum albo colorem. At si cerussa vehementius adu-
ratur, iam obfuscatæ corporibus salinis, cerussa ex albo, &
flauo colore mista, subuirescente colore imbuta conspicitur,
quam luminis reflexio in tali dispositæ materiæ combinatione
exhibet. Rursus si hæc adhuc vehementius aduratur, in flauum
colorem paulatim, eò quòd materia vehementi calore exagita-
ta iuxta colorum naturalium progressum in eum colorem, qui

Lib. 6.
sect. 2.

viridi est propior degeneret : salina verò corpora , cum exhibent luminis illustratione colorem , quem adustionis incrementum , secum portat , atque hoc pacto intensissimum rubedinis gradum , idest minium , tandem intensissima caloris vis producet ; à quo gradu si ignis vehementius , & vehementius intendatur , videbis quod vti per luminosum colorum gradus in rubrum excreuit , ita hoc per umbrorum colorum gradus , idest panicum , caruleum , cinereum paulatim ordine desleat , donec in nigri coloris scoriam , albo oppositam , iam omnibus spiritibus dissolutis , instar carbonum degenerat . Atque ex hisce luculenter patet , quomodo colores caloris vi in mineralibus paulatim ex vno in alterum gradatim iuxta ordinem naturalis mixturæ , transmutentur .

Quomodo autem salina corpuscula se mutuo destruant , & instaurent , hoc patet experimento : Si gallarum in aquam limpidam resolutarum infusioni vitriolum admisceas , ea statim in atramentum degenerabit , quod certè provenit ex combusto sulphure , quo Galla constat aquæ communicato . Si verò huic atramento aquam stygiam superaffuderis , ecce (mirum dictu) aqua atramentosa mox pristinae claritati restituetur , eò quod aqua stygia corpuscula gallarum sua acrimonia prorsus consumet . Si verò rursus huic aquæ iam in pristinam claritatem reductæ oleum tartari affuderis statim in atramentum reductur , quia oleum tartari non absimilem gallæ tincturam continet . Undè pulchrum arcanum patet ; Si enim in carta candida vitrioli aqua aliquid inscripseris characteres siccati prorsus evanescent , ac mox si cartam gallarum infusioni immerferis , nigerimo colore imbutæ apparebunt . Quas si denuò deletas cupias , id spiritu vitrioli , aut aqua stygia præstabis . Pari modo tinctura violarum carulea , oleo vitrioli suffusa purpurascit , cui si guttas aliquas spiritus corni cerui affuderis , color purpureus in viridem continuò vertitur .

Quæ omnia dependent à varia differentium corporum constitutione , quæ cum varijs , & differentibus salibus variè tingentibus turgent , ita quoque varias colorum transmutationes admittunt .

CAP. DECIMVM:

Referuntur Proprietates aliquorum Testaceorum, in quibus elucet Prouidentia Diuina.

SI ob Formarum, colorumque varietatem pretio non vulgari habenda sunt Conchylia, plurimi quidem ex eò, quòd sese oculis exhibendo in hoc amplo Mundi Theatro prouinciam, sibi impositam optimè exercent. Si Cœli enarrant gloriam Dei, à Cochleis etiam celebratur Deus, qui vtique in vilissimis rebus Sapientiæ, ac Potentiæ thesauros ostendit, eiusdemque Prouidentia non minus, quam varia argumentorum ratiocinatione sensibus ipsis declaratur. Illis enim Deus non tantum, quidquid ad Vitæ conseruationem requiritur, verum etiam, ad oblectamentum elargitur: Quamobrem Tertullianus ad infringendam audaciam Marcionis inter homines nequissimi, Dei Prouidentiam negantis, illi res infimas obijciens. An ne (ait) *Vna cuiuslibet maris Conchula non dico de Rubro, sordidum artificem pronuntiabit tibi Creatorem?* Serpentum mos est suos partus in arena relinquere. Diuina verò Prouidentia rebus omnibus à se conditis, quæ ad vitæ sustentationem requiruntur, donat, argumentum præbens in minimis maioris Prouidentia, qua maiora, & Homines præcipuè moderatur, ac regit, quorum beneficio hanc omnium rerum Vniuersitatem è nihilo euocauit.

Iniuriosè redarguit Naturam Plinius, cum diceret cap. 29. lib. 9. *Carent Conchæ visu, omnique sensu alio, quam cibi, & periculi.* cap. verò 35. *Concha, inquit, in qua Vniones generantur, cum manum videt, comprimit sese, operitque opes suas, quæ præpter illas peti, manumque si perueniat, acie sua abscindit, nulla iustiore pæna, & alijs munita supplicijs.* Huiusmodi verbis Palinodiam cecinisse iudicarem, nisi poeticè potiùs quam historicè loquutus esset translatione quadam verborum, oculo tribuens quidquid tactu peragitur, cum asseruit Piscatorum cupiditatem ab eis sagaciter animaduerti, sicut Virgilius de latratibus canum loquens ait. *Viseque canes ululare per umbras,*

Albertus etiam cognomento Magnus de Concha Pedine scribens ; *Si quis (ait) digitum admoet subito claudit oculum, ex quo cognoscitur habere visum .* At experimentis sat mihi comprobatum apparuit fere omnia oculorum sensu carere , Nautilo excepto . Quamobrem vera scripsit Aristoteles de Testaceis lib. 1. Animalium cap. 1. ubi sic legimus : *Habent profecto oculos tum cetera Animalium Genera omnia , praterquam testa inuenta, & si quid imperfectum aliud est, & Talpa.*

Nunquid fortasse crudelem Naturam idcirco appellabimus ? utpote quæ caliginoso in loco ea perpetuò damnarit , in quo nec victum quæritandi modum habent, nec lucis usura fruendi . Apage qui de recta Naturæ operandi regula tam absurda animo concipis . Ea nempe adeò prudenter in omnibus agit , ut licet liberali quadam manu , suos thesauros elargiatur, prodiga tamen nunquam sit , nec quid minimum frustra unquam operetur . Quamobrem prudens potius censenda est , si visum Testaceis animalibus non necessarium denegauit . Animalia enim omnia testis inclusa , præsertim ea , quæ Turbinata non sunt, & progrediendi facultate carent , humore marino præcipuè nutriuntur, quem, cum per poros attrahant , quærere utique non debent , cum in aqua generentur , & perenni quodam vbere semper ali possint . Ea verò, quæ præter aquam cibis diuersis pascuntur , ut notat Aristoteles, motu non carent , & olfactu, quo appetitu excitato, sensuum ductu eos inueniunt . Odor enim , asserente Theophrasto, Animalia omnia ad sumendum cibum inducit, quem naturali quodam instincto ad nutritionem aptum esse iudicant . Sic Purpuræ , Turbines , & alia Conchyliorum Genera foetidas appetunt carnes nassis inclusas à Piscatoribus .

Hic autem aliquid dicendum est de modo , quo Turbinata mouentur . Testarum scilicet pondere onusta pedibus , brachijs , & squamis orbatae , spumante reptatu incedunt , sicuti Vermes, qui, ut notat Albertus , *contractione, & emissionem corporis progrediuntur .* Quamobrem ipse ossium defectus motui adiumento est . Sibi suauis quidam ex recentioribus Auctor, alioqui præclarus , iuuari motum ab orbium circumuolutionibus , quibus dum mouentur quodammodo nituntur, ac vires augment, ut moueantur facilius . At experientia didici ab eis quidem latibula formari, in quibus Animal inclusum , & spiritaliter conuolutum possit tuto progredi , sibi que ponderosam

Lib 4. de
Anima c. 8

Tract. de
Anima c. 10

domum semper vitam trahere ; obseruare enim quisque potest Animal, cum moueri incipit , magna sui corporis parte è turbinata testa exire , cum qua deinde, sarcinæ instar dorso impositæ, progreditur , arcuatim membra flectens , vt suo loco fusius videbimus . Nunc satis superque sit Prouidentiam Diuinam in eis elucenscens admirari , qua gubernantur Testacea, & quod mirabilius est animaduertere , ab eis nempè bina saltem cornicula , è fronte emitti, non ad vulnera infligenda , sed ad itinera prætentanda . Tenerrima enim sunt , & quidquid in aduerso potest obijci , adeò facilè sentiunt, vt vix tactis, illico Animalia recedant , abscondantque sese in Testæ recessibus , quam secum semper deferre notauit ille apud Athe-
neum , *quia nemini credunt* .

Plutar.
Apoteph.

Nequè ideo credendum est vitam in eis viuere infelicem , eò quòd angusto veluti carcere inclusa libertate frui nunquam possint , Amantur enim recessuum angustia , sicuti cæteris rebus placet quidquid earum prodest conseruationi , quibus munimentum formatur , sub quo offensiones euitent, recedendo, cum offendere neminem possint . Nec alia desunt Tutamina , vr conseruentur : Illa enim, quæ semper , vt Plantæ manent in loco, vbi nascuntur , testa durior , vel crassior contra voracitatem Piscium defendit , alia licet mobilia præduri muniunt Mucrones , siuè Murices aculeati , alia lapidea lorica tuberculis aspera, multis verò oris apertura , vel angustissima est , vel operculo saxeo adeò arctè clauditur, vt neque aciculæ capacem rimulam insidiantibus relinquat ; Quapropter aptius illis quam Terræ Fructibus Poetæ carmina conueniunt .

Dalla Natura si vuol imparare

Ch'hà le sue Frutta , e le sue cose armate

Di spine , e reste , e ossa , e buccia , e scorza

Contro alla violenza , ed alla forza .

Berni.

Haud equidem nego ex ijs multa testa adeò tenui subtilique circumtectâ viuere , vt quasi penitus inermia Piscium voracitatem euitare non possint , vnde à Polipis præcipuè complexu crinium franguntur , rostroque abripiuntur ab Aue Lari , quæ referente Eudemo in libero aere ea relinquit, vt cadant supra scopulos, vbi demum testis in partes concisis, facilè carnibus inclusis vescatur, reddatque falsum quod Ouidius dixit :

Ostreæ in conchis tuta fuere suis .

At nequè in ijs Prouidentia defecit , cum arenis tumulata nascan-

Apud
Gesner.
de Aquat.

scantur, ex quibus haud faciliè exhumari possunt, sicuti Balani, & Dactyli inter cetera delicatioris saxeo quodam argine circumsepti, multique minimæ molis Turbines in spongiarum cavitatibus aluntur succo quodam fœditissimo, quo Pisces insidiantes arcentur. Quod si aliqua cortice ferè nullo munita, in escam tantùm generata videntur, eis tamen aliæ insunt dotes, quibus cæteris præstant, comprobantque effatum illud Horatii Neminem esse in hac vita *ex omni parte beatum*, sicuti nullus est, nisi apud Inferos, omninò miserrimus. Vndè gignitur pius quidam affectus erga Dei Prouidentiam, cuius matrem admirationem esse affirmat D. Thomas cum Propheta clamantem: *Magna opera Domini, cogitationibus tuis non est quis similis sit tibi, nec in Cælo tantùm, sed Terra marique omnes eam agnoscunt, dum vident, Mirabilia Dei in profundo.*

Pl 100.

Et ne Cochlearum indaginem ommittamus, illud hic ad memoriam reuoco, quod de ijs narrant multi, Ostreas videlicet, quæ in mari Persico nascuntur Persarum Regem imitari, qui Æstate Susas, Hyeme verò Ecbatanam Urbem incolit, cùm mensibus frigidioribus in Ponto magis temperato stabulantur, calidioribus verò in Egialo mari, cuius vndæ minus calidæ sunt frequentibus Euris agitatur. Conchas insuper, quibus vniones generantur gregatim ex vno in alium locum natate, ducente omnium agmen vna inter ceteras maiori, quod tamen Prouidentia laudi tribuendum non negarem si ex rationibus alibi discutiendis falsum esse non crederem. At nulli profectò improbandum est, quod de Cancellis pluries docuit experientia, in limo nempe illum gigni, deindè in vacuas testas ingredi, vbi cum creuerit in ampliorem testam subire, videlicet, aut Neritæ, aut Turbinis, sæpe etiam paruam Buccinam ingressum eam circumferre, ibidem nutriri, & augeri, deindè capaciorē petere. Aristoteles, qui in hoc minuto animali explicando diligentior videtur fuisse, quam in multis alijs explicatu alioqui dignissimis, illum quodammodo inter Crustata, & Testacea Animalia ambigere dixit: Natura enim ijs, quæ specie locustarum sunt, similis est, & ipse per se nascitur, quatenus verò testas ingrediatur, illicque viuatur, testaceis similis est. Multi Eremitam Bernardum illum vocant, Eremitam quidem, quod alios fugiens in testa perindè, ac in solitudine viuatur, Bernardum autem quod Pletis vulgari prouerbio *Bernardos homines fatuos esse* dicitur, fatuumque esse cancellum, qui crusta testus, chelas

ha-

habens, quæ ad vitam tuendam satis esse possent, alienas domos quærat in quibus latens viuat. Verum prudentem potius duxerim cum Aristotele, quod nudas, & iniuriæ valde opportunas aliquas sui partes dura, & firma testa muniat,

Quid autem dicendum sit de Pinnis Lectori indicandum relinquo, si tamen vera sunt, quæ de illis Plinius asserit. Illarum videlicet testas à canchris paruis habitari, eisque in capiendis pisciculis auxilio esse. Pinnam enim scribit Oppianus in magnis testis esse imbecilem sinè mente, & sinè oculis, idèoque hospitem cancerum excipere, à quo morfu admonitam, cum Piscis testam subit, illam claudere, prædamque communem intuto depasci, vndè Pinnophilax vocatus est. Quapropter tutiores viuerent Ostrea si etiam in ipsarum testis socius similis habitaret; opportunè enim admonitæ testas, apertas ad aquam hauriendam clauderent, cum cancer lapillum chelis arreptum in eas immittit, eoque impedit ne claudant, deindè ingressus earum carnes deprædatur. Hic adde Echinometras, quæ semper testis inclusæ longis aculeis armantur, quibus vtuntur, perindè, ac pedibus; his enim nitibundæ mouentur, sedemque permutant in Orbem se mouendo, cuius rei argumentum Aristoteli fuit, quòd detritis sæpè aculeis inueniuntur, & semper aliquid algæ suis spinis implexum gerunt.

Eiusmodi autem Providentiæ opera necessitatis subsidium esse si quis dicat, cui Natura opitulari tenetur, adeòque admiratione minus digna, hæc profectò debenda erit Nautilo, cui pulcherrimam testam non Munimento tantùm Natura adiecit, sed Venustati; in qua, velut in naui argentea, naufragio haud obnoxia per summa maris spariatur, remigantibus interim, quibusdam brachijs, aut ventorum flatus excipiente membranula, quam ad velificandum extendit, vel statim crispat, si fortè aliquem insidiantem oculis deprehendat, petitque maris fundum, vbi tutò stabulatur.

Sed omnium proprietates prosequi velle infiniti esset Operis, cum singula Animalcula æquè ac maxima Divinæ Providentiæ argumenta patefacere homini possint, sicuti Ostreorum Species vniversæ eandem indicant corrice, quo teguntur, sinè aptius loquar, comuniuntur, tanquam Arce animata, cui aptandum videretur, quicquid de Davidica Turri S. Ambrosius dixit: fabricatam nempè illam fuisse *Subsidio pariter, & Decori*. *Decori* quidem ob venustatem sinè colorum, sinè formæ

In Plin.

pul.

pulcherrimam visu: *Subsidio* autem eò quòd semper receptui dare se possint, cum insidias animaduertunt, ad quas vitandas eam circumferunt. Vndè Prouerbiũ in eum, qui nulli fidit: *Cochleis tu es diffidentior.*

Idem S. Mediolanensis Antistes, quem nominauimus, in mentem renocat studium cum Religione coniunctum, quo ipse Echini proprietatem recognouit, illum nempe, imminente, maris tempestate, saxis firmiter adhærescere, ne vndarum impetu huc illucque agitetur, sicuti aliquæ aliæ Concharum species, Plinio referente, adhærescentes saxis signa sunt tempestatis, Sed causam inquirens, nullam aliam esse sibi persuasit, nisi Dei Prouidentiam, quæ non laborans in maximis, neque fastidians in minimis, omnia quæ condit, miris proprietatibus dat, quæ in considerante admirationem pariter generat, & Amorem: *Quis Mathematicus*, inquit Ambrosius, *Quis Astrologus*, quine *Chaldeus* sic poterit *siderum cursus*, *Cæli motus*, & *signa comprehendere*? Vndè huic exiguo animali tanta scientia, ut futura pronunciet? Crede quod indulgentia Domini rerum omnium, id quoque præscientiæ huius munus acceperit. *Omnia replet sapientia, qui omnia in sapientia fecit*: Quæ cum ita sint, nonne imbecilli, ac diffidenti animo scopuli firmitatem inter maris agitationes Fides Diuina communicabit?

CAP. VNDECIMVM.

De Vario Testaceorum Vsu.

Epist. de
Resur.

In Ps. qui
habitat
serm. 146

Quidquid rerum omnium Conditor oculis Mortalium subiecit, non ea solum de causa factum esse dixit Apro S. Paulinus, ut ex ijs carnalia emolumenta capiamus, sed etiam multo magis spiritualia perlegamus. Et rationi valdè consonum est, inquit Tertullianus, quod cum homo spiritu constet, & carne, vtrique eius parti fuerit abundè consultura. Hinc totus Terrarum Orbis veluti vasta Bibliotheca animo est, ut in ea erudiatur, corpori verò tanquam ditissimum Penu, quo indigentia satisfiat. Quare D. Bernardus: *Quanta*, inquit Deum alloquens; *largitus es ad sustentationem, quanta ad eruditionem*, 1
Quamobrem sicut olim ad sustentationem Eliæ Corui dapiferi extite-

extiterunt, iuxta illud, *Coruisque præcepi, ut pascant tibi*; ita pariter omnibus rebus præceptum posuit, ut nobis utilitati essent delectando scilicet sensus saporibus, odoribus, coloribus, & cantu; dando carnibus cibos, ossibus arma, pellibus vestes, plumis ornatum, tincturas sanguine, medicamina succis, margaritis diuitias. Nec minus quam cætera omnia Conchyliorum Species afferunt homini utilitates, quas recensebimus. Possent hic numerari innumeri penè modi, quibus Medicinæ facultati profunt; sed illos data opera omittimus nolentes transcribere, quæ fuis narrationibus Alij suis in paginis posuere. Quærat curiosus Lector apud Dioclem Caristium, Galenum, Mattiolum, Cornelium Celsum, Plinium, & Dioscoridem.

Medicamentis, quibus vel ex testarum attritu, vel ex carnium coctione utuntur Pharmacopolæ in medicinæ subsidium longè nobiliores sunt usus, qui cæteris facultatibus præstantur à Cochleis; Ante omnes ille sciendus est, quo rebus omnibus anteponuntur, cum loco pecuniæ adhibitæ rerum omnium pretium æquant, easque producant virtute quadam ab hominum arbitrio accepta, unde Aristoteles notauit multos alioquin prudentia præditos, idè summè auaros esse, & pecuniæ tenaces, quia eà quidquid sibi libuerit faciliè consequantur. Propè Regnum Congianum vbi flumen, Coanza dictum ab Incolis, ex lacu, è quo Nilus originem trahit, excurrit in Oceanum, adiacet Insula, cui nomen *Loanda*, vulgo *Paese Rasò, e senza Monti*; parum enim eminet supra mare, mille quidem passibus lata, viginti verò millia passuum in longum extensa. Hæc igitur dici potest copiosa monetarum fodina, quibus populi Congiano Regi subiecti auro argentoque prædiuites utuntur in commercijs, loco pecuniarum præbentes Cochleas, quæ referente mihi oculato teste, sunt paruulæ Venereæ, quas num. 233. Classis 3. indicabimus. In Regno pariter Tobuti, quod affluit fluuius, *Nigir*, siue *Senega* dictus Cochlearum testæ ex Persico Mari acceptæ loco monetarum habentur. In Regno Bengalensi illæ sunt, quas Itali nominant *Porcellette*. In quadam Philippinarum Insula Venereæ, num. 247. descriptæ, expendantur. Quæ omnin à PP. Societatis Iesu Missionarijs relata mihi sunt. Insuper Ioannes Rho in Examerone de alijs narrat pecuniæ loco habitis ab Incolis Capitis Viridis. Undè falsum redditur vetus Græcorum adagium, quo Concha vilis esse

3. Reg. 17.

Probl. de
prud. sect.
30.Orat. 17.
num. 49.

significabatur quidquid nihili faciendum putabant :

Hinc ad alios peculiare usus transeamus . In Insula Goana, & Ollandia regionibus Conchyliorum testæ igne perusta , vti lapides, calcem subministrant ad ædificia extruenda, quæ tamen imbris facilius dissolvitur . In Orotunga Regione loco ligonum Pinnis magnis vtuntur Rustici , & vitibus varia Concharum genera fertilitatem addunt, dicente Virgilio .

----- *Quæcunque premes Virgulta per agros*

Sparge fimo pingui, & multa memor occule terra ,

Aut lapidem bibulum , aut squallentes infode Conchas :

Eas verò ad nobiliorem usum Ars militaris accepit , belligeros spiritus ciens apud Incolas Insulæ Cumanæ in Animis militum Buccinis loco Tubarum, vt olim apud Romanos cum

Buccina iam priscos cogeat ad arma Quirites .

Prisci Homines antè Tubam inuentam vtiebantur, aut fumo, aut Cochlea marina . Tritones aliqui fabulantur Concha perforata buccinare . Plinius iam Concha canentem Tritonem dixit, & Virgilius de Misseno Tubicine .

Sed tum forte caua, dum personat æquora Concha .

Accepto fortassè à Piscatoribus documento , quorum mos est apud plurimas Nationes sonitus buccinis reddere, antequam piscari incipiant, ideoque dicti sunt Conchitæ , & Conchiliarij à Plauto, cum ait : *Saluete fures maritimi Conchytæ , atque Namiota, famelica hominum natio , quid agitis ?* Dubium autem est an sonos edant Pisces alliciendi gratia, sicut ad ouilia vocatur Pecus , vel ad venatum canes extimulantur, siuè potius animi relaxandi, vt apud Incolas regionis indicæ , quam dicunt Xaguaguara, mos est lyræ loco Ostreorum testis inuicem percussis ad numeros sonum edere , quo choreas , & tripudia sollempniter ducant . In Insula , cui nomen S. Marta non solum, parietes ornantur iuncorum, & palmarum storeis, margaritarum lineis distinctis ; sed ad cubilia, & domorum ianuas Concharum copiam appendunt , quibus à ventorum flatibus agitatæ sonus reddatur . In quadam Hispaniæ plaga maritima fistularum vices supplent aliquæ Cochlearum species in longum turbinem conuolutæ . Apud Romanos Senatorum suffragia loco schedulerum Conchulæ referebant in foro , cum de morte , vel vita captiuorum decernebant ; Imò magno pretio illas mercari solebant, quarum purpureo succo vestes tingebantur, parui habentes multorum vitam , cuius discrimine obtrinebant paucas

colo-

Philip. à S.
Trin. itin.
Orient. l. 7.
c. 7.
Olaus magnus pag.
203.
Georg. 2.

Gio. Boemone
commentum del-
le Geati ,
Eneid. 11.

Scholias-
ti Homeri
Iliad. 6.

Petrus
Martini l. 4
dec. 3.

Didimus
apud Athe-
naum.

coloris guttas, quibus luxum, & fastum lactabant, illum ostentando in vestibus, subditis interim exosi, vt Alexander Persica veste clamydatus, summis autem in amoribus habitus, cum Græcorum more modestè indueretur.

Sanius quidem Conchylijs vsi fuere, vt alibi diximus duo illa Romanæ Reipublicæ decora Lelius, ac Scipio, cum solebant Conchas ad Caietam, & Lucrinum legere, & ad omnem animi remissionem ludumque descendere. Authore Polluce ludi genus est, quo ducta linea dispersitos in partes pueros diuidit, mox proiecto Ostraco siuè testa, pars quæ supinum pronumque eius casum diuinarit, alteram in fugam dilapsam insequitur, deprehensus confidet (asinum nominabant) repetitque cantionem *nox an dies?* Lusum istum apud Hollandos etiamnum ex vsu esse scribit Nomenclator, vocarique ibi *Luysen est noppem*, siuè *Nol of bol*; quod est *Planum ne an Cauum?* Præter hunc alterum refert, quo Conchæ supra stagnantem aquam vehementer iaciuntur, & victor dicitur ille, cuius Concha aquæ superficiem leuiter tangens, plures saltus ediderit, antequam, cessante motu, demergatur in aquam. Ex hoc autem puerili ludo posset quis innumeros penè circulos obseruare in aquarum superficie formatos, rationemque excogitare: cur semper factis noui succedant, vnumque alter quodammodo insequatur,

*Come i Delfni, quando fanno segno
A marinar coll'arco della schiena
Che s'argumentin di campar lor legno.*

Quando Concha vix aquam abradens,

*Exiguos format per prima volumina giros
Mox tremulum vibrans, motu gliscente liquorem
Multiplicat crebros sinuati gurguis Orbes:
Donec postremo laxatis circulus oris
Contingat geminas patulo curuamine ripas.*

Sed recensere quis poterit quot modis mechanicæ Facultates Cochleas adhibeant? Ex ipsis plastica ars conficit Porcellanam præcipuè in Kiansi prouincia Sinarum: ibi enim testas minutatim concisas sub terra in locum aliquem secretiorem recondunt, quem Pater liberis suis designat, atque ibi octuaginta annos manent occultæ, quo tempore elapso, filij, vel nepotes eas eruunt ad pretiosa illa vasa conficienda. Conficiuntur autem, inquit Ioannes Linscotanus, nauigationem Orientalem describens, ex durissima terræ specie, quæ cisternis iniecta maceratur,

Dante
inf. 22.

Sil. Ital.
de bello
pundib. 17.

Pancirol.
tit. de Por-
cellanis.

Cap. 25.

donec duritie deuicta, sæpèque versata, quemadmodum apud nos agricolæ lac in butirum exercent, in summitate materiam, excernant, ex qua subtilissimum opus fit. Ex iisdem pariter bene confusis, & maceratis conficiuntur Intrita, in quibus carneorum calaturæ impressione representantur. In Brasiliensi Prouincia imberbes aliqui inter agrestes populos capillum subnascentem Conchulis interceptum detondent, quas è collo pendulas ad istos vsus circumferunt. Cochlea quam numero nonno Oleariam dicemus solebant Veteres in vsus quotidianos oleum haurire, vel ea oleum decapellare, cuius figura ad id percomodè quadrat. Huiusmodi etiam, sicuti & testam Nautili Aurifices, additis ansa, & basi, in vrceos efformant elegantis artificij, quòd eam contra venena aliquid valere credant. Multæ etiam vilæ dentificijs conficiendis sunt vtilissimæ.

Apud Ægyptios Cochleis Venereis vtuntur mulieres, & eisdem ornamenta quædam linea in amylo aqua diluto, lota, deindè exiccata poliunt, adeò vt splendeant. Eisdem Itali, atque Græci, & Turcæ chartas leuigant, quod & Plinius olim, factitatum fuisse memorat, & Martialis cum ait:

*Leuis ab equorea cortex Marcotica Concha
Fiat, inoffensa curret arundo via.*

Ideoquæ à nonnullis leuigatorix, vel leuigatæ dicuntur. Huiusmodi Conchis, ex Mari Rubro acceptis, onerantur Cameli, eisdem appensæ Claues non solum in Europa, sed in noua Hispania gestari solent. Has Aurifices in duas partes secant, & Cochlearia conficiunt, hoc vocabulo expressa, quia sunt ex Cochlea. Has equorum frenis, & phaleris nonnulli accomodant. In Vrbe, Bengala dicta, ab Indis è Conchis Margaritifervis in crustula dissectis serinia, & belli instrumenta miro artificio exornantur. Concha, quæ num. 2. Classis 3. describitur coquinariæ arti inseruit, in quadam Insula Philippinarum ad omnia ciborum genera elixanda. Inueniuntur enim in eo mari adeò capaces, vt earum moles trecentarum librarum pondus exæquent, sicuti aliæ innumeræ paruiores Pictoriæ arti colores, & pigmenta conseruant.

Cuius autem calamus ad viuum posset hîc explicare quot ornamenta fontibus, parietibus, & statuis addant Artifices ingeniosi? Adeat curiosus Criptam, quæ Varsaliana dicitur propè Parisios, quam splendida Regis magnificentia, & studiofa Architectorum industria præclaram ornatibus effecerunt

Ibi,

Ibi miros aquarum ludentium fontes, ibi Phebi ad viuum expressam imaginem videbit in marmore post emensa Coeli spatia inter placidas limpharum vndas laboris leuamen fumentis; ibi anhelantes eiusdem equos sitim restinguere, omnia verò lapillo- rum Concharumque musuis operibus exornata, vel columnis Cochlearum more contortis, vel Encarpijs ex ipsis Cochleis concinnatis, suè in phrigia ornamenta minutis conchulis distri- butis, suè in Tritonum simulacra coaptatis, pluribus quidem, sed omnibus ingeniosis modis inter multicolores lapillos ad orna- tum disseminatis. En tibi subijcio in fine libri aliquas laruarum effigies, ex imaginibus Parisijs impressis acceptas, quibus operis æque præclari, ac curiosi absenti oculo præbeas argumentum.

Nec omittendus hic est pius vsus, in quem multorum reli- gio easdem conuertit, conseruando scilicet Iustralem aquam in templis, ac domibus, fabricando earum testis globulos, quibus preces solent nuncupari, quos vidisse se narrat, Ioannes Rho, aureis filis elegantissimè intertextos, à Peruano Regno Summo Pontifici Urbano dono missos, compositum pariter præclara arte ex innumeris Conchyliorum testis Altare, quod fusè per partes hic Auctor describit. Ornamenta insuper elegantissimè concinnata sacris imaginibus addi in aliquibus Belgij templis ex oculatis testibus accepi.

Illis vtuntur pauperes incolæ in Oris; quarum nomina dicimus Curianam, Vrabam, & Xaguaguaram, ad verecundiæ munimen, non secus, ac Adam, & Eva post innocentia iactu- ram consuerunt folia ficus, & fecerunt sibi perizomata. Alij ad pietatem significandam, qua longas itinerum peregrinatio- nes susceperunt, ideòque Conchæ, Pectines dictæ à Latinis, vulgò appellantur *Cappe sante*, & *Cappe di S. Giacomo* ab vsu Peregrinantium, qui eas dorso, & Pectori appensas ferentes, cum ad eum venerandum Galiciam profisciscuntur, morem ali- quorum hoc pacto damnantes, quorum olim superstitiosa Reli- gio, postquam eas Dianæ, Venationis Dææ tutelari, sacrauerint tanquam amuleta Canibus appendebant, vt inquit Gratius inter

Exam or.
37.0.33.

Petrus
Martir, l. 4
dec. 3.
Gen. 3.

---- collaribus ergo

Sunt qui lucifuge, cristas inducere malis

Iussere, aut sacris conferta monilia Conchis.

De Venac
vers. 400.

Non minus quidem damnandi, quam Trogloditarum foeminae, quæ vt amuleta inter vbera gestabant, aut illæ, quæ paruulas, & candi-

eandidas venereas, vterinos calculos à figura dictas, tanquam vteri morbis salutare pectori appendunt, seu verius dicam luxuriae superbiaeque praetextus est, quae ut haec, & alia ornamenta, ceu valetudinis gratia, auro argentoque inclusa ostententur, efficit, amatorum potius illiciae, quam sanitatis tuendae instrumenta, aut amuleta morborum.

Laudabili autem usu in Stemmatibus ostentantur, vel argento, vel auro, vel coloribus cianeis decoratae, vel fascijs purpureis distinctae, vel aureis Zonis circumseptae. Collocantur etiam inter Aquilas, & Leones, Animalium Principes, ad celebrandas, vel Prosapiae dignitatem, vel longissimas per terrarum Orbem excursiones, vel in mari classicas pugnas, quas abunde relatas agnoscet curiosus Lector in capite 30. Voluminis, quod Marcus de Vvlfon eruditè conscripsit. Eadem è caeno, ubi villia natalia sortiuntur ad nobile fastigium euexit inclitus Galliarum Rex inter Ludouicos XI. cum Equites S. Michaelis dictos, aureo torque insigniuit conchis simul connexis efformato, additoque numismaate, in quo S. Michaelis imago Tartareum Draconem vulnerantis videbatur, reuocans hoc ritum in omnium memoriam Pietatem Caroli Septimi Regis erga eundem Arcangelorum Principem, cuius patrocinium sibi spondens, imaginem in vexillis ostentando, victorias Terra Marique ex hostibus se relaturum sperabat, ut retulit, cum illum apud Aurelianensem Urbem sibi, & Galliarum incolumitati in acere dimicantem vidit.

Nec tacenda est utilitas praecipua, quam ad corpora sustentanda suis carnibus afferunt Testatorum plurimae species. In Prouincia, Curtana dicta, apud Pariam conchis, & Ostreis, ut plurimum vescuntur Incolae, licet leporibus, & cuniculis maximè abundant. Aliqui Populi, referente Strabone, Ostreas in Piscinis nutriunt, ut mensis parandas faciliè inueniant. Cui autem latet quanto apud Romanos essent olim in pretio? In hoc praecipuè damnandos, quod Prouidentiae ordinem euercentes, Gulæ, & Vitio illi darent, quae ad vitae sustentationem abunde condita è mari piscabantur. Multi enim ad venereos stimulos addendos illis utebantur. Aetio docente omnia Concharum genera talem virtutem continere, à Poetarum commentis indicatam, cum afferunt Venerem, vel natam in concha, vel in concha cimbæ loco, Ciprum profecisse. Plerique verò, ut gulam explerent, Lucullo non absimiles, qui lautissima

cena

Sceuolet,
& Lu s de
Sainte
Marthe
Hist. de
France;

Hierouym
Gilius l, 16

cæna dies omnes claudebat, omnium Elementorum tributis comparata, siue, verius dicam, Trifauci Cerberi, & Geriones triplici abdomine ventricosi semper expetebant, quas vocabant Viduarum cupedias ad saporis præstantiam indicandam, pretio licet enormi comparatas. Quamobrem Seneca in turpe hoc gulæ vitium inuehens: *Quantum (ait) ex tot Conchyliis tam longè aduectis per istum stomachum inexplibilem labitur?* Quibus malis, ut mederetur Respublica, Lex scauri, & Populi Censorum fuit, Conchyliorum usum prohibens cænis, ac ea ferenti pœnas perscribens.

Ad memoriam hic reuocantur nunquam satis damnandi mores, quibus eisdem utuntur fœminæ. Varios autem illarum usus recensere quis potest? Capiti satis licet concinnato, & cirrulis floribusque abundè calamistrato Cochleas addunt, in fimbrias, in tenias, & cristas circumponendo, *nec putant onera*, ut inquit Ambrosius, *si pretiosa sint*. Ex iisdem, & gagatarum, globulis multæ monilia, & cingula contextunt, præsertim viduæ, Rondeletio narrante, quæ luctus tempore nonnisi nigris candidisque ornantur. In Insula Cumana ex Conchis Monilia, & ex Cochleis corollas, & armillas pauperes fœminæ sibi comparant, ex margaritis verò ditiores. Apud Gallos in Vrbe Agde, lineas formant, referente Fabro, *quas gaudent ad pompam, & decorem*, Eis utuntur in fucis Grecorum mulieres, in succo pomi citrij dissolutis, & sublimato, vel adipe gallinaceo permistis: sic enim facies splendidiore, & candidiores effici putant. Verum omnium amores sibi vindicant Margaritæ. Nec solum Columbus hoc agnouit in Insula, cui nomen Gratiæ dedit, ubi post diuturnos in mari labores, & vitæ discrimina primùm appulit, Americanas Regiones inuisens, cum magnam vidit Margaritarum copiam à nigris fœminis pectore brachiisque nudatis ostentari. Fœminarum fastus, & vanitas cum ipsis nata, delicias Margaritarum huic sexui in Mundo muliebri veluti præcipuum Elementum recenset, & mulieres se non putarent, si Margaritis carerent. Nonne, & Isaïas cap. 3. vers. 23. in Mundo muliebri eas recenset? Illis utuntur quamplurimæ non pudicitie tuendæ, ut Puellæ Bengalenses, quæ contra violentos satis munitæ ubique incedunt, si candidis margaritis ornentur; sed ut amatorem potius sint inuitamenta, & venalem suam pudicitiam, hac edera produnt, dum pulchriores iudicari student, si tamen pulcra dicenda est, ut cum Tertulliano loquar, mulier, habitu

Celius Rodigin 27.
lect. c. 23.

Lib. 24.
ep. 1.

Apud
Geln 629.

mere-

De habitu
Mulier.

c. 53.

Senec. lib.
de benef.
c. 9.

Lib. 17, c. 3

meretricio velata, quo potius ostentantur corpora, quam vestiuntur inquit Solinus. Longis Margaritarum lineis collo pluries circumductis vanitatis mancipia efficiuntur, quarum tamen licentia, ait Seneca, non satis viros subiecerat, nisi bina, ac terna Patrimonia auribus singulis pependissent. Fuit olim amentiae pompa, cum veriore luxuria, quam triumpho (Plinij verbis utor) Pompei imago Margaritis geminisque tessellata Romanis Ciuibus spectanda existerat in foro, verum longè maiorem foeminarum stultitiam dixerim, cum eisdem onustae incedunt, in quavis corporis parte eas ostentantes, ut olim Lolia Paulina, Cleopatra, & delicatuli Parthorum Oratores, quos Romae vidit Tertullianus, habentes in Peronibus Vniones.

De habit.
Mulier c. 5

Lib. 9, c. 34

Heu monstrosa Vanitatis foemineae deliramenta! Quae concharum excrementis superbiunt, pulchrioresque se credunt. At cedo Margaritas plurimi faciendas esse apud homines, easque adeò pretiosas existere, ut omnium amores sibi merito vindicent. Nunquid ideò foeminarum ornamentis addendas quis dicet, magna nummorum vi, qui Natorum alimento, Familiarum conseruationi, & Populorum bono debentur, comparatas? Iure Plinius in hanc Gulæ, & Luxus libidinem inuehitur, ubi sic ait; sed quid hæc parua commemoro? cum populatio morum, atque luxuria, non aliundè, quam à Concharum genere proveniat? Iam quidem ex tota rerum Natura damnosissimum mare est, tot modis, tot mensis, tot piscium saporibus, quibus pretia capientium periculo fiunt. Sed quota hæc portio est reputantibus Purpuras, Conchilia, Margaritas? Parum scilicet fuerat in gulas condi Maria, nisi manibus, auribus, capite, totoque corpore à foeminis iuxta virisque gestarentur. Quid mari cum vestibus? Quid undis fluctibusque cum vellere? Non rectè recipit hæc nos rerum Natura, nisi nudos. Esto si tanta Ventri cum eo Societas, quid tergori? Parum est nisi quo vestimur, periculis etiam vestiamur. Adèd per totum corpus anima hominis quæsitæ maxime placent.

Huius tamen obiurgationis aculei non mari debentur, ubi Testacea nascuntur, sed eas abutenti, quoniam (docente D. Ambrosio) nihil Natura deliquit, alimenta dedit, non vitia præscripsit.

Quam verò sanius vruntur Margaritis Præclaræ illæ mulieres, à quibus in templis Altaria, sacræque Imagines eisdem deco-

decorantur . Egit hoc inter cæteras Diua Elisabet Hungaria Regis Filia, & Langrauij Vxor, cum in Templo Margaritis, & gemmis onusta patibulati Numinis effigiem plagis cruentam, inspiciens, vanitatis pertasa, pietatemque edocta in testimonium pœnitentiæ, quæ fuerant Mundi, & carnis arma, malitiæque instrumenta pro tabernaculi ornamenti Deo Optimo Maximo dedicauit .

Sandensi. 4
pag. 304.

Non igitur humano Generi tam variæ, ac multiplices Conchyliorum species ad inutilem pompam Natura produxit, sed ad laudabiles vsus, inter quos, vel vnicus illam maximè commendaret, quo eius in producendo prodigiosa fertilitas, siuè, vt verius loquar, Diuini Conditoris Bonitas, & magnitudo etiam in Rebus minimis ostentatur .

CAP. DVODECIMVM.

Referuntur varia Musea, in quibus Cochlearum, & Concharum Testæ conseruantur .

ET ne laudabilis hic vsus pretiosis phaleris personatam veritatem, alioqui mendicam, in scenam dare velle videatur, haud abs re futurum putauim, si varia, & celebriora Musea recenserem, in quibus inter cætera tum Naturæ, tum Artis præclara opera Cochleæ suum non indignè locum obtinuerunt . Et sanè turpis iniuriæ nota illi esset, qui ex eo vituperaretur, quia oculis mentique eas inaniter proposuisset, ac si cum Nerone pretiosi temporis iacturam faceret purpureis aureisque retibus pisciculos viles expiscando . Indignum quippè Homine est inutilibus quæstionibus totam mentem applicare, vt gloriam omnem ex ijs consequatur, at laudabile aliquando ad ea diuertere, quibus possit animus oblectari . *Quis non miretur*, ait Plinius de Platanis loquens, *arborem umbra gratia tantum ex alieno petitam orbe?* stultus Aristomachus fuit, qui sexaginta duorum annorum spatio Apum naturam, & mores studuit perferutari; stultus Eliogabalus, qui, vt Romanæ Urbis magnitudinem indicaret, Araneorum telas in aceruum ingentem collectas in domibus priuatis, publico in foro proposuit; nec

minoris stultitiæ damnandum dixerim Domitianum , qui ridiculum Muscarum venatum edoceret ; At nunquam satis laudandus ille est , qui inter priuatos parietes laudabili otio animi gratia per Montes, per Valles, per Maria, ac Fodinas sua mente peruagatur , & ex paucis rerum naturalium fragmentis , quæ sub oculis habet, ingentes Naturæ thesauros deprehendit , toto Terrarum in orbe latitantes .

Prudentes propterea , ac præclari Viri illi sunt , qui quasi *Cocleæ sine domibus nunquam sint*, patria domo exulantes , exterio in solo eam colere putant, vbi post longas itinerum dimensiones aliquid scitu dignum in Accademijis audiunt , vel visu spectabile oculis vsurpant in Museis, siuè à Natura , siuè ab Arte propositum . Id Pittagoras , id Socrates , Anaxagoras , Democritus, sexcentique alij fecerunt , quorum vita , vt loquitur Sinesius ; continua Venatio fuit, vt modò per Ægyptum , modò in Græcia, modò apud Persas, siuè Indos aliquid noui, vel mente , vel oculis assequerentur ; nihil tanquam vile requirendum esse à Philosopho pro comperto habentes, quod in hac vasta rerum Vniuersitate è Thesauris suis à Natura depromitur .

At ne ex Romana Vrbe longè aberremus : *Et qui tanta fuit Romam tibi causa videndi?* vt olim Titirum alloquens Pastor, si ab vnoquoque eorum sciscitaret, qui ex diuersis orbis Terrarum Regionibus illam petunt ; non quidem libertatis Amor , responderent opinor , verùm potius Tempia præclara inuifendi, Mausolea celeberrima, prodigiosas Statuas, Villas, ac Palatia , & quidquid admirabile ex antiquæ Romæ ruinis erutum, vel supra ruinas ipsas construtum Ars spectandum adiecit. Verùm saniori profectò consilio allicerent oculos quæ Natura proponit, ne tales habeant , quos ante nauigandi peritiam habebant homines, cum

Sua quisque piger littora norat

Patrioque senex factus in arua.

Paruo diues, nisi quos tulerat

Natale solum, non norat opes.

Ego quidem , vt verum fatear , admiratione semper longè maiore Naturæ opus videndum duxi , quam Artis , præclarum licet, & numeris omnibus absolutum hoc esset, illud verò natiuo tantum decore præditum . Quam difficile , aiebam , Ars suis operibus æquat Naturam ; Si enim statuam cernat oculus , manus scalpris munita , mente adiutrice , poterit è maiore
simi.

similem fabricare, verum in ipso marmore construendo nunquam illam, stimulos licet ingentes voluptas adijciat, æmulabitur. Poterunt Vitruuius, & Archimedes montes lapideos in Porticus, in Columnas, in Fornices distribuere, at Cochleam, vel minimam construere, diminutam semper proportionem in orbibus circumducendis seruando, non poterunt.

Adeò verum est semper iperbolica vocum additione nos loqui, cum dicimus, Artis opus materiam superari, ad laudibus illud celebrandum. Illa quippe nisi aureo pondere æquali ducatur, vel ex huius inopia, vel ex copia materiæ deriuat.

Horum animaduersione quilibet poterit Cochleas oculis perlustrare, absque eò quòd stultitiæ notam timeat, meritò olim illi tributam, qui iactabundus de se ipso aiebat: *Ille ego sum, nulli nugarum laude secundus*. Poterit enim laudabiliter in apparatu conuiuij peculiarem cibum laudibus quis efferre, cæteris silentio non quidem contemptis, sed prætermiſſis, & sicuti in Gemmea bulla suum habet pretium Berillus, licet Adamante vilior, sic pariter inter statuas pretiosas tabulasque egregiè picturatas, suum meritò locum obtinent Cochleæ.

Videntur igitur in Museo, quod à Vormio insigni Medicinæ professore in Ollandia, Vormianum dicitur, ab eodem publicis in paginis eruditè descriptum: videntur in Museo nobilissimæ Familiæ Calceolariæ; ostentantur, in Cospiano, sic dicto ab Illustrissimo Marchione Ferdinando Cospio, Viro cuius dotibus insigniri Bononia iure gloriatur; non magis, vt Naturæ curiosa portenta, quam Magni Etruriæ Ducis in Virum talem, benevolentia indicia, qui huiusmodi maris fructibus Museum, cæteroqui præclarum, voluit condecorare.

Alias selegit in Neapolitanis littoribus Eruditissimus Imperatus. Veronæ in Museo Muscardo multæ circumspiciuntur; quamplurimæ in Septaliano Mediolani, inter omnia propter varia tum Naturæ, tum Artis opera celeberrimo. Quamplurimæ etiam sunt Bononiæ in Museo Iacobi Zanoni Viri pari humanitate, ac Botanica artis peritia, quam luculenter testatur eruditum opus Typis impressum anno 1675. quo multarum herbarum proprietates reconditas, nouique Orbis plantas Italiæ ignotas patefecit, nunc à D. Peregrino Zanone, patri in ytroque non impare Filio, summo studio custodita cum cæteris varijsque curiosis Naturæ operibus, quæ longa, & accurata solertia ex multis Mundi Regionibus Parens amantissimus,

dum inter mortales degeret, obtinuerat.

Magnis Etruriæ Serenissimis Ducibus, quorum Liberalitas, & litterarum Amor ingenijs stimulos semper addidere, ut pennis liberius explicatis, eò volatum dirigerent, ubi studiosis experimentis Veritatem in profundo latentem in lucem eruerent, cum in varijs Naturæ operibus, tributa quodammodo ex Elementis omnibus acciperent, suum etiam in Cochleis abundè obtulit Mare, illudque inter pretiosas gazas ad miros Naturæ lusus explicandos Florentiæ seruatur; Ibi etiam multæ sunt apud Illustrissimum Comitem Capravam, ibi apud D. Vincentium Vinianum ab Illustrissimo Præsule Stenone acceptæ, sicuti apud D. Cosmum Roserminum Pisanum aliæ multæ videntur. Quamplurimæ etiam singulæque præclaræ ingenti nummorum vi sibi comparauit studiosus D. Nenrichemont Parisijs, Urbis scientiarum omnium altrice, in qua Alexandri Seueri memoria renouatur, cuius benignus in literatos Amor Vulpianum Iuristam sua clamide circumtexit, siue Iuliani, siue Sigismundi Imperatorum, quorum Palatia tanquam priuatæ domus Sapientum ad eorum vitæ sustentationem habebantur. Ibi inquam innumera criptam Varfalianam musiuo opere dispositæ exornant, in remotissimis Oceani regionibus selectæ, ut tanquam maris flores ostentarentur, haud breui die vernantes, ut rosa,

Quam modò nascentem rutilus conspexit Eous

Hinc rediens sero vespere vidit anam.

At ne Roma discedamus; in hac etiam Urbium Regina multi Virorum egregij, vel Doctrina, vel natiuæ Nobilitatis excellentia inter pretiosas suppellestiles Cochleas posuere. Eas videbis inter gemmarum matrices glebas in Regia Villa Excellentissimi Principis Pamphilij apud S. Pancratium, quam dicimus *di Bel Respiro*. Videbis in Villa Eminentissimi Principis Flauij Ghisij apud montem Esquilinum posita, videbis in Museo, in quo D. Petrus Bellori ob suam antiquorum numismatum peritiam Regiæ Suecorum inclytæ acceptissimus, selectas celebriorum Pictorum tabulas, & Veterum erudita monumenta conseruat. D. Augustinus Scilla tum pingendi arte præclarus, tum numismatum eruditione celebris, multas pulcherrimas addidit varijs rebus lapideo succo obduratis, de quibus luculentam, & eruditam Epistolam Typis edidit. Multas in suo Musæo reposuit Eques Coruinus, multas D. Andreas Bonuicinus, ali-

quas

quas ex elegantioribus D. Carolus Antoninus Magninus , quæ apud eius Hæredes conseruantur inter arma Virorum Illustrum, & varia tum Artis, tum Naturæ opera ab ipso Magnino suo calamo illustrata . Sunt insuper in domo D. Eustachij Diuini, quem Excellentissima in Telescopijs fabricandis, & horologijs componendis pericia celeberrimam reddidit : sunt in Gazophylacio Excellentissimi Principis Barberini propè Bibliothecam, quadraginta circiter millibus librorum voluminibus impressis prælo, alijsque multis Græcè, & Latine manuscriptis prædiuitem . Sunt domi D. Francisci Galli, cuius solertia diuersorum Lapidum, Colorum, Fodinarum, & Mineralium fragmenta magno studio comparauit . Innumera, & pulcherrima ostentabantur in Musæo Eminentissimi Principis Virgilij Vrsini, propè Urbis mœnia in Via Flaminia, deinde in ditionem Illustrissimi Marchionis Virgilij Spadæ translata . Videntur in Musæo Collegij Romani quod celebris P. Athanasius Kircher Mathematicis experimentis, & Machinis insigniuit, illis additæ studio P. Francisci de Gottignies Mathematicarum in eodem Collegio Professoris, qui pro desiderata hætenus maiorum Telescopiorum firma sustentatione, & commodo vsu, fabricata, atque inuenta fuit anno proximè elapso Machina, quam in fine huius Libri delineatam reperies. At hæc indicasse sufficiat . E domesticis parietibus longius peruagari recusans, tuis oculis, Lector curiosè, scriniolum subiiciam, mole quidem mediocrem, at diuersis Cochlearum Concharumque speciebus cæteris insignioribus Musæis huc usquè indicatis certè non inæquale . Earum testæ in paginis delineatæ, licet sine coloribus visæ, faciem tamen præstabunt, vt Eæ dignosci faciliè possint, quas catalogis æquè longis, ac obscuris, quia sine iconibus, Auctores comprehendunt . Hac inquam ratione non minus Oculis quam Menti Testaceorum obseruationem fore arbitror oblectamento,



PARS SECVNDA:

Describuntur Testacea in Parte quarta
delineata.

ARduum profectò opus aggredior, & quasi in spatioſo Pelago vela ſoluens, naufragium potiùs mentis timendum eſſe, quàm Recreationem ſperandam agnoſco. Ea enim eſt Teſtaceorum copia ſub vndis, vt deficientibus verbis, ſingulis vel ſolum nomen imponere Eloquentia deſperet. Adeò faciiliùs eſt Naturæ facere, quam homini recensere, vt cum Philoſopho loquar. Ad eorum Claſſes, ſinè Genera ſolum referenda, vel amplo volumini deficerent paginæ, & quibus calamus, licet in ſcribendo velox, à labore deterreretur. Vt igitur Gruis, & Vùlpis cœnam non inſtituamus, ineptè loquendo, cùm ad animi relaxationem loquendum eſt, ſelectas Cochlearum Teſtas in præſentia oculis ſubijciam, ne in cognoscendo animus deſatigetur. Oculorum enim propria eſt cognitio Rerum, quæ Turbam faciunt, vt ſunt Flores, Plumæ, Lapides, ac Teſtacea. Diuidam itaque omnia in tres Claſſes, Vniualium videlicet, Bialium, & Turbinatorum, & in quolibet eorum ea in conſpectum dabo, quæ diuerſitate Formarum, aut Accidentium notabiliter, conſtanterque variata in omnibus, viſa mihi ſunt omninò ſpecie diſſerre.

Prinantur quidem præcipua venuſtate, cùm in paginis delineantur, cùm enim vnicam partem ſemper oſtendant, aliæ celantur, quibus ſpectabiles adeò ſunt, vt non facilè, quæ earum ſit pulchrior poſſit oculus definire. Imò cadauer potiùs, oſtenditur à calamo, dum hic negando colores, eo priuat deco- re, qui etiam Animæ pulchritudinem in Hominum vultu depingit, amoremque alicut oculorum.

Obleſcunt nihilominùs quoquomodo expreſſæ, vt Liſippum monetæ, celeberrimum illum ſtatuariæ Artis peritum, ſolitum ex manipretio cuiusque ſtatux denarios deponere aureos ſingulos; illum quidem, cùm ſexcenta, & decem opera, ab ipſo facta memoriæ ſubijciebant, nos verò, dum à ſingulis ingens ſimiliem Teſtarum numerus à ſummo Opifice in ampl-
Oceao

Océano dispersus publicabitur , de quibus melius , quam de Lisippi signis Plinius diceret *tantæ omnia esse Artis, ut claritatem possent dare, vel singula* , Sunt enim , ut facies Hominum de quibus loquens in Octauio Minutius Felix : *Eadem ait, figura omnibus, sed quedam unicuique lineamenta deflexa ; sic, & similes uniuersi videmur , & inter se singuli dissimiles inuenimur* . In omnibus Turbinatis, ut de reliquis taceam, lineæ spiralis circumuolutiones videmus , non tamen in omnibus est totidem Orbibus producta, nec in omnibus æqualiter apparens, sed in aliquibus partim cæata, partim manifesta, in alijs supra firmam basim, quasi circa columnam conuoluta, in alijs verò sine ullo fulcro Cochleata, in his depressa, ac plana, in alijs intumescens, & sinuosa, in omnibus denique similis, & discriminatim apparens .

Describam igitur breuiter in hac parte Cochleas in parte quarta calamo delineatas, ut colores præcipuè, locus ubi generantur, & aliqua earum proprietates indicentur, relinquendo quidquid pro comperto non est. Erraret profectò, qui alieno vultu calamo, vel pennicillo repræsentaret Heroem . Si pulcher est fucis deturpatur, Nec Ars, sed fatuitas ad libidinem depingit, cum loco Cyclopi deformis exprimit venustum Achillem .

Ad eas autem significandas vocibus necessariò utar multoties à Græcis mutuatis, nec culpabiliter à puritate Latini idiomatis receditur, cum aliter loqui non possumus . Aliquibus enim proprium nomen non fuit ab antiquis Auctoribus impositum, vel si tribuerunt, recognosci haud faciliè possunt, quia figuris non expressæ . Figuræ enim descriptionibus magno adiumento sunt ; siquidem hac ratione ipse res velut in conspectum adductæ memoriæ, & intelligentiæ magnopere subueniunt ; Quapropter Marcellus Virgilius Latinæ linguæ pariter, ac Græcæ peritissimus in eruditis Commentarijs ab ipso editis supra Libros Dioscoridis, à tali laberintho recessit dicens, *nihil difficilius esse in tota huiusmodi rerum Commentatione quàm in appellationibus his concordem Veterum historiam ostendere*. Subijcio igitur breues Cochlearum descriptiones, quæ Iconibus earumdem additæ respicientium oculis non minus oblectamentum, afferent illo, quo Eneæ ab armis sibi à Venere donatis afficiebatur, dum

Marauigliando alfin sopra lo pseudo

*Si ferma, e l'indicibil artificio
Ond'era in testò, e l'argomento esplora.*

CLASSIS PRIMA.

Continens Vniualuia non Turbinata.

VNiualuium non Turbinatorum agmen ducat Nautilus. Talis dicitur à verbo Græco *Nautilus* quo Piscis, & Nautæ significantur. Ab huius testa naucula repræsentatur eminenti puppe in se ipsa aliquantulum reflexa. E fundo Maris per aquæ superficiem velificat, membranulam miræ tenuitatis tanquam velum extendens, vespertilionum alis similem, quam duobus primis brachijs sustinet, & quatuor alijs subremigans media cauda vti gubernaculo sese regit. Triplicem Nautilorum speciem aliqui asserunt, vna tamen earum à Cochleis, quæ Vmbilicatæ dicuntur non differt, ideò duas tantum species diuersas agnoscimus. Qui in præsentia describitur ad secundam pertinere dicitur ab Aristotele, sed quia è voluntate pendet hic ordo, illum, qui dicitur ad primam spectare numero 13. describemus. Vterque eorum cum per mare velificat solet aqua testam implere, si quid pauoris interueniat, vt facilius demergatur, ad vitanda hoc modo pericula, ascenditque rursus testam, conuertens, quam humore exonerat industria admirabiliore ea, qua Nauium sentinæ sordidis aquis euacuantur. Quapropter Aresius Episcopus Dertonensis eleganter illum describens ait.

*Non hà ferro, ò bitume, ò tela, ò trauæ
Ne mai del nauigar apprese l'arte
Vn Pesce in Mar; e pur Nocchiero, e Naue
E di se stesso, e in qualsiuoglia parte,
Che il vento soffi, egli di nulla paue
Nè fuor di sè brama timone, ò sarte,*

Ab eodem Nauium fabricam, nauigandique autem desumptam, Oppianus affirmat. Pompilium illum esse aiunt Eustatij fabulæ conuersum ab Apolline in Piscem, ideò Pompilum à Latinis vocatum. Porcellanam eum dicunt Galli, quia hæc, vt diximus Capite XI. ex eius testa aliarumque Cochlearum ab Indis conficitur. Alij verò concham margaritifera appellarunt,

runt, non ex fecunditate qua Margaritas producat, vt falsò putauit Auctor Musei Septaliani, & Bellonius, ideò à Rondeletio redargutus, sed ex colore, quo Margaritis assimilatur. Videtur enim massa quædam è Margaritis compacta, habens in exeriori facie operimentum, aut castaneo colore circumtectum, aut albo, qui primùm ametistinum induens, in ianthinum subnigrum degenerat in ea parte, quæ testæ aperturam versus reflectitur. Apud Iabadium Insulam, & in Mari Sinensi generatur, vbi Ars pretium illi addit egregijs Florum, & Auium celaturis, foliataque pictura.

2 Sub hoc numero in altero latere eiusdem aperto interior fabrica patet, quæ in triginta, ac plures concamerationes diuiditur. Ex vna in aliam pro libito Animal transmeare putarunt aliqui, per siphunculum quemdam, quo in omnibus aditus patet, vt in ingustiolem semper, & magnis intimam stationem secedens pericula tutius euitet. Hoc suauiter ad Arni ripas cecinit Strozza dicens,

*Gode egli solo vn gran palagio altero
Di gemmata, e mirabile struttura
Ed ha quasi à nostr'onta, oue dimori
E sale, e stanze, e ritirate, e fori.*

Verùm quia foramen illud vix subulæ exili aditum concedit, & Animal in latiori parte Testæ, vt ossibus caro, coniungitur, credendum hoc minimè est. Ad alium porrò vsum Natura eas construxit, ignotum tamen, nec vnquam ab Auctoribus Nautilum describentibus ad trutinam reuocatum. Ego quidem, vt meam sententiam feram, ad motum inseruite mihi suadeo, vt Animal facilius possit in aqua supernatare, cum

*Egli sol naue, & egli sol Nocchiero
I perigli del Mar scanza più volte.*

Sed de his valde dubijs fortasse alibi. Certa nunc perspiciamus Pars igitur externa induitur tunica quasi ossea castaneo colore maculata. Interior verò vnionum apparentiam siuè gemmæ Opali variam ad varias luminis reflexiones exhibet, quam cum egregio Poeta Tasso obseruans.

*----- hor azzurra, & hoc vermiglia
Diresti, e si colora in guise mille,
Sic'huom sempre diuersa à se la vede
Qualunque volta à riguardar la riede.
Così piuma tal'hor, che di gentile*

*Amorosa Colomba il collo cinge
 Mai non si scorge à se stessa simile,
 Ma in diuersi color al Sol si tinge.
 Hor d'accesi rubin sembra vn monile
 Hor di verdi Smeraldi il lume finge
 Hor insieme gli mesce, e varia, e vaga
 In cento modi, i riguardanti appaga.*

3 Concha, Patella dicta à Latinis, Lepas à Græcis, quasi squama saxorum, quibus semper adhæret. Multiplex illa est, sed omnes duabus classibus comprehendit Scalliger. Altera earum illas continet quarum in medio videtur prominens centrum, vt in Clypeis Vmbo, sicuti apparet numero 4. in altera verò numerantur magis depressæ, vt numero 5. 6. & 7. Differunt aliquæ notabiliter à cæteris foramine quodam, quod patet in summitate ad reiciendas partes inutiles nutritioni, vt in Echinis. Carent motu progressiuo, mouentur tamen attollendo aliquantulum testam ad humorem facilius attrahendum, & si à saxo diuellantur vitam amittunt. Expressam sub hoc numero dicitur Cypria quia in Cyprio mari, vt plurimum generatur, habet rimas æqualiter diuisas, & à centro ad Circumferentiam rectè extensas. Colore est luteo in externa facie, in exteriori albo. Ipsa verò apertura suæ basis non ad amussim rotundatur, sed paulo longius ex altera parte ferè procedit.

4 Patella indica maior, colore Margaritæ sublucidæ in parte gibbosa, in caua liuido, sanguineis maculis bellè distincto.

5 Patella candida vbique strijs multum eminentibus distincta, certo numero, & ordine, at in multis eadem striæ sunt minus notabiles.

6 Patella reticulata, quasi retis foramina ostendens constanti proportionem à circumferentia ad centrum diminuta, luteo colore, aut cinereo.

7 Pulcherrima hæc est colorum varietate, quibus depingitur. Circa centrum aliquæ lineæ subnigræ in girem ductæ, album, quo tota regitur exornant, vbique à punctis nigris, rubeis, flauisque distinctum.

Plures quæ delineari possent omittuntur, quia solum propter colores inter se diuersæ. In aliquibus pars concava videtur cruore imbuta, in alijs purpureo, aut flauo, aliquæ faciem

faciem nigram, vel cineream, aut ad pullam accedentem ostendunt, in cuius summitate nota est violacea, quam multi vocant Oculum Hyrci.

8 Tubuli, aut Siphunculi maris. Diuiduntur ab Aldrouando in quinque species, inter quas duæ sunt præcipuæ. Hi mole maiores nomen trahunt à forma aliquantulum curva, vt dentes canis, vocanturque Dentales; sunt rotundi, & striati, albo colore aliquando labeculis pallidè rufescentibus maculato.

9 Antales dicuntur alij eiusdem formæ, sed paruiores. Falsò putant nonnulli è maxillis Piscis Dentalis cecidisse, quia sunt testæ, in quarum vacuitatibus viuit Vermis cum ipsis generatus: sunt rotundi, & expoliti. A Dentalibus distinguuntur paruitate molis, & colore, quem vt plurimum roseum habent, aliquando lineis pullis in basi commistum.

10 Auris marina, sic dicta à specie auris humanæ, quam habet. Dicitur à Bellonio Patella maior; quia Patellæ instar saxis adhæret. Ostendit in parte extrema principium lineæ spiralis, in qua patent foramina aliqua, quò magis ab origine distantia, eò maiora, & magis eminentia, per quæ Animal humorem exugit; Lutea est, vt plurimum externa facies rubiginosis notis maculata, siuè vt fex sordidè rufescens, colore pallidè viridi aspersa. Aspera est, & inæqualis ob quasdam strias, quarum etiam maximæ profundius sulcantur.

11 Eiusdem auriculæ pars concāua, in omnibus semper spectabilis, aliquando enim videtur Margaritæ orientalis decor, aliquando Æneus color argento mistus, aliquæ verò diuersas Opali tincturas iuxta varias luminis irradiationes indicant.

12 Patella optimè leuigata inter omnes maxima, Vberis papillam exhibet, nunquam huius figuræ molem excedens. Inuenitur apud Canarias Insulas, quas Fortunatas appellamus, in qualibet parte lactis albedinem induit, perspicuo fucò circumtectam.

13 Nautilus siuè Nauplius numero primo indicatus; vocatur etiam Italicè *Polpo Moscardino*, aut *Moscarolo*. Nasceitur in Adriatico Italiæ adiacenti, illumque inter Sepias Piscatores deprehendunt propè litorales scopulos, vbi frequenter pascitur. Testa illi est valdè subtilis folioque papyraceo similis, pellucida, & fragilis, lacteo colore imbuta. Nauculam

exprimit tribus partibus compacta, nempe lateribus binis, & carina, in qua striæ canaliculatim vbique ductæ terminantur, illamque dentibus asperam reddunt, colore luteo, aut pullo distinctis.

14 Exprimuntur sub hoc numero nomine generico Balanorum testæ, siue calices, qui ferè nunquam soli, sed multi coniunctim generantur supra saxa, ligna, aliorumque Ostreorum testas, vt plurimum cinereo colore, aut carneo, vel vinoso.

15 Hæc Balanorum testa à superiore in his differt, primò quòd huic angustior apertura, secundò Peponum instar incisionibus quibusdam satis profundis ferè æqualiter in multas partes diuiditur. Color illi est ignauiter Rubidus. Inuenitur in scopulis.

16 Echinus marinus, sic dictus à Græcis, eò quòd vas quoddam ad hauriendam aquam adhibitum exprimat. Cor di valdè similis est aculeis admodum raris paruisque contento. Vocatur etiam Echinus Spatagus, colore terreo. In profundo mari pascitur, vndè difficiliter obtinetur.

17 Echinus alio nomine dictus Carduus maris siue Calyx Echynatus castaneæ marinæ è colore castaneo, quo tegitur. Multi etiam colore fluido, multi subnigro, & rubeo inficiuntur, ideò Aurantiam maris dicti. Eos in quinque species diuisit Rondeletius. Tres tantum exprimuntur à nobis. Hic differt à cæteris mole, & aculeis quibus armatur longissimis omnium. Quisque eorum globulo, siue mamillæ adnectitur, vt patet in A. B. & faciliè in partem omnem eriguntur, vt Animal ipsis vtens tanquam veste moueatur.

18 Idem Echynus colore luteo, aculeorum vestigia demonstrans.

19 Echynus aculeis digitalem crassiciem æquantibus orbatus. Dicitur ab Aristotele Echynometra Pelagia, eò quòd cæteris mole antecellat, viuaturque in abditissimis Pelagi cauernis. Color illi est Tophaceus, aut Oleacinus.

20 Tubuli vermiculares, sic dicti à Vermibus quos continent. Adhærent saxis, cæterorumque Ostreorum testis adnascuntur, vt serpentes sinè regula circumflectuntur, ideò Turbinati dicendi non sunt. Innumeros quos vidi ad quatuor species referendos duxi. A. B. C. D. indicantur illi, qui vt plurimum soli, & innumeris penè modis circumflexi gene-

generantur figura rotunda , & leuigata . In E. ostenditur massa quædam formata ab alijs , qui nunquam à cæteris separati nascuntur , suisque orbibus non quidem perfectè rotundis simul conueniunt . Pars interior rotunda est , externa verò ferè triangularis . Colore sunt albo, cinereo, vel osseo , Sub F. sunt alij in longum non rectè producti . Figura pariter trium laterum, quorum angulos crista quadam dentata veluti serra mirifice exornat : colore badio, aut vinoso , Aliquando inueniuntur rotundi, & quadam lanugine circumtecti . G. illos indicat, qui semper quasi viscerum massam constituunt, quare multi piscium viscera crediderunt humore aliquo lapidescente indurata . Magnitudinem à figura expressam non excedunt , vt plurimum colore fusco, terreo, & liuido ; sub luto scopulis immobiliter adhærescentes viuunt , testamque habent minutissimis strijs asperam .

Hæcenus de Testaceis Univaluibus , quæ ex varijs Maris littoribus curiosa obtinuit Industria , nec ab omnibus rerum naturalium Historicis relata . Explicanda nunc est secunda Bivaluiam Classis copiosior proculdubio, & pulchrior .

CLASSIS SECVNDA.

Continens Testacea Bivaluia.

I **C**ONcha , Mater vnionum dicta , aut Margaritifera ; à Margaritis , quas gignit . Binis valuis componitur parum , & æqualiter excauatis, extrinsecus rugosa , & aspera, at non striata . Intus autem leuis , & albescens ex argenteo colore . Testa valida est , & ponderosa , peccinibus similis unicam auriculam habet , Magnitudinem à figura expressam , vt plurimum non superat ; at in quibusdam Indiarum locis diametro palmi longitudinem æquat , talem habet , quæ Bononiæ in Museo Cospiano spectatur . Aliquando visam adeò capacem, vt Piscis inclusus septem supra quadraginta librarum ponderaret, Petrus Martir refert . De generatione autem Margaritarum inter Problemata aliquid præibabimus . Hic testam tantum inspicienda, in qua nascitur Margaritum , quod falsò dicitur Vnio à Latinis ab hoc , quòd ab una nascitur Vnus , vt Marbo-

Marbodeus , & Albertus cum Solino opinati sunt : Ex qua licet falsa opinione , verum intulit ingeniosus Auctor , cum in Concha vnionem pinxit , vt indicaret Serenissimam Mariam Ioannam Baptistam Sabaudia Ducem , Matrem esse , ac Tutricem Victorij Amedei Secundi , apposita Epigraphe . *Ad Coronas educat Vnum . Vnionem* dici , quasi Vnicum , quia *nunquam duo totaliter similes inueniuntur* , verius dixit Plinius . Satis enim comprobatum est plures , & quidem magnos aliquando simul generari , vt videntur in A. B. & in præclara Concha , conseruata in Regia Villa Excellentis Principis Pamphilij Romæ , in qua tres Margaritæ non mediocris magnitudinis Testæ adnatæ videntur . Centum , & viginti Gaspar Morales coram suis militibus numerauit in alia . Americus Vespuccius in epistola ex Indico litore ad Hispaniarum Regem missa , *Ostreolas* (inquit) *nonnullas, in quibus nascuntur, Mercati fuimus, ubi in quibusdam centum, & triginta vniones, in aliquibus verò non totidem reperiebantur* . In Insula , quæ vocatur *delle Perle* in Mari S. Michaelis dicto , adeò pro comperto hoc habent Incolæ , vt fecunditatem Concharum huiusmodi , & Gallinarum omnino similem dicant , qua sicuti ab istis Oua , sic ab illis Margaritæ successiue , & quasi statuto tempore maturæ emittantur . Quæ nam autem magnitudo illis à Natura perscripta sit , affirmari non potuit . In diuersis Maris sinubus diuersæ generantur , vt in varijs Mundi plagis variæ sunt Arbores , Flores , Fructus , & Animalia : Inter ea alterum alteri antecellit , & quod in aliqua Regione minimum apparet , alibi comparatum , videbitur sicut inter Viburna cupressus , Petrus Martir multas refert Turturum ouis omninò similes . Celeberrimæ omnino sunt illæ , quarum alteram Cleopatra aceto dissolutam propinavit Antonio , vt experiretur in gloria palati quid saperent Margaritæ , in qua vnico haustu opulentissimum Regnum deglutiebat , alteram verò in binas partes dissectam nescio Quis Veneri sacrauit , quarum singulæ centum sextertijs , videlicet bis centum , & quinquaginta mille aureis scutis , vt Budeus affirmat , pendebantur . Gonzales de Ouiedo vnâ obtinuit rotundam , & pondus viginti sex ceratiorum habentem . Aliam emit Petrus Arias de Auila in continenti Occidentali Indica , Gubernator anno 1515. piri formam exprimentem , ac pondus triginta ceratiorum superantem ducentis aureis nummis . Romæ quadraginta quatuor mille scutorum pretio alia nuci auellanae fini.

similis vendita fuit, & Maximilianus Transiluanus cum per Terrarum Orbem peragraret in epistola quadam retulit binas Margaritas oui anserini molem æquantes, quibus cuiusdam barbari Regis corona ditabatur.

In varijs autem maris partibus generantur Margaritæ. Sunt in Britannico, in Scotico, & Americano, verum quia colorem lacteum ostendunt, nec nitidæ sunt, vt Orientales, parui habentur. In Proincia Caïndù cui Tartarorum Rex dominatur, candidæ nascuntur, licet parum rotundæ, in quodam lacu cum falsedine maris misto. Apud Insulam Zipangu dictam rubicundas, magnas, satisque rotundas expiscantur Incolæ. Pretiosissimæ verò sunt, quæ apud Indicas plagas obtinentur. Tres autem sunt sinus maris cæteris fecundiores parvarum Margaritarum, quæ dicuntur *Algiofre*. Primus nempè Sinarum Regno propinquus *Ainao* dictus, secundus propè Armuziæ Regnum in Arabico mari, vbi *Giulfan* vocatur. Tertius inter caput Comorini, & Insulam Taprobanam, vbi Piscaria à Margaritarum piscatione dicitur tota illa terræ plaga, quæ caput Comorini diuidit à sirtibus proximis Vrbi, cui nomen *Manar* vbi Incolæ dicti *Parau* indociles, & inermes Conchas Margaritiferas ad vitam alendam continuo expiscantur. Nec impari periculo, ac labore eas hoc modo sub aquis quæritant. E nauiculis, quas ponderosis saxis veluti anchora firmant, ad ima maris ducentis ferè palmis profunda descendunt, alligato lapidi pedibus ne ob vndarum impetum huc illuc diuagentur, ibi Ostreas Vnionum in sacculo, qui è collo pendet reponunt, deindè è saxo pedes liberant, vt facilè Nauiculam repetant funis ductu, quo eadem firmatur saxorum beneficio, nouumque aerem attrahant ad respirationem pernecessarium. Piscantur autem in tranquillo mari Sole nitente mensibus Aprilis, Maij, & Septembris, & quia Concharum carnibus Polipi, edacesque Pisces auidè pascuntur, solent Sacerdotes Idolorum veneficis incantationibus eos colligare, ne offendantur Vrinatores, soluuntque sub vesperam, vt Prædones Margaritarum auidi, perterrefacti ab earum piscatione arceantur. Diuiditur deindè præda, cuius decima pars Regi offertur, vigesima autem donantur Sacerdotes.

2 Tellinæ quæ dicuntur Pedatæ à pedunculo quodam, quo è truncis putrefactis, tanquam fructus ex arbore, pendunt. Color illis est albidus, aut cinereus, ex binis valuis, & qua-

quatuor alijs testæ partibus constant ; Eadem figura representat Conchas , quæ Anatiferæ vocantur ab Auibus quas generant iuxta variorum opinionem . Eiusdem speciei (si quidem sunt) eas esse iudico , licet non omnes sint huiusmodi auium , fœcundæ ; neque enim inauditum est in Creta Insula tantum , bacchiferam germinare saluiam , & Chienfi solo Lentiscum resinam gignere , quæ Mastiche cognominatur .

Prodigiosas hasce Conchas Petrus Pena , & Matthæus Lobelius in Plantarum observationibus describentes , aiunt generari apud Orcades , & Hebridæ Insulas , in Tamesi celeberrimo Angliæ flumine , & in multis littoribus Scotiæ . Michael Megerus egens de Volucris arborea asserit à se multoties visas pullis fœtas . Hector Boetius in Historia rerum Scoticarum curiosè super huiusmodi Conchis inquirens , adhæret relationi Alexandri Galli , qua affirmat verè in eis Aues gigni , quæ *Bernacles* dictas ab Anglis , *Clachis* à Scotis . In eadem sententia est Bodinus in Theatro Naturæ . Aliquando huiusmodi Concham cum aue inclusa oblatam Francisco Regi refert Scalliger . Fabius Columna in Historia Plantarum , Corradus Munsterus , in Scotiæ descriptione , Olaus Magnus , Aldrouandus , sexcentique alij negare non audent , Quamobrem dubitandum non esse videtur , vbi veritas tot insignium Virorum testimonio roboratur . Cum tamen Præclarum hoc Naturæ prodigium , proprijs oculis intueri vehemens cupido meum animum extimularet , à nobili Viro , cum quo summa mihi intercesserunt consuetudo Londini commorante , aliquam ex ijs obtinere curavi , sed Concharum loco huiusmodi epistolam dedit . Mitterem libentissimè Conchas à te expetitas , in quibus Aues generantur , vt ais , sub mari , quod Angliæ , & Scotiæ littora aluit ; At , vt verum fatear , huiusmodi prodigium nunquam audiui . Nascuntur quidem vermes aliqui sub aqua non in Conchis , sed in putrescentibus lignis , illisque immobiliter adhærescunt , donec ad certam molem aucti papilionum formam acquirant , qui aquæ supernatantes paulatim in Aues abeunt . Difficillimum tamen est huiusmodi ligna inuenire , auesque tales rarò , & mitioribus anni mensibus obtinentur . Falsum est , mihi crede , quod pro comperto tenes , verum autem quod admiratione risuque tuam epistolam exceperint omnes quotquot à me lectam auribus perceperunt ; vale .

Videat igitur , qui arcana Naturæ perscrutatur , quàm firmi-

firmiter possit alienis narrationibus adhærere . dum adeò discordes sunt , longèque inter se diuagantur . Omnes quidem Aues Britannicas , quæ Bernecles dicuntur , referunt , neque vix Historicus , aut Phisicus est , qui earum mentionem non faciat , multi tamen è truncis , multi è folijs arborum putrefactis , ex mucore carinæ , vel ex viscoso scopulorum marinorum humore , alij nonnulli in Conchis Bivaluibus progenitas credunt . Eas è folijs fragmentisque lignorum putrescentibus gigni posse putat Fabri , eò quòd certum sit è folijs hærbae , scabiosæ dictæ , papillones multicolores generari , sicuti è Bouinis excrementis , differentes Apum species excludi experientia comprobatum esse affirmat Kircherius , quare Ouidius cecinit .

Delectos mactatos obrue Tauros

(Cognita res usu) de putri viscere passim

Florigera nascuntur Apes .

Sicuti pariter è folijs fraxini formantur Cantarides , cum enim , inquit idem Fabri Natura , *semper tendat ad perfectiora , & puriora , separat purum ab impuro , & putredinem respuens , ad formandum Animal meliores partes conseruat* . Huiusmodi generationem fortuitam esse docet Kircherius , eamque fieri beneficio seminis apti , loci , & materiæ ritè dispositæ . Seminis quidem non Concharum siue lignorum proprij , sed aliundè mutuari . Cum itaque , inquit ille , Anates Anseresque in mari glaciali stabulantes eam ouorum in glacie copiam deponant , vt vniuersæ Europæ alendæ sufficere possent , & Sole Arietem Taurumque subeunte , disrupta glacie simul vniuersa illa ouorum congeries vna rupta , fluctibusque maris inuoluta , hinc inde , quâ maris impetus patet ad obuias Insulas depellatur , accidit , vt vbicunque spermaticus humor conuenientem matricem inuenerit , ibi vel dispositione aeris , aut terreni , marisque conditione anibientis ex perfectæ volucris semine perfectam volucrem excludat . Cum verò mari glaciali viciniore Insulæ non sint , quam Orcades , & Hebrides Scotiæ , vt & Hiberniæ , hinc patet quomodo in illarum littoribus istiusmodi Anseres ex tam differentibus subiectis nasci dicantur , in quibus , vel minima particula seminis recepta plastica virtute eiusdem fermentata paulatim in perfectissimam volucrem transformetur , & huiusmodi Conchas sibi donatas dicit à doctissimo P. Barile-rio Ordinis Prædicatorum , & rerum naturalium indagatore , studiosissimo ,

Mund-Sub
ter lib. 1. 2.
sect. 2. c. 2.
Metam. 15.

Mund.
Subt. lib. 12
c. 9.

3 Concha Pecten dicta ob Strias, quibus Pectinis formam exhibet. Italicè dicitur *Cappa sancta*, siuè di *St. Giacomo*. Multiplex est huiusmodi species. Hæc maximam repræsentat, quæ à summo cardine ad imam oram palmi longitudinem multoties implet, latitudo verò ad uncias ferè decem porrigitur. E testis altera modicè caua, altera plana est alterius veluti operculum, quo solo adhæret. Vtræque testæ qua parte auritæ strictiores sunt, & similiter striatæ; ipsæ autem striæ admodum crassæ, & eminentes à cardine incipiunt, & ad imam oram rectæ procedunt. Eadem maiores striæ alijs quoque strijs minutis exornantur, quas etiam minutas in ipsis auriculis, & in canaliculis obseruamus. In vtræque testa ad medium cardinem similis finis amplius pyriformis est, ibi niger quidam neruus sinum occupat, ipsumque cardinem maximè obfirmat. Intus albet, extra ex albedo, vel rufescit, vel heluaceum colorem ostendit maculis rubiginosis, aut cruentatis, & in girum dispositis in striarum partibus eminentioribus. In illis verò, quæ in Oceano generantur, testa hæc plana multis coloribus variè exornatur, albo videlicet, rubro, carneolo, rutilo, igneo, flauo, citrino, rufæo, subminio, ijsque omnibus miro ludentis Naturæ artificio diuersimodè dispositis.

4 Pars eiusdem gibbosa in longum striata colore alba, aliquando nigra, perfectè vbique clauditur operculo exceptis auriculis, in quibus patent rimulæ, quarum altera Animal exugit humorem, quo nutritur, altera reijcit excrementa.

5 Pecten strijs valdè minutis signatus. In vtræque testæ æqualiter gibbosus, aliquando in vno, aliquando in vtroque latere auritus. In litore Aquitanico frequens, sub arena, vt tellina, pascitur. Multicolor apparet, omnesque colores calamo pingere impossibile est. Multos enim candidus colorin externa facie dealbat, multos vinosus tegit, inficiuntque alios colores diuersi aqua quasi diluti, & pulcherrimè temperati, alij verò veste pulla, & rubiginosa teguntur, quam lineolæ, undulæ, & puncta heluea, oleacina, vel furua mirè discriminant. Pars autem concaua aliquando violaceum, aliquando mustelinum, & burrum ostendunt, veluti sandracca pelucidos.

6 Pecten quasi planus, auriculas habens à cæteris differentes, vt plurimum luteo colore, inuenitur etiam albus, thalassinus, nigricans, & sanguineus.

- 7 Pecten in vna tantum parte auritus, habensque strias valde inter se distantes, colore assimilatur citro maturo, & rarò inuenitur.
- 8 Pecten planoconvexus parum dissimilis ab eo, quem num. 3. descripsimus: differt solum striarum dispositione. Maiores enim à cardine ad imam oram ductæ alijs minutissimis strijs interfecantur, vndarum seriem crispatis maris referentibus: albus vt plurimum, at circa cardinem vbi lineæ striarum concurrunt cerasinum, aut malacum colorem ostendat, paulatim oram versùs dilutum.
- 9 Pecten quinque tantùm strijs excavatus, amplior cæteris, cum auriculis binis æqualibus, colore albido alium terreum tegente, qui circa oram minutissimis, & frequentibus rimulis signatus apparet.
- 10 Singularis, & præclarus Pecten hic est. Videtur ex tribus valvis constare, vna alteri superimposita. Vnicam tamen habet, testam, operculo coniunctam, sed tribus in locis gibbosam. Color illi est æneus cum nitore.
- 11 Pecten cum fascijs, subalbum colorem habet circa cardinem cum flauo confusum in medio punctis nigris frequenter notatum.
- 12 Pectunculus, in quo supra flauum colorem maculæ candidæ, & cruentatæ serpunt sine regula.
- 13 Pectunculus minutissimis strijs à centro ad oram signatus; supra colorem onichinum, quo tegitur, fascijs nigricantibus cingitur, vel punctis plumbeis roseisque aspersis.
- 14 Striæ huius Pectinis rugosæ sunt in partibus depressioribus, in eminentioribus verò leuigatæ. Colore liuido, notulisque flauis, ac roseis signato.
- 15 Pecten omnium longissimus, leuibus rugis striatus, colore, vt plurimum mustelino, aut subnigro, flauis notis maculato, in cardine autem balaustinum, aut igneum ostendat. Inuenitur etiam unicolor, nempe croceus, sulphureus, sanguineus, igneus, ruber, puniceus, cinereus, & aurantio similis.
- 16 Pecten roseo colore, quem quinque striæ albidæ, & inæquali distantia dispositæ diuidunt. Huius speciei alter depingi hoc in loco posset cum strijs liuidis, aspersus colore viridi, subflauo, lurido, & porraceo.
- 17 Concha Persica è mari Persico, vbi nascitur, dicta. Corricem habet asperum, & rugosum, luteo colore, intus

verò albescit, & lacteum nitorem Margaritarum Occidentalium representat.

18 Concha Corallina, aliter Pictorum dicta, non quia ad usum Artis pictoriæ colorum pigmenta in ea reponantur, verum quia in minutissimum pulverem redacta, purpureum colore, quo videtur imbuta pars anterior, olim Picturæ subministrabat. In Egeo Mari propè Cariam viuit, referente Aristotele. Levis, & nitida intrinsecus, extrinsecus verò tuberculis inæqualibus aspera.

19 Concha ferè plana, & perfectè circinata, cæterarum eiusdem figuræ amplissima, albo colore, intrinsecus, extrinsecus castaneo, & furuo misto. Dentatæ non sunt valvæ, quas ligamentum à cæteris valdè diuersum vnit.

20 Spondylus, siuè Ostrea. *Gaideropode* dicitur hæc Concha, quasi Asini pes, cum ab ea repræsentetur. Tarentini eam dicunt *Scataponzolo*. E scopulis nascitur imò pars eorundem propter faxeam substantiam videtur, nec nisi ferreis sarculis, & labore auelli potest. In medio cardine vinculum nerueum prædurum inferitur. Testa admodum inæqualis est, & sinuosa, inferior valdè scabra, & veluti faxeis squamis testæ superiorem cauo superat, Superior verò bronchis canaliculatis, & spissis armatur.

21 *Gaideropoda* valuas unitas, & apertas ostendens, sunt ambæ intus, vt lapis parius candidæ, foris pars inferior concolor est faxis è quibus formatur, in superiori verò bronchi, & tubercula sinè vilo ordine disposita teguntur quasi laneo operimento pingui, & vntuoso rufo colore.

22 Alia eodem nomine donata, sed coloribus diuersa. Candida enim inuenitur, aspersa coloribus roseis, & minio aqua diluto, distinguitur etiam à cæteris propter rostrum è cardine productum pedunculo simile, quo fructus arbori connectuntur.

23 Concha nascens in Arena, aut in luto, multiplici nomine ab Auctoribus significata. Pinnam vocarunt Latini à figura quam habet similem Pinnis murorum, vt docet Aldrouandus. Alij autem à nomine Græco *Pinos*, quo sordes significantur, deriuatum credunt, eò quòd ferè sordet luto in quo pascitur. Ab Olao Magno dicitur *Nacherone*, *Nacre* à Gallis, *Parrisella* à Tarentinis, *Astura* ab Anconitanis, Concha *Ægyptia* ab Ermolao, ab alijs *Lana Pinna*, siuè *Pinna Lana*.

propter laneum capillamentum, quod producit, exhibitum in figura, quæ hic indicatur. Dicitur etiam *Perna* à parte Animalis hoc nomine expressa, aut *Pinna Magna*, quia cæteras mole superat aliquando tribus palmis longitudine correspondens. Exteriorem faciem terreæ glebæ similem habet, multoque luto maculatam, si in luto ortum habuerit, interiorem rubidam, siuè heluam cum nitore, pars verò acuminata, ubi Animal adhæret margaritarum vulgarium, aut æris colorem ostentat. Si autem in arena radicem figat, foris est minus scabrosa, intus argenteo similis glasteo colore velato, Quasi planæ in parte ampliori sunt testæ, è quibus constat, aut ubi acuminantur quasi conum quadrilaterum effingunt.

24 Pinnam hanc Aculeatam vocat Aldrouandus, at propter squamas, non quidem perfectè complanatas, sed aliquantum eminentes, & canaliculatas, squamosa videtur potius dicenda. In parte concava sub flauo pellucido nitentique argenteum colorem indicat, in gibbosa verò terreo, vel tophaceo deturpatur. In vtraque Concha cancellum semper commorari refert Ælianus, ac Plinius, qui è summa ora testæ, quasi è specula vigilans, si ferrum, quo Piscatores solent è fundo Maris pinnam adimere, aut aliquid simile admoueri animaduertat, piscem pungendo conscium periculi facit, à quo mox binas valuas claudendo, & sibi, & comiti contra offensas tutamen paratur. Alij verò opinantur eundem aucupari pisciculos, & vermes, quos veluti pretium pro locata domo in alimentum pinnae soluat, sed falsò; cum enim Pinna more Plantarum nutriatur, aqua, & luto; in eadem testa, sicut in multis alijs Conchis, cancellos fortuito commorari dicendum est. Producitur à carne Animalis neruosus quidam ramus in maioribus pinnis palmi fere longitudine extensus, veluti oloferico capillamento concinnatus, quæ lana à multis dicitur, ab alijs Bissus marinus, ut distinguant à terrestri lineo, & gossipino. Contra hyemis humiditatem valet, & in auribus positus surdos iuuat. Sunt qui putant eiusdem beneficio scopulis firmiùs adhærere, cum mare ventis validiùs agitur, multique sibi persuadent rete, quoddam esse ad pisces capiendos aptissimum; at probabiliùs credendum existimo destinatum à Natura, veluti radicem in Plantis ad sugendum humorem, quo Animal testa inclusum nutriatur.

25 Balanus, de quo abundè actum est cap. 5. dicitur etiam Phola-

Pholades à Græcis, quo nomine res abdita significatur. Frequens est in litore Anconitano, & Narbonensi: latitudo digiti cum semisse æquat, longitudo ferè ad medium palmorum extenditur. Componitur duabus testis non perfecte in omni parte clausis, vertex altera quasi bifida clauditur. Albidus est in parte concaua, cinereus in gibbosa, quæ reticulata quasi vesle circumtectâ valdè corrugata est, & quidem asperior ea parte, qua penetrat saxum, in quo viuit. Sapore palatum allicit, humoremque tanquam saliuam emittit, qui noctu ad eò refulget, vt characteres admoti commodè distinguantur, sed de hoc fusius inter Problemata agendum.

26 Eiusdem Balani testæ diuersimodè collocatæ, & apparentes.

27 Saxi fragmentum, in quo Balanus generatur, cap. 5. partis primæ satis examinatum.

28 Dactilus, dictus à fructu Palmæ, cui assimilatur, tunica subtili circumtegitur colore castaneo. Pholades etiam vocatur à latendo quia, vt Balanus intra saxi viscera nascitur, sed non ad eò duri. Frequens est in multis Italiæ littoribus, binis testis subtilibus vna alteri coaptata constat, intus levis colore albedo, vel cinereo.

29 Dactilus non dissimilis colore, sed aliquantulum figura, nascens in locis arenosis.

30 Musculus dicitur hæc Concha à Latinis, à figura, quam muris rictus exprimitur. Tarenti vbi copiosè supra ligna generatur, dicitur Cozza. Stabulatur etiam in cauernulis lapidum, sedemque non mutat, siquidem villis siue setis quasi scopulis ligatus adnascitur. Huius Conchæ vtraque testa admodum tenuis, parte verò acutiore paulo crassior, & spissior est. Reliquo ambitu rotundo, multo tenuior, & fragilis. Ferè ita mensuratur, longitudine duos digitos, & dimidium explet, latitudine paulo supra vnum. At in aliquibus locis ad miram magnitudinem peruenit. Huic vnicum ligamentum ex aduerso cardini ad oram scilicet rotundiorē collocatum. Caro intus pallefcit cruda, cocta vitellis ouorum similis est, in ambitu fimbriata. Testa foris ex cæruleo nigricat, intus ex cæruleo albescit, vtrinque verò levis admodum. E litore tamen Drepanitano, & Lusitanico multi ad me delati sunt, quorum aliqui partim viuido cinabaro, & sandichyno colore tecti, alij verò argenteo, thalassino, Venetoque mirè pigmentati.

31 Concha siue Conchites in Italia frequens rugosus rostro subtereti, & insigniter adunco donatus, describitur à Martino Lister tract. de lapidibus Bivaluibus cap. 2. Huic color ferè albidus interdum subliuidus.

32 Concha nauculam exprimens, Romboides à nonnullis dicta, Musculus striatus à Mattiolo, ab alijs Miculus: In profundo mari sub cæno stabulatur, in parte inferiori nauis carinæ simili aditus patet, quo Animal veluti Planta faxis adhæret, quamobrem piscem illum diceret, quem Diodorus Siculus refert reperiri, cum in Ægypto Nili aquæ à campis recedunt, vel ranas illas ab Æliano visas Neapolim inter, & Puteolos *media anteriori parte formatas; media posteriori luteas, & informes.* Caro enim in testa inclusa paulatim in callosam substantiam degenerat, eò duriores, quò magis saxo propinquam. Luto tartaroque circumtectus terreo est colore, aut vbi explicatur subalbus apparet castaneis notis maculatus, habet latera sulcis striata, & minus profundis, quò magis ad punctum concursus siue centrum accedunt, Plana est pars superior, vbi binæ valvæ minutatim denticulatæ vniuntur, lineisque signatur ita dispositis, vt lancearum acumina alterum alteri superpositum effingant.

33 Concha quasi perfectè rotundata, in omnibus partibus levis, & nitida; extremæ eius oræ ambitus minutissimis dentibus est asper, colore pullo; assè mole æquat, in Iberico litore copiosa, vbi testæ coniunguntur fuluus color, nigro paulatim dilutus interdum videtur.

34 Conchula figuræ magnitudinem non excedens, sed pulcherrima visu, eburnea in parte conuexa, in concava Margaritis, vel argento obrizo similis, in oris spissis denticulis crispa, frequens est in Adriatici litoris arena.

35 Tellina sinè dentibus longitudine cæteris antecellens, parum lata est, & adeò expolita, vt arte superadditus nitor videatur. Igneo colore fulget, aut ex flauo in Balaustinum rubescit, interdum rosea est, & aliquibus zonis candidis circa cardinem dispositis decoratur.

36 Tellina coloribus diuersimodè temperatis, & euanidis vndasque referentibus signata; formantur autem vndulæ colore baliolo chrisolitico, indoque aqua diluto supra fundum, vinoso tinctum, in ambitu est serrata, & cum superiori pascitur in mari Lusitanico.

- 37 Tellinæ maris Italici extrinsecus! colore fuluo cum terreo porraceoque misto, intrinsecus verò, vt plurimum ciano, interdum cum lacteo confuso.
- 38 Tellina vmbone omnium acutissima; testa, quæ coloribus diuersis quasi tessellato opere decoratur, admodum tenui.
- 39 Concha dicta ab Incolis maris Ionij, vbi abundat, Nux maris, cortice rugoso, colore terreo.
- 40 Solenis, hoc est Concha longa, à Tellinis sola longitudine diuersa, intus Margaritarum nitore pellucida, foris verò sub cortice furuo oleacinoque latet.
- 41 Concha Pictorum dicta, non è colore, quem Priscis supeditabat alia num. 18. descripta, sed ab vsu Pictorum, qui colores, argenti, aurique pigmenta, vt plurimum in ea reponunt. Hæc ad pictoriam artem cæteris est præstantior; generata enim, vt plurimum sub aquis fluuiatilibus caret spiritibus, & particulis salis, quibus multi colores inficiuntur, & deturpantur. Furuo porraceoque tegumento induitur, in parte verò Concaua argento, vel Margaritis similis; aliquando ex argento rubescit, aliquando aqua cum glastino mista quasi velatur. In huiusmodi Conchis quas Albulæ aquæ Romam ferunt, paruulos vniones inueni.
- 42 Tellina semper in eodem situ distincta fasciola candida, quam color castaneus in vinosum abiens hinc inde terminat; E litore Germanico, & Britannico Romam missa.
- 43 Tellina, qua mare Neapolitanum satis abundat, longè cæteris subtilior, & fragilis, subalba colore punctatim sub viridi asperso, & lineolis ostrinis dilutis, glastinis, cinereis, & heliaceis notato.
- 44 Tellina roseo colore zona candida diuiso, interdum inuenitur in Latino litore lactea, balaustinam notam habens in vmbone, sed nitidior, & pulchrior apud Maderam Lusitanici maris Insulam.
- 45 Tellina in eodem mari generata, in ambitu ferrata, diuersa à cæteris propter figuram quam vides, minutissimis strigis rugosa, & lacteo colore.
- 46 Tellina alba lineis castaneis huc illuc sinè vlla regula discurrentibus signata, & punctis subflauis aspersa, in mari Drepanitano frequens.
- 47 Tellina frequentissima in litore Antij, flauo diluto tincta simul

simul, & furuo, vel cianeo, terreoque. Innumeros, quæ hic describi possent, omittimus eò difficiliores, ut calamo describantur, quò pulchriores coloribus apparent. Aliquæ enim ex Oceano Occidentali delatæ, ita pellucidæ sunt, ut non è Testacea substantia videantur compositæ, sed ex velo albo duplicato quidem in margine propter aliquam maiorem densitatem, qua magis albescunt. Nonnullæ melino, vel citreo colore circumtectæ, innumeræ niuis albedinem purissimam referunt.

48 Concha, Leuis à Rondeletio appellata, cum leuitate à cæteris differat. Significabimus hoc nomine generico eas omnes, quarum testæ admodum sunt expolitæ, & vniformiter striatæ. Sicuti Ostreum Conchas omnes asperas, & corrugatas indicat, Cochlea autem cætera Testacea turbinata. Ab aliquibus dicitur Cama leuis, quod nomen aptius alijs aptatur, ut inferius patebit. Huic color est cinereus circa oram, rufescens, extra rugis asperatur. figura quodammodo rhomboide. Ipse umbo exiguus acutusque est, proximè verò sub umbone cardo constat ex duobus exiguis sinibus, & totidem, aut trinis denticulis.

49 Concha relata à Martino Lister: cordis figuram aliquantum depressi refert colore gipseo flauescente.

50 Concha Tellina etiam dicta, sed non, ut cæteræ in longum producta. Extrinsecus albescit cum quidam rubore intrinsecus colore albo.

51) Conchæ quasi similes forma exteriori, interiori verò dissimiles propter dentes, & commissuras. Color ambarum
52) subalbus, & in parte gibbosa vinosus zonis heluis fasciatus.

53 Concha à colore corallij, quo externa facies aspersa illustratur corallina dicta; interna autem alba est, & leuis.

54 Concha à Rondeletio rugata dicta à rugis, quibus facies externa crispatur. Colore terreo.

55 Alia Concha rugata, intus leuis, ex parte verò gibba: aliquæ rugæ transuersim ducuntur, sed minus crispatæ: ex altera parte ab umbone ad rectam lineam procedit, ex altera aduersa rotundior est quam superior.

56 Cama vocatur Concha hæc. Nomine autem Camæ aliqui significari putant eas omnes, quorum testæ valde subtiles, adeoque minus quam cæteræ ponderant. Aldrouandus verò eas intelligit, quarum oræ non perfectè vbique con-

iunguntur , sed alicubi patet , vt in Balano satis obseruauimus num. 25. Huiusmodi est præsens , in cuius valuis patet aditus in A. ad attrahendum humorem à Natura fabricatus . Varietatem habet in figura . Nam ex his alia admodum concaua , alia minimè profunda , alia diuersimodè sinuosa , alia ad amussim ferè rotundatur , extrinsecus etiam in multis tuberculorum quorundam non leuia vestigia tam benè dispersa , vt quandoque brassicam cucullatam , vel crispum Intubum dices . Intus cum argenteo quodam splendore aliquando virescit , aliquando rubet , vel flauescit , nonnullæ auripigmento cum nitore illustrantur , multæ Margaritarum albedinem purpurisâ velatam , ostendunt , multæ æris rubiginem , flauedinem vitream multæ , & cupream rubedinem sub sandracca pellucida latitantem . Pulciores inueniuntur in Dalmatico litore saxis adhærescentes , & alibi à marinis æstibus eructatæ .

57 Multiplici nomine exprimitur Concha hæc . *Solen* dicitur à Græcis hoc est fistula siuè canalis , cui assimilatur , cum testæ ambæ quibus constat , coniunguntur , à Latinis *Vnguis* quem substantia , & colore imitatur . *Concham longam* eam dicunt Veneti , & alibi Italico verbo *Cannolicchio* , siuè *Pesce cannella* . Viuit , vt Tellina sub arena . Hæc testa septem minimum digitos longa vix vnum lata est . Huic summa cuticula siuè membrana , qua tegitur subfusca est , vel tellinarum vulgarium coloribus pingitur , inter quos linea albidior in longum extenditur , vt plurimum , interdum aqueo cianeo undulata . Vtraque pars extrema reclusa , & quasi prærupta , vtraque semper aperta , & naturaliter hians . Copiosè in litore Latino , & alibi colligitur .

58 Binis valuis valdè tenuibus componitur Concha hæc , & quidem sunt ferè planæ , vt piscis squamæ . Concha tenuis testæ videtur appellanda , extra scabra , & lutea , intra ex argenteo colore glastino velata , paulatim ad rufum cum nitore pellucidum transit . Abundat in Drepanitano litore vbi ab Incolis dicitur *Sartaniello* .

59 Cama , alio nomine Glycimerydes magna , hoc est Cama magna dulcis : salsedo enim minor quam cæteris illi inest ; In Iberico mari adeò crescit , vt pedis longitudine commensuretur . Ponderosa est , & densa , figulino colore ; maculis pullis deturpato , in parte externa , quæ multiplices tunicas alias alijs superimpositas ostendit .

- 60 Concha denticulata marmorea substantia , intus candida , foris maculis fulvis serpentibus mirificè exornata .
- 61 Concha pariter dentata , colore candido , quem lineæ subflauæ vndas maris referentes bellè distinguunt .
- 62 Aureus color est huic multis præstantiori . Circa cardinem candidæ notæ ita disponuntur , vt si binæ valuæ coniungantur , formetur quasi stella sex radios habens . Hæc Concha cum duabus prioribus descriptis ex Vlyssiponenſi litore fuit delata , nunquam aliundè ad me allata .
- 63 Concha è mari Gaditano habita , minutis dentibus in circuitu aspersa . Spectabilis illa est colorum causa , quibus veluti opere phrygio videtur ornata , æque calamo , ac penicillo difficilibus , vt exprimantur . Subflauum enim colorem , quo tota tegitur , albus , rufus , viridis , fuluus glastinus diuersimodè confusi , & temperati distinguunt ; Forma eiusdem expritur à figura .
- 64) Conchæ fasciatæ , non minùs pulchræ , quam ceteræ .
- 65) Tales dicuntur à fascijs , quibus exornantur . Hæ enim castaneo colore in rubrum propendente , ac pellucido , ità disponuntur à cardine imam oram versus , & ex vno latere in alterum , vt multis in locis intersectæ , alijsque alijs superimpositis maiori coloris densitate dupplicatum velum videantur . Notantur insuper maculis rubicundioribus veluti musicæ notis , aut musui operis fragmentis pellucida sandracca nitentibus , In parte concaua leues , & candidæ , vt parius lapis ; Pulchriores Tarentino in mari generantur , quas Incolæ à cæteris inferioris notæ distinguunt vocantes patria voce *Camadie* .
- 66 Concha leuis , & fasciata , subtili teretique testa , in concaua parte cianea , in conuexa verò liuida , zonis castaneis , & subflauis cinctæ .
- 67 Concha leuis albida , in parte gibbosa lineæ furuæ , & sanguineæ , ità serpunt , vt angulos acutos sæpissimè efforment .
- 68 Alia ex leuibus Conchis flauedine quadam aqua diluta colorata , maculas insuper habet subuolturinas , & sanguineo colore punctatim , & diuersimodè notatur . His tribus Conchis Neapolitanum litus abundat .
- 69 Concha parum excauata , & quasi perfectè circino rotundata ; in vtraque parte albescit , in externa minutissimæ strigæ à centro ad marginem producuntur , alijs lineolis intraversum

uerfum incisfis corrugata. Ab Oceano Occidentali in lucem edita, mirum Naturæ artificium ostendit.

70 Concha satis nota in canis, Ostrea Latine dicta non Ostreum. Significantur enim hac voce, vt Bellonius notat, omnium Concharum Testæ, quæ scabrosæ sunt, & immobiliter terræ adhærescunt. Huic admodum crassa, valida, & ponderosa testa est, figura subrotunda, & inæqualis ferè. Item valux inæquales, & dissimiles, scilicet quarum altera plana, altera caua, vtraque verò extrinsecus rugosa, & aspera admodum, at non striata. Intus autem leuis, & albescens cum argenteo quodam nitore, foris color ferè fuscus: ad semipalmarem longitudinem Conchæ diameter aliquando excrescit, at in Indico mari, Vasco Gama referente, quasi vmbellæ magnitudinem implent.

71 Concha Canaliculata, & squamis aspera, ad Drepanitanum litus maris æstuantis violentia ex Arcipelago delata Drepanitani marmoris albedinem æquat. Artificiofa quadam dispositione squamæ quædam in strijs eleuantur, sed aliquantulum plicatæ, vt scobina scalpro elaborata videatur, nec facilè à calamo exprimenda.

72 Concha longis strigis canaliculata, in singulis quarum è cardine ad oram veluti crista eminet minutatim serrata, colore puniceo.

73 Concha frequentissimè visa in litore Centumcellarum, & alijs adiacentibus Etruriæ. Pars conuexa strijs excauata; ex albo sulphureum colorem induit in vno latere, & ex eodem aliquantulum nigricat. Vbi testæ coniunguntur denticuli frequentes in linea recta dispositi.

74 Concha Indica non dissimilis à superiori, nisi solo labro in altera parte magis extenso, vt plurimum alba, interdum ex albo nigrescit.

75 Concha rugata albo colore testæ, quam subminius, citreus puniceus, & pælearis color distinguunt. Pulchriores deferuntur à Lusitanico mari.

76 Alia fulcis magis profundè excauata, lateo colore in mari Italiæ Mediterraneo abundè generata.

77 Concha à Rondeletio Longa dicta; verum quia longitudine alias multas, & quidem diuersas æquat, nomine, quod Plinius eidem imposuit à cæteris illam distinguemus vocando Camam Peloridem, Camam quidem, quia Camis assimilatur

latur quarum testæ non perfectè clauduntur, vt num. 56. notauimus, Peloridem, quia propè Pelorum Siciliæ montem frequentissimè inuenitur, aut quia, vt Athenæus asserit, Peloron rem magnam, & miram significat. Magnitudo tamen similis illi est, quam figura hic exhibet. Valde pulchra est visu, colore albo circa cardinem distincto fascijs roseis, quibus binæ notæ candidæ radiorum instar ab eodem cardine extensæ superimponuntur; rugas, quibus in girum crispatur aliæ minutiores ità transuersè discindunt, vt dupliciter corticosa videatur.

78) Conchæ oblongæ, & angustæ. Italico sermone dicuntur *Cozze*. Ambæ strijs leuiter rugosæ, colore castaneo, & albo, similiter notatæ. Dissimiles tamen specie sunt. Indicata enim à num. 79. semper hispida, & pilosa cute superinduitur, frequens est in oris Siculis post maris spumeas procellas.

80 Concha testa admodum crassa, & firma, in margine dentata. Prodigiola est cute, qua tegitur oloferico villosa simili, adeò mirificè à Natura texta, vt eidem aptari possit, quod S. Hieronymus de Floribus dixit, nempe, reuera, quod sericum, quæ Pictura textricum potest Floribus comparari? Colore è rufo nigricat, at circa cardinem rubet, in concaua parte ex albo nigrescit oram versus, in qua colorem lienarem etiam ostendit. Ex mari Tarentino Piscatores deprehendunt, vocantque communi voce Nucem Pilosam.

81) Concha Indica in diuerso prospectu representata, & quidem pulcherrima visu. Ponderosa propter substantiam marmoream, qua formatur, nec à pario marmore differt colore, supra quam notæ puniceæ, & rosæ sinè vilo ordine varijs in locis flexuosè excurrunt, à centro ad oram striæ admodum crassæ, & profundæ diriguntur.

83 Concha Imbricata; in strijs enim veluti tectorum imbrices corio lapideo aliquantulum eleuato effingit, adeò mirificè dispositos, vt difficilius eos sermone exprimas, oculis verò vsurpes iucundiùs. E Rubro mari defertur, interdum quindecim librarum pondera habens, colore autem est puniceo sinè marmoris Tiburtini.

84 Concha alia imbricatim vndata non impari Naturæ artificio, Venustatem illi addunt canaliculi in Ariarum depressionibus rectà è cardine excurrentes. Ex Orientalibus Indi-

Indici maris sinubus in Europam delata mirum ludentis Naturæ opus in Principum Pinacothecis, & Fontibus regijs sumptibus exornatis, sua forma ostentat.

85 Concha Fasciata inter cæteras præstantior, & non ubique obuia. Testa leuissima, argentea veste superinduta, fasciolis olivæ nigri segmentata, in Gaditano litore accepta.

86 Concha ferè perfectè rotundata, à cardine ad oram striata sulcis veluti ab aratro factis, nempe duo latera in angulo acuto desinentia habentibus. Planum est intervallum quod vnum ab altero separat, at aliquantulum rugosum sulcos eorumque sinus lineolæ castanei, vel crocei coloris sinuosè ita contextunt, ut opus segmentatum, & phrygium videatur, rarè invenitur in litore Siracusano.

87 Concha altera parte profundè quidem excavata, altera ferè plana, ut Pecten maximus. Striæ parum profundæ quò magis à margine recedunt cardinem versus, eò minus apparent, & in planam testam abeunt. Intus colore candido, foris castaneo. In Mari Indico nascitur.

88 Bucardia dicitur hæc Concha à forma, qua Bovis cor exprimit. In profundissimis Adriatici maris partibus propè Dalmatiam stabulatur. Testa tenuis, & friabilis est, in parte concava eburnea, in convexa cutem habet firmè adhærescentem colore subrufo, qui à cardine magis recedens, magis luteus, & rubiginosus evadit.

89 Concha propter formam Piriformis dicenda canaliculis rotundis minutatim sulcata. Albo colore, & circa centrum citreo, & subviridi, tribus insuper vndis fulvis notata. Nascitur in mari Indico.

90 Concha strigis semicircularibus sulcata, strijs verò perfectè planis, supra quas veluti veprium acumina ritè disposita eminent alba colore, frequens in litore Adriatici sinus.

91 Concha Indica visu prodigiosa, sinuosis rugis aspera maris vndas fauonio crispas repræsentat, inter cæteras hoc singulare habet in crispis, quòd ita disponuntur, ut in media testæ facie à cardine ad oram, in altera verò parte ex vno latere ad aliud excurrant, & si tunicæ quibus componitur detegantur; transverso, & miro opere contextæ videantur: maculis fævi, vel castanei coloris Insularum instar in mari, sine ordine, dispositis notatur.

92 Concha similis descriptæ num. 89. coloribus mirifico officio depicta. Sulci parum, testa verò admodum excavata, diuersis coloribus simul mistis, ita aspergitur, & fucatur, vt opus acu pictum in lapide expressum videatur.

93 E litore maris Atlantici delata Concha hæc sulcos duplicatos, & veluti capillorum trices contextos ostendit, colore, vt plurimum subflauo, in strijs verò aliquantulum rufescenti. Cingitur insuper pulcherrimis zonis fuluis, heluaceis, & rubescentibus in limbo euanidis, multiplicique in loco paulatim decoloratis.

94 Concha striata vmbone rostrata vinoso colore terreis maculis distincto.

95 Concha, quæ à Latinis dici potest Echinata striata; sulcatur enim rotundatis canaliculis, supra quas spissæ squamæ eminent altera alteri perfectè coaptata, ac superimposita. In mari Rubro, siue in sinu Persico generatur. Plurimi ab omnibus habetur non formæ solum elegantia, sed colore exuberanti rolarum, quo in parte concava videtur imbuta.

96 Etiam hæc alia in Maſtiliano litore inuenta, Echinata striata dicenda merito est. Strias enim magis inter se distantes armatas habet aculeis rotundis, & robustis ad vulnerandum aptissimis. Color illi est ex fuluo, & citreo, punctisque rubidis aspergitur.

97 Concha striata Echinata subrotunda, à superiori diuersa ob distantiam striarum maiorem, & aculeis non hispidè spinosis, sed plumarum instar leuiter crispatis, colore osseo, vel puniceo. Nascitur in Adriatico.

98 Nux maris dicitur Concha hic posita, Tarentino in mari, & alibi frequens. Striæ valdè spissæ, & rotundatæ colore albo fuluis, vel rufis maculis notato.

99 Concha fasciata dicta à Tarentinis *Camadia de Luna*, quia in plenilunio impinguatur. Testa crassa, colore albo, furuis zonis cincta.

100 Nuces maris ab alijs diuersæ in parte concava candidæ, in conuexa ex albo flauescunt: strias habent zonis diuersimodè flauescentibus, & castaneis fasciatis. Abundant his litora Italiæ, sed pulchriores mare Affricanum producit.

Hactenus de Conchis Bivaluibus. Impossibile enim est omnes recensere, quas immensi Pelagi fecunditas calamo describendas suppeditaret. Centenas Species proposui, vt aliquas

nunquam ab Autoribus descriptas Indicarem , quasque curiosiss Naturæ perscrutatoribus duxi fore non iniucundas . Classẽ igitur oculis subijciamus Tertiam , qua non solum numero plures, sed visu delectabiliores complectuntur .

CLASSIS TERTIA .

Comprehendens Testacea Turbinata .

1 **C**oncha potius quàm Cochlea exprimitur in figura præsentì, in qua os testæ valdè angustum videtur more Concharum . Turbinata tamen est in parte, qua labrum inflectitur, absconditque sub se spiras , quibus circumducitur . Cardio, circa quod Turbinatur, aliquantulum eminet, illumque tubera quædam aculeata coronant . Colore exprimit candidum marmor ; maculæ quædam castaneo , vel violaceo colore certo ordine, ac intervallo in girum dispositæ instar operis segmentati duabus Zonis eam cingunt in medio . Pars concava nitet , vt Porcellana Sinensis : ab aliquibus velum nauticum vocatur propter figuram , in qua nauium carbasus exprimitur , Latina vulgo dicta . In Persico mari colligitur .

2 Cochlea eodem nomine significata, at à cæteris valdè discrepans , in centro huius eminet quoddam tuberculum Balano simile . Colore, quem habet carneum , squilliticam cepam refert in parte gibbosa, in concava verò è carneo albicat perfectè levis , & nitida . In Indijs Orientalibus frequens , & apud Insulas quas dicunt Philippinas inuenitur trecentis libris ponderans , eaque in arte coquinaria ad carnes elixandas , & in Templis pro aqua lustrali seruanda Incolæ vtuntur .

3 Cochlea quasi omninò in Concham vulgarem explanata, intus liuida extra caltea : è litore Hollandico habui, binas verò alias huic additas ex Siracusano mari . Patet in earum centro foramen valdè profundum, circa quod orbes occulti producantur ; Mirificè pinguntur à Natura : vt plurimum colore leucophæo , aut violaceo diluto testæ coloribus luteis , ranis, castaneis, luridis, & roseis punctatim notantur . In parte interim liuidæ, vel cineræ .

4 Rotundiores superioribus sunt istæ Cochleæ, quarum labrum in medio ore satis aperto inflectitur, multæ ex his colore vinato, aliquæ badio, multæ sanguineo, vel violaceo aspersæ. In parte externa albæ, testa admodum subtili.

5 A terrenis Cochleis hæc non differt, nisi colore, quo præclara redditur. Binas è litore Ostiensis propè Romam, Amicus ad me tulit post maris procellosi alluionem, quarum altera sulphureo flauescit, & linea ostrina subnigra per medias spiras circumuoluta fasciatur, altera verò roseo dilucido pulchrè purpurascit.

6 Exprimit testa hæc Cochleam num. 2. positam, at aliquanto magis abbreviatam, & rotundam, magis etiam in cardine prominente instar glandis, exprimuntur orbium circumuolutiones. Huiusmodi aliquas habuimus è litore Iberico, colore varias; alia enim albido pingitur, alia liuido, carneo, vel fulgino, maculis nigris notato.

7 Cochlea in Rubro mari generata, grauis pondere, colore eburnea, circa labrum quo finitur, plicas minutas indicat veluti in tela Ollandica crispa; Ex oris apertura magis longa, quam lata dente quodam exerto quasi in duas partes diuiditur.

8 Leuem testam habet hæc Cochlea tribus orbium anfractibus finita: colore flauo siue citreo, in maiori orbe nigricant lineolæ flexuosæ, in altero verò striæ parum excavatæ sinuosè serpunt.

9 Oleariam dixerunt hanc Cochleam Veteres, eò quòd lucernæ loco, vel pro mensura olei eadem vterentur. Pæponis magnitudinem æquantem Indiarum Incolæ expiscantur. Cortice veluti marmoreo, & crasso regitur, quo si denudetur pulcherrimum margaritarum nitorem ostendit, vel vt gemma Eliotropium dicta multicolor apparet. Inter pretiosa vasa aureosque calices supra Principum mensas ob eius venustatem, reponitur.

10 Conchylum Rondeletij fortasse est Cochlea hæc, eo enim nomine, licet generico, videtur indicata cum dixit: *Conchylum ea parte latius qua in turbinem desinit, sine aculeis, & tuberculis, foramen non rotundum, vt in Purpura, & Buccina, sed longum.* Ab eadem purpureum colorem produci Plinius asserit, at quia eodem nomine generico, & vniuersali, ideo de veritate historię dubitandum profecto est. Pro comperto tan-

tum habemus multiplices Testaceorum species ab eius pulchritudine superari: colorem enim album ostendit, maculis quibusdam ita notatum, ut vestem Attalicam auro, argento, & multicolori oloferico textam imiteretur. Quare Galli in excogitandis Cochlearum aptis nominibus non minus ingeniosi, quam in Floribus significandis Belgæ, eam *Drap d'argent*, Hoc est argenteum textile, nominauerint.

II Cochlea Cælata automastice dicta, eò quòd operculum habeat inter cætera singulare. Omnium enim Cochlearum calci adnascitur operculum, inquit Aristoteles, *quod carni hæret, ut unguis noster*, & ab Animali intra testam ductum, illam perfecte claudit; quapropter idem Aristoteles docuit omnia Testacea dici posse Bivaluia. Multis in locis frequenter reperitur, sed non in omnibus æque pulchra. Omnis quidem crasso scabrosoque cortice coloris lutei tegitur tanquam trilici ferroque munimento loricata, in quo innumeri penè puluilli, strigæ, squamulæ, & filamenta crispata, adeò pulchro ordine, disposita apparent, ut opus phrygium in rudi corio acu pictum diceres. At si decorticetur margaritarum nitore decoratur, & tubercula supra orbium circumuolutiones spirali dispositione recurrentia, eò minora, quò magis ad mucronem accedunt, margaritæ bifariam diuisæ videntur. Quamobrem Cochlea Perlata dicitur à nonnullis.

12) Aliæ eiusdem speciei sinè cortice eodem margaritarum nitore præclaræ, sed in diuerso prospectu oculis representatæ.

14 Duplex operculum earum; In alterius superficie plana spiralis linea apparet, qua tota massa lapidea videtur in orbem circumflexa. Pellicula hæc regitur colore fuluo, oleacino, cum tophino misto, cæterum intus eburnea. Alterius verò facies illa est, quæ Animali adhæret, aliquantulum labrosa, in margine depressa circa centrum. Colore, ut plurimum igneo, vel arantiato, vel balaustino, aut carneolo, quem subuiridis cum terreo mistus circa centrum deturpat. Umbilicum marinum, propter similitudinem cum umbilico vocatur à multis, à quibusdam Belliculum, à nonnullis Lapis S. Margaritæ, & oculus S. Lucie, fortasse propter virtutem astersiuam humoris oculis noxij, aut quia contra venenatas oculorum fascinationes infantes iuuat, quorum è collo pendet tanquam pretiosum amuletum. Augustinus Scilla agens de corporibus in lapides conuersis

in epistola, quam satis eruditè scripsit, ova pòtius Cochlearum esse sibi suadet, siuè animalcula abbreviata, nondum perfecta, & ab eisdem Cochleis generata. At, alibi examinanda res est.

15 Cochlea vnò prospectu visa non dissimilis ab alia descripta num. 1. ex altera verò Piriformis apparens. Ex Indico mari defertur fragilem, & subtilem testam habens sub veste admodum eleganti, reticulato quodam opere distincta, colore vinoso siuè carneo, cum maculis mustelinis sinè ordine dispersis.

16 Niuis candorem imitatur hæc Cochlea, è Papiracea substantia videtur compacta, at non plicatili. Semicircularibus canaliculis distinguitur, inter quos striæ ferè planæ maculis flauis tessellatæ.

17 Cochleæ eodem modo canaliculatæ similibusque notis distinctæ. Testam habent superiori crassiore, os valde labrosum, & valvulis coronatum, in cuius extremitate foramen profundum patet; ex eodem cuticula quædam supra orbium, maximum distenditur quasi glutine aptata. In Siculo mari collectas habui.

18 Cochlea maris Mediterranei, dicta à Rondelitio *Echinophora* à tuberculis, quibus spiræ frequenter gibbulosæ tumescunt, & proportionem seruata diminutis, Candida colore, sed rara.

19 Echinophora frequentissimè ad victum collecta, figura alteri similis, colore autem tophaceo, vel murino.

20 Cochlea à nemine obseruata, & Vlyssipponensi in litore reperta, in parte concaua colore candido, carneolo in gibbosa. Hæc insuper transuersis lineis tanquam scalpro incisis rugata, punctisque fuluis aspersa. Ex binis oris labris alterum inflexum prominet, alterum verò supra maximum orbem, expansum crenulas abdit; Eidem ligula quædam adiacet, bifariam cingens testam, quatuor notis ex fuluo nigricantibus distincta.

21 Proximè superiori in plerisque notis similis est Cochleæ huius testa, at sinè ligula, & maculis; Differt etiam labro turgescenti, & triplici plicatura glomerato.

22 Cochlea ex nouo Hispaniæ Regno Americano ad celeberrimum præclarumque Virum missa. Marmoream substantiam suo pondere refert; rotundis strijs vbique crispata,

orbium anfractus, ita prosequentibus, ut vbiq̃ue veluti funiculis cincta videatur. Os à cæteris diuersum illi est. Videtur enim, quæ mucro orbibus finitur strictè strangulatum. Solet ab Indis Americanis foliata pictura argento auroque mista decorari ad mensas, & Altaria exornanda.

23 *Leuis testæ Turbo in mari Adriatico frequens, subtilissimis crenis crispatus, colore lapidis Tiburtini, tribus supra decem orbibus, licet mole paruus, extenditur.*

24 *Maior mole hic alter Turbo decem tantum orbibus finitur, valdè autem illi tumescunt omninò leuigati, Color inest illi marmoreus subalbidus, & aliquantulum vetustate, flauescens.*

25 *Conuenit hæc Cochlea cum altera num. 17. descripta, in strigis, & maculis. Basim autem planiorem habet: vbi striarum orbes finiuntur, Umbilici forma apparet, quamobrem dici potest umbilicata. In summitate oris plicaturæ omnes simul glomeratæ quasi galericuli cirrum eleganter efformant, Colore vbiq̃ue est candida, & adeò pellucida, ut notæ externæ ex rubigine rufescentes etiam in parte interna distinguantur. Ex Indijs Orientalibus habetur.*

26 *Cochlea quasi funiculis spissis cincta, & in spirarum ductibus diminutis, colore terreo, & violaceo diluto bicolor apparet.*

27 *Inter pulchriores recensenda est hæc Cochlea extero in mari Indiarum progenita, & partium fabrica elegantissima. Cochleam depressam vocarunt Nonnulli sicuti cæteras, figura quasi planas, mirum Naturæ artificium in ea non distinguentes. Figura hic expressa eius faciem planam ostendit, in qua Cochlidij gradus, eò minores, & angustiores, quò magis ad anfractuum centrum descendunt, Nituntur autem lateri veluti muro, ab ore vsque ad imum mucronem turbinato, atque Cuchleatos anfractus à Cochlidio diuidente, illumque duæ lineæ candidis, & castaneis maculis alternatim tessellatæ in utroque limbo comitantur in parte extrerna, vbi tessellati lineares orbes recurrunt. Fimbria eius est eodem colore sinuosè disposito, alteramque testæ faciem exornante maculata.*

28 *Ea est, quæ sub hoc numero ponitur parum eleuata quamuis gibba, lacteo colore imbuta; lineis partim furuis partim colore castaneo tessellatis exornatur.*

29) Huius characteristica est quidam sinus cauus velut
 30) Vmblylicus, vnde Cochlea vmblylicata dicitur, ab aliquibus verò Tigris nominatur. supra colorem eburneum, quo pars extrema tegitur, atræ maculæ miro quodam ordine sunt dispositæ, si verò lapideo quasi corrice denudetur argenteum margaritarum candorem ostentat. In Malabarico sinu inuenitur.

31 Argenteam substantiam Conchæ margaritifera hæc alia Cochlea ex litore Ollandico habita, horrida æquè, ac venusta, inter cæteras non minoris pretij est. Corticem enim habet loricatum, asperum, & tuberosum: frequenter racemosa cornicula quedam glomerata, & canaliculata ex eodem ita eminent, vt licet ex lapidea substantia formata, ex molli cera videantur brassicam cucullatam ad viuum exprimere. Multicolor dici potest, cum puniceo, terreo, viridi, violaceo, atro, sexcentisque alijs dilutis coloribus sit aspersa.

32 Ad aliud Cochlearum genus transeundum nobis est, quas Turbinis nomine significabimus. Turbo autem ille dicitur, qui ex ore lato paulatim productus in acutissimum mucronem desinit, quare magis longus est, quam latus, Cochleæ verò orbibus minus extensis magis latæ sunt quam longæ. Plurimæ inueniuntur Turbinum species, & omnes admodum pulchræ. Turbo indicatus ab hac figura non solum extenditur orbium circumuolutionibus, sed ipso ore, quod ori Purpurarum valdè simile est, beneficio canaliculi, quem ad finem vtilem, licet nobis ignotum Natura fabricauit. Colore, carneo, aut subflauo, multis in locis frequenter reperitur.

33 Turbo niuea albedine candidus, & leuigatus. In tribus Orbibus quibus finitur, ex albo nigricat, atro colore mucro induitur. Possent hoc loco depingi alij figura similes coloribus flauis, rubeis, sanguineis, leonatis, tophaceis diuersimodè mistis diuersi. Iuxta Syracusas, & Catacense litus copiosè habetur.

34 Turbo strigis semilunaribus, strijs autem planis rugosus, frequenter inuenitur albus, vel plumbeus, aliquando flauescens, & violaceo colore in aqua diluto tinctus, raro punctis fuluis, & rufescentibus aspersus.

35 Æquè spectabilis est hic alius, vbique sinuosis lineis tam benè sulcatus, ac si essent scalpro incisæ. Osseum colorem habet, & cum binis alijs superioribus in Adriatico generatur. Paruæ molis sunt. Horum tamen sicuti, & alio-

rum huiusmodi magnitudinem Microscopij ope amplificatam, exhibebimus, vt clarius abdita partium structura in rebus licet minimis oculis patefiat.

36 Turbo inter Cochleas potius numerandus, ore longo angusto, & denticulato, vt in Concha Venerca, colore albo, cum notis fulvis, vel rufis cum albo paulatim confusis. Sulcis striatur æquali spatio diuisis, & opere quasi tessellato, propter maculas nigricantes, decoratis.

37 Turbo orizæ magnitudinem non superans; at si mole paruus, maximè quidem venustus, tribus coloribus, à quibus eleganter distinguitur; flauo enim tegitur, supra quem fasciola candida piceis maculis tessellata lineam spiralem format, orbesque testæ inclusos indicat, & pellucida veluti sandraca superinducta vndique nitet.

38 Turbo cinereus sinuosè productus cum strijs nigricantibus.

39 Turbo albus, & leuis, in quo orbes videntur turgescere beneficio ligulæ astrictoriæ, quæ supra eosdem ab ore vsque ad mucronem circumducitur.

40 Turbo in Syracusano litore frequens, albo colore, fasciis ex flauo nigricantibus segmentatus, & nitens. Interdum violaceo colore tinctum mucronem habet.

41 Turbo Leuis, pullus, cuius orbes è dextera in sinistram conuoluuntur, ore compresso, denis spiris fastigiatus, tenuis, ad magnitudinem auenæ grani factus unciam dimidiam longitudine implet. Eius basis paulò angustior est velut alter mucro, mediaque pars intumescit. Apertura angusta, & ad imam eius partem sinuosa, item eius oræ leuiter reflectuntur. Orbium anfractus linea nigricans comitatur, quam veluti filum tenue, & album testæ insertum punctatim signat.

42 Turbo tredecim spiris conuolutus, quas puncta è colore castaneo, in duplici linea disposita pulchrè exornant.

43 Turbo, qui cum proximè sequenti propter figuram similem inter Buccinas numerari potest, de quibus suo loco inferius agemus, at quia molis paruitate ineptus est ad sonum, Buccina non dicitur. Frequens est in Adriatico mari, & leuissimus testa, oui corticem referente, colore figulino, vel vinoso.

44 Turbo cuius maximus orbis ventricosus, ore prodigioso qua-

quatuor dentibus munito, quibus ferrei veluti claustrum aperturæ effingitur; Intus albicat, foris castaneo colore.

45 Turbo aliquando ostrino dilato tinctus, aliquando vinoso colore, interdum ossibus similis. In singulis orbibus instar aurantij decorticati videtur in plures æquales partes dissectus, quas fasciola plana eleganter distinguit.

46 Turbo colore flauus, testa admodum subtili, ornatur à quibusdam tuberculis supra orbem eminentibus, quos veluti filum spiritaliter ductus arctissimè stringit. In Adriatico reperitur, & in Lusitanico mari frequenter, & pulchrior.

47 Turbo furuo colore transuersis lineis profundè canaliculatus, quatuor orbium anfractibus finitur, testam habet valdè crassam, & robustam.

48 Turbo veluti malleo frequenter compressus, Pars interior albicat, circa oris aperturam inter labra reflexa alteram partem dentatam ostendit. Ex ipsa ligula quædam nascitur, orbemque ad mucronem vsque connectit modò testæ inserta, modò apparens, sed alio in loco collocata.

49 Turbo ex oleacino colore albicans, punctisque atris aspersus, & quasi sandracca pellucidus.

50 Turbo figuram nuclei oliuarum referens, duabus fascijs altera candida, a te. a picea cinctus.

51 Turbo Pyriformis squamis plenus, colore cinereus, Hunc cum quatuor præcedentibus ex Indico mari habui.

52 Quatuor subsequenter figuris Turbines exprimuntur Buccinis similes, at quia mole paruos inter Turbines retulimus. Malleolo negligenter collisus videtur, hic primus quia inæqualiter compressus. In ora aperturæ labrum eleganter reflectitur, & animalis collo locum præbet cum ad motum exierit caput è testa.

53 Turbo septem spirarum anfractibus finitus, ore valdè longo, levis vbique, colore lapidis Tiburtini, interdum ex heluo subniger.

54 Supra modum tenuis, ac tener est huius turbinis testa, adeoque admodum pellucida, & levis est. Ei ingens apertura oualis, color est ex flauo albescens, interdum vinosus. Intra tres spiras finitur, quarum duæ inferiores ad mucronem admodum exiguæ.

55 Longior antecedenti Turbo, & leuissimus, colore atro cum nitore.

56 Turbo levis fasciola tenui in orbium commissuris arctè ligatus caret mucrone acuto, sed veluti basi rotunda finitur, colore eburneo. Viuit in spongijs.

57 Turbo Indicus. Vocari potest Avena marina propter figuram, qua exprimit arundinem palustrem, aut arboris folium glomeratum. Colorem habet vinosum, notulis, punctisque flavis, furuis, castaneis, & violaceis dilutis, ex nitore venustis.

58 Turbo colorem Margaritarum sub marmorea veste celans, videtur compositus duobus testæ segmentis, ita Cochleatis, vt giros efficiant angulo obtuso mucronatos, in quibus passim exeritur lingua quædam, eleganter illos exornans.

59 Turbo minutissimis sulcis asper in omnibus spiris, maxima excepta. Hæc corona pinnulis plena circumdatur, in qua velut in disco videntur aliæ minores subsidere. Propè oris aperturam si cernas, quatuor quasi crispis conuolutum dices, hæ autem pinnulæ albicant in veste pulla, qua totus Turbo tegitur.

60 Alius sinè coronæ ornatu, colore liuido, interdum albo.

61 Turbo tuberculis vbique distinctus, quæ supra colorem aureum mirificè albescunt.

62 Turbo undosis anfractibus productus, crenulisque transversis asper; undè è linteo leuiter crispato videtur compositus. Multicolor plerumque, interdum albus, vel eburneus, vel nigricans, vel subviridis.

63 Huius Turbinis præcipua distinctionis nota est, macularum candidarum, & sanguinearum dispositio. Modò enim colore flauido, & cianeo diluto, quo testæ pingitur confunduntur, modò ab eo omninò distinctæ apparent. Vt plurimum in Neapolitano litore colligitur, colore ossæo tectus cum candidis notis.

64) Duo Turbines Indici maris, qui inter eos connumerandi censentur, Murices à Latinis dictos. Binis coloribus nempe albo, & pullo, quibus teguntur, penè innumeras colorum apparentias effingunt. Hic niuis superatur albedo, illic à nigredine penitus celatur, in quadam parte paulatim color pullus diluitur, & albus quodammodo deregitur, amboque semper ita miscentur, vt tertius quidam color ex albo nigrescens, vel albescens ex nigro videatur, Quibusdam lineolis

65) bus nempe albo, & pullo, quibus teguntur, penè innumeras colorum apparentias effingunt. Hic niuis superatur albedo, illic à nigredine penitus celatur, in quadam parte paulatim color pullus diluitur, & albus quodammodo deregitur, amboque semper ita miscentur, vt tertius quidam color ex albo nigrescens, vel albescens ex nigro videatur, Quibusdam lineolis

lis piceis, quasi calamo factis, & vndosis transuersè cinguntur, ac si fila essent acu testæ inserta: Sulcos in longum ductos habent, & circa oris foramen valdè productum, & angustum, testæ frequentissimè crispatur. Differunt aliquantulum inter se dispositione partium, & colorum, qui tamen omninò similes sunt in ambobus.

66 Quinque fascijs cingitur hic alius cæteris elegantior. Altera colore subnigro est, altera purpurea, vel ad minimum accedens, tertia fulua, viridis quarta, vltima ostrina; omnes ita à summo vertice mucronem vsque ita circumuoluuntur, vt interuallo quodam distinctæ inter se, in eo videatur veluti album indusium, quò turbo tegitur. Valdè nitidus est, & leuigatus, & ab Indico mari cum cæteris octo superioribus habetur.

67 Turbo porius partium structura, quàm pictura coloris in pretio habendus. Collare lineum canaliculatum nunquam Artificis manus crispauit, à quò exprimi posset huius oris apertura. Nunquam obstetricis manus regium infantem fascioliis artificiosius cinxit, quàm Natura turbinato huic Animali marmoream massam miris circumuolutionum anfractibus Cochleaui: sed hunc videre iuuabit, nam eius speciem verbis representare haud ita expeditum. In mari Rubro nutritur, & non, dissimilis in monte Etrusco, quem dicunt Peglia, sub glebis inuenitur,

68 Turbo minutissimis rugis à cardine vsque ad inum mucronem crispatus miro Naturæ artificio. Præcipuam distinctionis notam præstat os quasi perfectè circinatum, venustum propter coronam quasi ex opere topiario compactam, casariatam, lacinijs plenam, & coloribus galearum cristas referentem. ex Indico mari habui.

69 Turbo Tuberosus dictus à tuberculis, quæ vberum instar ex orbibus spirarum ad tutamen pendent. Os habet cum labro admodum producto. In luto stabulatur, quo si expolietur multicoloribus succis videtur sine ordine aspersus. In eò viridis, furvus, & violaceus inter cæteros distinguantur.

70 Duæ paræ Buccinæ, in quarum basi foramen satis profundum pater: vt parius lapis perfectè expolitus, sunt candidæ, & nitidæ rubro, vel castaneo colore tessellatæ. In Indico mari inuentas Purpurati Principis manus cæteris, hætenus descriptis addidit.

- 71 Turbo ex Indiarum litore habitus cum alijs, qui in hac pagina describuntur. Figura quasi piriformis, minutissimis sulcis leniter rugosus. Colore figulino, vel pumiceo.
- 72 Turbo cianeo diluto tinctus, punctisque candidis, & pullis notatus. Aliquando inuenitur albus cum maculis rufis.
- 73 Turbo, ut visu delectabilis, sic dictum non facile exprimendus. Huius Cochleati orbes simul connectuntur ligula quadam, quæ varijs in locis modò contexta, modò foris educta, veste quodammodo reticulata eos induit. Ea autem colore est furua, testa Cochleata ferruginea.
- 74 Color albus, & pullus diuersimodè confusi huius Turbinis cutem eleganter pingunt. Pars, in qua est oris apertura æquè producitur, ac alia, quæ plurimis orbibus finitur. Ab hac conus exprimitur in æqualia tubera distinctus.
- 75 Turbo Muricatus, sic dictus à corniculis quibus Murices muniuntur, veste alba tegitur, quam plurimæ lineolæ rubræ, & flauæ sinuosè inflexæ reddunt indumento Persico similem.
- 76 Turbo pariter Muricatus, quasi ex fumo nigricans, & lineolis magis fuscis circumdatus, paruus licet mole testa duritiem silicis æquat.
- 77 Oculus Cæsius antonomastice dici potest hic Turbo. Exprimunt enim colore cinereo pellem felis melitensis, eiusdemque oculos quibusdam tuberculis in spirarum ductibus pulchra dispositione aliquantulum eminentibus, in quibus cæsia veluti pupilla pellucet, colore ex leonato nigrescenti coronata. Alia etiam minora tubercula in spiras disposita, ostentat colore fusco, quo Cochleæ venustas augetur. Rara est, & in Indico litore inuenta, & nunquam in ullo licet prædiuiti Museo visa.
- 78 Turbo vulgo Garagoo dictus à verbo Hispanico *Scaragol*, multis in locis frequens multiplicique colore tinctus, strijs crispatur instar retis dispositis, & in singulis nodis siuè interfectionibus earundem veluti ferreo stilo contusus videtur.
- 79 Turbo Tuberosus quasi subtili, & candida tela Ollandica indutus, quæ in multiplices plicaturas, & puluillos corrugatur: orbium anfractus obsecundantes, quidam veluti funi-

funiculus colore vinoso, & rufo intermediat.

80 Turbo in Siracusano mari frequens, sulcis vndosis asper, at præclarus fabrica colorumque varietate. Singuli enim orbes ex duobus testæ fragmentis constare videntur, quorum unum candidum est, alterum ex fuluo purpurascit.

81 Niueus est hic alius, notulis ex sanguineis nigricantibus veluti calami ductibus signatus, atque in partes ferè æquales distinctus, vt Pepones.

82 Innumeris penè coloribus simul mistis huius Turbinis cutis pingitur: in parte interna, vt plurimum albo, circa oris aperturam violaceo, & nitido, in externa asper est, & luto deformis, sub quo stabulatur.

83 Turbo albus, in cuius orbibus labrosæ testæ particulæ passim pendent mucronem versus, tanquam pinnulæ, & laciniæ lapideæ, quibus formæ elegantia augetur, & magis quidem à punctis rubiginosis, quibus spirali linea dispositis notatur.

84 Rarus admodum hic Turbo est ex Indijs habitus, colore ziziphino. Aureus, croceus, & candidus etiam inuenitur, & admodum nitidus. Circa spirarum commissuras fossiculæ æquali intervallo inter se distantes apparent, alterum oris labrum falcatum prominet, & inflectitur, vt in cane venatico.

85 Turbo, Pentidactilus, à verbo Græco dictus, hoc est quinque digitos siue appendices habens. Quatuor muniunt aperturam oris, quintum à spiris in conum productis formatur. Intus colore albo pingitur, extra albo etiam flavescente. In adiacentibus Europæ littoribus frequenter colligitur.

86 Turbo albus, & leuigatus. Marmoream testam gerit, præter primum orbem planum cæteri sunt gutturosi, & veluti tonsillis tumentibus pleni.

87 Turbo Pentidactilus alteri non absimilis circumuolutionum numero, & fabrica. Differt autem testa subtiliori, & aculeos minus productos habet, vespertilionis, siue draconis alam imitantes. Niueus habetur colore ex litore Vlyssipponensi.

88 Turbo, Magnus appellatus, quia omnium, quos hæcenus obseruauimus, est maximus. Colore pumiceo, vel figulino, ore producto, crenulis transversis crispatus, supra orbem cæteris maiorem cernicem veluti bouinam, & robustam

ostentat. In mari Rubro frequens, & in monte Pelio Etruriæ inuenitur.

89 Piramidales Vrnas, quibus cadauerum cineres Prisci seruabant, Turbines sequentes expriment, Basim amplio-
riorem, & planiorem, quam in superioribus hi habent, qua de
causa etiam assimilantur Turbini lusorio, qui à Græcis Trochus
dicitur, à Virgilio eleganti Carmine indicatus, cùm narrans
Reginam illam furijs agitatam, dixit.

*Ceu quondam torto volitans sub verbere Turbo,
Quem pueri magno in gyro vacua atria circum
Intenti ludo exercent.*

Strombi nomine cum Plinio nos illos indicabimus, qui tamen
tàm varios, & miros, vel non agnouit, vel neglexit. Sub hoc
numero descriptus durissimo sub cortice albo, & subuiridi
Margaritarum nitorem, veluti cristallina pelle circumtectum
celat. Ex mari Brittannico missus mirè oculis spectabilis.

90 Strombus Tuberosus spissis valvulis intumescens. ex ar-
gentea substantia videtur fabricatus, quam faxeæ cutis cir-
cumdatur. In ora Piscariæ colligitur.

91 Strombus minimus in arena litoris Adriatici frequentissi-
mus, sicut, & alibi. Colore vinoso siue flauescenti,
maculis rubricantibus, ac terreis notatus, vbi spirarum or-
bes coniunguntur subucularis albidior vna cum spiris circum-
flectitur.

92 Strombus admodum productus decorticatus, colore mar-
garitifero, transversis sulcibus corrugatus.

93 Margaritæ nitor etiam hunc alium condecorat, regitur
tamen à cuticula crocea, & nitida. Funiculo pariter cin-
gitur in spirarum commissuris colore paleari, notulis vitellinis,
aut lienaribus tessellato.

94 Strombus Auritus, ex parte enim, qua oris apertura est,
prominet veluti labrum auriculæ Leonis simile. Inueni-
tur apud scopulos Syracusarum. Testa illi est subtilissima, &
aspera, ex minutissimis filis, quæ fetis equinis contortis
similia difficilius sermone exprimi possunt, oculis verò vsur-
pantur iucundiùs. Colore tingitur terreo, aliquando puniceo.
Pars autem interior argenteo cum glasteo misto, vt in marinis
Auriculis.

95 Eadem figura exprimitur à præsentì Strombo. Veste
attalica crispata eundem indutum dices, si cingula, su-
niculos,

niculos, fila simul intorta, & eorum nodos mirabili quodam artificio dispositos obserues. Visu quidem esset delectabilior si verbis exprimi possent colores lacteus, subalbidus, violaceus, amethystinus, ac purpureus, quibus formæ elegantia augetur.

96 Strombus Umbilicatus in Indico litore cum antecedenti repertus. Hæc autem est huius nota characteristica, habere in centro testæ sinum cauum veluti umbilicum: margaritarum, & coralliorum lineis videtur ornatus.

97) Adriatico in mari generantur hi bini strombi, ciceris molem non excedentes. Concurrent ad eorum ornatum colores terreus, subuiridis, fuscus, & rarus diuersimodè supra oleacinum dispersi. Aliquando in summo mucrone purpurascit.

99 Strombus nitore maximè pellucidus, & veluti sandracca illa rectus, qua Sinarum Artifices scrinia, baculos, & vasa mirè depingunt. Sanguineum colorem habet notulis lenaribus maculatum, argenteumque ostendit si cuticula exuatur.

100 Strombus pariter Umbilicatus, margaritarum candorem celans sub cortice marmoreo.

101 Trocus antonomasticè Magnus, & Duplex appellandus. Superat enim cæteros magnitudine, & ex duplici Turbine in basi simul cocuntibus videtur compositus. Pulchra striarum transuersarum dispositione sulcatur. Qua spirarum turbines coaptantur, rotundæ striæ circumferuntur alterum ab altero discriminantes.

102 Trocus Magnus, & Auritus, sic dicendus ab ampla auricula, quam in basi circa oris aperturam extendit. In parte interiori fulget Unionum nitor, in exteriori cutis lapidea, & alba, fasciis terreis segmentata. Vterque hic Trocus in Indico mari colligitur.

103 Turbo instar Muricis tuberculis armatus. Ex diuersis tunicis corticosus apparet, alterum oris labrum ita crispatur, ut quamuis asperum, & rude elegantissimam formam ostenter.

104 Turbo Angulosus, & transuersis lineis leuiter crispatus, quasi collum in basi producitur, iuxta quod oris apertura valdè longa, & in centro spirarum foramen profundum patet.

105 Turbo lapideis costis ita munitus, ut ipsi testæ superimpositi-

positæ videantur, ac firmatæ clauiculo, qui à basi ad mucronem vsquè in omnibus spiris apparet. Ex binis labris quæ amplum os circumdant, alterum testæ incumbit, alterum leuiter crispatur. Colore, vt plurimum cinereo, terreo, conchyliato diluto, vel calteo.

106 Octo Turbines in hac lamina exprimuntur Obeliscis potius quam Pyramidibus similes. *Fiscaroli* dicuntur à Tarentinis, cùm eo nomine alios non dissimiles significant, quibus Pueri ad sibilum edendum vtuntur, quem dicunt Italicè *Fischio*. Omnes partium dispositione elegantes in Oceano generantur, præter eos, qui à numero 108. & 111, indicantur, sunt enim hi in Adriatico mari frequentes. Qui describitur sub hac figura eius magnitudinem non excedit. Magnum tamen artificium parua mole comprehendit. Spirarum enim anfractus depressi, & striæ in acutum mucronem desinentes opere attalico exornantur notulis croceis distincto.

107 Turbo nirtidus, & eburneus, in quo spirarum commissuræ vix dignoscuntur, maculis rufis notatus,

108 Turbo molem grani hordacei æquans, colore figulino, vel tophaceo, spissis contusionibus æqualiter excauatus.

109 Turbo Indicus niuens, & nitens, ex binis fasciis Conchiliatis, quæ triticea folia suo acumine exprimunt, ab vtraque his cingitur, orbiumque commissuras leuiter signatus vix demonstrat. Rarus, & pulcher.

110 Dupplicatis spirarum anfractibus constare videtur hic Turbo; quarum singulæ frequentibus sulcis à basi vsque ad mucronem ductis crispatur. Colore terreo, vel albo.

111 Turbo in spongiarum cauitatibus viuens, frequens in mari Adriatico. Orbes habet mira arte compositos ex testa, quæ videtur primum rotundata, deindè in spiras circumtorta, & funiculis frequenter connexus, vt plurimum candido colore, funiculi autem liuidi punctis rubicundis, flauidis, & Conchiliatis distincti, aliquando inuenitur aureus, vel roseus albis filis ligatus.

112 Turbo albus, venulis rubris, aut rufis discriminatus. Spiras habet instar helices ferreæ, quæ lignis inseritur.

113 Turbo eburneus sulco admodum profundo excauatus, quem duo veluti cingula simul vnita comitantur, vt
in

in basi columnæ corinthiæ ad ornatum componuntur ab Architectis.

114 Tuba dicitur ob longitudinem hinc turbo, colore offeo. Distinguuntur in tres, veluti partes eius orbes à duplici subuculari, qui à basi usque ad mucronem spirarum ductus persequitur. In Persico mari, sed rarò inuenitur.

115 Turbo eodem tubæ nomine pariter significatus, longitudine æqualis superiori, nec minus elegans. sexdecim, & aliquando viginti spiris finitur, mucronem habet mira proportionem valde acuminatum, colore est eburneo, & Cochleatis crispis corrugatus.

116 Strombus lacteus, & levis, in quo ubi sunt orbium commissuræ profundus canaliculus circumducitur.

117 Turbo instar helices ferreæ, notulis rufis signatus; duodecim spiris productus. Dicitur ob longitudinem. *Fistula Musica.*

118 Eodem nomine significare hunc alium possumus, à nonnullis Ceruinum Cornu dictum. Cæteris præstat longitudine, & notulis Conchylatis, siue ex purpureo colore nigricantibus, quæ iuxta spirarum commissuras in girum dispositæ eburneum colorem, quo tingitur, pulcherrimè discriminant.

119 Pulchrior antecedenti est præsens Turbo, quem Galli cum Ollandis Pontificiam Thiarum dixerunt. Triplici enim corona decoratus videtur, quam spiræ tuberculis eminentibus formant in cono. Minor cono, oris apertura est notulis arantiatæ, vel sandichinis aspergitur, & ob raritatem magnæ æstimatur.

120 Pluris tamen habetur alius ab hac figura indicatus, quam Galli appellarunt Plumam à proportionem quadam cum pluma struthionis. Eius pulchritudinem augent maculæ igneæ, ac rutilæ, supra lacteum colorem quo tingitur disseminatæ.

121 Turbo Ventricosus dictus à primo Orbe, quo cæteros amplitudine superat. Præcipua nota illi est labrum denticulatum instar rotæ in horologio, & rostrum veluti navale, quo viam tentat dum mouetur, quare Turbo Rostratus dici etiam potest, ut ab alio ventricoso distinguatur.

122 Cochleas in hac lamina figuratas Turbines nonnulli dixerunt, Nos Cylindros appellabimus propter figuram, quæ Cylindris assimilantur; perfectè enim lenigati ita rotundantur

dantur, vt nullum spirarum signum appareat, nisi in basi, quæ plerumque est admodum plana, vel leuiter orbium commissuris intumescit. A Cylindro tamen recedunt propter mucronem, quo coni potius figuram induunt. In ipso oris apertura eadem ferè longitudine producta, & angusta. Cæteris Cochleis præstant colorum varietate, qua vndæ, lineæ, fasciæ, meandri puncta, foliosum, & frygium opus in eorum testis adeò pulchrè formantur, vt maris portenta dicenda meritò sint. Possit sub hoc numero, in Indico mari repertus, nino tegitur candore, quadratis ntilis piceis ita tessellato, vt ex ebeneo, & ebore compositus videatur.

123 Cylindrus Indicus, & rarò repertus, colore Conchyliato, qui candidis notis passim celatur aurea lineola circumdatis, in basi perfectè complanatus.

124 Turbo Cylindroides rufus, vel albus punctis fuluis, vel rubescentibus aspersus.

125 Cylindrus indicatus in A. Tam mira colorum varietate, pingitur, vt quàm visu delectabilis, sic dictu non facilè exprimendus. A viridi enim, à flauido, sanguineo, fusco, citreo, & oleacino videtur sinè arte aspersus, alter autem positus in B. vinoso tingitur, circa basin glandulis prominentibus decoratur, & vbi in mucrone decrescit eum cingunt quædam veluti fila frequenter nodis implicata.

126 Opere acu picto condecoratum diceret cylindrum hìc positum à quatuor coloribus, albo videlicet, liuido, ex viridi flauesciente, & molochitico, sinè albo, liuido, furuo, & terreo, mirabili quadam distributione simul confusis.

127 Rauida veste regitur hìc alius, fascia alba transuersim cinctus, & binis alijs fasciis in longum segmentatus.

128 Cylindroides perfectè planus in basi, in qua internos orbium anfractus linea spiraliter contorta indicantur, colore fuluo, heluaceis notis nigricans.

129 Cylindrus corona multiplici decoratus, quam format globulorum linea in spiris orbium supra basin eminentibus posita. Colore aureo notis albis artificiosè distincto.

130 Cylindrus satis elegans colore albo, ciano, diluto, tyrio, & castaneo coloratus.

131 Venuitas huius Cylindri augetur à notis aureis, & rufis, ordine artificioso distributis, nitidus est, vt cæte-

cæteri , & perfectè leuigatus .

132 Tegitur hic alius veste quasi bislina , in qua quadratæ notulæ sanguineæ, puncta crocea, & lineolæ rufæ , vel fulvæ opus quasi acu pictum efformant .

133 Iaspidis fragmentum in Siculis montibus erutum hunc Cylindroidem dices ex multiplici colorum mistura , qua tingitur , nec eam speciem verbis repræsentare est ita expeditum .

134 Iaspidem etiam hic representat, at coloribus diuersum, tingitur enim albo, rufo, rubro, mustelino, terreo, modò exuberantibus modò decoloratis, & quasi velo tectis .

135 Cylindrus turcicam vestem attalica manu pictam ostentans , quàm difficiliùs sermone exprimas , oculis verò vsurpes incundiùs sinuosas picturas, & meandros , quos aureus color cum albo , & sanguineo confusus efformat . Interdum inuenitur quasi squamis tectus , quæ iisdem coloribus effinguntur .

136 Cylindroides colore fulvò dilucido tinctus , & squamis sanguineis decoratus .

137 Mucronem versùs cylindri huius furvò colore imbuti giros efficiunt quidam veluti funiculi candidi , & circa basim pinnularum corona est redimitus .

138 Cylindrus candidus fasciculis piceis segmentatus .

139 Cylindrus viridi aquato imbutus , albis fasciis cinctus , quas notulæ anthracinæ distinguunt . Reperitur etiam albus, roseus, luteus, nigricans, & Aurantio similis .

140 Turbo levis minutissimis sulcis corrugatus , colore cinereo , in mediò ore dente armatus , qui valdè prominet .

141 Cochlea hæc Cylindroides melius vocatur , quam cæteræ huc vsque descriptæ , æquali enim crassitie , vt Cylindrus in longum producitur . In basi verò ovi mucronem , refert, in quo tres , vel quatuor spiræ, quibus finitur lineolis indicantur . Inuenitur aliquando breuior, oliuæ Hispanicæ fructum referens : optimè leuigatus , & quasi sandracca sinensi velatus nitet, vndosis meandris diuersorum colorum pingitur , vt clarius in figura sequenti apparet .

142 Coloratur enim hic à candido, aureo, liuido, vinoso, subviridi, flavo, citrino, luteo, violaceo, sexcentisque alijs
R
colo-

coloribus, ita artificiosè simul confusis, & dispersis, vt acu pictus videatur. Inuenitur in litore Brasiliano mole longè minor, quem Incolæ vocant Zimbo, eumque in puluerem redactum, cum potu miscent ad confringendos lapides in renibus, & vesica generatos.

143 Turbo albus, & rarus, figuram exprimens cochlearum, quas multi ex natione Hispanico dicunt *Garagoi*.

144 Turbo siuè Murex, specie eleganti singularis, Orbium enim alter magis eminet supra alterum, quam in cæteris, & singuli æquali diuisione sunt striati. Conus, in quo oris est apertura, crispis ita corrugatur, ac si esset violenter inflexus, pars exterior colore carneo pingitur, interior roseo, labrum nigro, in roseum paulatim rubescente.

145 Turbo non minus pictura, quam fabrica elegans, & dictu non facilè exprimendus, colore subflauo cum tuberculis albescentibus, fasciis insuper transuersis cingitur ex colore rubro nigricantibus.

146 Turbines auriti. Labrum enim habent expansum, & auriculæ hominis similem. Conueniunt figura, differunt colore: alter enim osseo pingitur, alter filis aureis sinuosè inflexis signatur.

147 Buccina parua, & leuis, os habens ori hirudinum simile, & dente valido armatum. Intus albicat, foris colore burro flauescit.

149 Buccina sicut ebur expolita, niueum candorem habens, & basin ex multis membranis, altera alteri superimposita corticosam.

150 Murices bini parui gibbosi, leuiter crispatis, & rari, in parte orbis cæteris amplioris, ita intumescunt, vt columbæ pectus oua fouentis exprimant. Labrum circa os veluti alam expansam habent, coloribus flauidis supra album sinè ordine aspersis notantur.

151 Turbo, quem auritum nominat Aldrouandus, albus, & nitidus, vt parius lapis. Circa eiusdem os labra prodigioso artificio, ita reflectuntur; vt admirationem pariter augeant, & venustatem.

152 Turbo pariter Auritus cum labris duplici dentium ordine munitis, & nigris rotulis tessellatis, in reliquis partibus coloratas venas ostendit, vt gemma Gagates.

153 Coloribus similibus pingitur hic alius circinatus, & cras-

crassiori labro, quod notulæ tiria distinguunt in plures partes, diuersus ab antecedenti. Orbium maximus multis in locis sine ordine leuiter intumescit.

154 Turbo ab hoc numero indicatus antecedentibus præstet macularum dispositione, & oris artificio; hoc enim à figura exprimitur, illæ autem quadruplicato ordine dispositæ, seruataque inter se distantia, auræ colore candidos orbes condecorant.

155 Magnitudine omnibus antecellit Turbinis huius testa; pariter auriti, & tuberosi, labra eleganter ita reflectit, ut animalis collo locum aptet. Post maximum orbem valde tumescentem breui, & lato angulo finitur, tuberculos habet in girum dispositos, aliquosque eorum valde è testa prominentes, ac falcatos, ut canis venatici dentes. Alterum è labris est denticulatum, alterum crenulis rugosum. Quem hic figura exprimit album cerneret, si oculis usurpares, tribus fasciis croceis, & fuluo undatis cinctum. Interdum inuenitur multicolor ex albo, vinoso, rufo, & ametisthyno confusus. In labro insuper prominente, & reflexo quinque notas habens, quibus pulcherri-
mè decoratur.

156 Turbo forma non dissimilis, è duplici prospectu delineatus. Ex vno sulcis in longum striatus apparet, & maculis croceis in forma crucis dispositis, notatus, ut vestis Attalica aureis floribus intertexta, ex altero verò os angustum ostendit, & vtrumque labrum candidum denticulatum, quod à fusco colore partem internam deturpante mirè distinguitur: cingitur insuper à mucrone ad basim ligula alba, rufis lineolis transversim diuisa. Vbique autem videtur veste alba indutus cum filis aureis intertexta, quare à Gallis vocatur *Drappo d'argento*.

157 Pulchrior fascia cingitur hic Turbo, illa enim maximo orbi instar circuli marmorei perfectè coaptata, vbi minorem connectit rostrum falcatum exierit, & pari modo è minori ad minimum producit. Eiusdem conus parum eleuatur; ex binis labris alterum crenis asperum, & nitidum, alterum verò reflexum, & instar membranæ pellucidæ supra orbem ita extensum, ut ab eo non perfectè abscondatur reticulatum opus, quo testa veluti cælo incisa rugatur. Colore, ut plurimum tingitur albo, plumbeo etiam infectum è Lusitanico litore habui.

158 Cochlea aurita cæteris rotundior tribus fascijs æqualibus segmentata ; vltra ampliorem Orbem tribus alijs finitur . Colore castulo, burris maculis discriminato . Aliquando videtur sanguineis maculis cruentata . In labroso, & curuato ore pars dextera transuersis fulcis corrugatur, sinistra admodum levis, & alba, sicuti altera violaceo liquore in limbo videtur infecta .

159 Cochlea pariter aurita, & fasciata . Os habet orbium maximo æquale, & labrum valdè crassum, ac validum, ita reflexum, vt canaliculum satis profundum efficiat . Colore tingitur rano, vbiq; crispatur fulcis transuersis, quos octo fasciæ albescentes comitantur, & binæ binæ in plures veluti classes diuidunt .

160 Strigis minis profundis fulcatur hæc alia Cochlea aurita . Quinque orbium spiris conuoluitur, quorum quatuor in mucronem minuuntur, medietati amplioris orbis æqualem . Colore pingitur terreo, in quo triplex fulcorum dispositio aliquantulum euanida apparet .

161 Turbo Auritus Muricatus . Finitur mucrone acuto, & breui . A Gallis vocatur Crumena, eo quod mucroni adnectatur Orbis instar inflatæ crumenæ maximè ventricosus cum ore longo, & angusto, quorum alterum labrum denticulatum, crenatum alterum . Ex vno prospectu visus, partes aliquas aliquantùm turgescitas ostendit . Vbiq; tamen expolitus, & levis, excepta parte angustiori, leuiter rugosa, ac si subucularibus clauderetur . Colore est carneus rubro aureoque vermiculatus, notulæ autem, quibus labrum distinguitur, è subnigro in anthracinum degenerant .

162 Qui figuram exprimit Cochlea hic describenda, in longum minutissimis strijs corrugata, veste Attalica aurea videtur induta à Natura, eaque colore purpureo vermiculata . labrum ori adnectitur niueum, fascijs subuolturinis segmentatum .

163 Ore, & labro conuenit cum antecedenti hæc Cochlea, differt verò maculis . Loco enim fasciarum notulis distinguitur quasi negligenter, & fortuito à pennicillo factis . In breui cono, quo finitur orbes omnes indicat fulcis parum excauatis secundùm longitudinem inæquales, & orbium maximo perfectè coaptatos . In parte exteriori colore pingitur ex carneo rubescente, ab alijs coloribus distincto, vt in

ut in Iaspide, eique succedit lacteus, quo pars interior albescit.

164 Cochlea pramnio colore lydium lapidem simulans, vltra maiorem spiram vix duabus alijs paulum eminentibus finitur. Hæc cum cæteris in præfenti lamina delineatis in mari Indico sunt repertæ.

165 Cochlea in litore Drepanitano post maris procillas frequens, terrestribus Cochleis similis, quare in terra generari à nonnullis dicitur, simplicem quidem, & leuem testam habet, sed colore amethystino circa spirarum centrum albescente elegantissimam.

166 Cochlea Depressa, quæ dicitur Perlata, non ex margaritis, ab ipsa generatis, sed à margaritarum nitore, quo fulget decorticata cute lapidea, & rudi. Fascia colore puniceo aspersa cingitur qua insignis pulchritudinis nota illi augetur.

167 Perlata pariter ex eadem ratione dicenda est hæc alia, cortice duro, & scabro induta. Quatuor orbium spiris clauditur, cum quibus funiculi, & veluti fila intorta circumducuntur: est in eis mirus Naturæ lusus, Sulcis breuibus, & moderatè profundis crispatur, & ad variam lucis reflexionem margaritæ nitorem cum multicolori specie confundit.

168 Cochlea in mari Mediterraneo Italiæ non rarè reperta. Perlata dicenda videtur à colore vnionis, sub cortice, veluti oui Struthiocameli celato.

169 Cochlea, cuius testa crassa est. & ponderosa, colore carneo maculis rufis, & castaneis inuicem alternatis victata.

170 Cochlea Vmbilicata Perlata. Quinque orbium anfractibus clauditur, quorum decliuitas instar propugnaculorum erismatis pendet in subiectam veluti semitam agere quodam marginatam. Albedine Margaritarum Occidentalium pellucet nudata cortice albo, quo tegitur, & vermiculato sinuosis lineis colore rubris, quem lacca exhibet. In litore maris Lusitani reperiuntur.

171 Cochea Turbinis figuram habens, in nullo Europæ litore visa, & superiori coloribus similis.

172 Cochlea in mari Mediterraneo frequens, colore albo, vel plumbeo minutis sulcis corrugata, corticem habet maculis ostrinis lienaribus, & subuolturinis distinctum, sub

sub qua margaritarum colorem celat .

173 E marmorea substantia videtur formata Cochlea hæc , parua, sed valida , labro extenditur , vt Turbo Pentidætilus, sub quo oris apertura valdè angusta ; In maiori, & ferè vnico orbe, quo intumescit , parui puluilli prominent, tesselluæ quadratæ dispersæ ex colore anthracino notabiles .

174 Cochlea murici similis propter testæ validitatem , & tubercula, quibus in maximo orbe intumescit, os habet valdè dilatatum . Præcipua Characteristica nota illi sunt binæ crustulæ subnigræ propè eius aperturam, quas crocea linea coronat . In parte interna albescit, in externa aut alba est , aut carnea .

175 Murex albus , & parvus testa valdè dura cum labro extenso, sub quo præcipua pars Coni occultatur . Quatuor orbibus finitur , quorum singuli in partes æquales frequentibus contusionibus diuiduntur ,

176 In fenis figuris, quæ subijciuntur, sex Buccinæ indicantur mole quidem parua, vt pomi citrini semina , at coloribus admodum floridæ , & macularum varietate speciosissima . Quam primo loco vides alba vestis induit , punctis purpureis aspersa, maculis amaracinis notata, ac lineolis flammeis , & inflexis vermiculata .

177 Color leonatus , roseus , & niueus in extremitate simul confusi formant veluti lamellas superimpositas testæ vinoso humore imbutæ ad ornatum huius Cochleæ . Ex quatuor fascijs quibus basis vittata iacet, binæ albescunt, aliæ purpureo colore saturantur .

178 Vndas maris sinuosè inflexus exprimit color puniceus , quo pingitur hæc Cochlea lacteum candorem passim ostendens multis in locis purpura aliquantulum rubescentem .

179 Supra colorem vinosum punctis puniceis aspersa videtur hæc, vittata triplici serie macularum albescentium, quorum medietatem lienaris color circuit, paulatim in vinosum euanescens ,

180 Cochlea sub hoc numero posita vix binis orbibus præter alium maiorem , & ventricosum conuoluitur . Eadem piceo colore deturpata punctis croceis frequenter aspergitur .

181 Vestem phrygiam, & meandris intertextam huic Cochleæ formant colores purpurei diuersimodè exuberantes ,
vel

vel remissi, partim enim in puncta rotundati, partim in lineas rectas, & sinuosas producti, partim etiam undosos anfractus imitantes eleganti pictura mirum Naturæ lusum oculis subiiciunt.

182 Cochlea, cui Turbinis nomen aptari posse videtur, & quidem Tuberosi, propter frequentissimas glandulas, quibus testa leuiter passim intumescit. A cæteris præcipuè dignoscitur propter orbes ex opposita parte aliquantulum depressos, ac figuram aliquorum Piscium exprimentes. Munitur etiam in utroque latere crista aliqua leuiter ferrata instar alarum Piscis. Colore subalbida, & quasi duobus filis simul contortis, altero albo rufo altero cincta.

183 Cochlea, quæ à figura Galeæ, quam aliquo modo exprimit Galeiformis videtur appellanda, colore, ut plurimum heluaceo, eius fabricam oculis melius quam calamo tantum delineatam hoc loco subijcio, ne reperam, quæ in appendice de Cochlea pariter Galeiformi dicenda erunt.

184 Cochlea albo, terreo, & fusco, colore simul mistis maculata, testa præualida, tonsillis, & puluillis passim tumescente.

185 Hanc Cochleam videre iuuaret; nam verbis repræsentare, haud ita expeditum. Sic enim eius pulchritudinem cerneret, sicuti imperitus ille mellis dulcedinem sibi suasisse solo palati experimento. Mira partium fabrica, & pulcherrima colorum varietate æque redditur inter cæteras præclara. In ea orbium spiræ adeò testa conteguntur, ut vix in breui mucrone indicentur, adeoque concha potiùs quam Cochlea videtur appellanda. In parte concaua valdè leuigata est alba, vel liuida, vel carnea maculis rubidis cruentata. In Gibbosa tegitur veluti oloferico filis albis, rubeis, fuscis, purpureis, aliisque sexcentis multicolori. Costæ insuper superiniectæ in æquales partes eam diuidunt, multiplici colore valdè notabiles. Illam obtinent in alto Mari Indici Piscatores.

186 Cochlea fasciata inter Purpuras numeranda, de quibus suo loco agemus. Testa constat præualida aculeis complicatis horrida, quibus maximus orbis armatur in collum corrugatum densinens. Conus, licet brevis, tribus spiris conuolutus, insignitur qualibus glandulis excavato canaliculo circumdatis. Colore pingitur flauido notulis vinosis sanguineis, & terreis intermixto. In duas partes etiam diuiditur fascijs alba

& rubra, aut ianthina. In Oceano Orientali reperitur :

Hinc ad aliud Cochlearum genus progrediamur, quæ vocantur Buccinæ. Cætera Testacea Hæ superant magnitudine. Buccinæ autem illæ sunt, quæ ore quidem lato, mucrone autem acuto clauduntur iuxta Ovidij carmen :

----- *Cava Buccina sumitur illi*

Tortilis in latum, quæ turbine crescit ab imo.

Quamobrem sonitum edunt si voce inflentur, & Tritonum ori admotas Pictores, & Poetæ representant, inter quos Ovidius Neptunum describens ait :

Ceruleum Tritona vocat, Conchaque sonanti

Inspirare iubet, fluctusque, & flumina signo

Iam reuocare dato -----

Imò ab Antiquis Romanis loco Tubarum fuisse adhibitæ affirmat Virgilius, canens ;

Buccina iam præcos cogeat ad arma Quirites.

Septem igitur Buccinarum formas hæc tibi subijcio, quas inter omnes elegantiores duxi.

187 Omnium agmen ducat Buccina levis, & nitida, è duplici fascia candida, qua primus orbis cingitur, dicitur Fasciata. In mucronem deinde acuminatur senis minoribus spiris, à quarta Cochleæ parte commensuratum. Oris labrum parvulis veluti aciculæ globulis distinguitur, in parte gibbosa, notulæ furæ, & rauræ colorem vinosum frequenter decorant.

188 Buccina Magna antonomastice dicta ex magnitudinis mole novem anfractibus producit proportionem servata diminutis, illique primi orbis longitudine commensuratur. Circa orbium commissuras veluti capillorum trices circumvoluuntur, & singulis eorum labrum quoddam adnectitur, quo veluti distinctus cortex indicatur. In parte interiori ex carneo colore albescit, exteriorem verò semicirculares maculæ albæ, rufæ, & castaneæ inuicem alternatæ condecorant. Labrum, quod reflexum orbi propinquo adiacet, minutissimis crenulis corrugatur, quod verò expansum oris aperturam amplificat, undosis sinibus crispatur. Inuenitur in mari Europæ adiacente, sed coloribus dilutis picta, labrisque crenatis, ac tuberosis.

189 Buccina intrinsecus liuida, extrinsecus terrea. Ex binis labris alterum margine quodam rotundo prominet, alte-

alterum instar Galearum cristæ inflectitur . Septem minimum spiras in integra testa numerare licet . Huic crebræ , & minutissime striæ secundum spiras circuminijciuntur . Item aliæ striæ crassæ ductu vndato, & transuerso eminent .

190 Buccina senis orbibus finita, minutissimis filis transuersè ductis aspera, colore tophaceo in parte externa, interna verò albo . In mari Britannico nascitur sicut, & antecedens .

191 Buccina quatuor spirarum ductibus mirâ Naturæ arte eleganter circumuoluta , intus liuido colore subalbida, foris reticulatis fasciis superinduitur , inter quas roseus color rubescit .

192 Buccina inter quinas circiter spiras mucronata , quarum prima admodum inflata ; lacte videtur imbuta, in parte interna , deindè velo ianthino velata . In externa verò sanguineæ maculæ partim supra albam testam dispersæ iacent, veluti Insulæ in mari Ægeo, quibus conuenire videtur quicquid de Fortunatis cecinit Ille :

Tutte con ordin lungo eran dirette

E che largo è frà lor quasi egualmente

Quello spatio di mar , che si framette .

Tass. cant.
15. Stan 41.

Inuenitur etiam roseo colore , rubescens in parte interna, in externa furua, vt mali perfici cortex ,

193 Buccina foris rufa , intus candida . Inter cæteras præcipuè distinguitur propter bina cingula rotunda , quibus singuli orbes inter se colligantur . Ac si esset malleo compressa, quadratæ valuulæ in omnibus eius partibus , ita disponuntur , vt inter singulas veluti filum quoddam emineat reticulato opere connexum , & in notis albescens . Os ferè perfectè circinatum rotundo cingulo coronatur, & in rostrum canaliculatum desinit .

194 Turbo marmoreus dictus ob testam albam , & ponderosam . Ventricosus dici etiam potest propter orbem nimis intumescens, vndè Galli illum appellarunt Crumenam. Os habet longum , angustum , & triplici dente munitum , mucronem insuper rugosum , & maximum orbem lamellis quadratis , & subnigris tessellatum . In mari Rubro nascitur .

Quinque sequentibus laminis triginta paruulæ Cochleæ exprimuntur , ope Microscopij auctas , vt artificiosas earum partes prodigioso studio à Natura elaboratas oculus armatus faciliùs deprehenderet , calamoque clarius indicaret . Omnium

Lib. 9 c. 33

autem testæ adeò eleganti specie decorantur, vt quæ nam cæteris pulchritudine præstet haud faciliè definias. Neritarum nomine omnes significabimus, non quia, vt docet Plinius: *Sint ex Concharum genere, quæ per maria nauigant, præbentes concuam sibi partem, alteram vcrò flanti auræ instar veli opponentes*, sed eò quòd illi Cochleæ tale nomen conueniat, quæ, vt ait Elianus, *magnitudine exigua, formæ pulchritudine eximia spectatur*. Vt autem eiusdem nominis originem indicent nonnulli, fabulam Hesiodi, & Homeri in scenam proferunt, quæ decem supra quadraginta filias ab Incolis maris Nereo, & Dorige progenitas dicunt, & Nereides appellatas. Alij verò à fabularum commentis non recedentes, illud nomen deducunt à filio eorundem parentum, cui nomen fuit Nerites Hominum, simul atque Deorum formosissimus, quem cum Venus in Cælum adducere vellet, recusasse aiunt, quòd inter parentes, & sorores viuere, quam Cælo potiri mallet. Quamobrem indignata Iouis Filia, illum in Cochleam eiusdem nominis conuertit, comitem verò, & ministrum illius loco Cupidinem, ipsum quoque iuuenem, & formosum sibi delegit, & alis, quas Nerites habuerat, eundem induit, remanente interim præstantis formæ elegantia, qua cæteris Cochleis testa excelleret. De Nerite Cochlea loquens Bellonius sic ait. Nerite quoque turbinati generis conchula, testam in anfractum intortam habet, qua penitus inclusa nulla ex parte, præterquam capite conspicua est. Rondeletius autem illam esse affirmat cuius testa est leuis ampla, & rotunda. Verùm quia res tantummodo expressas tuto recognoscere non valemus nisi illæ lineis etiam exprimantur, ne tempus, & operam deperdamus, Auctorum sententias frustra perquirendo, Neritæ nomine eas Cochleas in præfentiarum significabimus, quæ inter omnes pulchriores iudicauimus.

195 Omnium agmen ducat, quæ in Sardinia litore reperitur fragæ magnitudinem non excedens. Huius testæ clauiculatim intorta innumeris globulis, secundum spirarum proportionem diminutis, adeò pulchrè exornatur, coloreque puniceo saturata purpurascit, vt è coralliorum substantia compacta videatur.

196 Nerita depressa, & Umbylicata, In parte, qua oris est apertura, ferè plana, in opposita aliquantulum gibba. in vtroque leniter rugata. In testæ centro sinus cauus, qui dicitur.

dicatur Vmbylicus, p̄ofundè pater, in cuius fundo angustum foramen aciculæ vix capax. Hac Cochlea, funiculo per foramen magis, dilatatum inserto, multi vti solent orbiculorum loco, quibus vestes connectuntur. Dunchercano in litore frequens reperitur colore viridi diluto, lacteque misto tincta, ac punctis instar radiorum à centro sparsis purpurascens.

197 Nerita binis tantummodò spiris absoluta, leui, ac tereti testa, in parte gibba coccineo humore videtur imbuta, quem lineolæ nigræ, & ex nigro albescentes decolorant, in plana verò idem color punctatim dispersus purpureum distinguit.

198 Nerites colore oliuarum nigro, & albo ita depictus, vt linguas animalium extremas, alias alijs superiniectas effingat.

199 Nerites, quem Turbinem meritò appellares propter mucronem acutum. Superatur partium structura, quibus constat, ab opere, quo decoratur. Cingitur enim funiculis multicoloribus, albis scilicet, & pullis, aut albis, & rubris, aut vinosis, & rufis. Inter funiculos flexuosæ sunt maculæ, & colore rubicundo, vel conchyliato, vel nigro, quæ ab interiecto colore albo siuè argenteo clarius distinguuntur. Cortice nudata perlarum nitore fulget, frequens reperitur in Adriatico, pulcherrima in Ionio sub luto stabulans.

200 Nerita habens testam veluti corium piscis siuè serpentis squamosum; non tamen horridam, sed pellucidam, & nitidam. Colore pingitur oleacino, qui in singulis squamis, vt lac albescit. Ternis fascijs pullis cingitur, quas interruptæ squamæ maiores exornant. Inuenitur in mari Indico.

201 Nerita frequens in Adriatico, extrinsecus alba, lineis, & tessellulis sandice Indica formatis notata, intrinsecus colore margaritarum argentea.

202 Alia parum dissimilis à superiori, maculis sinuosis tessellata.

203 Nerita inter ceteras mole minima, ternis fascijs albis, & zonis alijs rubeis vittata, quas puncta candida frequenter notant.

204 Alia candida quidem colore imbuta, sed frequentissimis punctis subnigra, maculas habet ouales filo pullo circumseptas.

205 Nerites squamis liuidis, & albidis discolor, quæ à coloribus

ribus anthracino, & subuolturino subiectis mirè distinguuntur. Hæ ultimæ tres in mari Indico reperiuntur, & veluti Sinenſi gummi velatæ.

206 Ex Indijs etiam hæc alia mittitur fulcis canaliculata, qui acutum angulum efficiunt, Vt ebanum nigra, præterquam in centro, quod vt ebur albescit. Ex vno insuper latere sunt candidæ, & falcata notulæ, in quibus elegans Naturæ lusus.

207 Nerita cuius testa veluti domorum testa videtur imbricata. Colore tophaceo, & terreo vilis, at tessellulis quadratis iuxta orbium commissuras artificiosè dispositis præclara.

208 Nerita depressa nitore quasi vitrea, colore roseo, supra quem notulæ semilunares albæ, & plumbeæ lineam spiralem secundum orbium ductum efformant.

209 Præsens alba est, maculis pullis, & puniceis notabilis, in cæteris cum superiori conuenit.

210 Ita etiam hæc alia, colore carneo, & maculis albis plumbeis intermixtis tantummodò dissimilis.

211 Nerita depressa umbylicata, colore cinerea, puniceo punctatim aspersa.

212 Carne color tingitur hæc, quasi filis olofericis rufis, & conchyliatis segmentata.

213 Nerita depressa, fulcis cochleatis aspera, quos subuculares intorti comitantur. Elegancia redditur prædita à corona, quæ oualibus tuberculis distincta eam repræsentat, quam in columnarum capitellis Architecti, ad ornamentum effingunt. Color illi est plumbeus lineis pullis signatus.

214 Nerita cinereo colore subalbida, & rubris notulis flexuose cruentata; os habet singulare dentibus diuersis armatum.

215 Ternis dentibus munitur huius etiam os, & quidem, vt scalpris acutis. Eius pars interior albescit, externa cinereo, vel vinoso velatur colore, & minutissimis strigis crispatur.

216 Nerites, cuius testam albam bicolores fasciæ plumbeæ scilicet, & picea cingunt. Ex duabus Cochleis constare illam diceret, quarum vna altera continetur. Ex his minor nigerrima punctis vix apparentibus licet albis aspersa. Os falcatum habet, & cum cæteris in hac lamina signatis in Indico litore reperitur.

- 217 Neritæ huic vestem formant frequentes, & spissi funiculi flauidi ex colore purpureo adiecto magis visibiles, & maculis atris notabiles.
- 218 Ebani nigredinem superat hæc alia mole minima, lacteo colore punctata.
- 219 Nerita cinerea, & vulgari cute testæ, sed vt margarita Orientalis elegans si expolietur.
- 220 Nerita magis aspera, & lamellis semilunaribus albis, & nigris alternatim distributis tessellata.
- 221 Nerita ex quatuor coloribus albo, viridi, oleacino, & pullo multicolor.
- 222 Neritam hic figuratam descriptam inuenies cap. 8. par. 3. sed nunquam satis laudatam. Ad eius ornatum color albus, piceus, & balaustinus, siue corallinus concurrunt. Videtur enim quasi Coralliorum lineis supra orbium spiras circumuolutis, & proportionem summam diminutis, ornata. Has albæ lineæ ex globulis candidis videlicet, & piceis alternatim variatis intermediant. Mare vbi generatur illud est, quo Brasiliæ littora alluuntur, vt mihi vir summa fide dignus retulit. Auctor tamen Musæi Cospiæ illam in Rubro mari reperiri ait, vbi Cochleam Pharaoniam Piscatores appellant.
- 223 Eiusdem Cochleæ facies alia, oris aperturam ostendens, valde angustam, colore lacteam, & minutis crenulis rugosam.
- 224 Cochlea limacis nomine communiter appellata à forma, qua terrestribus limacibus omnimodè assimilatur. Colore tingitur rufo, & nitido, cereis punctis aspersa, & maculis notata, ex porraceo albescentibus.
- 225 Cochlea umbylicata, instar globi perfectè circumdata, & leuis, colore onichino.
- 226 Alia similis, figura leuis, & nitida, aspersa coloribus subuiridi, rufo, & croceo veluti multa aqua dilutis. In ea orbium commissuræ indicantur à fasciola alba clauiculatim intorta. In centro apparet, quasi basis scapi, quo orbes fulciuntur.
- 227 Cochlea alba propter colores rubrum, & ostrinum, phrygio veluti opere picta.
- 228 Cochlea reperta in litore Siracusano aurea cute testæ, quam color fuluus punctatim signat, & veluti velo glastino superinduta.
- 229 Cochlea muticata, cuius forma nimium spectabilis.

Vltra maiorem orbem quatuor alijs turbinatur mucro , quem valida , & acuminata cornicula instar dentium in girum disposita coronant . Intus albescit, foris carneo colore rubet .

230 Cochlea, quæ Sarmatica dicitur à mare, in quo visam aliqui narrant . Eius testam delineavi haud ex prototypo acceptam (à nullo enim, sicuti nec à me inter cæteras possidetur) vt fabulosam Cochleam in scenam adducerem . Ex infueta enim corporis mole, oculis , pedibusque cæteris Cochleis à Natura negatis Fictitiam omninò esse putant Ionstorus Vir eruditissimus , à quo eiusmodi Cochleæ descriptionem desumptam hic subijcio . Sarmatica (inquit) dolium corporis mole æquat, cornibus arboreis ceruum . Extrema cornua in orbiculis rotundantur vnionum instar splendentes . Ceruice eius crassa , oculis accensæ candelæ modò micantibus , naso obrotundo , & pilis felium adinstar obuestito, rictu oris magno , sub quo pender , prominetque carnea moles aspectu subhorrida . Quatuor nititur cruribus, totidem latis , & aduncis palmis . In Dania se vidisse fortè mentitur Theuetus lib.20. Cosmog tom.2.

Cochleas hætenus visas sequitur agmen earum, quæ, licet turbinatæ, orbis sua met testa, ita occludunt , vt Conchas potius dixerint Auctores , quam Cochleas . Quod , vt intelligas concipias animo concham simplicem per planum extensam, deindè vtramque in partem reduci , & complicari ad rotundam, siuè ouatam concham efformandam duobus extremis, quæ prius in plano opposita facebant , nunc inter se iunctis , & coherentibus, dempta rima , quæ denticulis asperiuscula est . Sed vt à cæteris conchis distinguamus nulla spirarum circumuolutione, reflexis, Venereas cum eisdem Auctoribus appellabimus . Vndè autem huius nominis ethymologia deriuetur, non vna , & eadem est ipsorum opinio . Tales dici, ait Plinius, eò quòd apud Gnidiorem Venerem colebantur . Illis enim narrat Mutianus inhærentibus plenam ventis stetisse nauem, portantem, Nuncios à Periandro Corinthi Tiranno , vt castrarentur nobiles pueri , qua de causa Remoras idem Mutianus appellat . Porcellanas vero Gesnerus, quia ex illis porcellanica vasa conficiuntur præcipuè in Pronincia Sinarum Kiamsi . Aldrouandus autem tale nomen impositum esse putat à *pulchritudine* , *splendore* , & *lenore* , quæ dotes Veneris formosique corporis præcipuæ sunt . Variarum specierum Venereas Auctores in suis pa-

paginis exprimunt. Nos multiplices, & nunquam ab alijs expressas, seu descriptas afferemus, & quidem singulas ex suo prototypo acceptas, sicuti omnes coloribus adeo pulchris variegatas, ut in earum accurata descriptione verba calamo deficiant, & oculis essent usurpandæ incundius.

231 Quæ primum locum obtinet, testam habet leuem, os quod per totam testæ longitudinem in omnibus extenditur, æqualibus crenulis asperum. In partibus extremis foramen est, alterum capeffendi cibi gratia, non asperum non rotundum, sed parum prominens, non tamen in angulos procurrent: alterum ad excrementa reiicienda. Intus glastino, sed diluto colore tingitur, in labris, ut lac albescit.

232 Parte autem in tumorem elata, paleari colore, supra quem dispersæ fulgent maculæ rotundæ vitellinæ, seu cereæ cum melle mistæ, circulis aureis circumseptæ. Huiusmodi conchis abundat mare Rubrum, ex quo Mercatores in Ægyptum transferunt, ubi in chartis, & pannis expoliendis usus est.

233 Venerea parua levis, & nitida, intus colore violaceo, foris, ut ebur alba, labris diuersimodè crenatis, eius dorsum inæqualius quam cæteris, & gibbosum, ita ut illi quoque testa incumbere possit, sed obliquè. Idem per medium pallidum est, siuè subluteum. Frequentissima in litore Insulæ Loanæ cui Congianus Rex dominatur, ibique loco monetarum habetur, ut Solinus narrat, inquiens. In Regno Congiano nullus alius præter Cochlearum marinarum loco pecuniæ usus est, quas mulieres ad hoc conductæ colligunt. Nam mare aliquantulum ingressæ corbes arenis replent, quibus Cochleas, paruas, & utriusque sexus mistas reperiunt, abluunt, separant, fæmellæ enim masculis sunt pretiosiores, quia lucidiores, & vi sui iucundiores, & ita in regium thesaurum condunt. Et tales Cochleæ, quamuis in omnibus huius regni littoribus reperiantur, non tamen aliæ præter has solas, quæ colore, qui cinericius est, saltem ab alijs differunt, sunt in pretio, vnde maximus Regis census.

234 Hanc triplices fasciæ æqualiter inter se distantes, & tessellis fulvis distinctæ cingunt, pars gibbosa ex ianthino colore albescit, supra quem stellulæ fulgent conchyliatæ. Pars concaua candida.

- 235 Venerea zizifino colore flauescens, binis fascijs albis vitata, veluli labro excrecente alboque coronatur cum rubiginoso interpuncto.
- 236 Venerea lactea tribus fasciolis ostrinis segmentata, quas aureæ lacinix exornant.
- 237 Violaceo succo imbuta videtur hæc alia cæteris longior, maculis insuper xerampelinis notatur, inter quas quatuor maiores, magisque exuberantes apparent. Ex labris albis alterum minutis incisuris est asperum, alterum dentibus munitum.
- 238 Venerea alba fasciculis transuersis aureis vitata.
- 239 Venerea frigis rugosa, intus alba, foris ex violaceo carneum colorem induit, aliquando anthracinum.
- 240 Liuido, & rufo colore pingitur hæc concha, in dorso binæ lineæ flauent in oualem ferè speciem coniunctæ, & in earum medio subuiridis testa.
- 241 Venerea vndeque alba, sed in parte gibbosa colore ianthino præclara.
- 242 Huius testam filaris atticus dilutus tingit, & rufus variegato opere exornat. Labra autem melle flauescencia puncta sanguinea spectabilem reddunt.
- 243 Venerea cæteris gibbosior, & ex vtraque magis producta, ex cera cum melle mista videtur formata, punctisque heluaceis aspersa.
- 244 Ex flauo albescit huius testa, quam liuida macula veluti albo velo subsidentes distinguunt.
- 245 Venerea minima, & lactea, Calculus vteri dicta, siue etiam Belliculus marinus, circa littora maris inuenitur.
- 246 Venerea Pyriformis liuida, notulis tyrijs, & quasi velo albo testis tessellata.
- 247 Venerea stellata inter omnes speciosissima. Loco pecuniz habetur in quadam ex Insulis Philippinis. Pars interior, qua compressa est, & plana, videtur rufa, & ex rufo castanea. Vbi autem in dorsum eleuatur, partim violaceo, partim liuido tincta, intus stellulis lacteis, & aureis decorata.
- 248 Stellata dicenda etiam hæc est, è notulis rotundis, & castaneis notabilis, cæterum cinereo colore vulgaris. Omnes ex Indiarum littoribus habentur leuitate mira præclara.

249 Eburneam diceret ex albedine hanc Cochleam, ore angusto, & labris exactè expolitis, circa partem qua saxis adhæret veluti cingulum eminet, ex eius testa formatum.

250 Venerea testudini similis. Eius dorsum bifariam secat sulcus secundum longitudinem testæ productus, à quo aliæ rimulæ transuersæ costas sub cute animalis apparentes simulant. Colore terreo, aut xerampelino.

251 Venerea in mari Siculo, & Tarentino frequens, vbi vulgò vocatur Porcelletta. Lapidem Bezaar dictum colore lurido repræsentat, intetdam minùs, aliquando magis exuberante, binas fascias quibus transuersè cingitur, vix indicat. In partibus oppositis, vbi foramina duo, colore carneo in subminium propendente rubescit, in cuius medio binæ maculæ nigerrimæ hinc inde dispositæ. Circa oris aperturam color dorsi paulatim euanescens in album mutatur, quo crenulæ labrorum albescunt, intus verò violaceo pallefcit.

252 Venerea quæ oui gallinacæ figuram referens ex mira albedine Lactea dicitur. Præter candoris elegantiam, notæ illi præcipuæ sunt oris apertura non recta, sed circularis, extremitates magis productæ, quam in cæteris, insuper ex labris alterum tantummodò minutis rimulis rugosum. Intus flauida, aut albescens,

253 Venerea labris niueis, & vbique incisuris frequenter crenata. Eius color ex albo vinosus apparet cum carneo mistus. stellæ siuè maculæ partis gibbæ lenticularum ferè magnitudine, quædam dimidia atræ, in medio ambitu rufæ, & ianthinæ, dorsi latus secundum longitudinem, testæ alba linea, secat. Partem internam ianthinus color tingit, in mari Mediterraneo reperitur, at in Oceano subuiridi colore, & furuo aspersa.

254 Venerea ore albo, & crenato vulgâris, at plurimi habitata, & admodum rara propter colorem, eo enim pellem canis Britannici exprimit, cinereis notulis distinctam, & pellucido nitore præclaram,

255 Pari pretio æstimantur quatuor aliæ sequentes. Quam hic cernis in opposita dorso facie plana ferè est, & alba, deindè ligneum siuè helueum colorem induit, supra quem dorsi summitas amethystino fulget.

256 Huic sanguineæ notulæ cerussatam cutem cruentant.

- 257** Venerea oui gallinacei figuram exprimens colore rara ,
quo fuluam Leonis cæsariem imitatur eius testam ro-
tundis lamellis cinereis tessellatam fascia eiusdem coloris bifa-
riam signat . Oris margines xerampelinis denticulis rubiginosis
armantur .
- 258** Venerea testudinis instar gibbosa , lacteo colore tincta
in parte dorso opposita, eiusdem latera partim liuida ,
partim heluacea , dorsum autem rufum albis stellulis no-
tabile .
- 259** Venerea longitudine maiori, quam cæteræ extensa. Dor-
sum in summo varium est carneis , pallidis , fulvis , &
glaucis maculis . Vtrinque per latera subminium apparet .
Pars, vbi oris apertura, denticulis albis aspera . In mari Siculo
reperitur interdum transuersis fasciis segmentata .
- 260** Indica, & rara est, quæ sub hoc numero describitur: ferè
vndeque ex liuido albescit , & frequentibus lineis
fulvis, non in longum productis, sed minutatim concisis signa-
tur, ita vt spatiola ferè rotunda cinerea interiaceant, & aliquan-
do veluti characteres Arabici, sinè notæ arbitrariæ effingantur .
Latera stellulæ ianthinæ exornant , quas plumbeus color , aut
flauus offuscatur . Oris labra veluti carnea dentibus rubiginosis
corrugata . In vna extremitate trium , aut quatuor testæ cir-
cumvolutiones linea spirali indicantur cæterum perfectissimè
leuigata .
- 261** In huius pariter superficie orbium inclusorum rudimen-
tum apparet . E sinu Persico copiosè collecta, non vili
pretio est, propter leuorem, & miram colorum varietatem . Eius
testa admodum valida, & ponderosa , intus albescit, vt porcella-
na, ore minimum patet, dentibus rubiginosis hinc indè rugoso.
Foris qua parte saxis adhæret; vt filex subnigra, qua verò eleua-
tur in dorsum, innumeris coloribus ita variegata, vt Testudi-
num marinarum cortices expolitos referat , iucundius vsurpan-
dos oculis, quàm verbis faciliè exprimendos.
- 262** Venerea cuius longitudo latitudinem superat , intus
amethystino colore , foris liuida , & aureis signis no-
tabilis .
- 263** Venerea cæterarum pretiosissima , & admodum rara .
Figura, vt vides, à cæteris omninò differt, colore ex pa-
leari vndeque albescit , rotundatis veluti annulis aureis , aut
croceis, & inæqualibus condecorata .

264 Venerea in ore Mosambiquani maris frequens, testa durissima, & ponderosa. Antonomasticè Tigris appellanda videtur propter maculas, quibus pingitur, Inexplicabilis autem est Naturæ, aut labor, aut lusus, quo eius cortici venustatem addidit. Vinoso, ut plurimum humore imbuta, & sanguinea fascia vittata maculas habet fulvas, conchyliatas, atras, ostrinas alias alijs superimpositas, variaque ratione, & mistura multicolorem. In ore autem, & parte interna lacteum candorem ostentat.

265 Concha eadem in duas partes dissecta, internas orbium circumuolutiones demonstrans.

266 Venerea leui, & fragili testa: Fasciata, dicitur à quatuor fascijs dorsum transuersè secantibus, quarum omnes colores sanguineus, rufus, & citrinus diuersimodè confusi pingunt. Cæterum vndeque cinerea, præter rubiginosos dentes, quibus ori labra rugatur: in extrema testæ parte lineola cochleata internæ spiræ indicantur,

267 Subtili fragilique testa componitur hæc alia omnium longissima, innumeris penè coloribus passim aspersa oculis subijcitur, atro præcipuè, rubiginoso, fuluo, terreo, & heluaceo. Fascijs insuper violaceis in longum ductis, & alijs melleis transuersè superimpositis decoratur. Huic frequentes oris incisuræ amaracinæ colore badio distinguuntur.

Cochleas, quas diximus Venereas aliud Cochlearum agmen comitatur, quæ vocantur Purpuræ, apud Veteres propter purpureum succum magnopere expetitæ. Vnà quippe libra huiusmodi coloris, siuè olosærici eodem infecti, *tanti quidem pretij erat, ut æquali argento penderetur*, centum videlicet aureis nummis, ut Cornelius Augusti nepos refert apud Plinium. Quamobrem Poetæ, ut significarent sauciata Palladis vulnus fascia Deam decente alligatum, Purpuream dixere, hoc est pretiosissimam. Purpurea pariter veste apud Romanos induebantur Consules, purpuream milites, Reges, ac Fœminæ ad luxum ostentabant. Quamobrem apud Martialem conquerentes de purpurario Vrinatore aiunt Purpuræ.

Sanguine de nostro tinctas ingrate lacernas

Induis, & non est hoc satis, esca sumus.

De Zenone itidem referunt Historiæ, antequam in Zenophontis gymnasio Philosophiæ morali operam daret, Purpurarum mercaturam exercuisse, quas ingenti quidem lucro Athenis vendi-

Theopon
apud At-
heneum.
Plin lib. 9.
c. 19.

Lib. 13.
ep'g 27.

tasset, nisi cùm naui, Purpuris onusta Tyro Athenas redeunte, & à repentina Ventorum procella in sirtes collisa, spem suam, & patrimonium misero in naufragio perdidisset. Zenone autem feliciores alij multi, qui Romæ veſtigalium oneribus non gravabantur, dummodò essent Purpurarii Mercatores. Tyrij pariter in celeberrima Pheniciæ Insula Tyro, vbi Purpurarum flos pretiosissimus, postquam Alexander Macedo continenti addidit, (*Magnam vim saxorum Tyro vetere præbente*) libertate donati fuerunt, vt Namiotæ Purpuras expiscarentur.

At si olim ex aquis pretiosissimus earum color, etiam vitæ discriminare expetebatur, nunc à tellure copiosè obtinetur. In America nascitur in Cocci fruticis fructu breue animaculum, quod statim, ac in aerem fructu iam maturo est emissum volat, ita vt culici simile videatur, priusquam autem perficiatur, animalculum, fructum cocci colligunt, & sanguine insecti lanas tingunt. In Gallia Narbonensi Anthyllon, vel Antycellion herba duorum generum est, vna folijs, & ramis lenticulæ similis, palmi altitudine sabulosi apricis nascens, subsalsa gustanti; altera Chamæpitui similis, brevis, & hirsutior, purpurei floris, odore grauis, in saxosis nascens, inquit Plinius, ex qua descriptione putat Volateranus hoc fortè intelligi à Plinio, quod nostri Fullones cremissimum vocant. Chermes verò ex radicibus herbarum sumitur, ait Brasauolus, cum granula circa radices colliguntur, quæ breui tempore in vermiculum transeunt, aperiuntur enim granula, & parua quædam formica alata exit; In multis etiam Germaniæ partibus colligitur, excellentior verò in Polonia circa Cracouiam, à quo *Vermiculata* vestes nominantur, sinè *Chermisina* à Chermi veteri Sardinie Vrbi, vbi tali colore fuerunt lanæ, & oloferica flamina primum infecta.

Verùm ne à Mari discedamus, *Aquarum est*, cum D. Ambrosio loquar, de Purpuris disserente, quod in Regibus adoratur, *aquarum est species illa, quæ fulget*. Purpurea clamide ante omnes primum indutum incessisse in Asia, Phenicein in regia dignitate constitutum, ex Cedreni, & Suidæ historia accepimus, dono sibi impertita ab Hercule Tyrio philosopho tunc temporis celeberrimo, postquam Vertagus eius canis Purpuram ex vndis extrahens purpureo rictu ignotum florem Domino indicauit, vndè Herculeam Purpuram nominauit Politianus. At nec Asiæ Africa, nec Affrica inuidet Europa. In multis enim

ma-

maris Sinubus Purpuræ producuntur . Inueniuntur in Cyprio , in Sardico, in Tarentino, & antiquitus celebrabantur in Adriatico mari generatæ quare Salius Poeta .

Nec Sydone vilior Ancon, murice, nec Lybico.

Fert Laconicum mare Conchilia , ex quibus ad infesturam vestium Purpura comparatur, nobilitate solis ijs, quæ in Rubro mari capiuntur inferiora . Ab omnibus autem color omnino similis haud exprimitur; Pro Solis enim propinquitate colorem habet , & puniceum quidem procreat Affrica , idest quasi violaceum, colorem , Tyrus autem rubrum . Partes item Aquilonares nigrum , Austrinæ rubrum magna ex parte ferunt ; Orientales verò violaceum, quo etiam Purpura Tarentina commendatur . Nec ab vno Conchyliorum genere producitur ; fertur enim à Muricibus , & Buccinis . E Cochlea Echinophora sub num. 18. & 19. posita ianthynus pulcher effluxit cum viam Antio ad me missam in partes dissecui , & violaceum accepit Fabius Columna ab alia propè littora Vessuij reperta . Hinc Muricatæ , & Conchyliatæ vestes dicuntur, sicuti purpureus color Ostreum ab animali testato, quod Ostreum appellant Græci .

Qua nam autem industria è Purpurarum testis pretiosus eius liquor eruatur , multiplicem illam esse ex historijs accepi-mus . Ab eis euomi , si feriantur , affirmat Imperatus : spontè emitti ait Columna: alij verò in mortuis inueniri volunt . Phœnices, vt narrat Gillius ex onomastico Pollucis quarto , Purpurarum captarum testas confringunt , & carnes ad tincturam con-diunt, & aqua dilutas, & sordibus expurgatas succensis ignibus in lebetes coquunt: earum sanguis, vt ab igne incalescit , fluit , & efflorescit , partimque flauescit , partim cyaneo colore fit , partim in alium colorem conuertitur, ac iam quicquid imposueris in illius colorem commutatur . Qui plura desiderat adeat Plinium, Rondeletium , & Aldrouandum . Ego interim , ne-
fusas aliorum narrationes repetendo, quo nihil facilius , absurdius nihil , meas paginas verbis impleam , Purpurarum testas , earumque fabricam à nullo fortassis adeò luculenter, & accuratè expressas, recognoscam .

268 Primo loco posita oculis subiicitur , quam in mari Ru-
bro generatam accepi, Alba illa est , siue potius osseo colore aliquantulum flauescit ; in parte interna nitida , & leui-gata . In externa tuberosa, notulisque roseis , flauis , & furuis , & rubicundis sparsim depicta . In ea distinctionis nota præcipua est

est canaliculus admodum longus, rectus, & paulatim ab ore, ex quo nascitur diminutus, cuius extremitas scalprum canaliculatum effingit. *Purpuram pasci perforando reliqua Conchylia putauit Plinius, exerta videlicet lingua sub operculo, qua digito longior est* (ait Aristoteles) *qua tum Conchulas, tum sui generis testam perforare potest*; vnde *Purpura voracior* ad helluonem significandum inter adagia dicitur. Hanc autem linguam osileam spinam potius dicendam affirmat Kircherius.

Attamen quam longè à veritate aberrarint hi Auctores Rondeletio, & mihi experimentis satis est comprobatum. Diligenti enim anatome inter incisa Purpurarum membra nulla pars osilea inueniri vnquam potui, sed ad summum callosa, quæ in canaliculum inserta durissimas testas etiam calibi obnitentes terebrare haud potest, sed solum Cochlearum humorem, quem appetunt audivissimè, exugere.

269 *Purpura aculeata*, quam melius *Istricem marinam* dices, *Sconciglio spinoso* vocatur Neapoli ob aculeatas veluti vepres, quibus munitur, rostro longior, quam antecedens, mole autem minor, supra quatuor spirarum circumuolutiones, quibus finitur, eminent spiræ, quibus etiam in formam crucis dispositis rostrum armatur. Color extra terreus, intus albescens.

270 *Purpura* ob substantiam solidam, & ponderosam *Marmorea* dicta: colore, neque à marmore differt. Os illi angustum, & longum, vt in murice. E superficie externa sulcis rugata, cornicula aliqua exeruntur, crispa, & circumflexa munimento pariter, & decori. Fertur ex Indijs.

271 *Purpura* in Neapolitano litore frequens, ibique vulgò dicta *Carosa*, hoc est spinis detonsa, fusco, vt plurimum colore, siuè linido; aliquando, sed rarò albescens, cum maculis rufis fascijsque Conchiliatis, aut croceis cincta.

272 *Purpura* ex Tarentino sinu accepta. Pars eius extrinseca coloribus atris, & oleaginis inficitur, intrinseca violaceo, siuè ianthino cum albo misto saturatur. Aculeis caret, sed tuberculis aspera instar coronæ distributis, tunicis pluribus in longum superpositis videtur corticosa, & sulcis minutissimis secundum spirarum ductum circumuolutis rugatur.

273 *Purpura* eodem in mari frequens, intus albo, vnichino foris, vt à cæteris distinguatur *Crispatam* dicimus; cutem enim habet instar pomi passi spissis rugis asperam.

Pur-

274 Purpura Echinophora siue Echinata, sic dicta à validis aculeis in prima circumuolutione eminentibus. Appellatur etiam marmorea è testa ponderosa, & dura. Vt plurimum albescit in parte exteriori, quæ partim videtur malleo contusa, partim in puluillos tumet, oris autem labrum spissis strijs asperum mirè multis in locis circumplicatur. In Adriatico frequens.

275 Triangularem hanc Purpuram diceret, si oculis vsurpares; triplex enim in spatium diuiditur à triplici serie veluti foliorum, quibus est laciniata, vt crispata lactucæ cistus, siue brássica cucullata, ac si lapidea materia non constaret. Ex Persico sinu habita inter alias magis spectabilis, & rara. Colore flauescit, lineisque transuersis ferrugineis distinguuntur crispæ, quibus vndequaque rugatur, excepto ore admodum leui, & roseo ad amethystinum propendente, colorato.

276 Purpura pariter triangularis, sed colore terreo ab antecedente diuersa, non tamen pretio vilior, eiusdem laciniarum extrema Anthracina nigredine saturata. Os ferè rotundum, labrum cartilagineum supra maiorem orbem aliquantum extenditur.

277 Purpura, qua Mare Rubrum abundat, vltra transuersas crispas, quibus rugatur, plurimos veluti cortices alios alijs superimpositos ostendit.

Hic non iniucundum fore arbitror, quod Aristoteles, & Plinius de Purpuris narrauerunt; earum videlicet vitam septem annorum spatio protrahi, eamque patere per orbis quibus totidem, quot annos habent testa, intorta cuniculatim in crepidinem desinit. At Aristotelis sententiæ Fabius Columna auersatur. Hic enim in breui de Purpura Tractatu notauit, Purpuræ vitam pluribus annis finiri quam orbium spiris testam. Alij non ex orbibus arguendam putant, sed ex corticibus, cum singulis annis eas nouo superindui credant. Verum meo quidem iudicio vtrorumque opinionem magistra omnium experientia refellit. Ego enim inter innumeras penè Purpurarum testas in diuersis maris sinubus diuersoque in litore repertas nullam obseruare vnquam potui, quæ vltra quinque orbium circumuolutiones excresceret, vnica excepta, quam num. 276. delineatam posuimus. Illa enim prototipo omninò æqualis septem orbibus finitur, septemque pariter comprehenditur altera, quam apud me habeo omninò similem, licet mole triplo minorem, vtraque vero

verò triplici corio in lacinias excreſcente corticoſa; Quam hic deſcribimus, ſi inquiras, ſiue paruulam, ſiue magnam, vna ultra quatuor ſpiras ſemper conuolutam videbis. Eiufdem color eſt furuus, aliquantum albefeens in orbium commiſſuris. Inter cæteras vnâ ſeruo coloribus æque præclaram, ac calamo non facile exprimenda. Rubro enim, ſubuiridi, citrino, ſulphureo, vitreoque in externa facie decoratur, in interna autem ex candido purpuraſcit.

278 Adriatici maris Purpura, quatuor ſpiris intorta, quas faxea, & ſubrotunda vincula neſtunt. Hæc alba ſunt, illæ, aut vinoſæ, aut ſubſſauæ, vtræque verò ſaſcijs Conchyliatis, vel coracinis viſtata.

279 Purpura Gibboſa à Gibbis, quæ in ſingulorum orbium latere intumeſcunt. Gibbæ inſuper, ſicut, & cæteræ orbium partes tuberculis, & tonſillis plenæ ſunt, ſed ſine ordine, diſpoſitis; Quapropter longè omnium elegantiffima habetur, & nulla quamuis ſolertia videatur à Natura elaborata, oculos tamen deformitas ipſa delectat. Oris apertura valdè anguſta, à cæteris diuerſa, & anfractibus ſinuoſa, vnde quaque videtur lacte æqualiter ſaturata, præterquam in dorſo, quod crocea pictura apparet variegatum. Hæc meum Cochlearium mare Indicum exornauit.

280 Eiufdem purpuræ facies, in qua oris patet foramen.

281 Affricano in litore inuentam hanc Purpuram Ventricofam appellauimus. Orbe enim primo maximè tumet, at quatuor alijs, quibus finitur, vix ad ſemidigitalem latitudinem, extenditur: validis breuibuſque mucronibus armatur, qui tranſuerſis criſpis corrugantur. Oſſeus color illi eſt, interdum in mari Hiſpanico Occidentali pulla inuenitur, & raro ex glaſtino nigreſcens.

282 Purpura Echinata ſiue Clauata, aculeis enim clauorum inſtar acuminatis redditur notabilis. Labroſa inſuper eſt, labriſque longum, & canaliculatum mucronem effingit. Colore externo candida, interno ſauida, & in mari Sardico ſtabulatur, quæ verò in Tarentino, ſubuiridis, & lutea.

283 Quam hic vltimo loco vides ex Affricano mare delatam, Ventricofior cæteris eſt, & mucronibus aduncis munita. Illos diuerſi orbium cortices, quibus videntur compaſti, efformant, cum ſinguli à cæteris ſubiectis elati complicantur, & reſſe-

refleſtuntur, idcirco non clauorum inſtar, ſed veluti Bouis cornua, minus tamen acuminati. Pars interna roſeo fulget, externa verò, vel albo eſt vnicolor, vel ſtauo, tyrio, ac luteo multicolor.

284 Poſt Purpurarum teſtas Murices ſunt deſcribendi, quorum pariter purpureo ſucco lanæ, & oloſerica ſaturantur. Significantur autem voce *Murex*, qua Latini ſaxorum aſpera intelligunt. Vndè Poetarum Princeps Maro:

*Concuſſæ cauſes, & acuto in Muriſce remi
Obnixi crepuere.*

Eadem pariter voce exprimitur Bellica Claua, ferreis aculeis horrida, cuius erat apud Barbaros præcipuè frequentiffimus vſus, truculento Marte cum hoſtibus dimicantes. Muricem, ergo, quem primo loco poſuimus Marmoreum dicimus, Eius enim Teſta craſſa admodum eſt, & grauis, talique ſtrutura eſt formata, vt ſi ei manubrium addatur, clauam dices tuberculis aſperam, non Cochleam, in qua anguſtiſſimi oris deregitur rimula. Ex imo Oceani fundo accipitur candido colore, ſed rubris maculis cruentatus.

285 Murex figura præclarus. Ventricofus dici poteſt à maiori orbe, quo ſolum tumet, cæteris in breui tantum mucrone indicatis. Vbique longi aculei eminent, Os quaſi perfectè circinatum labra refleſcit, ex quorum altero binæ tuniæ propendent, & licet marmoreæ, telæ inſtar plicatilis refleſcuntur. Intus albo, foris puniceo colore imbutur.

286 Murex cinereus, & linidus, cuius teſtam in pyramidem efformant decem ſpirarum circumuolutiones, ſupra quas aculei proportionè artiſicioſa diſponuntur, acutiores tamen, qui baſim coronant. Ex ea oris apertura naſcitur, æque longa, ac omnium orbium ſtrutura; eadem lacteo nitore ſicuti pars externa albeſcit veluti ſandracca velato.

287 Murex duplici ſaſciola in ſpiram contorta, à baſi ad mucronem vittatus. Veſtem Perſarum propriam huius teſta effingit, cuius color ſtauidus, ſaſciolæ verò caſtanæ, aut ex rubro nigricantes. Fructus eſt maris Perſici, & non vili pretio ductus.

288 Pluris autem habetur, qui ab hoc numero indicatur. Coronatus dici poteſt ob coronam veluti regiam, quæ ſingulis orbibus adneſcitur. Colorem habet ſimilem palææ, ſupra quem aureæ, & vndatim ductæ lineolæ maris vndas leuiter

crispatas effingunt, apud Indos fuit inuentus.

289 Murex in Orientali Indiarum mari natus, qui Fasciatus dici potest è fascijs in æqualia spatia distributis. Hæ Concolores sunt testæ ex castaneo rufescenti, sed ab ipsa testa adeò eleuantur, vt potius circuli ipsi superadditi videantur. Quinque orbium spiris comprehenditur; ex duobus oris labris alterum leuiter crispatur, alterum valuilis, & strigis eleganter exornatur, quæ in aduersa facie instar tuberculorum tumescunt, indicantque mirum Naturæ opificium.

290 Murex Triangularis, costis marmoreis etiam cinctus. Hæ autem in orbibus aptantur, vt plurimis tuberculis, & nodis inæquales ex pluribus testæ partibus formatæ videantur. In labro desinunt, vt figura repræsentat, iucundiùs inspicienda, quàm describenda. Pars eius interna, vt lac albescit, externa verò tophacea est, vel flauida.

291 Murex leuis, ac fragilis testæ. Ex consillis, quibus orbes decorantur est spectabilis, licet colore albo vulgaris, aliquando terreo etiam colore aspersus.

292 Pulchritudo huius desumitur à cute instar Oloferici vndati, & bicoloris depicta. Aliquando squamosa serpentum pellem miris coloribus simulat, interdum palcari colore flauidus, notulis furuis signatur, vel ex oleacino subuירidis, luridas maculas ostentat. Ex Oceani littoribus habetur.

293 Murex, qui Cochlea Hebrea à nonnullis vocatur. Insignis est ex maculis, vel sanguineis, vel terreis, quæ tanquam arbitrariæ notæ supra colorem album aureo mistum dispersæ, Hæbreorum characteres multoties exprimunt. Hæ autem non absimili modò, quo crescunt incisuræ in corticibus arborum factæ paulatim cum testa augentur, nec formam mutant. Muricem etiam mucronatum dicere quis posset ex mucronibus in primo, & maiori orbe exuberantibus, quibus mira eius venustas angetur. In oris apertura pars sinuosa alba est, & nitens labrumque crenatum detegitur.

294 Murex Rostratus meritò appellandus. Mucrones enim, quibus munitur, vt Corui Rostrum curuantur. Coloribus antecedenti omninò similis.

295 Murex mucronibus breuibus, & sinè ordine dispositis, aculeatus, fascijs insuper albis cinctus, cæterum colore tyrio in nigrum propendente.

296 Murex nisi fallor, cæteris præstantior, aut saltem nulli pul-

pulchritudine secundus . Cochleas huiusmodi Musicas Galli meritò appellarunt . Illi enim musicis notis lineisque Naturæ signavit, ne fortè marinæ nimphæ figuratis defraudarentur cantilenis, Neptunusque Iouis non invideret delicijs , aut si commento non assentiris , vt spectantium saltem oculis suis numeris absolutam harmoniam efficerent . Hæ quidem non fortuito colorum combinatione pinguntur, vt gemma Acates in annulo Pirri Regis, in qua Apollo cum Musis cernebatur, ita discurrentibus maculis, vt Musis quoque singulis sua redderentur insignia , sed constanti Naturæ opificio, accuratoque studio in omnibus huius speciei Cochleis notulæ musicæ lineis , licet non certo semper loco, superadditæ videantur . Colores iucundiùs oculis vsurpantur, quàm calamo referuntur ; sunt enim lineæ aureo fulgore notabiles, notulæ sanguineæ, puncta ex flauo rubescentia, testæ autem subiecta, vel vinosa, vel onichyna .

297 Altera eiusdem speciei pulchritudine etiam eximia .

298 Murex pariter ex musicis notis conspicuus ; ab antecedenti aliquantulum differt . Habet enim testam magis æqualem paruulis tantùm tonsillis in rostro eminentibus . Omnino autem variat colores , quorum albus , aureus , subniger , flavidus , oleacinus , & croceus diuersimodè misti turcicam tibi referunt papyrum . Intus verò niueo nitote pellucet .

299 Murex elegantibus mucronibus tuberosus . Hi enim, ac si detonsi fuissent , aculeo carent , & foraminula ostendentes, arundinea potius fragmenta testæ superaddita videntur . color illi aureus, vel albus in externa facie, interna verò niueus , roseo, vel flammeo rutilans ,

300 Eodem colore intus rubescit hic alius, cortice tuberoso, & aspero, in quo oris labrum admodum tumescens vndosis sinibus arcuatur , & sub eo mucronis circumuolutiones ferè totæ delitescent . In parte externa sanguineæ, & rubiginosæ maculæ marmorum colorem contegunt .

301 Murex auritus, quem color albus , rubeus , conchyliatus viridis, & furvus diuersimodè cõfusi elegantissimè signat.

302 Oris apertura à cæteris diuersa , vt in figura exprimitur internam partem recludit lacteo candore nitentem , cui circa labrum flammeus color copulatur.

303 Murex pyramidalis figuræ , quam simulant septem orbium spiræ , minutis inciluris striatæ, & lentiginosis

notulis signatæ , vt plurimum colore lacteo , interdum vndequaque vinoso .

304 Murex, quem aliqui nominant Auritum ob labrum instar auriculæ exertum. Eius mucro turbinatus ferè dimidiam partem primi orbis adæquat, & corniculis , & puluillis frequentibus est inæqualis, foris, vel albus, vel subflauus, intus roseus, & sandracca velatus . In mari Hispaniæ Americanæ generatur, & ad bipalmarem longitudinem augetur .

305 Quæ hæctenus descriptæ sunt Purpurarum, & Muricum Testæ, omnes quidem aculeis, & mucronibus armauit Natura, vel ad pretiosi succi munimen, vel potius ea sicut floribus spiras addidit, vt dixit D. Ambrosius , *quasi quedam amatoria illectamenta, vt stimulis illis ægrè contactum admittentibus, ad maius desiderium colligentes prouocaret* . Verùm abditas rerum causas è profundis ignorantie latebris eruere quis potest ? Vnum pro certo habendum est, Cochleas nempe omnes, informes licet habeantur, & horridæ, suam venustatem præferre, qua eruditos oculos capiant oblectamento . Huiusmodi etiam censendæ, quas infra subiiciemus, licet coloribus non equè insignes, partium tamen fabrica præclaras . Quæ sub hoc numero ponitur clarius ex figura patebit, quam descriptione, liuido colore, supra quem luteæ, vel oleagine lineæ serpunt .

306 Murex alter auritus, cuius testa ponderosa . In parte externa colorem sulphureum, aut vinosum rufæ maculæ distinguunt, at iuxta orbium commissuras roseus rubor . Interna autem ex albo purpurascit, & circa oris aperturam aureo pingitur . In mari Americano reperitur .

307 Murex magis auritus, quam præcedens , labroque magis crasso, eius dorsum transuersis sulcis rugatum duobus aculeis munitur, pars verò dorso opposita , vbi oris foramen, nitida est, vt in conchis Venereis, ex albo, oleagino, liuidoque, colore multicolor apparet, cruentis insuper guttis, & punctulis pulchrè notatur .

308 Altera eiusdem Muricis facies , quæ oris aperturam exhibet aureo colore donatam, qui paulatim in subflauum euanescit . Eiusdem oris canitas adeò angusta, vt carcer potius quam domus Animalis videatur .

309 Hic proximè superiori forma par est , vndequaque candidus, notulis sanguineis signatus, & transuersè sulcatus ; at paulo subtilior testâ, & cum aculeis breuioribus .

Eius

Eius præcipua distinctionis nota est labrum, quod in figura exhibetur, vel ad tutamen, vel ad decorem valde productum.

310 Eadem Cochlea, cuius labrum canaliculatum, & oris rimula detegitur.

311 Murex à Græcis Pentidactylus appellatus ex appendicibus circa labrum additis. Vt plurimum quinarium numerum non excedunt, & præclaro artificio concinnati, instar branchiarum extenduntur. Qui hoc loco ponitur ultra quinque sex alijs decoratur, ideo rarus. Strigis crispatur, colore est rufus, & fuluo exuberanti notatus, vel sanguineo, intus autem ex flauo albescit maximè expolitus.

312) Licet mole superioribus minor, elegantia quidem non inferior est hic Murex. Appendicibus solidis, & curuis, quos figura exhibet, scorpionem ferè simulat, foris subalbidus est, intus croceus, & oris aperturam minutissimis incisuris rugatam habet. Illum in mari Indico fortuitò repertum in meo Cochleario tanquam Naturæ portentum asseruari voluit Eminentiss. Cardinalis Vrsinus.

314) Murex senis appendicibus canaliculatis decorus, colore albus, ore angustissimo, sulcis signatus, quos tubercula castanea condecorant. Interdum rufus colore vnde-
315) quaque imbutus reperitur.

316 Cochlea, cuius testa turbinatum Bouis cornu colore representat. Umbilicus marinus vocari potest ex figura. Ita autem turbinatur, ut vtrinque caua sit in centro anfractuum, quod tamen minus est in parte superiore quam in inferiore, & orbes in sinistram partem conuoluuntur.

317 Turbo, & quidem elegantissimus, quem dixere Galli Telecopium. Duplicatis orbium spiris videtur Cochleatus, in quarum altera testellulis conchyliatis pulchrè discriminatur color albus, quo vnde quaque tegitur.

318 Cochlea, quam Galli Tulipam vocant, pulchritudinis singularis, vulgo *Pante Madama*. Eius maculæ, quæ album discriminant auro colore fulgent.

319 Geographicam Tabulam representat hæc inter omnes vltima loco non venustate. In eius enim testa alba, ita disponuntur maculæ, & lineolæ furæ, ut Prouinciæ, & Regiones in Tabula geographica indicantur.

Claudebat hæc triplex Testarum agmen, nempe Vniuersum, Bivaluium, & Turbinatorum, quæ in prima libri huius
edi-

editione Italico sermone vulgata anno 1681. descripsi, laborem quidem non modicum aggressus, at æque iucundum; nec minori fore cæteris Naturæ studiosis oblectamento mihi persuasi, si publicis in paginis eorum oculis palam subijcerem, quæ Divini opificij argumenta inter priuatos parietes in ipsis prototypis contemplantur. Quamobrem sicuti aliquando ingeniosus Amor ex Mulcibre fecit Apellem, sic ignara manus laminis cupreis admota ad imagines efformandas, miro animi studio eam impellente, Cælo incisus vidi, nescio an dicam ob rudem mineruam, ad deturpanda Dei opera, siue potius eadem enarranda. Vnum scio, me inopem tunc copia factum, & labore fessum destitisse, ab incepto. Tanta enim est Specierum varietas in Conchylijs, vt singula prosequi si quis vellet, vasti maris diuitias in angustum redigere auderet. Enobrioribus igitur nonnulla selegisse contentus, mentem, & calamum ab huiusmodi studio subdixi. Verum par est animi, ac oculorum cupiditas, nunquam in hoc vasto rerum sciendarum theatro satis explenda, nec è maximis dumtaxat è creaturis sapientia, Potentia, & Diuinitas Creatoris elucescit, sed etiam è minimis quamquam contemptissimis. Imò tam lucida, copiosa, & locupletia in Exigujs Maiestatis Diuinæ extant documenta, quam in magnis, & maxima Naturæ miracula in animalculis minimis maxime sunt conspicua, illaque Deum glorificandi nobis ansam præbent, præcipue ob varietatem, qua in aliquo rerum genere; ita conuenire inter se indiuidua subiecta videmus, vt nullum alteri simile dici penitus possit, & penè infinita variaque rerum soboles non sine maximo oculorum, & animorum oblectamento excrefcere videatur.

Hinc ergo opus hoc, quod patrio Italoque idiomate olim scripsi, denuò Latine scribere aggressus sum, vt si fortè ad exterarum Nationes excurreret, qua posset eas alloqui lingua, non careat, possitque miras Naturæ opes Testaceas sub vndis absconditas omnibus indicare; Eaque de causa plurimas inter cæteras haud infimas Cochlearum testas rursus animaduertens, & quidem obseruatione dignissimas, placuit eas è prototypis delineatas iam exhibitis addere, nouumque curioso rerum naturalium indagatori argumentum præbere, quo simul Oculum recreare possit, & Animum.

Contulit ad hoc exequendum Amicorum sollicita beneuolentia, contulit Virorum insignium fauor, quibus aliquas, vel colore, vel forma elegantissimas in meo Cochleario reponere libuit,

libuit, ut cæteris Cochleis decorem adderent, volumini huic perfectionem, & amoris erga me ipsum singulare monumentum. Contulit mare præcipuè, quod oras Brasilianas alluit, illud etiam, quod nouæ Hispaniæ Regnum circumdat, & quod in Orientalibus Indijs arenas madefacit Mosambiquanas. Inter omnes verò, quas tanquam liberalitatis, siuè Vndarum, siuè Hominum notas iure meritò magni facio, cæterarum præclarissimæ proculdubio sunt, quas Serenissimi Etruriæ Ducis Beneficentia elargita est, atque non minoris dixerim menti Admirationis, quam oculo Recreationis materiam.

En tuis curiosè Lector oculis illas subijcio, quas ab alijs specie differre mihi suasi, non quidem ordinata generum Vnualuium, Binaluium, & Turbinatorum serie dispositas, sed gregatim expressas, prout manibus ab oculo dispiciente oblatae sunt, quæ magis notatu dignæ indicabantur.

320 Inter cæteras prima illa est, quæ in mari Orientali Indiarum nascitur. Videtur è lapide pario compacta, alba in parte exteriori, sed viridi pellucido obuelata, non æqualiter distributo. Quam hoc numero indicamus cæteris addidit sua, qua pollet singulari liberalitate Eminentiss. Cardinalis Ghisius, ut viridis Cochlea inter Testacea Animalia difficilis inuentu non deesset. Supra talem verò colorem maculæ terrei coloris transuersim discriminant lineolas, quibus spiraliter ductis, orbes omnes signantur.

321 Murex, quem Piscatores in tranquillo mari prædantur. descendentes ad ima in portu Cartaginensi Americano. Eius magnitudo aliquando palmi longitudinem excedit; In parte interna apparet, vel albus, vel roseus è sandracca valdè pellucidus, in externa verò flavidus, & inæqualiter rugosus. Instar quercus ramorum contorquentur murices, quibus primi orbis basis armatur, in quo os valdè longum patet, sed angustum.

322 Turbo iconis magnitudinem non excedens vndeque nitidus, & levis, extra colore carneus, & fuscus, intus verò in albedinem propendet. Eius nota distinctionis est quatuor dentium series in ore apparentium, & spirarum ductum in parte interna comitantium.

323 Cochlea Indica ventricosa, & adeò leuiter turbinata, ut ex unico orbe constare videatur. Ex ore, quod firmis dentibus armatur, labrum leuiter rugosum exeritur, plicaturque su-

supra maximum orbem tali modo ; vt à basi ad mucronem totam circumplectatur . Dorsum illi est lineolis parum signatum, Color verò multiplex . Carneus enim flauus, albus , & liquidus simul confusi vndatim illud signant . Quod inter cæteras spectabilem eam reddit , est series sex macularum è colore violaceo ad nigrum vergente , quæ in crassiori oris labro subsident.

324 Turbo nitidus, & pellucidus carneo fusco tinctus . Singulas orbium spiras series alborum punctorum pulchro ordine distributorum comitatur, & vbique vndatim signat cruentus rubor .

325 Venerea mole parua, at magni facienda ob leuem testam qua componitur, & dissimilatur à cæteris , vt plurimum crassa, & ponderosa substantia compactis : Ab eis differt præcipuè ob lineam spiralem , quæ in vna extremitate dilucidè apparens, internorum orbium circumuolutiones indicat . Color illi est offeus, quem fascia albidior in dorso cingit ; apud Brasiliam nascitur .

326 Castaneo tegitur colore hic alius Turbo, etiam è Brasilia habitus, testa valdè leuis , & non parui æstimandus ob colorem .

327 Turbo æque longus, ac figura , qua indicatur . Tophino, vel ligneo colore induitur , sed ob partium structuram mirificè spectabilis redditur . Eum subuculis , & monilibus ornatum diceret , inter quæ binæ striarum fossæ secundum spirarum ductum circumuolutæ . Ex India in italiam Hollandicus mercator illum detulit.

328 Murex egregius, quem binis alijs iam descriptis , nec omninò similibus, munere addidit D. Pellegrinus Zannoni Filius non degener Iacobi Zanonis celebris inter Botanicos periti in Bononiensi Palestra . Galeiformis hic dicitur ex forma , qua galeam exprimit non solum crasso labro circumseptam, sed breuibus, & robustis muricibus quibus armatur contra Clauarum ictus . Valdè ponderosus est propter crassam substantiam, qua componitur, & mole palmarem globum aliquando superat . Fuluo colore in parte externa pingitur.

329 In altera autem facie, quam hic delineatam vides, os patet angustum, sed longum , per quod color idem in aureum, aut rubrum propendens spectatur, labrumque habet crassis Dentibus munitum .

330 Huius Cochleæ structura præclara est, & rara, in altera enim parte aliquantulum tumescente globi segmentum simulat, quod perfectè leuigatum abditorum orbium circumuolutiones indicat fascia quædam è colore calteo, quæ supra album in spiram circumducitur. In altera verò os patet mediocriter apertum, quod labrum molliter inflexum, & quatuor crassis dentibus munitum coronat.

331 In opposita autem facie, ut in figura exprimitur, intestini fragmentum in se conuolutum simulat sinè spirarum ductibus. Colore cinerea est, quem maculæ sinè ordine distributæ ex aureo condecorant.

332 Turbo è litore Brasiliensi acceptus, sinè circumuolutionum apparentia. Os valdè patens illi est, & substantia ponderosa constat, in dorso leuigatus, & pellucidus, at ubi circa os circumflectitur binos canaliculos habet, qui in parte interna abduntur, hæc lacteo colore saturatur, externa verò cinereo cum tyrio misto propè basim.

333 Cochlea à terrestribus parum dissimilis, sed aliquantulum magis complanata. In binis partibus spiralem Zonam ostrinam habet, quæ in interiori oris meatu etiam apparet quasi sub velo iacens, cæterum ubique lacteam albedinem ostentat.

334 Ridiculariam personam, quam vocabulo *Zanni* exprimeunt Itali, inter Cochleas imitatur, quæ hic subijcitur. Vestem enim illius simulat tribus coloribus, quibus pingitur, nempe igneo sinè sandichino, conchyliato, & flavescente iucundioribus visui, quam calamo faciliter describendis.

335 Præclara etiam habenda est hæc alia inter Cochleas non vulgaris, eius maximum orbem subocularis albus, & levis bifariam diuidit, & cum ipso circumuolutus in secundi orbis commissura deperditur. Cæteræ testæ partes leuiter sulcantur, coloreque bicolori, cinereo nempe, ac plumbeo cingitur, quorum postremus circa os in ostrinum vertitur.

336 Cochlea in parte externa aspera ob cristas, quæ in singulis sulcis, quibus signatur, eminent, Plumbeo colore, & Brasiliano in litore inuenta.

337 Quem hic vides Turbo cylindricus è D. Zanonis museo habui, non quidem figura mirè spectabilem, sed macularum distributione. Supra colorem plumbeum multiplices fasciæ apparent candidis, & conchiliatis notulis æqualiter distributis

butis tessellata, & tali ordine, vt post angustam latior, & post latiore angusta collocetur.

338 Purpura è mari Brasiliensi habita. Si albedinem obserues è pulchro lapide pario, siuè alabastrite formatam, putabis; superficies illi est aspera, & rugosa, vt in cæteris Purpuris, sed valdè leuigata, & pellucida, licet non æqualiter vbiq; complanata, sed sulcata semirotondis canalibus, oris apertura rotundo labro cingitur, quod confillæ leuiter tumentes exornant.

339 Venerea in litore Brasiliensi frequens, molem huius iconis non excedens, videtur crasso subuculari circumdata, ore longo, & angusto, vbiq; leuigata, osseo colore flauescens.

340 Buccina quinque spiris absoluta, quarum maxima oris aperturam, & quidem complanatam ostendit. Ex duobus labris alterum crenatum est, alterum dente vnico munitum. Colorem haber cinereum, & molem, quæ in hac pagina exprimitur.

341 Nerita in litoribus Brasiliæ abundans, è globulis albis, & sandichinis videtur composita, tali artificio, vt in tali linea spirali distributi, dum orbis conficiunt simul connectantur, & quasi in duas Classes alteram rubrorum, alborum alteram vicissim variatas diuidantur miro Naturæ lusu, magnum artificium in parua mole ostentantis.

342 Marex valdè labiosus, ex diuersis dilutis coloribus variegatus, nempe aureo, badio, & sanguineo. Intus verò lacteus. Eius nota insignis est tessellula quædam quadrata ex conchyliata nigricans, quæ propè os subsidens, otiosus videretur Naturæ lusus, nisi in tota specie constanter formaretur.

343 Turbo, quem quinque orbium anfractus circumscribunt: crispis ita rugatur, vt æqualiter inter se distantes recurrant. Has binæ fasciæ fulvæ circumdant, quarum singulas aliæ binæ lineæ aureæ intermediant, omnesque supra lacteum colorem conspicuæ redduntur.

344 Turbo ad digitalem longitudinem extensus mucrone valdè acuto, cuius linea spiralis indicatur à laciniarum, seu pinnularum serie, basim versus propendentium, in qua os ferè rotundum labrum delicatum ostendit.

345 Tellina in litore Brasiliæ abundans ferè rotunda, & lineis, quibus leuiter corrugatur, valdè spectabilis. In binis

binis partibus laterum oppositis totidem complanatas depressiones ostendit, quarum angustior cordis formam exprimit. Diuersimodè pinguntur à violaceo colore, reliquæ autem partes fulvo tinguntur circa centrum paulatim albescente.

346 Turbo mucronibus asper, qui binos circulos in maximo orbe effingunt. Cæteri spirarum ductus breuem conum formant, circa os valdè producitur labro æque crasso, & aperto. Carnei colore facies interna pingitur, heluaceo externa.

347 Purpura ex Lusitano litore habita, lacteum candorem æmulans. Orbium spiras cingula rotunda comitantur, vbique leuigata superficies apparet, vt in statuis marmoreis perfectè expolitis.

348 Tellina in Europæ litoribus, vel nunquam, vel rarò visa. In Brasiliensibus verò frequens; reticulato opere, illam dices circumtectam, colore autem plumbea est, sed vt plurimum fuluo maculata.

349 Tellina, quam pariter Brasiliense litus producit, antecedenti leuior, & subtilior, lacteo candore albicans: multiplici tunica videtur composita ob lineolas, quibus signatur, supra quas aliæ lineæ transuersim ducuntur eo modo, quo hic expressas vides.

350 Turbo quorundam auium cor exprimens aliquantulum complanatum. Bina eius latera duobus labris exornantur, quorum alterum oris aperturam coronat. Paruuli, ac dimidiati globuli frequenter in eius superficie eminent, quam succus carnis, vel terreus colerat.

351 Concha Brasiliensis niueam albedinem ostendens, è centro circumferentiam versus ita dilatatur, vt ellipticam figuram potius imitetur non circularem. Sulcis profundis signatur, quorum partes eminentes imbricum dispositionem simulant, cortice leui, ac fragili, ideoque rarò integra obtinetur.

352 Tellina è mari Brasiliensi habita magnitudine aliquando ferè semipalmarem longitudinem æquans. Eius color ad ceruleum inclinatur, supra quem fascia vinosa, & carnea extenditur, vbique autem valdè pellucida est, & nitida.

353 Tellina alia in eodem mari frequens digitalem crassitiem, & longitudinem æquans, vbique candida,

Haec Genus descriptis alias addimus vsque ad numerum septuagesimum quintum indicatas, quas inter cæteras præstantio-

tiores habemus non solum, quia partium structura, & colorum varietate oculos mirè delectant; verùm quia magni Ducis Etruriæ Beneficentiam indicant, quæ liberali munere novos Naturæ partus oculis subiiciens oblectationem attulit, ac Testaceorum, historiæ non mediocre additamentum, ut olim Regia Alexandri Macedonis liberalitas Aristoreli, libros Animalium perscribenti, vberem materiam suppeditabat.

354 Primum inter omnes sibi meretur locum Concha, quam subijcimus, nunquam inter tot diuersas species visa, quas è multiplici maris sinu industrius labor obtinuit. In Pectinum genere videtur enumeranda, quibus sua forma assimilatur. Binis constat valuis ferè omninò complanatis, ubique nitida est, & pellucida. Pars vtriusque intima lactea est, & nitida, inferior externam habet faciem candidam, superior Zizifino colore rubescit. In hac lineæ apparent rubræ in nigrum vergentes, quæ à centro ad circumferentiam ductæ illam in partes ferè æquales diuidunt, sicuti circa centrum aliæ lineæ sunt inæquali intervallo positæ. Vtraque autem facies interna lineas habet à circumferentia in centro cocuntes, & in superficie eminentes, ac si fila glutine aliquo illi addita essent, quæ nota peculiaris distinctionis est, cum in cæteris Pectinibus internæ facies perfectè leuigatæ appareant, striatæ verò externæ.

355 Nerita, parua licet mole, magno artificio depicta à Natura colore purpureo, qui vndosis meatibus candidam cutem opere veluti phrigio exornat. Valdè nitida est, ac si gummi Sinenfi obuelata esset.

356 Antecedenti similis hæc alia Nerita est, colore tantùm discrepans vinoso, quo regitur. Binas vndarum series habet è colore purpureo, & candido alternatim recurrentibus propè orbium commissuras.

357 Furcam Ætiopis pellem colore simulat hæc Cochlea, binis fascijs cincta, quarum altera duplo latior est, ambæque secundùm orbium spiras circumducuntur spatio semper coarctatæ, prout septem orbes, quibus absolvitur, decrescunt, in longum mucronem desinunt. Turbinum genere comprehenditur, osque habet valdè angustum, quamuis in longum productum, à Basi ad cacumen in longum crispatur, & transuersim minutissimè sulcatur.

358 Cochlea valdè nitida, & leuigata. Præclara illa est è maculis badijs supra lacteum candorem positis, qui-

quibus in plures veluti partes diuiditur.

359 Venerea mole parua, sed omnibus huius generis antecellens pretioque habenda. Aureo fulgore tegitur, notulis rotundis heluaceis signato, quarum centra punctis nigerrimis indicantur.

360 Turbo vbique crispatus, ore longissimo, & angustissimo; Candor, quo tegitur aureo colore in externa facie leuiter notatur.

361 Cylindrus liuido colore, binis fascijs albis cinctus, notulis cruentatis, & in girum dispositis tessellatus, eius basis alba est, & sanguineis maculis æqualiter distributis notata.

362 Cylindrus, qui è maculis Gagates dicitur, huic enim lapidi assimilatur. Eius nota præcipua, linea spiralis in basi apparens pinnulis ornata, quæ à maculis cruentis frequenter notantur.

363 Pardus vocatur antonomasticè Cilinder hic ob maculas magno in pretio habitus. Ille enim quasi tessellulæ sanguineæ eiusdem ferè magnitudinis omnes spatio æquali inter se distantes disponuntur supra lacteum colorem, quem præterea tres aureæ Zonæ circumseptiunt. In basi omninò complanata, linea spiralis veluti canalis profunda circumflectitur.

364 Cylindrus candidus, vt nix, transversas strigulas habens, notasque aureas sinè vllò ordine dispositas ostentans.

365 Lacteus color circumtegit hunc alium Cilindrum. At propè basim in pinnulas desinente candida superficies apparet, intus autem violacea.

366) Cochlea depressa in mari Indico generata, rustico veluti amictu induta, & terreo colore, quo argenteus nitor

367) celatur. Illi non mediocri addit pretium series quædam pinnularum, quibus linea spiralis bellè laciniatur.

368 Cochlea colore cinereo, in dorso tonsillas nigricantes gestiens. Os habet valdè expansum, & apertum, labra carnea apparent, pars intima cinerea, fascijs violaceis signata.

369 Turbo ex litore Brasiliensi acceptus leui, & nitida superficie. Decorem illi augent binæ Zonæ mustellinæ, transversim ductæ supra colorem cinereum cum albo mistum.

370 Cochlea alba, & leuigata, vt Porcellana. Vbi orbes spirarum connectuntur, profunditas apparet, quæ illos simul intextos demonstrat. E maculis heluaceis, quibus notatur, magni ducitur.

- 371 Cochlea leui, & subtili materie constans; ob formam Buccina appellanda videtur. Eius insignis nota est candida Zona, qua cingitur maximus spirarum orbis. Os habet ferè rotundum, ex quo patet candor internæ superficiei. Externa autem est aurea.
- 372 Cochlea umbilicata rotunda, & nitida; Quatuor cingitur fascijs albis, quæ notulis sanguineis, & heluaceis vndatim signatur. Cæteræ partes indicam arundinem colore simulant; ore albicante.
- 373 Turbo non dissimilis aliquibus Purpuris, ferè albus, cum notulis dispersis sinè ordine castaneis, & cruentis. In spiris tubercula habet molliter circumflexa, ac si è cera constarent.
- 374 Concha duabus valuis constans leuiter imbricatis. Dicitur cor Veneris eò quòd cordis figuram habeat cum clausæ, & simul connexæ videntur. Ea summo pretio ducitur, quia rarò inuenitur.
- 375 Concha pariter imbricata, quæ inter Testacea bivaluia non infimo in loco ponenda est. Parum differt ab antecedenti ob formam, sed mole illam superat, & pondere. Color illi est, candidus, quem Tubercula cruentata distinguunt.
- 376 Tellina Indica, & rara, sicuti sunt aliæ duæ proximè hic describendæ. Videtur ex ebure formata ob albedinem, & leuorem. Supra dorsum binarum valuarum lineola ex fuluo ad nigrum inclinans sinè inflexionum ordine serpit.
- 377 Cum antecedenti conuenit huius forma, sed gibbositate aliquantulum magis tumescenti diuersa. Eodem colore albo tegitur, quem maculæ flammularum formam exprimentes inæquali interuallo inter se distantes discriminant, redduntque in genere Bivaluium æquè pretio habendas, ac visu speciosas.
- 378 Pellem Cameli asperam sua cute imitatur, quam hic vides, inter omnes fortasse huius generis pretiosissimam. Ampliori circumferentia quam cæteræ, quasi perfectè rotundatur, magisque explanatas habet valuas. Color illi est subalbus, quem circa centrum dispositæ ternæ fasciolæ flauidæ diuidunt in partes æquales, maculæque aureæ signant sinè ordine dispositæ.
- 379 Turbo nitidus, & leuigatus, cuius orbis vix in facie, externa indicantur. A vertice vsque ad cardinem, imum

imum ternæ fasciolæ in spiram contortæ pluries cingunt, quarum prima fulva est, violacea secunda, tertia aurea.

380 Concha Brasiliæ in litore generata. Tiburtinum lapidem colore imitatur, leuigata est in parte internâ, in externa verò sulcis parùm profundis corrugatur.

381 Echinophoran iurè dices Cochleam hic positam ob tussillas, seu puluillos, quibus intumescit. Cæterum globi asperi imitatur figuram: Colore terro cum osseo misto pingitur, qui in partibus depressioribus magis albescit.

382 Cama leuiter rugata, colore carneo, qui circa centrum ad roseum, seu purpureum inclinatur, & ab eodem oram versus tres lienares radij sparguntur.

383 Cochlea quatuor orbium spiris composita, quorum maximus valdè tumescit in dorso, cæteræ autem labro quodam crasso oris cæteroqui angustissimi quasi omninò abduntur. Color ori inest carneus, intus albescit, foris plumbea est, & flauida.

384 Tellina Brasiliæ in litore frequens, minutissimis crenulis signata: Intus purpureo saturatur, foris ex carneo albescit propè circumferentiam.

385 Cochlea in mari Indico generata, & leuissima. Orbes habet instar Turbinis, at Concham duarum partium simul coeuntibus dices, quibus amygdali fructus ferè exprimitur. Colore fulva est. Interna autem facies videtur alba ea in parte, in qua oris est apertura valdè prodigiola propter dentium aliquorum dispositionem, quibus munitur.

386 Cum superiori certat de pulchritudine hæc alia pariter dentata in vtraque oris parte, alba, & ponderosa est æquè ac parius lapis. Vbi oris patet foramen, aliquantulum complanatur; cæterum quasi omninò rotunda, vt globas, veluti subucularibus albis compactus.

387 Buccinula quatuor spiris contorta, in omni parte perfectè leuigata, lauri baccam æquat magnitudine. Vbi orbium commissuræ sunt, albæ notulæ iacent, quas intermedie terreæ ad viridem propendentes distinguunt: eodem colore tota ferè testa saturatur, maculis furuis etiam tessellata.

388 Quinque, quæ subijciuntur supra positæ, ex Neritarum genere sunt, in sinu Pernambuci generatæ. Nuci auellanae paruulæ sua mole omninò similes quasi perfectè rotundæ, vndique nitidæ, & leues, ita vt vix vnus orbis interni vestigium

gium appareat. At si forma vulgares, elegantissimæ sunt propter colorum dispositionem, & varietatem, qua à Natura pinguntur facilius oculis inspiciendam, quam exprimendam calamo. Quam hic vides primo loco positam malaco colore saturatam, quinque fascijs albis à centro ad circumferentiam ductis diuiditur, quarum lateri lineola anthracina adiacet.

389 Ex ebure compacta videtur hæc alia aliquantulum flavescenti, supra quam lineolæ nigerrimæ sinè vilo ordine flexuosè discurrunt.

390 Diuiditur hæc alia colore alba in partes æquales, fascijs, seu radijs coracinis, à centro ortum habentibus, magis amplificatis, quò magis oram versus extenduntur.

391 Nerita pariter in plures partes diuisa radijs, non rectè, sed sinuosè sparsis, & numero paucioribus, quam in superiori, vt in Icone apparet. Liuido colore hi sunt, lineolis piceis coniuncti supra colorem osseum, quo tota Nerita induitur.

392 Radij, quibus hæc alia in plures partes diuiditur, æqualia inter se spatia seruant, colore autem sunt albi, reliqua testæ facies cerasino, vel puniceo colore saturatur eoque lineola nigerrimæ intermediant.

393 Globi figura ferè exprimitur ab hac Cochlea ternis orbibus rotunda, & veluti pluribus subucularibus compacta. Colore albescit, porraceis, & luridis maculis tessellata. Linea verò, qui orbium commissuras indicat, à notulis luridis in partes æquales distributa comitatur.

394 Cochlea æquè ob colorum, & partium venustatem pretio non vili ducenda; pingitur enim albo, roseo, & viridi cum flauedine misto, & sinè vlla regula distributis. Quatuor in orbis pyramidis instar excrescit supra basim valdè amplam, quorum singuli binis subucularibus, veluti è filis pluribus compactis, cinguntur. Circa basis crepidinem veluti corona adiacet frequentissimis pinnulis laciniata. Supra orbium testam vndeque rugosam, & crispam, interualli proportionem seruata; imbricamenta quædam eminent, quibus Animali munimento sunt, & decori.

395 Concha binis valuis compacta, in ora Brasiliæ frequens, nunquam in littoribus Europæ adiacentibus visa, licet in illis multæ figura similes copiosè producantur. Eius præcipua nota distinctionis est sulcorum habere summitatem

tatem non semirobundam, ut cæteræ eiusdem generis, sed planam, & transuersim minutissimè crenatam.

396 Quam hoc in loco positam cernis in litore Pernambuci repertam, paruitatem molis artificiosa partium compositione superat. Minor est nuce auellana; tali autem arte, ternos in Turbines excrescit, ut turcicum, & elegantem Cidarim exprimat. Singuli orbes in plures veluti tonsillas turgescunt, & distribuuntur, proportionem diminutionis seruata in spirali circumuolutione, omnesque videntur quasi cingulo obstricti, quod comitatur aliud veluti filum globulorum, albi videlicet, & rubescentis, alternatim dispositorum. Reliquas verò testæ partes carneus rubor albo aspersus circumtegit.

397 Concha Bivaluis, cuius testæ coniunctæ optimè leuigatæ sunt, & pellucidæ. Maculantur in externis, & oppositis faciebus, infectis aureo diluto, aliquibus maculis fuluis ad sanguineum inclinantibus. Alterum ex duobus lateribus aliquantulum explanatum cordis figuram simulat, in quo lineolæ coloris ex viridi, & rubro simul confusis serpunt. Reperitur in oris Brasilie.

398 Non absimilis forma est hæc alia inter arenas pariter Brasilianas generata, sed mole antecedenti præstat. Ex binis valuis, quibus constat, altera hic subijcitur, in qua representantur maculæ vndas maris simulantes, sine inflexionum certa distributione. Colore aurco illæ formantur, qui supra osseum, seu album, quo tota Concha inficitur, optimè nitent, nec æquali coloris intentione formantur, sed varia, paulatim circa extrema, ita euanescente, ut olosericum opus perfectè imitetur, quod vulgo dicitur *Punto Francese*. Eius circumferentiam fascia non parum lata comitatur coloris flauidi, in qua lineolæ fulvæ transuersim ductæ, in partes inæquales distinguunt: Intus candida est, & ubique pellucida gummi velata.

399 Quatuor, quas hic subijcimus ex eo genere Neritarum, sunt, ac illæ, quas post numerum 387. descripsimus, è mari Pernambuci allatas. Quamuis partium structura omnino cum illis conueniant, colorum tamen varietate, in omnibus constanti semper artificio disposita, discriminantur. Quæ primum locum obtinet diuiditur à tribus radijs à centro emanantibus eò magis latis, quò magis ab eo recedunt. At ubi mediam Cochleam cinxerint, transuersim quasi dimidiati non progrediuntur. Eandem insuper Cochleam bifariam secat fascia quædam mean-

dris contexta, colore, quem lacca exhibet, nitidissimo, sicuti etiam eodem radij pinguntur: lineola insuper picea omnium latera, comitante, quæ supra albam Cochleæ testam optimè distinguitur.

400 Malaco succo videtur imbuta hæc alia, seu vinoso, aspersa deindè liquore lacteo in guttas diuiso, quarum medietatem circulus ater circumdat. Diuiditur etiam bifariam à fascia alba, & ramulosa, cuius lateri lineola anthracina adiacet.

401 Nerita, vt Ebenus æquè nigra, eius medietatem lacte aspersam diceret, & lactea Zona in æquales partes diuisam, sicuti circa os eadem lactis albedine saturatur.

402 Alia parùm dissimilis labello quodam, quò circa os tumescit, candida vt nix, duabus Zonis cinereis, & atris vittata, quæ piscis cutem squamosam simulat; inter eas alia interiacet eiusdem coloris, minutissimis linearum particulis composita, præbetque illi singularem distinctionis notam.

403 Testaceum fragmentum, non Concha integra, hic appositum cernitur, in litore Perambuci inuentum, vel vndarum seuientium impetu, vel casu alio hoc acciderit, vtrumque sanè deplorandum, quòd integrum Naturæ opus, inter cætera Bivaluia primum proculdubio locum obtinens, spectare non liceat. Pretiosum illud meritò, dices non tantum eò quòd in remotissimis ab Europa litoribus obtinetur, verùm quia partium compositione, & coloris præstantia, in Testaceis rarissimi, elegantissimum est. E particula hic subiecta, Lector curiosè, totius integræ Conchæ structuram tibi propones, tanquam ab ungue leonem, vel ab ingenti colossi membro eius magnitudinem, sicuti in angusta Timantis tabula Poliphemi vastam molem agnoscebant, qui Satiros, ipsius membra longa arundine dimetientes, intuebantur, aut sinè fabula Solis simulacri propè Rodum terræmotu prostrati ingentem molem, cum pauci pollicem eius amplecterentur; Quare hoc, inquam, Conchæ frustulum, vt de illo ait Plinius, *Iaceas quoque miraculo est*. In Pectinum genere numerandam opinor: Verum partem illam, quæ in cæteris ferè plana est, vel in radios à centro duetos diuisa, sulcis habet profundè excavatam quorum summities rotundatæ, & in plures puluillos efformatæ, minutissimis insuper strigis signantur, ita vt non è Testacea materia, sed lineo velo molliter complicato efformatæ videantur. Balaustino, vel Sandychino saturatur colore, pars verò interna candida tegitur sandracta,

404 Murex, quem Piscatores in mari tranquillo Americano propè Urbem Carthaginem expiscantur, inter Testacea Animalia fortassè maximus mole, & pondere. Duos pedes aliquando æquat longitudine. Itali patria voce illum vocant *Garagoo Cornuto*, sed aptius alij Muricem Alatum; labro enim ori appposito adeò extenditur, vt illo veluti ala formetur, seu, vt verius loquar, marmoreus Thorax ad defensionem pugnantis aptissimus. Post maximum orbem vbique crispatum tuberculisque tumescentem, veluti coronam robustorum muricum, ostentat, quorum singuli trium digitorum crassitiem æquant longitudine, crispati, & in se ipsos conuoluti ramorum instar quercus, diuturna aeris inclementia obdurata. Quò autem magis mueronis cacumini proximi sunt, eò magis breuiores protuberant. Substantia valdè ponderosa, dura, & crassa formatur; quamobrem difficilè creditu est, Animal longè sua mole minus testa, qua tegitur, adeò ponderosam domum valeat circumferre. Colore saturatur simili marmori Tiburtino, quem cutis crassa, aurea, & terrea in parte externa circumtegit.

405 Pars verò interna, quæ hic exprimitur nitida veluti sandracca velatur sinensi porcellana non absimili. Ei color subest roseus, rarò in testis Cochlearum generatus, quò decor illi additur, & pretium.


406 Cochlea Indica, magnitudine, & forma omninò par illi, quam Oleariam diximus num. 9. Classis terræ. E Margaritis compacta videtur ob argenteum nitorem, quò vbique pellucet. Cute insuper circumtegitur colore mustelino saturata, & valdè nitida. Notam distinctionis peculiarem habet in quibusdam tuberculis linea spirali supra orbem dispositis, quæ cute exuta vniones illos diceret, quos Timpana ob figuram semicrotundam Artifices vocant, non quidem à Natura, sed ab Arte superadditos. Vnicam huiusmodi Cochleam oculis vsurpauit inter pretiosas Excellentiss, Principis Pamphilij gemmas collocatam.

407 Testaceorum Calycibus post numerum 320. positis in hac secunda libri huius Latina editione, Icones aliquas addimus, quibus, non quidem Naturæ noua opera representantur, sed Artis. Larvæ enim sunt varijs Conchyliorum testis miro studio compactæ ad oculos æquè oblectandos, ac animum Sapientis erudiendum, qui è singulis, licet vilibus Naturæ rebus, argumenta deducit, vt earum Conditorem laudibus efferat, &

prosequatur amore . In regia cripta Versaliana spectantur , in qua signum Solis sculptrix manus simulauit , apud Thetidem , orbe peragrato , diuersantis , additis ex musuo opere ornamentis , quorum materiem Vndarum fecunditas in Conchylijs subministravit . Hæc delibasse sufficiat , dum sinem hic Conchyliorum Descriptioni facimus , non Admirationi . Hæc enim continua debetur miris Naturæ operibus , in quibus etiam minimis Architectonicam artis suæ excellentiam depingit . Debetur inquam Naturæ , vt Plinius ait , *lasciuienti præsertim , & in magno gaudio fertilitatis tam variè ludenti* . In quingentis , & quinquaginta ferè Cochlearum Iconibus descriptis satis illa comprobatur , qua luteam massam tantummodò circumuoluendo , ita semper in spiras aptauit , vt eadem licet , diuersa tamen in singulis appareret . Quod si parè distinctione abditissimos maris thesauros altis vndis consепultos in scenam dare fas esset , tunc certè miraremur magis , & inopem nos copia faceret , & innumeris ferè admirabilioribus portentis facundia ipsa obruta remaneret .

Illis igitur ex omnibus delibatis , aliorum Narrationes equè diffusas , & obscuras propter Iconum inopiam elucidandas spero , Icones enim descriptionibus magno adiumento sunt , vt eas perlustrando summi Conditoris manus recognoscamus , ac laudemus , vt fecit Augustinus , oculis subijciens statuam argillaceam , quam sculptor effingit , intus ligna , & paleas , foris membrorum proportionem , & elegantiam , ita concinnando ,

*vt nescias , verum in ea condenda maior sit
VTILITATIS habita ratio , quam DECORIS .*



PARS TERTIA.

Continens varia Problemata, Menti propofita
In Obferuatione Testaceorum.

A Ristoteles octo fupra triginta Sectionibus, Problemata plusquam mille comprehendendo, nihil aliud præftitit, quam totidem Quæftiones proponere, circa res tam certas apud omnes, & quoad effe fuum cognitæ, quam incognitas humanis mentibus, & incertas. Quamobrem rationi curam demandauit earum caufas perfcutandi. Vis intelligendi in homine, quæ Brutorum phantafiam longè excellit, non folum immoratur oblectamenta percipiendõ ex ipfa rerum cognitione, quæ oculis obuertifantur; fed rei cognitæ caufam inquirir; Neque opinandi liberratem intelligentiæ relinquens, onus illi imponit, intimas rei caufas in medium afferendi, quadam quafi Anatome, ipfas rei fibras, & uifcera perfcutando.

Iam verò quod per varia rerum genera excurrendo præftitit Ariftoteles; Nos vni inhærendo, Testaceorum contemplationi præftabimus. Neque illorum irrifionem timeamus, qui apud antiquos irridentes nonnullis minus aptis ad magna Reipublicæ negocia adminiftranda, dixerunt ex vulgato adagio: Omnem rerum agendarum peritiã in eis circa illud verfari, vt fcirent *Concham diuidere*; Quandoquidem earum partes rimari, fabricam examinare, originem, & caufas indagare Opus eft intelligentiæ associatæ fenfui illas perfpicienti, fed ita in earum indagine occupatæ, vt finè fudoribus Opus expedire non poffit, dum interim fenfus facili negotio, aliquas earum in partes difcindit. Hinc eft quod magnus Testaceorum aceruus datus aliquando in confpectum hominum, ingenio, & philofophandi arte peritiffimorum, qui per imaginaria fpatia volatum foliti fuerant facillimè explicare abftrufis penè illationibus, illos ita non femel admiratione peritinxit, vt Orbem nouum ingreffos dixeris, & Agelaftos omnes ex improuifò enafiffe credideris, cum eorum confueta vocabula magnificis phaleris bractæata ijs rebus aptari nullo pacto potuerint; obtendentes interim ignauitiæ fuæ affuetum illud velamen, quod falua contem-

pla-

platricis Philosophiæ maiestate, non debeant sese ad tam infima Naturæ demittere, cum tamen Natura in Minimis tota sit. Qui verò veritatis fulgore afflatus perspecta rei alicuius, vel causa, vel origine, existimat se, quicquid admiratione dignum vasto Naturæ sinu complectitur, depræhendisse; eandem ipse catenam meretur, quæ vanissimo illi Xerxi debebatur, qui constructo super Hellespontum Nauali Ponte, ut ex Asia in Europam, trajiceret, aureos in illum compedes iniecit, quasi in tam exiguo freto totum sibi Oceanum subegisset.

Igitur quemadmodum nullus omnino intellectus contemplando intimè res prospicere, ita nec omni responsione indagando potest acquiescere, neque exigui luminis splendor satis est, ut clarè ostendatur Quid, Cui, Quantum, Quomodo, & Quicquid aliud rei cuilibet minimæ quasi, velandæ, & obtegendæ superfunditur. Quamuis tam Illustris in toto Mundi Theatro sit Solis fax, quid vitra in rebus, quam illarum superficiem ostendit? Occultatis interim earum fodiinis, earumque visceribus. Et quamuis hæ, exhumatis quasi terræ visceribus, efferantur in lucem, nil aliud, quam noua rerum superficies explicatur, quæ rebus intimè latentibus velamen obtendit. Non ergo mirum, si tam exiguum lumen intelligentiæ in disquirendis causis in ipsa interminabili Mentis formatricis abyssu tenebrescat. Nullus vnquam veras indagine secretorum miraculorumque Naturæ poenitus deprehendet, fortunato magis euentu, quam Nissenus ille ingeniorum Eminentissimus, qui ad hæc Naturæ miracula caligare fatetur. Hic vna cum Basilio Magno Fratre, & Sorore Macrina, doctrina non minus, quam sanctitate illustri, propositis ad admirandum potius, quam ad discutendum, huiusmodi Quæstionibus, quasi nodis inextricabilibus, pronunciauit: *Et hæc quidem omnia admirabilia sunt, sed quo pacto fiant, nobis ignotum est*. Nihilominus sicuti temeritatis notam non effugit, qui sibi omnia scire adblanditur, ita indignitatis incurrit, qui sibi de omnibus dubitandum adsciscit: Quamobrem Petrarcha, vtriusque vitium præstringendo, dixit.

Vid' Ippia il Vecchiarel, che già fu oso

Dir: i sò tutto, e poi di nulla certo

Ma d'ogni cosa Archesilao dubbioso.

Hinc est, quod Congruentiam aliquam afferendo in ipsius causæ perferuatione, cui si Artifex opus suum conformaret, non fortuito ipsi quasi è manibus opus excideret, est; exiguum quidem,

Orat. de
Resurrect

Trionfo
della Ra-
ma c. 3.

dem, sed tamen veram rei causam asserre : quandoquidem Dei sapientia, nomine Operatricis Naturæ indigitata, ad Normam exactissimæ prudentiæ omne opus examinat, omnes illos fines attentè respiciens, qui rationem omnem possunt, in ipsum opus refundere . Et cum opera omnia in eum omninò finem collimare dignoscuntur, quem sibi præscriberet Artifex sapientissimus , inferitur : Mundum , & creata omnia , non ex Athomis fortuitò combinatis compacta, vt volebat Democritus, sed omnia, & singula vnum esse Opus intelligentiæ , vt Anaxagoras enunciant . Quemadmodum ergò ; non potero pro merito derideri , ita neque pro æquitate damnari . Si in hac euagatione simul , ac studio, varia Problemata proponendo circa Testacea , non omnia penitus, penitusque explanabo . Mihi sat erit, eas pro ratione causas dare, quæ menti occurrent, vel alijs melius ponderandas , Aristotelem imitatus , qui diuinæ quasi intelligentiæ admirationem sibi conciliat , dum in libris de Animantibus fines inuestigauit , propter quos membra singula huius , vel alterius structuræ fuerint à Natura efformata in hoc , vel illo Animali ; quamuis ipsius discursus non semper è ratione , & veritate procedat, qua de causa in multis reijcitur à Galeno , præcipuè in opere illo excellentissimè elaborato ad eundem Aristotelis finem, quod inscribitur *de Vsu partium* . Imò non minùs celebre nomen obigit Aristoteli ex libro Problematum , in quo tamen negligens responsiones datas obfirmare , tales solùm adnotauit , quales sibi contemplanti occurrerunt, vt eas postea ad lancem accuratiùs exigeret, quod morte preuentus præstare non potuit ; quapropter vni eidemque Problemati, non semel proposito, solutiones diuersæ contradicunt .

Neque debet vnquam sibi aliquis suadere inter ea, quæ, vel menti se obijciunt , vel lingua excidunt tantam consonantiam proportionis intercedere , quanta in Musicis numeris . Consonantiam hanc sibi deposcit studium ad lucernam Cleantis adlaborans in secreto cubiculi sui silentio , non animi Recreatio iuxta Maris littora euagantis . Esset hoc : mentem fatigare , non relaxare , factò tantisper à grauioribus curis diuortio . Proponendo igitur , & scribendo , Coronas quasi intexam ex floribus collectitijs , quibus pulchritudo maior , ex ipsa maiori varietate accedit ; totumque earum structuræ artificium in eò situm est , vt negligenter collocati non ex arte intertexti flores appareant , & omne artificium eментiantur , Erit hoc :

Illa

Præfat. l. I.

Illā ipsa Testacea imitari macularum varietatibus interstincta, ut marmora, Africanum antiquum referentia. His inconditè sparsa macularum varietas maiorem pulchritudinem adfert, quam si fuissent illæ ex ordine distributæ: *Tale hoc præfens opus volo*, sicuti de opere suo Vetus ille Scriptor pronunciauit, qui septem libris collecta retulit, quæcumque nullo prorsus ordine enunciata, effuderat Amicorum Turba, quæ ad animum recreandum conuenerat, nempe suis in Saturnalibus Macrobius, talesque recensentur Athenæi, Cœnz, & Plutarci Symposia.

Recreatur animus, nunc loquendo, nunc audiendo; & de suo promens, & de alieno recitans, quod ab intermissis colloquijs non aberrat; & quemadmodum in Musicis numeris, inquit Macrobius, *sic concentus ex dissonis*; ita ex diuersis, hinc indè iactis, & exceptis super Quæstione proposita responsis, mira oritur oblectatio, imò propter hoc, semper reliqua, responsum aliquod præ omnibus oblectat, non secus, ac palato gratior accidit vnus præ alijs sapor. Hęc igitur problemata in medium asserre, erit, non vana animum recreatione adspargere, esponendo, quæ ex paucis temporis interuallis, mens potuit negotiosa inuestigare, & quicquid ei arridet magis, in Quæstione proposita: exhibita sic alijs tacentibus opportunitate loquendi, ea proferendo, quæ in melius excogitata eorum intelligentia depromet.

PROBLEMA I.

De Generatione vnionum quaritur
in qua Concha fiat.

Orat. 17.
2938.

VNio, quamuis à Tertulliano dictus fuerit Maris eiectionum, Vitium non ornamentum Concharum, totius tamen Orbis terrarum amorem vendicat sibi, atque, ut Ioannes Rhò in Examerone suo adnotauit: *quantunque col variarsi li Secoli, san cangiati in essa i Costumi, non è mancata però della Perla la stima, à tutte le genti comune; imperochè ha non sò qual gratia, che con parole spiegar non si può, e con tacita eloquenza à gli occhi d'ogn'uno persuade: esser vn bellissimo pario della Natura, e degno ornamento dell'Autore di essa*. Propter incompara-

parabilem Venustatem religi meruit, ad Cœli Valuas, pulchritudine sua adumbrandas, quod heroica planè Gratiani Comitis Musa insimulans; cum de Conchis Genetricibus vnionum loqueretur ait:

Hor Voi del Ricco Mar Conche pregiate,

Che à i tesori del Ciel crescete il Vanto.

Colof. fac.
sect. 24.

Imò electus vnio in Symbolum illius Ciuitatis, quæ in se colligit quicquid bonitatis, & pulchritudinis potest appetere cor, inexplibilis capacitatis, potest nobis longiorum sermonum argumentum suppeditare. Alienum tamen est ab instituto meo, hic recensere, quam multa multi de Vnionibus scripserint, vel per ingeniosa emblemata illorum prærogatiuas exprimendo, vel virtutes medicas detegendo, vel valorem ponderando, exactis simul ad trutinam, alijs gemmis, quæ Regum Coronis insertæ præfulgent. Contentus ego, ad litus Maris, vna cum alijs Testaceis confusè collectis vnionem excerpere, dubium illud in examen voco, quod sibi proposuit Ambrosius à se ipso exquirens: *Vndè nam Ostreis pretiosissimam Margaritam Natura infixerit? Quomodo illam maris aqua in tam molli carne solidauerit?* Et curiosus noscerdi responsum, quod ipse noluit indagare contentus admiratione, profundo, deuotoque silentio Diuinæ Sapientiæ opera venerante; mirabile illud Magisterium, inquiram, quo tam venusti partus pulchritudinem effingit Natura. Atque, vt id melius exequar, Notandum est id, quod omnibus pro comperto est, atque id à quo multi discordes abscedunt, dum Originem vnionum perquirunt. Vnanimi omnes consensione conspirant: illos esse Maris partus, quapropter Isidorus notat à Latinis *Margaritam* dici, hoc est *Maris genitam*. Verùm non omnes concordant in assignanda Concha, à qua producitur. Olaus Magnus Auctor est in Freto Orotigano multas Conchas gigni, quibus nomen inditum: *Naccheroni*. Hisque Incolas vt ad terram euoluendam, tanquam instrumentis Agriculturæ; atque in ijs Conchis rotundos vniones reperiri, quamuis colore subtilisco oliuam referente. Huiusmodi Conchæ figura consimiles sunt Pinnis inter Dalmatiæ scopulos propè Corsicam Insulam, & alibi solitis procreari, & fortasse non dissimiles specie; quandoquidem in his etiam Vniones visuntur. Propè Roeschildiam in Noruegia nascuntur intra illa Bivaluia Testacea ex duabus Testis siuè Conchis composita, quæ Mituli à Latinis dicuntur; quemadmodum etiam in Te-

Esam. c. 11.

Apod Me
iol. Coll.
18.

Vol. 3. p.
202.

staceis vnica testa testis Maris Auribus nuncupatis , quòd Aurium figuram referant , aptante ijs Natura quasi per iocum , ingeniosum ornamentum illud , cuius pompam facere in auribus foeminarum luxus consuevit . Verum , hi similesque vniones , minimo sunt in pretio , cum eas in se dotes non referant , quæ in omnium existimatione , pretiosam reddunt Margaritam .

Dicuntur Margaritiferæ illæ Conchæ , quæ generant vnionem , & quamuis nomen Conchæ Margaritiferæ ijs solùm Testaceis accommodetur , quæ ex colore , vt magnus adnotauit Albertus , *aliquid habent de Natura Margaritæ* ; ex his tamen aliquæ tantum sunt Genitrices vnionum non omnes . Colorem habet pulcherrimum Margaritiferæ Concha illa , quæ *Olearia* dicitur ex antiqua consuetudine , vtente ijs pro lucerna , & in Indiarum Orientalium Maribus nascitur numero nono descripta .

Class. 3. Habet etiam vnionis colorem ea Cochlea extrema sui parte , nigro , & albo colore vestita num. 29. & 30. expressa . Habent , & aliæ multæ , habet Nautilus speciei secundæ , sed nullæ ex his foecunda est Margaritis ; qua propter fallitur Auctor Septaliani Musæi ; cum Nautilus describens ex multis , qui in eo asseruebantur : *Vi si mira* , inquit , *una Perla ritonda , che in atto di uscirsene dalla propria Matrice , oue si generano , curiosamente si raffigura* . Debuisset potius illum , quem vnionem dixit , existimare callum , ac tuberculum , ex abundantia humoris genitum in interna superficie Testæ , atque hoc ex eo infertur , præter rationem , quæ se ostendet quando Nautilus describetur ex varijs vnionum piscatibus in Maribus vtriusque Emispherij fieri consuetis , vbi ex oculatis testibus , nunquam in gratiam vnionum , Incolæ Nautilos expiscantur , imò propè Insulam , quam Iabadium appellant , è Regione prospicientem magnam Bornæi Insulam , vix notum est Vnionis nomen ; quamuis Mare illud , foecunda sit Nautilorum fodina . Piscatu quidem omnes in hiant cuidam Bualuium speciei , quam Auctores non pauci Ostream appellant , aptato illi generali nomine Ostreorum , per quod totum id nomen accipit , quod intra asperam ex humo testam viuere consuevit ; propriè tamen sunt quædam leuiore Conchæ , figuram quasi planam , & circularem imitantes , vt videntur num. 1. Classe 2. & à Brasilianis exprimuntur proprio nomine illis imposito . *Eriripebas* , quod sonat *Ostreum planum* . à Persis , & à Piscariæ Incolis . *Cheripo* dicuntur , Teste Boetio , & si-

Class. 3.

Paolo Maria Ferla-
go C. 11.

& fidem vocabuli mihi astruit ex ijs vnus, qui apud Iapones Apostolicarum Missionum munus exercent, quo vocabulo distinguuntur Ostreae ab alia specie non ab simili figura, & colore, sed Vniones nunquam generante, quam *Chanquo* appellant. Atque hoc abundè sit de Matre, Vniones generante. De loco, & quasi solo eorundem natali satis dictum vbi eorum lineamenta delineauimus.

Num. 13
Clas. 2.

PROBLEMA II.

An Materia, ex qua Vniones formantur,
sit Ros.

PER omnium fermè ora decurrit, & multiplici Emblemate, expressa cernitur, antiqua opinio, quæ putat, Vnionem, nihil aliud esse nisi purissimam defecati Roris stillam, sereno Cælo, in Sinu Conchæ Matris exceptam tunc temporis, quando extremam aquam vix lambens, imò super litus egressa neglecto mari vastissimo, sibi potum præbente, ore aperto inhiat, roris guttis sorbendis, quibus pretium facit, cum in Vnionem efformat. Hinc in Emblematum stemmate dicitur: *Cælestis filia Roris*, quemadmodum Conchæ margaritiferae reputantur *Rore puro secunda*.

Apud Phi
lip Picci-
nell. in
mund simb
lib 6 c. 16.
Lib. 9 c 33

Contendunt hoc inter Recentiores non pauci, & ante omnes Plinius vulgi opinionem sequutus, de illis scripsit: *Has ubi genitalis anni stimulauit hora, pendentes sese quadam oscitatione, impleri roscido conceptu tradunt: grauidas postea eniti, partumque Concharum esse Margaritas, pro qualitate Roris accepti; si purus influxerit, candorem conspici, si verò turbidus, & fatum, sordescere, eundem pallere, Cælo minante, conceptum ex eo quippe constare, Calique eis maiorem Societatem esse, quam Maris: inde nubilum trahi colorem, aut pro claritate matutina serenum, si tempestiue satientur, grandescere, & parvus, si fulguret compri-
mi Conchas, ac pro ieiunij modo minui.* Verùm ex tam multis, quæ in Curiosa hac narratione effundit, nihil nobis certi innotesceret, nisi eam ex maiore sui parte, mendacio suffultam experientia ostendisset. A veritate primò alienum est: Conchas extiniam vnquam lambere Maris superficiem, & è maris egre-
tas

fas in litus confistere . Norunt hoc Piscatores tot Maribus se-
se immergentes , qua depressius qua eminentius profundum
maris scrutantes, æquali tamen semper vitæ discrimine, vnda-
rum flagellis expositæ, anhelitu non eructante in angustias reda-
ctæ, voracissimorum piscium insidijs eiectæ, & aquarum fri-
gore penè constrictæ . Norunt ij præcipuè, qui propè Insu-
lam, quam dicunt Taraquil , In Occidentalibus Indijs tran-
quillo se mari prorsus infundunt , imminente illorum capiti
Oceano, vsque ad hominis staturam , decies exactam , exiguis
Sarcinis è collo pendentibus ad eas seruandas, funiculis duobus
lumbos præcincti totidem saxis pendentibus ad violentiam
vndarum, immoto corpore retundendam, ne illos loco moueat,
dum vehementiore nisu debent incumbere, euellendis ijs à sco-
pulis , quibus non semel altius insiguntur . Conchæ Margari-
tiferæ non discriminantur ab Oltreis , alijsque similibus Bial-
uibis , quibus Natura , quamuis motum partium indulserit,
motum tamen totius corporis progressuum interdixit, vt aduer-
tit Scaliger à Cardano dissentiens .

Idem Cha-
racen. de
reb Persic
l. 3, c. 1. a.
pud Athe-
næum,

De subtil.
exerc. 259.

Solin. c. 56
pag 200.

Lib. 14, c. 8.

Ex Solino, in Musæo Moscardo citato, optimè noui Con-
chas Margaritiferas turmatim natate, præuio Duce , vt Apes ,
quo à Piscatoribus capto , reliquæ omnes facili negotio ca-
piuntur . Hoc ipsum ab Æliano traditur dicente : *Gregatim*
natant , & quemadmodum examina Duces, sic hæ Regem habent ,
tum forma tum pulchritudine tum magnitudine præstantem . Sum-
ma autem contentione Vrinatores , cætant ad capiendum
gregis Ducem; quòd, eo capto cunctum gregem, Rectore orbatum,
non loco se mouentem assequuntur . Verum qua id ratione po-
test fulciri, si Conchæ oculis captæ , semper degunt in tenebris?
Tradunt alij propè Insulam Coromandel , ac Taprobanicam
annuo duorum mensium piscatu , nempe Aprili , & Maio men-
sibus, capi Conchas, quo tempore expleto, nullæ amplius in
eo Maris fundo deprehenduntur , sed in alio plusquam trecentis
milliaribus distico, Autumnante Septembri , inde arguentes , ex
vno in aliud mare Conchas adnauigare . Fallax omninò argu-
mentum; nempe fieri posset piscatus, toto eo Maris tractu, in-
sequendo Retium insidijs turmas illas natantes, dum ita dicam,
versus Regionem illam mouentur quasi in aciem dispositæ, cum
tamen illarum captura omnem eludat industriam . Rursus si
centum dierum intercapedine vnum ab altero piscatum abrum-
pente, transfretantes Conchæ tercentorum milliariorum iter

conficerent, tria singulis diebus assignanda forent milliaria, quæ in passus distributa sex supra centum viginti horis singulis attribuerent, quibus absoluendis piger illæ Cochleæ raptus impar omnino est, quamuis neque saxis abrumperetur, neque luto, in Maris imo subsidente, tardaretur. Possent fortasse tam longum iter emetiri natando. Verum ubi necessaria ad hoc instrumenta? Viuentia omnia in hoc Elemento natantia, vel Pennas habent à Natura aptatas, ut pisces, vel brachia adrepentia, ut Polipi, vel Crura, ut Crustati, vel corpore toto in longum producta, ut Anguillæ, & Marenæ se contorquentes, & arcuatis partium motibus se sustentantes, simulque iter emetientes. Adnotauit hoc Scaliger cum contradixit Cardano in vniversum asserenti, degere in mari viuentia motus expertia.

Hac tu eruditione subtilis nomen in mari adeptus esses, inquit ille, *si Cardane notasses fieri totius corporis motum, ingressu Cancris, reptione Conchis, natatu maxime parti, idque multis modis, Pinnis mugili, pedibus Polypo, curuatione Gammariis, flexu serpentibus, etiam volatu Miluo, quasi volatu Loligini, saltu Pectini.* At Margaritiferae manibus, pedibus, & pinuis mutilatae semper inter sua septa testea inclusæ, nunquam extra illa membrum nullum extendunt aptum ne quidem leuandæ, multominus prouehendæ corporis moli, & quemadmodum in profundo Oceani degunt, ita alueis aqua plenis immersæ nunquam situm variant, cumque solum motum efficiunt, quo ore hiantes possunt, ut alia omnia Bivaluia humorem ad nutrimentum attrahere. Quod ergo se subtrahant, eo ferè pacto, quo statis temporibus in alijs maribus Ostrea, non exinde fit, quod ad alios sinus se transferant, sed quia, luto, & arena profundius immersæ, inde postea, vel naturali instinctu, & exiguo illo motu, eas prouehente paulatim Natura, vel apta maris agitatione, fundum usque maris conuolvente, ex illo quasi terræ tumulo humeris subducto emergunt quodammodo rediuiuæ. Hoc totum Maris periti diuque in illo versati Vrinatores mihi enunciarunt, qui ex observationibus præcedentium tempestatum, ab imo ad summum, mare totum euoluentium, artem didicerunt augurandi, ac diuinandi maiorem, vel minorem in Piscatu fertilitatem. Absonum igitur est posse Margaritiferas ex mari proflire, vel obrepere in litus, ut oscitantes Ros bibant è Cælo, ex quo prolem illam concipiant, quæ tanto singulis in pretio est. Optauit quidem illas cernere Fabri, quasi subsolantes in Scotia
lito-

Cap. 66.

Gemmar.
hist. l. 1,
c. 37.

litoribus Margaritiferas in suo mari abundè ferentibus, sed neque proprijs, neque alienis oculis datum est intueri. Et quamvis ego diligenti examine totum excusserim, non vnum è Pro-
 uincia Malabarica venientem, post lustratas à multis annis
 Oras Piscariæ, cui à fælicissimo Vnionum piscatu nomen est
 inditum, nunquam audiui visam ab eo Concham in litore fe-
 riantem, quæ sitiret *rorem veluti Maritum cuius desiderio hiant*,
 vt cum Solino in eundem errorem prolapso loquar. Sed pro
 ratione meo iudicio euidentissima est obseruatio Boetij de Boot
 Viri eruditissimi, & apud Rodulphum secundum in arte Medica
 peritissimi. Hic cum Vniones non paucos in minuta frustula
 discidisset, quorum singula multis scorijs, seu membranis
 tenuissimis compacta erant, altera super alteram, coaceruatis,
 non secus, ac calcidicus Lapis, & Acates, imò, & ipsi interio-
 res Conchæ sinus, quibus geniti Vniones excipiuntur, concludit
 manifestum esse vnionum formationem, haud absimilem à
 formatione Testarum, & quemadmodum his nouum fit incre-
 mentum, & noua accretio per nouam incrustationem humoris
 coagulati, antequam nouus succedat humor, ita, & Vniones
 ipsi generatione veluti inchoati ex particula humoris inconcocti,
 Conchæ genitrici superfluo, illo tandem densato, & exiccato,
 atque altero alteri superinducto augentur. Hinc variæ Vnioni-
 bus figuræ sphericam non semper explentes quandoquidem,
 nouus humor, qui alia superindumenta efformat, aptatur cor-
 pori iam compacto, quod si in formam regularem aberrer, eamdem
 semper figuram induit Vnio dum crescit. Hinc tanta in
 magnitudine Vnioni varietas pro mensura plurium paucarumue
 tunicarum eum vestientium. Quod si vna Roris gutta ad
 formandum Vnionem concurreret, nec vitali calore Con-
 chæ Matris concoqueretur, & in alimentum minimè transfor-
 marctur, vt acutè aduertit Rondeletius, eamdem semper ferè
 figuram induerent, & in magnitudinem eamdem excrescerent;
 nempe fluidi humoris gutta semper corpori aptatur ea parte,
 qua tangitur, altera in globum perfectissimum assurgente; eun-
 dem etiam Vniones omnes colorem imbuerent, cum Ros hu-
 moribus illud adulterio coloris inficientibus misceri non con-
 suerit. Multis verò humoribus infectæ sunt maris aquæ, qui-
 bus aluntur Margaritiferae, & Vnionibus ipsis materia suppe-
 ditatur. Inde fit, vt illorum nonnulli maiori mole commensu-
 rati, & colore aliquo impurati, quæ macularum contagia pre-
 tium

tium illis imminuunt , in grande pretium assurgant , si artis peritia, adhibitis puluere alabastrino spiritibus vitrioli , ac tartari inimisto , nonnullis exterioribus tunicis exuantur , & maculis deterfis , corpus reliquum Vnionis colore optimo induatur . Atque ex hac vera ratiocinatione oritur varietas colorum in vnione, non ex sympatia , quam Plinius censuit intercedere cum Cœlo tonante , vel nubilo . Occidentales vniones , quia magis referunt colorem lactis , quam argenti , minoris semper habiti sunt, quam Orientales, & minimi, aut nullius pretij illi, qui in alijs Conchis nascuntur, liuido , & cinereo colore maculosi , aut ij quos nigrore fuscatos vidisse se narrat Gonsalvus de Oniedo . Hist. indie
l 19. c. 8. Et tamen super omnia Maria fulgurat Cœlum, ac tonat , & in omni angulo ipsius extat officina, vbi fulmina excudantur, quæ in vniuersa omnia terra mariquæ degentia iaculentur . Non ergo ex Rore generantur Vniones .

PROBLEMA III.

An Vniones nascantur ex Concharum Valuis,
an in visceribus Ostreorum generentur, & an sit Morbus, an
Partus illarum?

VNiones semper gemmascere ex testis Conchyliorum , quo pacto callum ex multis partibus Animalium protuberat , existimauit Cardanus, eique subscribit Cassendus, cui argumento est : Similitudo substantiæ cum Testis , & quod ijs multi simul infixi gemmascunt . En verba ipsius : *Generari Margaritas in testa , non in carne substantia primum similitudo ostendit . Visa est etiam Margarita testæ suæ iuncta , & ob id testæ earum, intus inæquales sunt , & paulo infra , de alijs, quas viderat loquens, omnes (inquit) veluti in cinere Castaneæ, ita in Matrici sepultæ erant .*

Isidorus Caracenus, ab Athæneo relatus , de Margaritis loquens , quæ in Pinnarum Conchis generantur , dixit : *Omnes facicare sui parte, quæ carni adhæret, & propè carnem : Vnio genitus in solida Conchæ parte augetur , & alitur , quandiu adnexus* Lib. 3^o
fue-

fuerit: Cum verò abscissuram gemmam caro subnascens molli-
ter præfectam à Concha separauerit, amplecti quidem, & retinere
seiuñctam, verum nihil alere præterea, sed leuiorem, nitidiorem,
puriorē efficere. Ita de Margaritiferis sentiunt nonnulli. Vnio-
nes, Ostrea lambente, paulatim à Concha seiungi, eorumque
se partu exonerare, non secus, ac ouis multiplicandæ speciei
opportunis. Opiniones omnes nullo quidem sunt fundamento
innixæ, quandoquidem neque ex Margaritis oriuntur Conchæ,
neque Animal haud absimile Ostrea, quam in maribus Italiæ
adiacentibus videmus, linguam habet formandæ Margaritæ op-
portunam, quod si contingeret, nunquam reperirentur perfe-
ctæ quasi maturitatis Margaritæ, maiores nisi à Conchis resc-
ctæ: Et tamen scimus artifices lima, & scalpro non paucos
haud exigui valoris à Concha matre rescindere, easque præfer-
tim, quæ ex altera sui parte planæ ex altera conuexæ Tympana
dicuntur à Plinio, quòd bellici Tympani figuram præferant.

Relatis inoxt Auctoribus è regione oppositus fuit Andro-
stenes, quem sequitur Rondeletius; nempe in Ostrea visceri-
bus genitas credidit Margaritas, cum scripsit. *In carne Ostrea
gigni unionem, quemadmodum in suum carne grandinem.* Et ab
hac opinione non alienum ostendit se Gregorius Pisidias, quam-
uis falsò in sua Cosmopæia enunciauerit. Margaritas esse la-
ctis coagulati guttas. Pro validissima ratione videtur mihi
esse modus Vrinatouibus consuetus ad eas ex Conchis genitri-
cibus facilè subducendas. Refertur à Mattiolo modus confir-
matus mihi ob oculato sæpius teste in littoribus Americanis:
*Capte, inquit ille, Margaritiferæ obruuntur sale in vasis fictili-
bus. Namque erosa carne, Vniones, sicut Margharitæ puræ, &
expurgatæ, decidunt in ima vasis tunc, quando infusa sæpius aqua
Margaritæ semper in ima decidunt, & colliguntur minutissimæ, ac
rotunda, vt millij grana, & ferro postea absciuntur illæ, quæ testis
infixæ in paucissimis Conchis reperiuntur.*

Oriuntur ergo ex visceribus Ostrea vniones, neque simili-
tudo cum testis, quam referunt, contrarium probat, nempe, vt
videbimus, ad vtrorumque formationem eadem Artifex mate-
ria, & substantia potest concurrere, quemadmodum alijs in-
animantibus videmus; ex eadem substantia elaborata ossium
quamplurima, & tamen vnum ex altero non enascitur, neque
immediatè inter sese copulantur. Dum hæc scribo, magistra
mihi est experientia ad hanc veritatem fortuito elucidandam
quan-

quandoquidem exceptis ab Aniene flumine, propè Urbem Romam in Tiberim influente, nonnullis Conchis Bivaluibus num. 40. secundæ Classis in 4. parte expositis dum gladioli acumine Ostrea carnem è testa conabar diuellere, animaduerti existere in ea duritiem quamdam, diligenterque scrutatus, vnde nam illa durities? inueni sepultum in carne vnionem ea parte planum, quæ Conchæ incumbibat, rotundum in altera, argenteoque colore pulcherrimum, omninò simili illi, qui in interna superficie Conchæ se ostentabat.

Neque id manifestat fundamentum cui Cardanus innixus est, videns vniones multos Conchis impositos: Nempè, vt plurimum, & quidem magnitudinis cuiuscumque, reperiuntur ab ijs seiuncti, & possunt, vt lapides geniti in multis sinibus Animalium modò liberè vagari intra corpus fluuidum, quo sinus illi explentur, modò, fixa veluti statione, in interna sinus continenti superficie consistere. Videatur Bartolinus, qui eruditione sua ad experientiam magistræ exactam id fusè ostendit. mihi abundè fat erit insinuasse, vt appareat: Non ex quacunque obseruatione obsirmandum statim vt infallibile id, quod sola probabilitatis apparentia verum reputabatur, vtinam tam facilis esset negotij ostendere; Num vnio sit legitima proles Conchæ à Natura semper intenta, an verò concepta fortuitò, ex parua aliqua affectione in Animali quasi ægrotante, non secus, ac in multorum visceribus ex defectu non absimili lapides generantur.

Cent. 4.
obser. 18.

Negauit Plinius docens: Partes intestinorum esse Margaritas; Verùm ex hac doctrina semper, & in omnibus Conchis reperirentur Vniones. Fabri in eam sententiam abiit, vt crederet esse quamdam lepræ speciem, Margaritiferas conchas insipientem, vidensque eas ex Conchis assurgere, quasi lepræ grana: *Et verè* (pronunciauit) *leprosa sunt, & qui semper has comedunt, & his pro cibo ordinario vtuntur, verè leprosi fiunt*, addens: haud esse, in controuersiam vocandum, quandoquidem efformantur excremento quodam, melancolia infecto, ac terreo sale pleno; *quæ sunt verè signa lepræ*. Ad hanc opinionem roborandam, liceat Vormij, & Anselmi Boetij rationem in medium afferre; Si partus esset Margaritifera Vnio, dicit Anselmus, haud equidem generaretur in tam diuersis specie Conchis, & omnes Margaritifera, cimensis statis temporibus illos eniterentur, inquit Vormius; cum autem certò certius sit, nequè in omnibus

Panchini.
ci l. 4. c. 16.

Conchis, neque post certa tempora emensa reperiri, quemadmodum ex alijs quamplurimis, diuerso tempore excerpuntur, consequens est: Vniones esse Morbos Concharum, non Partus. Ita lapis Bezaar, qui vt plurimum generatur in visceribus Caprearum Peruanarum, reperitur etiam in siluestri animali Boui non absimili, quam Peruani, *Antam* vocant, imò, & in Ceruis Orientalibus Indiarum, & in plerisque Animantium generantur lapides Bezaar, & Vnionibus similes, neque in vna tantum eorum parte, vt Bezaar, sed in diuersis, ita ex Olao Borricchio nouimus: In corde Comitissæ de Louestain anno 1666. seculo functæ, inuentos fuisse nonnullos. Ioannes Georgius Gressellius refert: ex aperta brachij vena in sene quodam plusquam septuagenario, effluxisse simul cum sanguine lapides quatuor, & in extrahendo ex fœmina mortua partu reperisse se epati alligatam bursam quandam durissimam viscoso humore plenam, atque intra illam lapidem nitrosæ substantiæ, sed nullum saporem redolentis, ita in Bouis felle aliorumque Animantium vesticis, multi lapides generantur.

Apud Bar
tolio cent
4 obser. 18

In Musæo
pag. 109.

Iam verò formatur vnio ex eo philosophandi modo, quem tenet Vormius, inter sui Seculi medicos satis celebris, nempe ex humore illo à Natura destinato ad formationem Testæ eiusque augmentationem, humore inquam terreo, viscoso, & separato ab humore altero, magis aqueo, qui viuenti pro alimento est, eoque propter facilem ad Coagulum duritiemque propensionem tunc, vel maximè quando humor ille, ab animali morbo so eructari, & expelli non potest, ac in corpore hæret, ac detinetur; quare si ibidem exiccetur, rudimentum, atque initium fit *Margaritæ*; quæ adiecto sæpius nouo humore, eoque exsiccato, cutè subinde noua augetur, ac in Vnionem abit, non secus, ac in fellis vesticula, & in vrine vessica lapides generantur, quorum materia, quæ per vrinam excernitur dum in corpore vessica detinetur, ibidem exsiccat, & in lapidem abit. Hinc apparet: cur varijs tunicis induantur non vniones solum, sed etiam Valuæ Testaceæ, quibus includuntur alijque lapides, qui in viuentibus generantur. Obdurationes istæ etiam in ipsis corporibus fluidis coalescunt, vt apparet in constructione vitri, ac tartari in vini dolijs, concurrente ad illas infirmitate expultricis potentiæ, & concoëtrici; quæ in Margaritifervis, vtpotè exanguibus, nullius penè roboris est. Hinc in senibus, si renium calor elanguescat, facilius generantur lapides, si verò intenditur vehementior, hu-

mores , qui lapidescerent soluit , quod in omnibus salibus eligatis accidit, qui si calidi sint non lapidescunt,

PROBLEMA IV.

Cur Testacea oriantur potiùs in Mari,quam in Lacubus, & in Fluminibus.

PAuca generantur in terra Testacea ; paucissima, quæ ex aliquius lacus sinu , vel fluminis alveo colliguntur ; Ingens eorum Turba Matrem, & Nutricem agnoscit aquam Maris, quæ sicuti squamosis Exercitibus victuaria suppeditat , & innumera-biles Species Crustatorum alit , ita ferocissima est cuiuscumque generis Conchyliorum ; neque hoc ex eo solùm accidit, quod Elemento illi generatiuam Virtutem Deus infuderit, vt statutis temporibus Testacea eniteretur ; quandoquidem eorum partus etiam edere potuisset in lucem, vbi-cumque fuisset effusa vis illa generatiua, quam supremus Conditor indidit Mari, *cum dixit, & facta sunt* ; voluit ille eam vim Mari inferere, ingeniosissima quadam proportione qualitatum , habitudinis , virtutisque , vt fecundissimæ forent aquæ, eosque partus, adnitente etiam Natura conciperent , conceptosque alerent , gaudentibus ijs in eo sinu viuere, & non in alio , qui fuit illis maternus pronubus , & Maritus . Vndè fit, vt si à mari natiuo abstracta , in piscinam, Aquæ dulcioris transferantur quantumvis cristallinæ, quantumvis pretiosa qualitate imbutæ ex auri, vel argenti fodinis , paulò post emoriantur . Fatendum igitur est : Conchas inter , ac mare summam proportionem , & qualitatum harmoniam intercedere nobis tamen ignotam, quemadmodum ex maiori parte, ignotæ nobis sunt causæ , ac fines rerum, quæ in amplissimo Theatro Naturæ nostris oculis obseruantur .

Ad quæsti elucidationem tres afferri possunt rationes , ex quibus poterit Lector eam sibi secernere , quæ arridebit magis , minusque à veritate recedet , vel suffragio suo omnes singulasue damnare , vt veriore tandem ipse depromat , atque hunc animi mei sensum in fronte cuiuscumque Problematis affixum, velim , ad eam scilicet notam effugiendam , quæ iure inuritur cui-cumque excogitatam aliquam rationem afferenti , quam exi-

Sect. 14.
Prob. 12.

guum lumen limitatæ intelligentiæ detexit, sibi interim adulanti, quasi per eam ratiocinationem intimas rei fibras fuerit perscrutatus, & à rebus ipsis in quæstionem vocatis, appositum à Natura siparium subduxerit.

Primæ viam aperit Aristotelis Problema inquirentis; Cur in calidis potius aquis, quam in frigidis lapides generentur, sibi que inquirenti duplici ratione facit satis, altera deducta ex principiis Empedoclis, quia nempe lapides concresecunt defectu humoris, & quia hunc absument calor potius, quam frigus; consequens est, ex calore potius gigni, quam ex frigore, quare dixit Empedocles: *Lapides, & saxa feruentium aquarum opera confici*, vt manifestum sit in mineralibus aquis, & calore tepentibus. Altera est eiusdem Aristotelis dicentis: vt crescant lapides, humidum prius calore liquandum esse, mox superueniente frigore coagulandum. Calor igitur, qui in misto, & impurato aquæ Elemento residet, humidum soluit, quod succedente frigore constrictum, abit in lapidem: Quare iunctis hisce rationibus euincitur. Lapides gigni à frigore aliquando, aliquando à calore, exsurgente isto, coagulante illo humorem, superfluum, ad consistentiam lapidis necessarium.


Iam verò cum Testacea ob duritiem testarum, proximò lapides affinitate contingant, vt vidimus, necessarium est in eorum coagulatione formationeque, par quasi opificium interuenire; nempe vel calore materiam præparante ad eorum formationem, videlicet segregata materia, quæ partim abiit in substantiam viuientis, partim testam ipsam componit, supremo operi manum frigore postea imponente; vel vi caloris obdurescere humorem illum eiusdem testæ fabricæ accomodatum, segregato humore ad eam componendam inepto. Quando hoc totum ex adductis principiis illatum veritati consentaneum sit, probandum superest. In mari aquarum calorem intendi magis, quam in Lacubus Fluuijsque, & in eo residere causam, generationi Testaceorum magis accommodam.

Sect. 14.
Prob. 13.

Duplici hoc ratione euincitur ab ipso Aristotele allata in exposita, & instituta hac super re quæstione. Calidior est, inquit ille, aquis Fluuiorum Maris aqua; primò quia cum sit densior, maiorem concipit calorem, ac seruat: secundò, quia pinguior est, ex quo fit minus apta ad flammam restringendam, eaque propterea Mistis omnibus similis, quæ, quò pinguiora, eò calidiora experimur.

Ex hoc fundamento resilit ratio secunda; cur crescant potius, ac viuant in mari Testacea; Videmus Animalia singula, prouido Naturæ instinctu stimulata, pergere quæritatum eam, quæ ad proprij conseruationem indiuidui conducunt, & è contrario se ab ijs auertere, quæ possunt ipsorummet destructionem accersere, sic noxio frigore perstringente, ignem appetimus, calore nos soluente, refrigerium quæritamus; exanguiæ sunt Testacea, adeoque frigore summo perstricta, quam ob causam alimentum sibi quærunt, & calorem soluentem. Cum ergo humidò præcipue, & calido constet mare, multo magis viuentibus alimentum præstare, quam aqua fluuiialis potest potulenta quidem magis, alimento tamen opportuna minus, minusque, apta vitæ seruandæ, & generationi faciendæ, nempe nimio frigore vitalem calorem destruyente.

Tertia ratio est, quia humore ad formationem Testaceorum opportuno abundat Mare, quem humorem vidimus nihil aliud esse quam mistum quoddam, cuius pars aliqua apta sit ad lapidescendum, atque obdurescendum in formatione testarum, pars verò ad abeundum in substantiam viuentis, in ipsis testis inclusi, & quamuis non ita obuium sit statuere. Num vis ista coagulatrix magna ex parte proueniat, vel ex nitro, vel ex sale, vel ex particulis lapidosis, cum humido Elementi mistis; pro comperto tamen est etiam iudice, ac teste Experientia, his omnibus Mare affluere, non verò Flumina. Atque ex hac animaduersione originem fortè traxit Problema, quo Aristoteles indagat Probl. 13. cur arenis lapillisque abundet Mare magis, quam Lacus? Rationem affert, quia mare ventis agitaturn, continuo illo motu inquietum ingentia saxa in se sepulta corrodit, quæ si non semper in frustra comminuit, lambendo tamen singula, aliquam ex ijs particulam quotidie sibi decerpit, quamobrem ex ijs plurimæ subsidunt in litore, aliæ minores, aquam semper inficientes, humorem lapidificum reddunt, satis aptum generationi plurimorum vegetabilium lapidosam substantiam induentium.



PROBLEMA V.

Cur nascantur in Mari potius, quam
in Terra?

Ostrea, quæ ex Terra genita, in ea degunt, vel speciem non variant, cum notabili solum diuersitate accidentium impressa appareant, vel si plures diuiduntur in Species, hæ singulares omninò sunt? omnesque nomine Cochleæ comprehenduntur, vna vel altera excepta Turbinum Generi subordinata. Reliquæ, quarum solas testas videmus Ostreis vacuas, vel in ea non generantur, vt opinantur non pauci cap. 7. primæ partis relati, vel si originem trahunt ex terra, numero sunt longè impares multitudini sub vndis maris degenti, & habitanti. Sentendum igitur est præcipua quadam ratione in mari potius, quam in terra generari. Apparebit hoc, si tertia ratio Problematis antecedentis in memoriam reuocabitur, & examinata vtriusque Elementi diuersitate perspicuum fiet in terra, nempe Elemento ex se adusto, non dari humidum in ea mensura, quæ sit Ostrearum generationi accommodata.

Secunda ratio inferri potest ex pulcherrima consonantia in rebus omnibus ex oppositis partibus resultante, & quemadmodum ad impertiendum suis operibus pulchritudinem, Pictura non solum perspicuis coloribus telam illustrat, sed vmbreis etiam inficit, & obscurat, & Statuaria non omnia membra equaliter prominentia effingit, nec depressa equaliter, sic enim planam potius tabulam referrent, quam simulacrum artificis idea conceptum, ita in hoc Mundi theatro, si vbique flos omnis vernaret, autumnaret omnis fructus, omne viuens erumperet, omnia vbique inculto horrore syluescerent, atque, vt melius dicam, informe Chaos omnia confunderet. Voluit supremus Artifex Chaos mundo congenitum è mundo excludere, Lucem propterea diuisit à Tenebris, Aquas à Terra, germinantibus hinc inde partito quodam ordine terre partibus, ex quo admirabilis illa pulchritudinis consonantia resiliret, quæ non nisi à mente res omnes capaci sinu complectente potuerit excogitari.

Hæc obiter insinuata sint in gratiam Aristotelis harmoniam

niam quamdam, & consonantiam obseruantis, inter genera Testaceorum, atque Plantarum, nempe quemadmodum istæ, *se habent ad terram, ita Testacea, inquit, se habent ad humorem*: quasi plantæ *Ostrea terrena, Ostrea Plantæ Aquatiles sint*. Vt ergo ex plantis vix aliquæ generantur in mari comparatione inita, inter infinitas propemodum germinantes in terra, ita ex Testaceis vix aliqua debuerant gigni in terra, omnia fermè in mari.

Lib. 3. de
Anim. c. 15

PROBLEMA VI.

Cur multa nascantur in terra, nunquam
verò in Metallis.

DVbium hoc promouet Auctor Musæi, ex nobili genere Calceolariorum, curatque dubium responsione hac enodare. Elementum aquæ, inquit ille, videtur ex æquo cum terra contendere, generando Animata quamplurima similia Terrestribus, tantaque operis elegancia, & felicitate, vt aliquando hominis lineamenta effingat; atque vt est apud Bellonium, vnum semel edidit, Monacho haud absimile. Quamobrem Terra ingeniosa, quadam concertatione prouocata, debuit formas tam varias, & aquarum viuientia representare, quæ tamen longè minorem imbibunt perfectionem, quam maris viuientia, vt potè minus apta minusque fecunda, terræ materiæ compacta, cum aduerso feracissimum mare, grandioris molis Animalia compingat, vt Plinius aduertit. Iam verò in Metallis, Auctor sic profequitur, terra operari non potest, quia in illorum constructione dominatur aqua, non terra, qua de causâ eorum coagulatione habetur ex frigore, ac propterea contrario calore soluuntur, vt docuit Aristoteles. Hinc est non posse in Metallis *Ostrea* generari.

Pag 106.

Responsione hac, in medium producta, Problema ille dissoluit, cui si deberem è regione me opponere, illud solum aduerterem; Testacea vi rationis exhibitæ, in Metallis potius quam in Terra generari potuisse; nempe, dominante in ijs aque Elemento, imbibitur magis in illis materia, ex qua compinguntur Testacea. Verum Lectori meo commodum faciam obser-

uandi singulare certamen rationum huiusmodi, atque interim illud vnum aduertam : Elementa dici à Philosophis , & esse necessarias causas, nulla alia præuia consultatione, ratiocinatione, atque intuitu in operum suorum molimen, & fabricam defudantes, nisi ea, qua ab Auctore Naturæ, in ijs operante, diriguntur in opus, effundente se ipsam effectus formatrice virtute, indita Elementis, quandocumque appposito impedimento non remoueat; quamobrem cum in vno loco non contingit generatio, quæ in alio se prodit, imputandum hoc est deficienti, vel dispositioni, vel necessariæ virtuti; Ita prius in formatione Metallorum, quamuis adesset humidum sufficiens generationi Ostrearum, cum adsit excessus frigoris coagulationem Metallorum efficientis, abest temperies ad illorum formationem necessaria. Atque hoc abundè in responsione Quæsit.

PROBLEMA VII.

Cur in Orientalis, vel Australis Indiarum maribus generentur in maiore copia, & coloribus magis Picturata?

Quamuis ex Mari originem trahant Testacea, non tamen, vt Ouidius loquitur. Omne mare est generosa fertile Tetra, quemadmodum non omnis vbique Terra vernat in floribus, neque autumnat in fructibus.

Non omnis fert omnia Tellus

Hic segetes, Illic veniunt feliciùs Vna.

Vix aliqua gignuntur in nonnullis sinibus Mediterranei, alluentis Italiam, in Adriatico quamplura, quamplurima variaque in Tarentino sinu excipiuntur, & longè diuersas induunt formas colores, & magnitudinem in Rubro mari, in Insulis Philippinarum, alijsque Orientalibus plagis, in Americanis noui Regni litoribus, in Brasiliæ Oceano, & in eo mari, quod propè Lyciam Cochliufam intersecat, Insulam, quæ à magna copia Conchyliorum nomen sortita est, vt Regionem nonnullæ gemmis metallisque sunt alijs fecundiores.

Copiosè huius generationis Conchyliorum Solem nonnulli faciunt Auctorem, quandoquidem, vt iurè merito à Sapientibus famosa Hierapolis experimebatur Solis simulacrum multi
bra-

brachijs, manibusque exporrectis, quasi omnia complectens, utpote, qui omnium generationum pronubus est, & Maritus, ita in Orientis maribus vim illius existimarunt magis actiuam, nempe ex viciniore Solis radio citius incalescentibus, verum falsitatis notatur hæc ratio, nulla enim ora dici potest Orientalis, nisi ad alteram comparata, vnde eadem Regio altera comparata est Orientalis, Occidentalis verò respectu alterius. Sic Hispaniæ Orientalis Italia est, Græciæ verò Occidentalis. Græciæ Orientalis est Persis, Indiarum autem regioni Occidentalis, itaque Regionem aliquam esse Orientalem, vel Occidentalem nihil est aliud, quam mera relatio, variabilis pro varietate terminorum, ad quos refertur, ac propterea feracitas illa Testaceorum pronenire non potest ex situ maris Orientem, vel Occidentem respicientis.

Sed nequè ex Sole, viciniore radio efficacius operante, namque Sol eadem propinquitate omnes Maris partes respicit sub eodem latitudinis gradu collocatas, & tamen non in omnibus oriuntur Testacea, & à veritate absonum est Orientalem Indiam citius Sole illustrari, quam Occidentalem, quandoquidem Sole, totum Terræ globum circumeunte, dici non potest ex illius radio incalecere prius vnam partem, quam alteram, nisi comparatione inita cum partibus calefactis. Sol in eadem latitudine eadem efficacitate dominatur omnibus Terræ partibus in latitudine eadem iacentibus, & Sol ille, qui nunc oritur in Hispania, quamvis paulo ante Indiarum tractus calefecerit, paucis oris exactis nouo illos calore afficit, ut verè pronunciari possit: Hesperiam citius quam Indiam calefactam. Neque ex hoc capite potest Sol tribuere aliquid vni potius parti, quam alteri.

Alij altiori indagine causas perscrutati, in medium afferunt fixas stellas in ipso Zenith quasi capiti imminentes. Verum si hoc stellæ præstarent, diurna illis vertigine se rotantibus consimilis generatio fieret in toto illo Climate, cui incumbunt, quod tamen contingere non videmus, imò accidit mihi in Adriatico litore obseruasse ex aliqua parte ad lapidis iactum fodinam quasi exurgere feracissimam Conchyliorum, eandem speciem referentium, exindeque etiam post enienisa milliaria eidem aspectui Solis obiecta, ne vnum quidem inueniri, nisi furto fortè sublatum, ex aliquo maris sinu, & in litore à tempestate euomitum.

Sect. 13.
Probl. 25.

Dicendum igitur superest: Terræ quam alluit Mare, ubi ea generantur inditam imbibitamque esse dispositionem, ad illorum generantionem opportunam. Hæc in eo præcipue sita est, quod materiam formatricem, & nutritioni accomodam gerat, quam supra insinuauimus ratiocinatione probabili esse succum quemdam, humido mistum, ac terreo, attemperante sale nitroque. Cum ergo Indiarum Oceanus illarumque præcipue, quas vulgò Orientales, & Australes dicimus sale nitroque longè copiosiore inficiatur, quid mirum si ditior Testaceorum, atque feracior alijs Sinubus deprehendatur? Cur mare autem illud falsedine magis abundet, ac nitro; perquirat suis in Problematis Aristoteles, respondetque, quia cum vastissimus ille aquarum tractus Australibus ventis omnium maximè concitetur, admiscetur magis terræ particulis adustis, & salnitrosis, ac proindè falsus magis efficitur aptiorque, vt nos dicimus, ad Ostreorum generationem.

Earum de causa generantur ibi Testacea varietate maiori coloribus picturata, nempe ijs in maribus admiscuntur magis, tum sales, tum mineralia diuersa paulatim abrafa in terræ visceribus tanta illa vndarum agitatione commotis; tum etiam exhalationes, ijsdem qualitatibus obnoxie, ac proindè in ijs Regionibus magis maculosa marmora infecta coloribus consimilibus, quibus multæ Ostreorum testæ videntur adpersæ. Ita in littoribus Drepanitanis, ubi candidissimum marmor è natua vena exciditur, & arenæ ipsæ Alabastrum candorem induunt, oriuntur candidissima Testacea num. 71. Classis secundæ adumbrata. Propè Siracusas extrahuntur è mari minora illa Testacea num. 36. Clas. 3. delineata varijs conspersa maculis, vt Iaspidis, qui in illius terræ visceribus generantur.

Adde: frigidissimi temperamenti Testacea amare aquas calidiores pinguioreque, vt melius nutriantur. In maribus autem tum Indicis, tum Meridionalibus, quæ plerumque sunt membra sinusque Oceani, minori dulcore à fluijs conditi, qui in ea aquarum immensitate, nomen simul cum aquis deperdunt, densiores sunt aquæ, adeoque nutritiæ magis magisque calidæ.

PROBLEMA VIII.

Cur aliqua Testacea super Ligna facilius nascantur, quam supra Lapides?

Inter species quamplurimas Testaceorum, locis affixas, vnde oriuntur, numerandi sunt Tubuli vermiculares, quibus referti visuntur, non lapides tantum, ac ligna, sed multæ etiam Ostrearum testæ scoriaque Crustatorum, oritur etiam in illis, Ostrearum species, subtilioribus valuis inclusæ, & mole minoribus, quam quæ consueti vocabulo Ostrea appellatur: Sunt, & muscoli, & alia huiusmodi, quæ ut plurimum sunt Bivaluia, cum vix aliqua oriantur Vniualuia, atque hæc nunquam turbinata, exceptis Tubulis iam indicatis, qui tamen in gyrum consueverunt se pro libito contorquere, designata nunquam exactè spirali linea, quæ, spiris à basi ad mucronem cum proportionem decrecentibus, se in seipsam retorqueat. Quid autem in causa sit, quod Turbinata Testacea non sint loco affixa, vt multa Bivaluia, sed liberè vagantia alterius fortasse loci erit in examen vocare. Satis hic indagare; cur nonnulla præcipuè Musculi, libentius, vt plurimum super lignum excrescant? Quamobrem in Tarentino mari piscantes in magna copia conuehant, palis ab iisdem infixis enascentia, vt cap.4. dictum est.

Nonnulli existimant: Cælum pluere his animantibus, Rore quasi obsterice, qui in ea solum aeris parte virtutem eorum formatricem infundat. Verum quia nunquam potuit mihi ratio euincens innotescere, propterea nunquam potui in hanc sententiam abire, vt reputem ex vniuersali causa effectum hunc prouenire. Si Testacea viuunt in aqua maris, & ibi crescunt, ergo sunt Partus maris, cum indubitatum omnibus principium ferat. Ex his quibus aliquid constat, ex his inquam, nutriri, & quemadmodum per totum mare diffusa, vagatur Virtus formatiua Testaceorum, ita opinandum est: Vim horum generatiuam eidem mari congenitam; quapropter hoc præmissis, vterius ratiocinatione sic pergo: Et quia naturalis Philosophia debet manum cum natura conferere, aduerto:

antiquum esse in Natura, ex liquore aliquo, nonnullas particulas posse secerni aptas concrefcere, quando conceptus ille sit vase ligneo, non verò ex alia materia conflato. Saccarum candidum cum liquefcit, nunquam gemmascit circa vas vitreum, cum tamen facile concrefcit in ligneo. In Calentibus aquis celebris Balnei Aponitani, propè Patanium, exceptis ligneo canali, illas ad molendinum deferente, cernuntur lapides crescere circumquaque, humore illo lapidifico geniti, quem secum euehant, atque illuc conuehant, non tamen cernuntur vnuquam excrescere circa lapides collis, qui eisdem aquis medefit. Neque hoc aliundè meo iudicio petendum est, nisi ex eo, quod tum lignum multis poris sit peruium, aptis humori excipiendo, qui in ijs subsistens concrefcere incipit, hisque, partibus sic concretis, alius humor superinduitur, qui ob ingentiam homogenitatem facile adhæret, & per additionem partis ad partem illud corpus effingitur, quamuis fluido, & excurrenti inclusum, & quoniam in vitro, ac lapidibus non reperiuntur ea pororum receptacula, apta ad humorem sistendum, huiusmodi effectus non gignitur, qui tamen contingeret si lapides essent poris peruij, quemadmodum cernuntur excrescere in mari Tartarum, & Muscum lapidosum, alijsque Alcionijs non super filices, lapillosque maximè expoliatos, sed super petras maximè scabras, & cauernosas.

Qua propter videor mihi, posse euincere ad formationem musculorum, aliorumque similium, cum necessarius sit humor ille subsidens in mari dispersus, subfidere illum facile intra poros ligni, quibus retentus, alijsque qualitatibus fermentatus partum illum efformat, eo sanè pacto, quo intra cauernosas aliorum lapidum cauitates generantur, vbi non sinè animi oblectamento, ijs apertis, potui aliquos deprehendere, obtutum penè omnem effugientes.

PROBLEMA IX.

Cur ita Testæ obdurescant, cum ex molli
aqua generentur?

IN productionibus causerum, quæ dicuntur vniuocæ intercedere semper dignoscitur magna inter illas, & effectus, ex
ijs

ijs emanantes, similitudo. Et monstra dicuntur illa, quæ ex potissima sui parte cum Genitrice causa non consonant: *Fortes creantur fortibus, nec imbelles progenerant Aquila columbas*, inquit Horatius: At in alijs causis non vnicocis, quanta alterum ab altero discriminat dissimilitudo! Quid vnquam maiorem, induere pulchritudinem potest, quam flos? Hic tamen ex rudi, informi terra matre excluditur. Ex truncis, non secus, ac ossa, ipsa obdurescentibus, enascuntur tenerrima folia, ex asperrimis spinetis Rosa tam suavi colore delibuta: atque ex sterquilinio alimentum attrahens Cedrus, mira suauitate torpentes spiritus excitante, & recreante, florem gignit, & fructum. Huiusmodi sunt Testacea, in liquido genita Elemento, sed ita valuis, ac testis lapidescentibus, vt videantur intra silicis viscera omninò concepta; & quidem in illa aqua, quæ nullo vix temporis interuallo, ob inditam sibi vim tam acrem, non solum putridas reddit ingentium nauium trabes, antennaque, sed Calybes, & æra comminuit, obdurescit adeò domus Testaceorum, vt Calybem ipsum duritie superet, si magisterio Naturæ addere quis velit artis ornamentum.

Hist. Anim.
lib. 6. c. 3. 3

Existimarunt nonnulli. Testaceis in mari corticem tenerescere quemadmodum de Ovis, inquit Plinius, mollia esse in vtero aerique exposita, obdurescere, *calore externo euaporante humorem*, atque hoc cautum fuisse à Natura ne matrem enitentem dolore torquerent. Experientia tamen hoc esse falsum, ostendit sicut falsum est Valuas Testaceorum molles esse sub aquis. Equidem non negarem educta ex aquis, & multo magis ab Animali seiuncta, duritiem aliquanto maiorem induere, non secus, ac duriora sunt viuientis cuiuscumque ossa, cum sit ex viuente cadauer, quam cum viuut; scilicet ossa in viuenti composita quamdiu debitum sibi augmentum non expleuerint per apertos poros, vt obseruauit Boyles, humore illo nutritiuo imbuuntur, qui quamuis ingressu fluidus natiuo tamen temperamento disponitur ad abeundum in substantiam ossis magis, vel minus solidi, pro varietate debita partibus organicis eiusdem compositi, vel quia in humiditate carnis ossa vestientis, sepulta, nequeunt extrinseco calore penitus exsiccare, vt fit cum omni carne nudantur. Atque hoc verum esse satis ostendit experimentum ossis recenter nudati, & in feruenti aqua per aliquod spatium subsidentis, aqua enim postquam ebulliuerit aliquantum condensatur in gelu, extracto videlicet humore illo quo

referti erant ossis pori à vi penetratiua caloris in aqua effervescentis, qui humorem illum raritate distenderat. Duritiem hanc contrahunt multi lapides, qui in terræ visceribus tenescientes, etiam ad securis ictum faciliè sciuntur in partes. Cælo autem aperto expositi, adeò obdurescunt, ut omne temporis tormentum faciliè perferant, quamvis aliam ob causam; cum hoc provenire possit ex temperie aliqua aeris superinducta lapidibus, ut ferro molli, atque candenti communicat aqua.

Iam verò si Testaceorum crustæ, ut pro comperto est, ab ipsa prima formatione ingentem habent duritiem sub aquis, existimavit Scaliger præclarum fuisse hoc inuentum Naturæ, *quia parandum eis fuerant munimentum*, atque hoc dicto ingerit nostris mentibus infinitæ Providentiæ opus fuisse, exanguibus exossibus, & inermibus Testaceis contra Piscium voracitatem, casam construere, in qua abderent sese, tam valido temperamento obfirmata, ut omnem dentis acutissimi morsum eluderent, ac deglutientis famem indigesto sibi cibo non pascere. Quam obrem animadversione dignum est; duriora esse illa, quæ in fundo maris nascuntur, vel infixæ sunt scopulis, quam quæ sub arenis concipiuntur, utpotè minus expolita, cæterorum animantium incurfionibus.

Leges autem Naturæ duritiem huiusmodi præscribentes eadem sunt, quæ alijs corporibus eam imperiunt. Ex admistione perfecta, & coagulatione partium solidum corpus componentium, resultat durities, & tunc contingit coagulatio, inquit, Geber cum sit; *Rei liquorosa ad solidam substantiam per humidiprinationem reductio*: atque hæc, duobus modis, nempe, vel calore humidum perfectè exiccante, eo tantum relicto, quod partibus inter se compingendis aptum sit, ut evenit in Porcellanis, alijsque fistilibus, in Auellanis, in Cocho, ac similibus exsiccationibus, quas efficit Natura; vel frigore humidum condensante, adstrictis viscosis partibus, ut evenit in Metallis, & gummis, cum sudantes è cortice minori calore comprimuntur, vel humidum separante, superfluo humore pænitus expresso, ut evenit in creta humida, quæ frigore obdurescit, super inducto ipsi non semel velo humoris cuiusdam gelu constricti, & extrapartes terreas, & consistentes expressi. Dixi gelu constricti, quandoquidem aqua cum non possit humiditate omnimodaspoliari, potest quidem gelu concreescere, non tamen propriè coagulari. Eodem ferè pacto potest contingere durities in

Te.

Testaceis, scilicet inita tali seiunctione ab illo succo, quem fecerit Natura ob eorum formationem, atque augmentum, vt Ostreum humidum sibi necessarium attrahat, abiectis partibus magis terreis ad Testam elaborandam, ita vt, vel magis magisque calore concoctum, vel extrinseco Elementi frigore, condensatum, opere magis absoluto perficiatur durities, quamuis inter aquas possit omnino consistere quo pacto plurimi lapides consistunt, & obdurescunt in aquis.

Exiccationi huiusmodi addi potest: Ostrea ipsa paulatim, sibi ipsis duritiem illam compingere, concoquendo non tam innato calore satis exangui, quam virtute quadam humiditatem superfluum, attrahente opportunam tamen suæ nutritioni, ex qua separatione testæ obdurescunt magis; atque hoc opus tunc fortè perfectè effingitur quando intra illa sèpimenta Animalia per menses plures conclusa viuunt non alio humore, quam *Succo suo*, suumque dici potest id quod totis visceribus Animal imbibit, quodque Testæ suæ communicauit in ea tamdiù depositum, quamdiù illud sibi resumere cogeretur. Ad quam rationem roborandam, accomodata satis videtur mihi Historia, & eiusdem ratio, quam affert inter Chimicos celebris Fabri.

Refert hic, nonnullas aquas, vix à fonte distractas coagulari in lapidem, aliquanto Diaphanum, & quasi alabastrinum; & ratio est, inquit ipse; quia his aquis admiscuntur plures spiritus salis apti soluendis ijs partibus, quæ ad coagulum sunt per se ipsas dispositæ, quibus natiuo è fonte abreptis, iidem spiritus euaporantes faciliè euanescent, neque alij subministrantur, vt euenit in fonte, in quo perenne est illorum effluuium. Hinc oritur perfectæ aquarum concretio in lapidem. Igitur si in mari ex illa portione alimenti inseruietis coagulo Testæ seiungat Ostreæ humorem illum salinum, & vna cum illo partes spiritosas, magis obdurescere faciliè poterit reliquus humor Heterogeneus, Testæque consistentiam aquirere. Atque hoc extra controuersiam videor mihi posse de ijs Testaceis enunciare, quibus foliosæ sunt Testæ pluribus tunicis conuettitæ; quarum altera tractu temporis alteri superinduitur, vt exactè animaduertit Dominus Steno; atque ita pluribus quasi mœnibus obuallatum, & obfirmatum crescit animatum illud Testaceorum munimentum, quod in aliquibus mole minoribus, adeoque

Pallad.
sparg c. 47

In Prod.
de solido
intra solid

bus


bus sepimentis contextum, in maioribus verò alijs ex pluribus tunicis corticosum, imò inter minima vix embrionem egressa, obseruavi nonnulla tum materiae tenuitate, tum humiditatis excessu transparentia, quasi omnino tenera, & humori mucoso simillima, quo veluti velo ex omni parte distento videntia operiuntur, & quo casa construitur tam benè in interiori sui parte, toti eorum corpori accommodata.

Aduertendum etiam est, indita esse salis virtutem impediendi perfectam concretionem, vt apparet in experientia celebri, cuius meminit Regnerus, vbi sapissimè inquit, *salem volatilem cum sanguine permiscuimus, qui propterea fluidus remansit, quod à nullis rebus ipsi permiscendis, certius quam à salibus volatilibus expectaueris*. Atque in hac suppositione ijs, quæ superius indicauimus, addi potest, facta salis separatione ab humore in testam abituro, & minorem semper consistentiam induturo, potest humor huiusmodi consistentiam lapideis sibi acquirere, dum nodò multis sic particulis acidis aptis ad eam compingendum, seiunctis partibus spiritosis, salisque, per quas in fluiditate persistunt. Quandoquidem, vt docet David Becheus *cuncta acida rodunt, & coagulant, coagulando verò, & ipsa coagulantur*. Quod manifestè se prodit in multorum liquorum concretionibus, facilius obtentis, si ijs misceatur acetum. Atque hæc sunt solida coagula, de quibus Vvillis docuit fieri concretionem *cum corpuscula salina in subiecto quopiam latè dispersa congregari, & inuicem coniungi incipiunt; Indeque, aut sibimetipsis, aut cum terra unita ex fluida, & molli substantia duram, & compactam producant*, adferente secum ea corpuscula materia, in coagulum concrecente. Totum hoc non minori obseruatione, quam euidentia obseruauit idem Vvillis in stamine bombycis, quod vix ore egressum ita obdurefcit, vt nullo neque humido, neque calido, neque sicco possit emolliri, quod tamen intra ipsa viscera glomeratum, massam humidam referebat, nulla sui parte consistentem.

Regner
de Graaf,
de succo
Pancreati-
co c. 8.

Exper. cir-
ca nat.
princ.

De fer-
mentis.



PROBLEMA X.

Cur viuant Plurima immobiliter,
saxis infixa?

QUæcumque Animalia, in tribus Elementis, Aeris, Terræ, & Aquæ degentia, possunt pro arbitratu singula Elementa percurrere, & de prato in pratum, de sylua in syluam, de Climate in aliud, de vno maris Sinu in alium commigrare. Regionem variant Hirundines, & Coturnices. Ex Scythia Grues in Ægyptum conuolant, atque ex gelido Thracia Strimone Pellicani in Danubium feruntur. Ita ab Euxino Thynni in Mediterraneum tepentius enauigant, nequæ vllum est animal, quod in libertate natura non posuerit solique abdomini natum, cum omnibus dictum illud possit aptari.

Nos numerus sumus, & fruges consumere Nati.

Possunt enim ventri indulgere, quo magis voluptas alligit, aut Soli vbertas, aut temperies tempestatis inuitat. In solo mari Viuentia reperiuntur, Vitæ sensitiuæ non expertia, statim locis infixa, vt notauit Aristoteles, atque huiusmodi est non vna species Testaceorum, quæ infelicia videntur, vt fabulosus ille Prometheus, quia indicta ipsis à Natura quasi catena, sunt scopulis alligata. Discrepant à Turbinatis, quæ vtpotè libertate donata, quacumque versantur intra suas Testas, & Testæ ipsæ nulli sunt loco affixæ; quia sunt ipsis Testis incarnata, quemadmodum Testæ ipsæ arctissima vnione, earum substantiam continuante, sunt scopulis affixæ, quæ de causa argumentum præbent Ouidio, de generatione Animalium post aquas diluuij asserenti (fabuloso commento ex falsa Epicuri doctrina deprompto) homines quoque ex Terra genitos, nempe Rustici dum sulcis aratrum infodiunt: *Versis Animalia glebis.*

Llb. 1.
Anim. e 12

Inueniunt, & in his quadam modo cepta per ipsum

Nascendi spatium, quadam imperfecta suisque

Trunca vident humeris, & eodem Corpore sepe

Altera pars vinit, rudis est pars altera Tellus.

Illam proinde proportionem referunt, quam Aristoteles

1. Meteor.

adnotauit inesse ijs, & plantis, quæ sunt semper in motu augmentationis, & sine motu progressionis genitalibus locis infixæ. Irrogabitur fortasse crudelitatis nota Naturæ? quasi verò perpetuò illa vinculo obstringens, ad mendicitatem damnauerit, ex eo tantum victitantia, quod ijs casus offert, & ad sustinendos fluctuum sæuientium ictus, non apto ijs cauernoso aliquo recessu, in scopulis, quo se recipiant; Haud equidem. Nulli enim Nouerca Natura, sed Mater, nullos foetus suos ad omnem omninò miseriam prostituit, & prouidentia argumentum est quod speciem præfert crudelitatis, quandoquidem quæcumque in mari degunt, scopulis infixæ possunt intra se septa recipere, vel in circulos turbinata, vt vermiculares Tubi, numero vigesimo expressi, vel in geminas valuas complanata, in quibus tanquam in tecto, & cubili tranquilla statione quiescunt.

Cum autem eo solum humori nutriri debeant ex quo generantur, attrahentia illum præcipuè per poros corporis, promptè illum exugunt, quoties innatus appetitus ad illum attrahendum excitat phantasia, quamobrem potius Natura præ cæteris consuluit, dum in expedito semper ijs voluit humorem ad extinguendam sitim vnice factum, & possunt com felici illo Pastore, iam in æuum inuecto, post maculas à paupertate deterfas, quas illi immeritò inurunt nonnulli, catere.

Spengo la sete mia nell'onda chiara

Che non tem'io, che di Venen, s'asperga.

Et cum eodem.

E questa gregia, e l'Orticel dispensa

Cibi non compri alla mia parca Mensa.

Ita Maris vndæ Testaceis conuiuium instruunt apparatusum ex ijs, quæ appetunt sine tormento sollicitudinis de cibo cogitantis, & sine labore mensam insternendi. In hoc pari sorte felicia cum ijs pauperibus; de quibus Seneca: *Nulla sollicitudo in alto illius est*, quandoquidem contenti explere non Capiditatem, sed Naturam, cui satis est etiam parum, quemadmodum illi, nihil satis est.

Cum autem scopulis affiguntur ex hoc ipso componunt Mundi pulchritudinem, in tam grandi Naturæ Theatro, vbi in tanta varietate corporum viuientium, sensu cærentium, & mobilium, sicut nonnulla sunt viuacissima, quorum quies est, nunquam quiescere, ita hæc ordinem constituunt, cuius vita est: sentire quidem, sed non loco moueri natali solo infixæ; quod

Taff cont.
67. Ann. 10

Epist 80.

Consol ad
H. Luc 12.

quod siderum Cœlo affixorum prærogatiua est, nempe his in ordine suo semper inuentibus, illis nunquam variantibus situm, atque ita rebus singulis in ordinem recurrentibus, & ad nutum formatricis Ideæ sese inuicem attemperantibus choræam illam, ducunt, & mundi harmoniam intexunt ex diuersis, & aduersis sonis consurgentem, cum tota huius *Mundi CONCORDIA* ex *DISCORDIIS* constet.

Marc. Vi.
Aor. præf.
in Genes.

PROBLEMA XI.

Cur nonnulla sint certo ordine striata
alijs non striatis.

QUAM facile est hoc Problema exponere, tam arduum est illud vera ratione euoluere, nempe humana intelligentia, nunquam occultas eorum, quæ obuia sunt causas pertingente, quamuis ad eas scrutandas omni subtilitate se prouehat. Quæ enim vnquam rationum congeries in illud poterit collinare, vt pro tam varijs Maculis, Coloribus, Situ in pellibus Animalium, in Avium pennis, in folijs florum, in Ostreorum testis, singulæ rationes aptentur, singulis peculiarem rationem sibi vindicantibus? cum singulæ sint opus intelligentiæ formatricis, singulas maculas distinguuntis, non fortuita casus combinatio. Etsi casu spumas effinxit spongia in rictu rabidi Molossi, cum desperato ab arte illius Magisterio, totam pingendi suppellectilem, colores, & Pennicillos in illum proiecit, sibi ipsi indignatus Appelles; Aduertendum tamen est euentum huiusmodi fuisse quidem fortuitum respectu hominis de illo nil cogitantis, neque illum præordinantis, non tamen respectu Dei, à quo ita pendent omnia, vt singula sint ab eo, vel volita, vel permissa.

Animum adiecit ad rationem propositi Problematis indagandam, Cardanus, cumque eam afferre intenderet inquit, fit autem varietas striæ certo ordine, quoniam res parua, variata, ac mista etiam obiter, dum equaliter crescunt spatia, certo ordine laborata videntur. Sed meritò deridet illum Scaliger, qui enim hæc dicit, nihil dicit. Siccine Cardane: arguit Scaliger.

Cor. Card
exerc. 210.

Quare manus duas habeam, causam reddis, dicendo. Quia

manus duas infans cum haberem, simul cum corpore creuerunt? Qui dicit adulto homini inesse manus, quia inerant etiam infanti, non rationem reddit, sed quæstionem eludit. Aliquali modo satisfacit, qui prudentem finem designat, ad quem in homine manibus dotando respexit Natura, asserendo cum Aristotele, & Augustino: dotatum hominem manibus, ut ijs tanquam vniuersali instrumento ad omnium artium opera vteretur. Nec debet erubescere ignorantiam fatendo, qui plurium effectuum causam nequit indagare. Fateri hanc Scaliger non erubuit ita cum Cardano concludens: *Hoc non est ostendere causam, cum dicitur, strias habent Buccini, quia eis ablatae non sunt.* Imò stultos omnes illos existimauit, qui illarum causam inquirunt, utpotè quæ nequeat inueniri. En ipsius ratiocinatio: *Ego verò si me causas hæc, quidd nesciam irrideatis, non iratus dicam. Vos omnes Philosophos subtiliores insanire. Namque partium causas cum ex utilitatibus eliciamus, quarum partium nullus usus percipi queat, hæ partes, sui quoque causas nobis ignotas habent. Eiusmodi est color, lenitas, stria, splendor. Natura verò plus lusit in nostrarum mentium agitationibus, quam in striarum macularumque tum ordine, tum varietate.* Hucusque Scaliger, cui nec totum do, neque ex toto contradico, cum enim in multis Testaceis, atque ijs præcipuè, quæ Pectines dicuntur vniformis appareat, & ordinata striarum deductio, quæ ex vno puncto ad circumferentiam distent, maiorem identidem induunt crassitiem, proportionato inter se differtæ interuallo, possumus profectò hinc arguere, inditam ijs virtutem productiuam formæ tam ordinate dispositæ, non secus, ac in radice, & in arbore agnoscimus virtutem ramificam ad eandem semper proliferationem ramorum tendentem, quamuis virtutem huiusmodi magna ex parte nobis natura subduxerit.

Verùm si ex propinquo dignosci non possunt indiuiduæ rerum effectrices Virtutes, non tamen impossibile nobis est: prudentem aliquem finem inuestigare Naturæ, earum structuram hoc vel illo modo architectantis. An non ita redditæ sunt Ostrea, piscium palato magis aspera, ut facilius ab eorum inuasionem subriperentur? elaborante illis quasi clypeum Natura non minùs fortem ad illa tuenda, quam ad oculorum oblectamentum, tam eleganti opere intertextum? Sic in tradito sibi à Venere clypeo Eneas & robur suspiciebat, & *admirabile textum*, An non tanta colorum, macularum, striarumque varietate,

tate, argumentum nobis supeditauit, illarum magisterium, suspiciendi, eamque ex illa oblectationem percipiendi, quam ex tanta rerum etiam neglectarum diuersitate potest oculus, miræ voluptate delibutus experiri, atque ex minimis maxima inferendo ad maximam omnium ratiocinationem tandem pertingere, nempe vastissimam, & infinitam Dei intelligentiam, in quares omnes primò in exemplari conceptæ, mox in lucem, & in absolutum opus prodituræ, vt infinitum eius Sapientiam enunciarent, quæ maxima semper etiam in minimis tota est, ipsius mente quasi obstetricante dum incrementum excipiunt, vt consonantiam illam, & harmoniam partium effingant, quæ tanta voluptate perfundit, contemplatores Naturæ!

Hanc sibi quisque dicendi Normam statuat, quando, vel nimia curiositate sciendi euectus, vel temeritate interrogandi prolapsus, labia silentio obsignabit, cum non poterit mens in occurrente sibi ratione conquiescere. Neque videatur hoc velum ignauix obtendere, quandoquidem hæc eloquens sit magistra, cum Creaturarum assequi rationem non potens, ad ipsum Creatorem prouehitur, atque in eo vno post errores tam varios contemplatrix consistit, non fidelis minus in assensu præstando quam in philosophando ingenio fa, ratiocinandi motiuis, ex mentis penu depromptis.

PROBLEMA XII.

Cur vt plurimùm in extima superficie
sint coloribus picturata.

Quæsitum hoc non ita propriè instituitur de coloribus Testaceorum, vt institui etiam non possit de pennis Avium, de pellibus Animalium, de corticulis Fructuum, & quemadmodum vagatur per varia rerum genera ita communis cum reliquis est institutio de ijs philosophandi. Primò igitur notandum est colores varios plerumque per extimam superficiem excurrere, hoc est per conuexitatem Testarum. Cum appareant aliqua, ordine tessellato interstincta, aliqua undulata, aspersa nonnulla, tantaque varietate distincta, vt tantam columbæ collum non in duat, quando; *mille trahit varios aduerso Sole*

colo-

colores . Crassities verò , vt plurimum candidi marmoris , aut liuentis colorem refert æquabili tractu imbibitum , interna superficies, seu concamerata testudo , vel colorem non variat , vel vniformi ductu colore eodem vestitur . Hac animaduersione , præmissa , reuocandum est in memoriam quod alibi adnotauimus ; duobus modis posse colore imbui crustas Testaceorum , nempe , vel ex indita illis virtute , vel ex magisterio Naturæ , atque hoc pacto multa arborum poma Sol pingit coloribus ad maiorem , vel minorem caloris actiuitatem attemperatis , & quia inditi non sunt colores huiusmodi extimum corticem , solum inficiunt . Idem prorsus potest in mari contingere , vbi saporibus acidis commista Alumina, vim habent , transmutandi obscurum in perspicuum , vt videri potest in rubris purpureisque coloribus . Ita sal ex calce sublidens, violaceum mutat in cæruleum , & sal ammoniacus nitrumque eundem & ipsi variant colorem ; expertus sum , ab acido aquæ, ad separanda metalla arte facta, corrola prima membrana , quasi ex Tartaro ; quam superinduunt Conchæ , quas auriculas dicunt , viridem colorem fuisse expressum . Possunt ergo Testacea , virtute qualitatum ambienti humido immistarum alterari , ac transmutari , vel in corpore toto, si humidum quo proluuntur , vel corpus ipsum coloratum eandem temperiem imbuat ; vel colorum varietate depingi , si diuersimodè attemperentur . Eo ferè pacto papyrus aspersa aquis ex galla expressis candorem suum nihil vitiatum ostendit , cum tamen Calcantho madefacta nigris statim maculis appareat infecta .

Atque hic prætereundum non est mirabile illud inuentum nuperrimè ad me ex Gallia transmissum , cuius ignotus est Auctor, nempe approximato tantum liquore quodam posse quempiam nigris characteribus inscriptam legere cartham , quæ characteres aqua cristallina exaratos, omninò oculis subducebat.

Placet modum hic euulgare comparandi sibi aquas geminas in hunc mirabilem effectum adhibitas . Construitur altera ebullientibus ad lentum ignem in æquali mensura viua calce , & auri pigmento ; cautè tamen operi perficiendo assistendum , est , ne illorum fumo caput inficiatur . Altera construitur soluto ex ignis vi letargio in acetum distillato : liquore hoc carta conferibitur, liquore altero characteres se produnt . Huiusmodi effectus , ex varia acidorum humorem admistione resultans , potest etiam contingere ex intensiore aliqua incal-

scen-

scientia . Ita si fiat igni propior papyrus inscripta characteribus, succo ex malis limonijs, aut cæpis expresso, legi poterunt characteres, qui antea oculis subducebantur . Quod si indita Virtus depingit Testacea, eodem ferè modo de illorum Testis philosophandum ex mente doctrinaque Aristotelis, ac de Avium pennis : *Nutriuntur pili pennæ, & cutes*, inquit ille, *ex alimenti excrementis, & pro horum varietate colores varij resiliunt* . Dumque observat Animalia, quibus varius cibus est, varios etiam colores induere, discrimen affert inter apes, & Fucos, nempe hos præ illis magis picturatos, quia magis varius est eorum cibus .

De Gener
lib. 8. c 6,

Hoc ipsum in multis Vermibus potest deprehendi, Bruchus, qui brassicis vescitur colorem imbibit omninò viridem; è contra variè maculosi, qui ex varijs floribus alimentum depascunt, & Antonio le Grand teste, Auctoreque, nigrorem induunt Avium pennæ, quæ fructum delibant ex Taxo .

In comp.
rer. memor
pag 333.

Cum igitur consuetum alimentum Testaceorum sit aqua Maris, hæc, quantumvis limpidissima, est maximè etherogenea, infecta sulphuribus, salibus, bituminibus ex sinibus diuersis, quos interfluit, collectis, diuersisque spiritibus à Terra exhalatis . Et cui nam ignota est horum diuersitas corporum? Varij coloris sunt sales, ruber memphiticus, & oxanus, purpureus in Centoripe, in Cappadocia flauus, In India, & niger, & rubeus. His humido commistis, & magis minusue viuentis calore concoctis plus minusue à terrena materia segregatis effici possunt diuersi generis maculæ superaddita materia ad illas colorandas .

Fateor enimverò non posse hanc afferri tamquam rationem omnimodam, quandoquidem perspicuum est, Infantes geminos, eodem prorsus nutricis lacte enutritos, esse aliquando, vt moribus, ita capillamento, colore, ac lineamentis inter se maximè discrepantes, dandum tamen Philosopho est, multum conducere ad colorem Animalium cibos .

Vt verò appareant Testacea superficie estrema colorata stupendum planè est Opificium Naturæ . Aduertit Berengardus apud Carolum Fracastatum in omni Animali, segregato ab excrementis alimento fieri in ijs nouam segregationem, duplicis quasi Naturæ, altera nempe est spiritus, seu liquor acidus, altera terræ, & sicca manet, quæ corpus mortuum dicitur. Hac se ipsum exonerat Animal per secessum altera

Epist. de
lingua.

in Vrinam abeunte ; & Animalia quæ non possunt hoc pacto se exonerare , vt Aues , & Testacea necessitate coguntur hasce , partes spiritosas subtilesque intra sua septa continere , reiectis tamen ijs ad extimas partes ab ipsa Natura tamquam superfluis , & per easdem partes transudantibus . Ex quia ambiens aer eas condensat in Auiibus detinetque , sicuti aqua in Testaceis, hinc effingitur cutis varietas, & pennarum colores varios referentium pro varietate infectionis ipsi excremento immittæ . Notandum etiam est : multa superuestiri rudi deformique amictu , quo non detracto, non apparent colores . Amictus iste in nonnullis non est indumentum natiuum , vt illud , quo serpentes excoriant , & aliqua etiam maris crustata , sed est tempore aquis lutoque superinductum . Vt autem addiscatur modus , quo circumamiciantur , placet addere experimentum magisterij consimilis , quod extra mare adnotauit Pater Kircherius : *In Vase, inquit ille, quo vrina excipi solet exponatur seta equina, vel quid simile, ita vt à fundo, vsque ad superficiem emergat eamque sic vrinae expositam relinque , & videbis corpusculum salinonitrosa, quæ vrinae insunt huic setæ statim adharere , & paulatim in magnum corticem , instar calcis friabilis excrefcere , quæ in aere indurescit .* Idem contingit in Palis mari infixis pro fundamento Domorum Venetijs , & inter Testacea , quæ latinè dicuntur : *Vngula Asini*, quibus supremæ parti quædam Lanugo imposita est, quæ etiam Corallia vestiuntur, nonnullaque alia Testacea in quibus quandoque extra aquas obdurescit , & lapideo quodam indumento illa conuestit .

In Mundo
subter, l. 6.

PROBLEMA XIII.

Cur multa sint Turbinata ?

INter multas Vniuersalium Testaceorum species , quæ in Mari degunt , & reperiuntur in terra , pleraque sunt turbinata , tali spirarum varietate , vt ijs inuoluta omnis phantasia , nouas inuenire diffidat , vires suas in his intellectus amittit curiositate captus earum artificium indagandi , & Ostreorum figuræ tot tantisque spiris turbinatæ , causam assequendi ; Nullus est , qui ignoret , multos lapides huiusmodi figuram induere , semper

per sibi constantem , vt euenit informatione foliorum , & in salibus cum gemmascunt . Propriam habent inter Metalla Marchesitæ, inter lapides Gemmæ, in succis Sales, in congelationibus Niues, in Meteoris Irides , sicut habent plantæ , atque Animalia, quæ quantumuis varia , figuram tamen genericam eodem sibi tenore constantem quasi propriam characteristicæ notam induunt . Illa est in oculis omnium , sed illius originem omnes ignorant . Georgius Agricola in eam sententiam abiit , vt existimauerit ex duobus potissimum causis , figuram in lapidibus derinari . Altera ex loco in quo generantur , vt Cera plumbumque liquata , quibus forma exceptis, formæ similis figura induitur , quia dum congelantur, non possunt liberius excurrere , quo ea conceptus prouehat impulsus , nempe forma ipsa, ijs obstaculum opponente . Ita nonnulli lapides, quasi prægnantes, lapillum aliquem, vel creta, aut liquorem, ad modum globi, actum in spheram , intra viscera sua quasi fœtum concludunt, qui liquor, vel obdurefcens calore, vel eodem exsiccatus, & condensatus à materno lapide seiungitur , vt videmus in Auellanis nucibus, intra corticem exiccatis . Quod si liquor , seu lutum , seu succus huiusmodi tenax fuerit, lapidescit , quo pacto generatur Aetites lapis , si verò tenax non sit, abit in terram, cretosam, vt plurimum, vt videri potest in Geode . Si verò succus sit aqueus, stagnat fluctuans in ipso lapidis sinu . Et iuxta hoc principium Falloppius argumentatus ait : Turbinata terræ Testacea prouenire ex fumosa quadam exhalatione , intus conclusa exitum quærente , eoque non patente , ad modum turbinis agitata , quæ dum gelascit , formam turbinatam effingit . Verum etiam si detur hoc in gratiam Falloppij , dici tamen non potest de Marinis Testaceis ; cum enim humidum sit corpus , nulla figura terminatum, non potest ea terminare, quæ in Mari perpetuò fluctuante nascuntur .

Dominus Steno diligenter perspectis varijs tunicis, quibus Ostreorum testæ construuntur , enunciat omnes primæ tunicae exteriori suppositas fuisse in eam formam elaboratas , non quia humidum, quo concreuerunt , sic eas effingeret , sed quia accommodatas fuit loco, & continenti dum concresceret humor , ex Ostreorum poris transudans ; atque ex pluribus, vel paucioribus tunicis, inquit ille, colligi potest , quot annis vixerint . Sed quia hoc dici non potest de vltima tunica , seu membrana lapideam substantiam referente , quæ alias circumuestit existimat,

In prodr.
de solido .

formam illam ex Ovis progenitam , nempe Ouorum calicibus in eam abeuntibus . Huic tam diligenti Inspectori perspicacissimæ intelligentiæ , & oculi anatomicè præscrutantis , vix quidpiam opponerem , nisi me reluctanter euidencia compelleret , etiamsi ita philosophandum esset de Tunicis interioribus inter Animal ipsum , & extremam tunicam , alias omnes cooperientem ; de hac certè affirmari non posset , quod ipse docet , ne quidem de ijs Testis , quæ foliosæ non sunt , sed vnica constant tunica , ipsa marmore densiore ; quandoquidem non ab ouo , sed spontè sua oriuntur in aquis figura nunquam immutata , quam fortasse in nullo alio viuente conspiciamus . Mihi contigit plures specie discrepantes in exsiccato luto , vel inter minutissimas maris arenas , deprehendere , quarum pluribus per Microscopium mole auctis maiora erant arena grana , quæ nudum oculum , vix non effugiunt , & tamen hæc sub eodem Microscopio inducebant magnitudinem globi , quo exonerantur Bombardæ . Aliundè ergò petenda est ratio , cur figuram huiusmodi Cochleæ sibi aptent ?

Ratio altera , quam docet Agricola est , & ex ipsa materia peti signam huiusmodi , quemadmodum ex lidio lapide infrusta comminuto proueniunt fragmenta humanis ossibus omninò simillima , atque ex Trochitibus Rosæ figuram referentia . Ita docet Erasmus Bartolinus , & à Mathematica rationem petit dicendo , Mathesim esse Figurarum Magistram , ac propterea contemplatus exagonam figuram , quam in Cellis Alueariorum Apes architectantur , negat harum magisterium fieri ex instinctu Naturæ , dicitque ab Apibus circularem effingi , vtpotè figurarum omnium capacissimam , ac simplicissimam , adeòque semper intentam ab Apibus , quod ansam dedit Pappo Alexandrino stultè opinandi , apes ratione præditas esse , idemque Pappus affirmat obseruari , cum actu construunt in Alueari conclusæ , si hoc peruium fiat , foramini crystallo superimposita , vt hoc repagulo apium exitus impediatur , & earundem icus eludantur . Euadit tamen exagona figura illa , dum ex mutua compressione cedente cera , quamcumque formam faciliè induente , necessariò ex circulis compressis resultat exagona figura . En Icone adumbratus Bartolini discursus : sit Apis in circulo A. Hæc introitum sapius , & exitum faciens , debet eiusdem circuli partes comprimere , & qua parte compressioni obstaculum non inueniet , cedere ceram coget . Cum igitur reperiatur obstaculum

in

PROBLEMA XIII.

211


in punctis D. F. vbi reliquarum cellularum circuli se tangunt , cera dabit locum ex D. & F. qua parte obstaculum nullum apponitur , nempè circa puncta I. O. Quod si in circulo O. Arcus altera premar ex eadem ratione debet se arcus exten-

5. 5.

quando in duriorē subitantiā , lapidi non ablimilem , vehementiori igne exsiccatō . Imò Vvillis non solum contendit , singulis salibus , quos Primigenios vocant , proprias figuras inesse , sed eas asserit observasse in omnibus Salibus ex singulis corporibus arte Spagirica extractis , induentibus singulis figuram cum subsidunt , extimatque his partibus subsidentibus indidisse Deum virtutem communicandi figuram ijs corporibus , ad quorum compositionem concurrunt , vna cum spiritibus vegetabilibus : *Sunt enim , inquit ille , Sales isti Elementa veluti* De termēt
secunda , & ab eorum in corporibus insitione propria , & cap. 12.
D d 2 nati-

formam illam ex Ovis progenitam, nempe Ouorum calicibus in eam abeuntibus. Huic tam diligenti Inspectori perspicacissimæ intelligentiæ, & oculi anatomicè præscrutantis, vix quidpiam opponerem, nisi me reluctanter euidencia compelleret, etiam si ita philosophandum esset de Tunicis interioribus inter-

211



Lib.
mat.

peruium hat, foramini crytallo superimposita, vt hoc repagulo apium exitus impediatur, & earumdem ictus eludantur. Eua-
dit tamen exagona figura illa, dum ex mutua compressione ce-
dente cera, quamcumque formam facilè induente, necessariò
ex circulis compressis resultat exagona figura. En Icone adum-
bratus Bartolini discursus: sit Apis in circulo A. Hac introi-
tum sæpius, & exitum faciens, debet eiusdem circuli partes
comprimere, & qua parte compressioni obstaculum non inue-
niet, cedere ceram coget. Cum igitur reperiatur obstaculum

in

in punctis D. F. vbi reliquarum cellularum circuli se tangunt, cera dabit locum ex D. & F. qua parte obstaculum nulum apponitur, nempe circa puncta I. O. Quod si in circulo Q. Apis altera premat ex eadem ratione debet se arcus extendere, contra oppositam partem circuli A. vbi obstaculum nulum reperit, inclinabitur propterea versus I. O. atque in ijs punctis adnectetur materia, quæ circulum referebat, parique compressione adnexa, resultabit exagona figura ex necessitate materiæ obedientis impulsui, quod negauit Kepplerus, vbi tractat de figura sexangula, quam nix refert, vt repræsentat Tabula hic apposita X. Z. Verum de hoc curiosius scripserunt in Meteoris Renatus de Cartes, & Olaus Magnus in Gothorum Historia. Dicendum igitur ratione materiæ obedientis impulsui alicuius agentis figuram huiusmodi resultare. Sed non omnia sunt ex cera, neque omnia ex accidente extrinseco figuram induunt, quam referunt. Multa, imò pleraque libera nascuntur, vel in humoribus, vel in aere, non aptis alia corpora terminare, cum termino ipsa careant. Aliundè igitur figuræ corporum effinguntur. Diuersas videmus inesse formas communibus Salibus, cum concreti gemmascunt, diuersas Nitro imò liquori cuilibet, cum subsidit, humore exsiccato. Sal Gemma funditur perpetuò ex frustulis grandioribus, cubicam formam ferentibus. In Antimonio obseruauit Hipocrates nasci figuram Tetragonam, Sal indicus in figuram Pyramidalem, quadrangulam exacutur; alumen in cubos, salnitrum in tubulos, quod tunc visitur, quando solutum est in humorem illum, colatum ex stercore, quo educitur, & vocatur *maestra*, Calcantus in figuram racemosam densatur, sal ex humoris siccitate subtiles in crustas, aliquando in partes minimas farinæ minutissimæ confimiles, vt videre est in Maris littoribus lapidosis, & aliquando in duriorē substantiam, lapidi non absimilem, vehementiori igne exsiccato. Imò Vvillis non solum contendit, singulis salibus, quos Primigenios vocant, proprias figuras inesse, sed eas asserit obseruasse in omnibus Salibus ex singulis corporibus arte Spagirica extractis, induentibus singulis figuram cum subsidit, extimatque his partibus subsidentibus indidisse Deum virtutem communicandi figuram ijs corporibus, ad quorum compositionem concurrunt, vna cum spiritibus vegetabilibus: *Sunt enim*, inquit ille, *Sales isti Elementa veluti secunda, & ab eorum in corporibus insitione propria, &*

Disert. 5.
lib. 5.

Pe termēt
cap. 12.

natura figuræ rerum plurimum dependent :

Atque, ut hic omittam quæ plurima ad veritatem hanc obfirmandam possent afferri, abundè erit nonnulla experimenta in memoriam reuocare, ex quibus euincitur, quemadmodum ab educto ignis vi ex substantia aliqua, sale fixo, seu subsidente in cineres, ita à volatili euaporante in spiritus, eandem figuram retineri, quam antea induerat : & quoad volatilem verissimum est, illum in frigidis hyemis noctibus imponere quasi folium glaciale vitris fenestrarum, accedente humido accidentali, ex virentibus ramis, igni impositis, secum exeunte, atque in illo folio, vitris superinducto imprimi ab illo sale imaginem arboris, ex cuius ramis fuit eductus. Quoad fixum verò, manifestum est, combustis herbis, vel arborum ramis, eductaque, ex illis aqua sale imbibita, ex eorum cineribus extracta ; si cineres hi ea aqua inimisti, in aperto vase, sereno Cælo in hyeme exposito, in glaciæ superinductæ crusta apparituram, figuram arboris, cuius reliquæ sunt illi cineres. Ioannes Daniel Horstius ex absynthij sale vidit natam imaginem ipsius absynthij Olaus Borrichius ex proprio sale extraxit, ostenditque eleganter expressam quamdam quasi syluulam Cupressinum, & ommissis quamplurimis scitu, dignissimis, sit pro omnibus celebris illa, quæ per omnium ora circumfertur, nomine Rosæ Polonicæ obiecta oculis celebris Quærcetani, à medico quodam Polono, qui egregiè callebat artem extraendi sales, & asseruandi spiritus ex plantis expressos in vitreis ampullis diligentissime obliquatis. Hic cum quorundam rogatu vellet efficere, ut germinaret Rosa, accepto vase huiusce floris salem asseruante, *Vasis fundum lucernæ admouet, ut aliquantulum intepesceret, tum tenuissimus, & impalpabilis ille cinis ex se apertam Rosæ speciem emittebat, quam sensim crescere, vegetari, ac formam penitus totius Rosæ floridæ umbram, ac figuram exprimere videbat. Hæc autem umbratilis figura, vase ab igne remotè, rursus in suos cineres relabebatur.*

Ad determinandas autem corporis naturalis figuras, hoc videtur discursu Vvillis supracitatus. Sal, & spiritus in corporibus ita se habent, ac Circinus, & norma in Mathematicis figuris delineandis in pagina. Imitatur spiritus pedem Circini, mobilem, modo circumactum, altero in centro immobili, modo liberè ductum vndequaque ab Artificis manu, quo pacto ducitur stylus, eoque circuitu lineæ varix, figuræque

que diuersæ designantur. Sal è contra imitatur normam, semper immotam, & aptam terminare stylam, eumque moderari. Quapropter ubi sal dominatur spiritus, ut in vegetabilibus, ac testificis, varietas maior figurarum exprimitur, & ubi sal dominatur spiritibus, ut in Mineralibus salibusque, apparent corpora figuris minus varijs impreta, semperque eandem retinentia. Indè sit ac Vvillis à Salibus per calcinationem extractis, utpote spiritibus destitutis, vix obtineri *ChrySTALLIZATIONEM* cum subsidunt in cineres. Nitrum è contra utpote spiritosum facile coagulari, figuramque pyramidalem induere, & Alumen maximè spiritosum in Octaedrum facile efformari.

Præclarissimæ sanè rationes, sed minus aptæ ad obijciendam oculis mentibusque veritatem. Quandoquidem, vel figura proveniat ex Salibus, vel ex Spiritibus, recurrit argumentum, & ego vrgeo, iterum petens, cur utrique ad illam potius figuram inclinent, ac tendant, quam ad alteram? & quid tandem sint spiritus huiusmodi? Infinitis propemodum responsis imò vocibus, audio conclamari: Alij vim Magneticam cum Kircherio illos appellant, alij generationum idæas cum Borello, alij formatricem virtutem cum Cabeo, alij Agitationem spirituum, sed ignotam. Augustinus Scylla cum nouerit in humano corpore per Anathomem in partes dissecto, inuentam Chocleam perexiguam in sinistra cordis auticula, aliamque non absimilem in vesica hominis pauperrimi Florentiæ respondere conatur dicendo, *Video, corpora membranosa, calori medico approximata colligi in sese, rugas contrahere, ac facile turbinari: Hoc ipsum existimarem in ijs partibus nostri corporis, potuisse contingere, in quibus non desunt membrane, falsique humores, & colliquati, & gypsei, primisque magis magisque exsiccatis nullo quasi negotio reliquæ turbinantur facileque se reddunt ad similitudinem lapideæ substantiæ, qua caput nobis obtundunt, & vano certè conatu laboraret sequens quod assequi nunquam poterit.*

Machinatrix, & opifex est mens illa, quæ in rebus omnibus agit molem ad intentum finem partes singulas ordinans, & quemadmodum ad imponendam basi immensam aliquam pyramidem, concurrunt rudentes multi, multæque tractoriæ machinæ, Trochleæque, singulis vi, & celeritate propria operantibus ad amussim; nescientibus tamen quid, cuiue laborent; quippe expertibus finis residenti in mente artificis, omnia ordi-

Lib. I de
Artis ma-
gnæ lucis,
& umbræ.
De Ideis
Gen. c. I.
obser.
Metam.
tom. I.

nantis, ac disponentis, ita in constructione cuiusque corporis, seu viuentis, seu non viuentis, omnia, & singula disponit ex ordine Efficiens Causa, quamuis occulta, cui singula obtemperant, Ita nobis in re nostra philosophandum, neque indignum Philosopho est, aduocare Deum è machina, vt dicitur, cum rerum Causæ penitus delitescunt nobis ignotæ, plenoque fidei obsequio venerari Causam illam, omnia disponentem, seque singulis pro libito impartientem, quæ ex eadem massa nouit res maximo inter se intervallo distantes effingere, nulli communicato, sui operis magisterio.

Noui Doctorem Carolum Fracassatum in prima Cathedra magistrum Messanæ docuisse: spiralem lineam fuisse ab eo obseruatam, vt necessarium principium generationis Omnium in pullis; eadem videlicet spirali linea efformante, quoddam quasi conglobatum ex ipso Animali, quod *Galbam* vocat Arneus, sed libenter nouerim rationem, si tamen certa, & in omnibus fuit obseruatio. Nunc ad propositum satis sit enunciare: Sic voluisse primum Motorem, & proprium cuique vegetabilem spiritum indidisse, aptum ad turbinanda Testacea, atque hoc, vt inter animas corporaque ea proportio intercederet, quam adnotauit Hipocrates, nempe in viuentium efformatione hospitalem domum inquilino proportionatam: architectante Natura, eo sanè prudentis magisterio consilioque, vt monstra quam plurima è Mundo eliminaret. Monstrum autem esset, si generosa Leonis indoles Ovis corpus incoheret, vel exiguus cuniculus vasta Elephantis mole obuolueretur, eodem prorsus pacto, cum Cochlea manibus pedibus, & ossibus careant, turbinatam illis domum construxit, vt se in ea contorquentes possent consistere. Quod si ijs motu progressiuo dotatis necessitatem imposuit, magna sui parte, extra Testaceas Domos erumpendi, si hæ turbinatæ non essent, omnis quantumuis leuis conatus, eas è Domibus illis seiungeret; imò ijs ipsamet sese exonerarent, leui quouis obstaculo remorante iter. Voluit igitur Mens opifex omnium, posse eas domibus suis insertas, inuolucris, & spiris, quasi brachijs manibusque eas domos complecti, iisque tenaciter inhaerere, vt secum possent conuehere, & volentibus abdere se, esset in promptu fide stationis recessus, quamobrem sicut de alijs omnibus, ita de Conchis possumus dicere cum Virgilio.

Hos Natura modos primum dedit.

Et

Et Vvillis nil amplius pro veritate potuit enunciare nisi, *Sales peculiares figurationum modos à primo Conditoris fuisse sortitos*. Quod si vellemus dare ipsi, eiusque Senatoribus ad res figurandas valdè Sales conducere, non esset hoc à veritate aberrare dicendo posse concurrere spiritum aliquem salnitrosum, quandoquidem materia hæc ad coagulationem Testarum conducit, ut vidimus, eadem quippè ad figuram Pyramidalem tendente, qua figura, Turbinata omnia essent impressa, si possent Testæ suis ab Involucris explicari, suisque è spiris evolui quod vehementer imaginanti cogitantique facilè se præsentabit. Quapropter Architectonico spiritui ipsis infuso, cadente spontè materia, resultat facilè Testarum figura, quæ spiris suis, & involucris quemadmodum tutam, & quietam stationem habitatoribus construunt, ita labyrinthum implicatissimam intexerunt inquirentibus causas iisdem spiris impexas, ex cuius anfractibus tunc solum euadimus, cum prudentem finem Naturæ, ita operantis euoluimus. Quod si non ad viuientis utilitatem ita eas construxisset Natura, satis esset, fuisse illas ad rerum varietatem in tam pulchro Mundi Theatro augendam elaboratas.


PROBLEMA XIV.

Cur ex Turbinatis pleraque figuram
Sphæricam induant?

INter problemata Aristotelis ad mare spectantia; illud extat, quo disquirat. Cur lapides Conchyliæque Sphærica euadant, responditque sibi, in causa esse maris motum quæqua versus agitati, singulasque Testarum, & lapidum partes adimentis; ex qua partium detractiōe resultat figura sphærica; eaque propter in littoribus plurimi depræhenduntur, qui propriam nativamque amiserunt; Quia extrema, inquit ille, *compari ademptu circumfracta in rotundam se colligunt speciem*. Hæc enim sola simili extremo clauditur. Mare autem quæqua versus agitando pariter circumundique frangit, atque obtundit. Ratiocinationis huiusmodi fundamentum est: supponere: Res illas, quæ vndique atteruntur, acquirere figuram

Señ 23.
probl. 36.

ram rotundam, & carentem angulis. Verùm vt fundamento huiusmodi innitatur conclusio, aduertendum est, si ab aqua agitata atteritur corpus æqualiter circumquaque, necesse esse primænam figuram corpori remanere: pro exemplo fit cubus.



A.B.C.D. si aqua atterit æqualiter superficiem A. B. & reliquas corporis superficies, remanebunt semper anguli superficies terminantes; quare variabitur nunquam figura cubica corporis, quamvis mole imminuti. Atque simili proportionem philosophandum de corporibus, quibusque irregularibus, cuiusmodi sunt arenæ, vt apparent Microscopio exploratæ.

Afferendum igitur, iam esse corpus rotundum: quo posito extra aleam iacitur Quæstio, quæ vt subsistat dicendum: posse corpus multis angulis prominentibus vndarum agitatione, ad Sphæricam figuram accedere, non quia vndequaque atteratur aquis; sed quia in fundo maris circumuolutum, lapillis sæpissimè obrito, in ijs partibus magis atteritur quæ circumuolutioni reluctantur magis, quales sunt anguli, & partes reliquæ prominentes, quibus magis, magisque consumptis, rotunda figura confurgit.

Hæc tamen omnia sunt intelligenda de Testis, & Conchis ab Animali seiunctis. Nam quæ viuunt, non perpetua cum mari circumuolutione rotantur, sed vel viuunt arenis sepulta, lutoque, vel adhærent saxi, ac scopulis. Notandumque, quamuis pleraque turbinata circularem in se figuram exprimant, quamuis non exactam, mirabili sanè proportionem minuti circuli base minoribus, ac minoribus illo, cui semper habent os impositum vsque ad culmen, quo se distendunt plus minusue in figuram conicam. Quapropter nulla inuenitur Cochlea, quæ globum perfectum exprimat; aut exactum Cylindrum, sicut in Conchylijs Binalibus nulla exactum circulum exprimit. Addo: ea omnia Testacea huiusmodi figuris fuisse à Natura obsignata à prima eorum infantia, quod in ijs etiam deprehendi potest, quæ vix magnitudinem exæquant puncti interpungente calamo efformati; quare Sphæricum illud opus tribuendum alteri omninò est.

Existimarunt nonnulli, in eam figuram componi Testacea, quia Testis coagulatione humoris efformatis in mari, nulla
for-

forma extrinseci ambientis terminato, ipsis Testaceis communicabili, spontè assumitur figura perfectior, nempe circularis, inclinante ad hoc Natura, obice illi non opposito, vt apparet in coagulatione humoris, ex quo formatur in aere grandio, & perspicuum fit innumeris huiusmodi fortuitis generationibus.

Verùm non ita possumus philosophari, quia nequè coagulationis humoris illius similis illis est, nequè omne corpus quod in aperto campo compingitur, cernitur tali figura præditum, atque hoc posito, euinceretur in perfectissimos globos efformanda esse Testacea. Crystallum ferè omne figura exagona concrescit, refertque Ioannes Laet, aperto Amstelodami scemina cuiusdam cadauere è patibulo pendente anno 1518. inuentos fuisse in fellis vefica ab Henrico Medico Florentino quatuor supra viginti lapides, eandem figuram cubicam præferentes, eandemque magnitudinem, & colorem. In felle Ferdinandi Gonzagæ triangularis vnus inuentus est, & Fabritius Bartolettus in felle mulieris, Mantuæ trecentos inuenit, formam ciceris, & magnitudinem referentes. Olaus Borrichius septuaginta adinuenit irregularis figuræ, vt fabas.

Lib. 2. de
Lapid.

Sed obtundat sibi quispiam hisce lapidibus caput, eorum causam inquirens. Nos circa nostras Cochleas circumuoluamur. Contendunt multi ex Cœli motu, aut Solis earum figuram deriuare, nempe Sole spiralem lineam designante, dum ex vno in alium Tropicum circumagitur, eundem etiam spiralem motum ijs impertiri, referentibus eandem viam luteis corporibus, quam Sol ipse luce sua describit in Cœlo. At enim verò videntur hi mihi in ipsa tanti luminis claritate cæcutire, quambrem non possunt in tantam illam varietatem corporum, ac figurarum obtutum defigere, quam Sol influentijs suis adspersit. Præsidet ille, vt communis omnium Pater, & quemadmodum corpora omnia, eodem auri texto lucis conuestit, ita suorum influxuum thesauros omnibus equè aperit, ex quibus quodque sibi tantum assumit, quantum cuiusque Natura, temperiesque deposcit, perficiente vnoquoque in se ipso quidquid sibi indulget Natura. Et quemadmodum ros, & aqua, quibus in eodem solo flores lactantur, *alba fit in Lilijs, rubra in Rosis, in omnibus omnia*, vt eleganter Cirillus Alexandrinus, ita ex calore Solis luto impertitur vis condensandi se in Metallum, florivacitas ad se in folia explicandum, omnibusque corporibus

virtus ad pertingendum quo sua vnumquodque prouehit indita à Deo propensio ; quapropter optimè pronunciauit ingeniosus Auſtor Epistolæ ad Regiam Societatem Angliæ transmissæ Augusto Anni 1669. *Non in hoc solo exemplo delirant , qui non promptuaria Nature , sed sua ipsorum somnia consulunt .* Longè magis sapienter D. Augustinus non contentus in actum philosophicæ admirationis mentem attollere , nempe vix digito à terra assurgere , in omnibus diuini opificis manum formatricem agnouit, *qua enim vi diuina, inquit , & vt ita dicam effectiua, qua fieri nescit, sed faceret accepit speciem, cum mundus fieret, & rotunditas Cæli, & rotunditas Solis, eadem vi diuina, & effectiua, qua fieri nescit, sed facere accepit speciem rotunditas oculi, & rotunditas pomi .*

De Ciuit.
Dei lib. 13.
c. 27.

Seſt. 16.
prob 9.

Vt tamen viſibile opus , inuisibilis manus Opificis Dei non Solis oculis fidei, sed etiam philosophantis intelligentiæ , Naturas rerum arcanas ad voluptatem scrutantis, intueamur , opportunum loco videtur mihi Problema Aristotelis , quo inquirat . Cur partes Animalium paucioribus organis elaboratæ , accedant, vtp plurimum ad figuram Cylindricam, non verò Triangularem plurimue angulorum exprimendam ? Huiusmodi est Tibia, pedi comparata, manui brachium , arborum rami , floribus earundem, & fructibus . Ratio , quam affert innititur axiomati Tarentini Architæ dicentis . Res naturales ab intrinseco moueri, proportionem quadam æqualitatis , nisi obex ponatur , atque hinc secundum omnes partes æqualiter crescere , adeoque augeri ad circularem figuram accedendo , cuius partes singulæ æquæ distant à centro . Contingere hoc videmus in Floribus, qui quamuis numeroſo foliorum ambitu , vel se vestientes, vel sese explicantes, fluxu liberiori, vnde quaque excurrentium , tamen eo se aptant ordine artificiosè neglecto , in circulum se conformante . Idem dicatur de fructibus, de calamo in pennis, de pilis in Animantibus, & de quocumque, dante se in conspectum, veluti in scenam in hoc mundi Theatro .

Agnosei ergo debet principium intrinsecum , hanc sibi figuram determinans , atque aptans , quæ prior accedat , viuentibus operationibus efficiendis . Operante rerum Natura , ea vi virtuteque à supremo artifice impertita, qui in earum formatione optimè proportionem , & consonantiam agnouit, omnia in singulis operantem . Quoniam verò pars magna Testaceorum debebat multis spiris , & inuolucris turbinari, ea propter


pter Natura in extruenda domo, figuram rotundam selegit, ut
potè omnium facillimam, ad circumrotandum, & ad se in se
ipsam colligendum, ut manifestum est in retorto capreolo vitis,
cucurbitæ, similiumque plantarum, quibus attentè consideratis
poterit vnusquisque curiosa obseruatione deprehendere in
Turbinatis, figuras omninò tres ad ea formanda concurrere,
spiralem nempe, propter continuas spiras, quibus in se con-
torquentur. Pyramidalem, quoniam ex ore, in quo est basis,
in punctum se colligunt à plano eleuatum, quamuis dissimili-
ter in nonnullis. In hac autem continetur circularis figura,
quamuis non in omnibus perfectissima, quæ tamen appareret si
possent, se tota explicare, quandoquidem appareret corpus
omninò conicum, & in eo partes circuli proportionem seruan-
tes, minori tamen semper, & minori periphæria, artificiosè
decrefcentis,

PROBLEMA XV.

Cur Turbinata, ut plurimum habeant Orifi-
cium Testæ ad dexteram partem
conuersum?

Conuoluuntur tali lege Turbinata, ut super humum reptura
Orificium Testæ ad partem dexteram semper conuertant:
obseruauit hoc inter recentiores Martinus Lister ubi dixit, Te-
stas *motus Solis obseruando, à sinistra dextram versus torqueri.*

Tract. de
Cochleis
bina.






Quod ut clarius fiat, obseruetur
figura, in qua spiralis linea. A.
B.C. supponit Cochleæ circum-
uolutionem. Initium hæc facit
à centro. O. neque contorsio-
nem extendit versus C, sed
versus A. & post in aliquibus
pauciores, in alijs plures spiras
terminum habet versus A. nun-
quam versus C. Fingatur itaque
linea ducta per centrum spira-

rum in plano Orizontali quod sit C, A. super illam spiralis linea

non toties interfecabit ex O, ad C; quoties ex O ad A, vt palam fit in figura apposita. Non tamen tenore inuariabili lex ista fertur in Cochleis, vt fit in Sole, quem contorquentem se diurno motu circa gemina Mundi emisphæria, obseruat quisque in Boreali Emispherio, nasci semper ex latere sinistro, & occumbere in dextero, quia videlicet partes aliquæ in contrarium situm contorquent se. In quarta obseruatione Augusti 1669. transmissa ad celebrem Accademiã, quæ inscribitur. Regia Societas Angliæ, duæ species referuntur, altera similis leui Turbini, ab Aldrouando descripti, altera Auenæ grano, à nobis exposita num. 41. in ea nole, quam Microscopium oculo representauit. *Hæc denis spiris à dextera ad sinistram conuoluitur*, inquit citatus Lister. Tertiam addit Fabius Columna, & Dominus Siuers Mathematicus Hamburgensis dicit: habere in suo Musæo Cochleam quamdam cinerei coloris, quæ est inter nostras, delineata num. 316. Claf. 3. Raræ tamen reperiuntur in mari, & quia fortasse sunt abortus, monstraque Naturæ, propterea magno precio habitæ; vnde tres ego vidi, inter magni pretij gemmas, asseruari à D. Cornelio Meier Hollandico, Machinarum inuentore, qui præterito anno potuit hic Romæ se opponere Tyberis violentiæ, & fortissimo agere, quasi catenâ illum frænare, cum præceps irrueret ad aperendum illi noua dilaceratione sinum, non ad conuehenda trophæa, coronasque, vt olim seculis retroactis, sed vt viam nouæ stragi, quam minitabatur, inferneret. Iam verò super obseruatione huiusmodi non existimet aliquis, temerarium esse causam inquirere. Plures rationes, ac fines adhibet, cum operatur Natura, vt pluribus fin locis Phylosophus asserit, cum nihil frustra, imò quod cuique Animalium speciei optimum est, operetur. Quod antequam exigatur ad trutinam, suppono, ex eodem Philosopho, commune esse omnibus animantibus, motum à dextera inchoare, quo iacto fundamento, sic arguo. In extruenda Turbinatis domo, debebat Natura illam tali pacto architectari, vt ad illorum motum aptissima esset structura. Ijs ergo ex Naturæ instinctu motum à dextera inchoantibus, nullum debebat ex ea parte impedimentum apponi, sed liber patere aditus, successinè coharens impulsui, ac motui, ac propterea debebat esse spiralis, itaut factò initio ab ipso centro dexteram versus se contorqueret, eoque ordine vsque ad Orificium progrediretur, ex quo non exigua sui corporis parte,

C. 2216





viuens egreditur . Atque notandum hic est, ex omnibus Testaceis, quæ motu progressiuo incedunt, omnibus nempe pedibus destitutis , moueri singula tota illa parte corporis , quam liberè è Testis expediunt, cum è contra Animalia perfectà , duabus tantum, ad summum quatuor partibus deputatis ad motum, se prouehant . Ratio ex Aristotele est, quia perfectis Animantibus motus principium inest , vnum indiuisibile, cui debent omnia organa, ad motum instituta, conformari ; propterea, cum ex corde motus omnis principium trahat , organa duo supra cor collocauit Natura, quales sunt manus in homine, in Auius Alæ , totidemque infra cor, quales sunt in cæteris Animantibus pedes . Cum ergo Testacea sint sanguinis , & cordis expertia , cui apta membra construantur ad motum , debet singulis eorum partibus inesse principium motus , adeoque ijs multæ partes organicae toto in corpore aptantur ad motum . Hac aptitudine, in omnes eorum partes diffusa, non mouentur singula motu eodem, sed aliquo vndanti fluxu, vt serpentes, modò ad dexteram, modò ad sinistram se contorquentes , arcuatis supra pauimentum curuationibus , ita vt parte vna se prouehente sequatur alia, reliquis residuum corporis trahentibus ; alia verò, vt vermes, natiaa domo prorsus expedita, vel eam semper cum mouentur secum vehentia , retrocedente vna parte intra aliam , quæ rursus è suo quasi recessu prodit , quando vult progredi , quo pacto in se ipsam recederet chirotheca, nunc ab imo sursum, nunc à summo deorsum, supra manum deducta, atque hoc pacto nouentur omnia Testacea, membris aliquo modo inclinatis : quod si hoc non contingeret etiam in perfectis Animantibus, motus euaderet impossibilis, vt fusè ostendit Aristoteles. Vndanti motu pleraque contorquent se ; nempe ad progredendum apertissimo . Quod, vt clariùs elucidetur , videatur figura apposita ; in qua à corpore Cochleæ formatur arcus B. C. D. cuius basis est humus , supra quam mouetur . In hoc triangulo duo latera B. C. E. D. coniunctim considerata necessariò ex Euclide, maiora sunt tertio latere, seu basi B. D. quod si maiora, non forent , nullus daretur progressus in motu . En ratio in promptu . Tunc solùm potest quis progredi , cum extendit partem inclinatam B. C. D. Iam verò si hæc extendens se, non excederet lineam B. D. non occuparet spatium maius spatio à linea B. D. occupato . Non ergò se proueheret ex D. nisi ad punctum B ; sed quia manifestum est prouehere se vltra punctum B ; illæ
 ergò

Cap. 7. de
 inces. Ani.

ergò duæ lineæ maiores sunt basi B. D. adeòque arcuante se Animali, eas describit, fixa parte B. & ad se attracta parte D. è qua consistente, extendit partem B. vt progrediatur vterius. Atque hic placet aduertere: falsum esse, spiras Cochleæ ad motum conferre, vt docet insignis nostro Æuo Scriptor, existimans ex ipsis spiris Animal vim acquirere ad motum, modo ijs in-nixum, modò extra eas distentum, nempè parte, vel arcuata, vel retrocedente in se semper extra Testam extensum. Hoc euidenter cognoui, cum Cochlearum motum explorans testis prius sublatis obseruauit, nonnullas retinere in se internam figuram Testæ in membrana tenui instar vacuæ crumenæ tunc solum plena se ipsis, quando cessante motu in eam sese recipiebant.

Iam dictum satis de motu locali; dumque in illo potest facilè depræhendi vis illa admirabilis, quam Mechanica cognoscit in Veste, neque depræhenditur nunquam in quonam vis ea sita sit, aduertendum illud est: nempè nobilissimi argumenti scientias corpusculum cuiusuis contemptibilis Animalculi abscondere in se.

PROBLEMA XVI.

Cur vix aliqua membrorum diuersitas in
Testaceis appareat?

QUam variæ apparent in testis Cochleæ, tam simplices sunt in partibus componentibus corpus, in ijs absconditum. In omnibus eadem fermè Organorum dispositio, vix aliquam diuersitatem ostendit. Ipsæ verò Testæ, inter se ita dissimiles, vt vel intra eandem speciem, nunquam dabitur, bis in eandem incidere.

Bold. de
Longob.

*Tanto Natura in vn sembiante stello:
Di varie forme, hà i simulacri impresso.*

Caro illis, utpotè exanguis, linida, macieque quasi cadauer confecta, è contra Testæ, veluti fabulosa Lorica Æneæ à Vulcano fabrefacta.

An' bal Ca
ro lib. 8.

*Che di sanguigna lucè, e di colori
Diuersamente accesi, era splendente.*

Ostrea

Ostreæ corpus informe male dedolatum, videtur potius Embrio, quam opus absolutum: Testæ verò exiniæ artis magisterio elaboratæ, quibus diligentissimè studio suprema manus fuit eleganter imposita, quamobrem in his Testaceorum monumentis, & armis effingendis, quibus Ostreæ peltatæ, & clypeatæ incedunt, apparet industria Naturæ longè maior illa, quam omnem Ciclopes exerere, in armis Heroi suo cudendis ex Vulcani Officina, vt Dea maris efflagitabat, cum diceret.

Arma acri facienda Viro, nunc viribus vsus,

Euclid. 1. 3.

Nunc manibus rapidis, omni nunc arte magistra,

In promptu est ratio: cur in membris vix aliquam, in Testis tantam varietatem præferant, singulas Animalis partes Architectata fuit Natura, ad institutas ab ijs operationes efficiendas. Atque, vt ex Doctrina Aristotelis adnotauit Magnus Albertus: *ea quæ nobiliora sunt plures partes habere necesse est, quarum actiones eorum sint, & officia. Plura enim desiderant instrumenta ea, quæ plures motiones exercent.* Ita homini quippè Animalium præstantissimo intelligentia ditato, quam Aristoteles, falsò tamen, particulam diuinitatis appellat, data fuerunt organa, & partes numero plures, & varietate, vt posset non solum viuere, sed bene viuere. Et quamuis non desint ignaui Censores Naturæ, qui eam quasi Nouercam exiltiment, nudum hominem, atque inermem, veluti proiectitium infantem, omnibus destitutum, iniurijs fortunæ expositum, prostituisse; cum reliquis animantibus arma, & vestes abundè suppeditauerit; in sola manu tamen omnia homini donauit Natura, veluti instrumento, vt acutè Augustinus, ad opera omnia omnesque artes ab intelligentia directo. Cum ergò Testacea, vel omni motu careant, vtpotè; scopulis, aut humi infixæ, vel vix vllum motum edant, eumque inuariabilem, quem ab origine, prima, tamque patrimonium omne, secum traxerunt, nequè ab ipsa humo eleuentur magis anima, quam corpore; propterea, nullam fermè nancisci debebant diuersitatem membrorum, quæ dissimilaria dicuntur. Atque soli abdomini nata, eas tantum partes sortiri debebant ex magisterio Naturæ, quæ necessaria ad vitam cuique Animali perfectè, Aristoteles adnotauit: Guttur nempè, quo cibum capiunt, Ventrem, in quo reponunt, & concoquunt reliquo corpori impertiendum, atque intestinum, ad cibi excrementa exoneranda. Hæc autem vitæ instrumenta, quam solerti industria construxit Natura tam cu-

Lib. 2. de
par Anim.
C. 10. 21. 12

Lib. 3. c. 11

riosa indagine eorum diuersitas effet examinanda; Excurret illam quis per otium fusè apud Aristotelem de partibus Animalium. Hic satis est aduertere cum eodem, planum esse eorum Ventrem, simplicem, expolitum, atque vt in nonnullis auihus excurrentem, quibus cibus humidior, ijs nempe quæ cruribus longioribus corpus suffulciunt sic enim possunt cibum facilius concoquere. Non absimile autem his est intestinum, quippè semper in promptu cibus ex mari, quo viuunt, non erat diutius in visceribus retinendus ad succum Nutritioni vtilem attrahendum, nouo videlicet semper è mari suppeditato. Huiusmodi organum inest, & plantis radicibus, quasi ore attrahentibus cibum, alijsque partibus, ad exoneranda excrementa destinatis ijs nempe, vt vult Aristoteles, ex quibus erumpunt flores, fructusque, vel melius, ex quibus distillant humores, & gummi, cum flores sint partus producti ad speciem propagandam. Sunt tamen plantæ ventris expertes cum nempe sit terra pro ventre, veluti nutrix infanti, alimentum plantis ferens, & concoquens.

Testis tamen non debebatur ista simplicitas organorum, & quoad illarum formam fabricamque, sit pro ratione, destinatas à Natura fuisse ad conseruationem corporum inclusorum omninò inermium. Simplicitate membrorum vitæ consulens prodigalitatis notam elusit. Simplicitate munimentorum, in Testis damnata egestatis fuisset, ac proindè in ijs effingendis se vsque in luxum effudit. Cum enim Ostrea mille hostium, incursionibus, & insidijs mille paterent in mari exposita, ea tanta varietate peltata, & clypeata instruxit, alia videlicet armata duritie, atque asperitate, alia tuberculis, & hastis, quasi præferratis, ad tormentum viscerum, & palati hostium insidiantium, præter commune omnibus effugium receptus, cum natinas latebras, intra suas Testas peterent. Quærenti autem, vt quid tanta in Testis accidentium varietas tanta peregrini coloris diuersitas? Responderem: ad eum prorsus finem, quo comantes Cristæ in galeis, & in Thoracibus Clypeisque foliosa ornamenta, Opere corynthio depicta ad horrorem armorum quasi temperandum. Sapienti planè consilio Ars militaris, nempe ars moriendi, elegantiam armis ipsis induxit, deauratis telorum cuspide, & ensium acinace, vt mortem ipsam natiuo horrore exueret, atque in ipso Martis campo, acies instructas ostenderet, non tam ad Pugnam, quam ad Choram. Tam præclari inuenti laudem, prima sibi deponit

scit Natura, quæ artem ipsam ad magisterium hoc erudiuit constructis armis, ac munimentis pro tam inermibus animantibus, tanta colorum, atque ornamentorum elegantia picturatis; elegantia tamen armorum robur nihil effeminante. Quo artificio tria præstat omnino præclara: nempe infirmis, atque infimis animantibus arma, & munimenta comparauit, oculorum oblectamenta, atque illicia abundè instruxit, in tantæ colorum ornamentorumque varietate, singulaque Testacea suo quæque quasi stemmate insignita, & vestitu consimili notata discreuit.

PROBLEMA XVII.

Cur careant Ossibus?

Ossa in omni corpore sunt multa numero: alia recta, alia transuersim locata, & arcuata, singula singulis iuncta, insolubilibus ligamentis, ita tamen enodata, vt possint membra pro opportunitate curuari, & omnia ita accommodata, vt quamdam quasi trabium structuram componant, eleuantem illa, & sustentantem. Iam verò si Testacea humi semper infixæ nullo motu debebant se expedire, nisi communi vermibus, & insectis, reptando progredientibus, huiusmodi membrorum structuræ inutilia fuissent ossa, imò Turbinatis impedimentum attulissent, nempe contorquentibus sese, vel coarctantibus intra spiralem suam cauernam, debuit aptari corpus omnino carneum fibris vndequaque extensum, aptis, vel ad se recipiendum, vel ad se pro nata opportunitate distendendum. Addo: toti corporis structuræ, in vnâ quasi aluum elaboratæ inepta erant ossa: scilicet ex obseruatione Philosophi, nullis animantibus venter distinguitur, nec distenditur ossibus, vt sic possit, vel attracto cibo intumescere, vel concepto fœtui domicilium insternere. Aliqua insuper ossa infixæ sunt certis partibus animantium, inquit Philosophus, ad eas tutandas seruandasque, vt Costæ circumdantes Cor; cum autem ad conseruationem Testaceorum, munimentum Natura construxerit pro Galea, Scuto, ac Thorace illis aptatura

De part.
Anim. lib. 3
c. 9.

ad incursum quemlibet eludendum ; vt quid ossa huic viuentium generi fabricare ?

PROBLEMA XVIII.

Cur sint corde orbara ?

Macrobius
Saturn. I. 1.
c. 27.

COr in Animali est, veluti Sol in Mundo, nempe caloris vitaliumque spirituum officina, opera omnia efficientium, & quemadmodum antiquissimus Philolaus falsò existimauit, Solem immobilem in hoc Mundi sistemate collocatum, & omnia circa ipsum in gyrum sese mouentia, vtpotè ipso indigentia, ita pro veritate obseruauit Anatho nus; *inter partem, qua animalia cibum recipiunt, & inter partem, qua emittunt excrementa, mediam quo ad situm esse tertiam partem, in qua est principium vite*; cor nempe, ex quo vno trahunt omnia subsidium portionemque spirituum operationibus inferuentium; & quemadmodum Sole sublato euaderet Mundus informis exanimeque Cadauer, ita prorsus & Viuens, corde subducto.

Manifestum fit hoc in quolibet perfectò Animali, & pro miraculo est, ex cuiusdam pectore corde extracto, potuissè tamen illum aliquando voces edere, & alloqui Carnificem, cuiuscerantem. Manifestum etiam fit in insectis non carentibus sanguine, & quamuis plures in partes dissecta adhuc uiuant, momentanea tamen est in ijs partibus vita, exhausto scilicet in ijs Vitalium spirituum fonte, hoc est, corde. Cochleæ tamen viuunt quamuis excordes, vt reliqua Animantia exanguia. Et quamuis Democritus existimauerit, inditum esse cor omnibus, sed oculorum obtutum pro sua paruitate effugere, omnen tamen, quamuis conatum impendat oculus Microscopij exploratoribus adiutus, ipsa etiam inuisibilia obijcientibus, nunquam poterit Cordis vestigium deprehendere, quod sanè Microscopij perspicacitatem non eluderet; quemadmodum in generatione omnium Animalium non exanguium vix efformatum cor in embrione detegitur. Cur ergo vitam quasi commodatam, Ostreis excordibus indulsit auara nimis Natura ?

En

En depromptum, ex ipso sapientissimo instituto Naturæ responsum? Cæca nunquam largitione suos in Partus sese effundit Natura, neque illis frustra Aerarij sui opes, ac Thesauros impertitur. Cæcutientis Amoris, & genij insanientis est ad nullam respicientis vtilitatem beneficia conferre. Præstitit hoc insanus ille Caligula, ad Romæ consulatum inaugurans suum illum equum, cui à pernicitate cursus inditum *Ignæi* nomen est.

Non sic insanit Natura eximiæ perspicacitatis in operando impertiens singulis, vel subtrahens, pro aptitudine, merito, ac dignitate eorundem. Hoc prælibato, en Philosophi ratio, cur Testaceis Cor Natura negauerit. Animalibus omnibus non exanguibus necessarium est Cor, cum enim humido fluidoque constet sanguis, indiget vasis aptis ad illum, excipiendum, in quem finem elaboratæ sunt venæ, quibus in omnia corporis membra diffusis ad impertienda singulis alimenta, necessarium fuit eas omnes ex una origine, veluti riuos ex uno fonte, corriuari, nempe ex corde, ex quo tanquam ex prima scaturigine profluunt omnes, & singulæ. Exanguibus ergo Testaceis, quid mirum si Cor non effinxit Natura? Verum quidem est ad impertiendum Vitæ alimentum, humorem aliquem proportionatum necessarium esse pro sanguinis supplemento; quamobrem in Testaceis omnibus reperitur humor ille, quem Philosophus Saniem appellat, quo pacto sunt etiam partes, Venarum vicem explentes, quas diximus Fibras. quæ Saniem, vel attrahunt ex Ventre cam primò excipiente, & aliquantulum concoquente; vel per poros corporis ex Elemento, in quo viuunt, non secus ac arbores humorem illum bibulis radicibus exugunt è terra, quæ ijs pro corde, ac ventre est, parato semper ad alimentum suppeditandum.

Lib 3. c. 46
art. 1. de
part. Ani.

PROBLEMA XIX.

Cur sint Edentula?

ANtequam quæsito respondeam, firmanda est eiusdem quæ-
siti suppositio; nempe edentula esse Testacea. In contrariam sententiam abiire nonnulli. Inquit Aristoteles: *Conchas*

De part.
Anim c 45
De Cochli
pag 516.

1a Micro-
scopii
obs. 40.

dentibus etiam binis fulciri, ut crustata. Ita opinatur Martinus Lister & Microscopio exploratum hoc affert ex Nookio his verbis. *E superiore oris parte Cochlea eiusdem Testa contexta, officulum durum, recurvumque exemi, id mihi visum est figurari in modum dentium gingivis ordine suo dispositorum, inque plures minores maioresque dentes nigros diuidi. Verum unum solidumque officulum erat, quo eam Rosa folijs vesci ipse observavi, atque ex ys lunatas exiguas partes momordisse in modum litteræ maiuscula C. Huius autem officuli pars superior, eius inferiori, & nigriori parte multo albidior est, & minus sinuata, ad oras paulatim extenuatur in aciem, huic insuper veluti novem dentes suæ partes eminentes omnes ipso officulo medio inter se coniunctæ. En apposita, quam ipse addit figura, in qua A.B.C.D. est pars superior exurgens ex Gingiva G. G.G. magis albicante, quam inferior N. I.K. ad modum dentium figurata incipientium ex I.I. desinentium truncatim versus K. sunt tamen coniuncti, solamque dentium figuram referunt in partibus ex toto ossis semicirculo aliquantulum prominentium in locis novem I.K.*

Fuit habita huiusmodi observatio in Cochlea terrestri, ut inquit ille, quæ de causa firmari ex illa non potest uniuersalis conclusio dum in alijs aquatilibus hoc minimè reperitur. Hæc etiam sententia è regione opponitur Velschio, qui in prima Hecathostea suarum observationum, quas anno 1675. inscripsit Aeademiæ Curiosorum in Germania, dicit: Inuitè iniuriosèque derisum Chirurgum celebrem, quem à prima infantia per iocum vocabant Cochliodontem, quia in amicorum consensu affirmauerat: Cochleas armatas dentibus: cum, inquit

Obferunt.
Phistemed
obs. 67.

ille, *ipsi sensus attestentur nam Microscopij ope, non istis modo (nempe Cochleis) & similibus insectis, sed etiam locustis, gryllis, alijsque suis dentium ordines esse, luculentissime apparet. Sed quam faciliè errare potuerit, si tamen ipse observauit, error alter ostendet in hoc ipso, cum observationem suam obfirmare, intenderet, auctoritate Aetij inter Græcos Medicos non ignobilis. De dentibus etiam Ostreorum (sunt eius verba) iam olim quædam obiter Aetius recensuit; sed nos uberius in Teotomicis nostris differemus. Quandoquidem euoluenti mihi quidquid indicatus Auctor operibus suis complexus est, occurrit in ipso indice legere. Dentes Ostreorum, sed paulo post locum indigitatum percurrens, legi: Dentes Ostreorum testa illustrat, velut sum testis, etiam Buccinorum. & Purpurarum, non solum vi extersoria; sed etiam*


Ibid.

Medic cō-
tract. ser. 2.
de Ostreo-
rum testis.

etiam substantie aptitudine . Neque villo pacto Testacea dentibus armata contendit , sed ad aliorum dentes illustrandos , & maculis detergendos opportunam esse illorum Testam combustam , & redactam in pulverem . Hinc, nescio , quo pacto ante Velschium potuerit Ionstonus pro veritate idem enunciare , eò vel maximè, quòd in Veritatis testem , textum Aristotelis exhibet, vbi Testacea, inquit, nutriuntur more plantarum per poros, & quidem humore dulci .

Atque vt probationes expediamus . Dentes, inquit Aristoteles, generantur, & augentur alimento eodem, ex quo ossa , &

De exang.
aquat l. 3.
et hist.
Anim. l. 8.
cap. 1.
lib. 2. de
Gener. c. 4.



nuere Animantia hominibus , vel tamquam armis ad pugnam , vel tamquam instrumento ad voces enucleandas ; alia ad cibum , atterendum , & digestionì præparandum . Testaceis verò , vt plurimum, attrahentibus per poros nutrimentum , more plantarum, nempe humorem in quo viuunt , otiosi dentes forent ad nutritionem .

In hanc rem singularis omninò est Victoria, quam retulit Cochlea ex Serpente ; cum sentiens, se dentibus illius inuadi, illico intra sua Testæ seipimenta subducens sese, traxit secum, serpentis caput, vi adacti ad mortem in eo carcere subeundam, propterea concelebrata carmine recentioris Scriptoris, post illam

Victo-

In Micro-
scopio
tbl. 40.

dentibus etiam binis fulciri, ut crustata. Ita opinatur Martinus Lister & Microscopio exploratum hoc affert ex Nookio his verbis. *E superiore oris parte Cochlea eiusdem Testa contexta, officulum durum, recurvumque exemi, id mihi visum est figurari in modum dentium gingivis ordine suo dispositorum, inque plures minores maioresque dentes nigros diuidi. Verum unum solidumque officulum erat, quo eam Rosa folijs vesi ipse observavi, atque ex ys lunatas exiguas partes momordisse in modum litteræ maiuscula C. Huius autem officuli pars superior, eius inferiori, & nigriori parte multo albidior est, & minus sinuata, ad oras*

obler. 67.

atysque suos dentium ordines esse, luculentissime apparet. Sed quam facile errare potuerit, si tamen ipse observavit, error alter ostendet in hoc ipso, cum observationem suam obfirmare, intenderet, auctoritate Aetij inter Græcos Medicos non ignobilis. De dentibus etiam Ostreorum (sunt eius verba) iam olim quædam obiter Aetius recensuit; sed nos uberius in Teotomicis nostris differemus. Quandoquidem evoluenti mihi quidquid indicatus Auctor operibus suis complexus est, occurrit in ipso indice legere. Dentes Ostreorum, sed paulo post locum indigitatum percurrens, legi: Dentes Ostreorum testa illustrat, velut etiam Buccinorum. & Purgurarum, non solum vi extersoria; sed

Medic cō-
tract. ser. 1.
de Ostreo-
rum testis.

etiam

etiam substantiæ aptitudine. Neque vlllo pacto Testacea dentibus armata contendit, sed ad aliorum dentes illustrandos, & maculis detergendos opportunam esse illorum Testam combustam, & redactam in puluerem. Hinc, nescio, quo pacto ante Velschium potuerit Ioustonus pro veritate idem enunciare; eò vel maximè, quòd in Veritatis testem, textum Aristotelis exhibet, vbi Testacea, inquit, *nutriuntur more plantarum per poros, & quidem humore dulci*.

Atque vt probationes expediamus. Dentes, inquit Aristoteles, *generantur, & augentur alimento eodem, ex quo ossa, & nascuntur, non ex cute, sed ex ossibus, & habent Naturam ossium, vt patet ex eo, quia sequuntur colorem ossium*. Hinc Æthiopes candicant dentibus, quia ossa sunt candida: Testaceis ergò ex ossibus, neque ad ossa compingenda præparato ijs alimento, sequitur de consequenti illa etie Edentula. Secundò, quia magna copia n aterix pro Testis suppeditanda, nulla pro dentibus superest, vt videre est in Cornigeris Animantibus, ex parte superiore edentulis; nempe vrente Natura alimento, ad cornua efformanda. Ita mirabilis ille Piscis nonnisi magno labore, & industria rarò admodum captus in glaciali Norvegiæ Oceano, quem in suo Musæo Vormius describit; est, ore omninò edentulus, ex cuius parte superiori erumpit os durissimæ candidissimæque substantiæ, ex æquo cum ebure contendentis, in hastam veluti cuspidatam ad longitudinem palmorum decem, productum, vt cernitur in duobus illis pulcherimis in Villa Phamphiliana propè S. Pancratium ab Excellentiss. Principe Romæ asseruatiz, & in alio in Musæo Eminentissimi Ghisij Principis Romæ. Tertiò probatur. Quia dentibus instructa fuere Animantia nonnulla, vel tamquam armis ad pugnam, vel tamquam instrumento ad voces enucleandas; alia ad cibum, atterendum, & digestionem præparandum. Testaceis verò, vt plurimum, attrahentibus per poros nutrimentum, *more plantarum*, nempe humorem in quo viuunt, otiosi dentes forent ad nutritionem.

In hanc rem singularis omninò est Victoria, quam retulit Cochlea ex Serpente; cum sentiens, se dentibus illius inuadi, illico intra sua Testæ sepimenta subducens sese, traxit secum, serpentis caput, vi adacti ad mortem in eo carcere subeundam, propterea concelebrata carmine recentioris Scriptoris, post illam

Victo-

De exang.
aquat l. 3.
in 1. hist.
Anim. l. 8.
cap. 1.
lib. 2. de
gener. c. 4.

Victoriam, illudque certamen Epigrammate eleganter expressum
sic concludentis .

Hipolicus
Grassetti
11 epig 38.

*Rideo Parthorum ingenium, si Cochlea inermis
Sola hostem didicit contumulare fuga .*

PROBLEMA XX.

Cur Fel, Iecur, & Lienem Testaceis nega-
uerit Natura?

Datum est Animali Hepar ad attrahendam ex cibo in
stommaco concocto partem, ad alendum ipsum Animal
aptiorem, & antequam distribuatur illum per membra, debet in
quatuor humores partiri, nempe in sanguinem, flauabilem,
flegma, & bilem atram. Ex parte magis terrea, hæc gignitur,
quemadmodum ex parte magis calida, & subtili flaua bilis ex
frigidiori flegma ex magis temperata sanguis ipse. Utque fiat
hic aptior ad nutritionem depuratur huiusmodi humoribus
attracta à Liene atra Bili, flaua à felle, à venis una cum san-
guine pituita ad humectandum opportuna, si quando nimium
exsiccaretur. Quia verò Testacea nutriuntur, ut plantæ humo-
rem, quasi plene incoctum attrahentes, & aptum, ut conuertat-
ur in substantiam viuientis, quin transformetur in sanguinem,
ad alimentum viuenti præstandum: Hinc Natura hisce mem-
bris frustra instruxisset Testacea. Et qui vellet curiosius hanc
proportionis constantiam inter plantas, atque Testacea exami-
nare, obseruet incomparabilem illam Anathomem, quam vul-
gauit longum studium, studiosaque diligentia Doctoris Malpi-
gi, & agnoscere poterit quam bene sibi respondeant in ali-
mento suscipiendo, animaduertens in summa simplicitate par-
tium exquisitam organorum distributionem fibrarum, neruo-
rum, canaliculorum ad sugendum, concoquendum, ac distri-
buendum alimentum, eamque ex hac animaduersione oblecta-
tionem percipiet, qua delibutum se sentit clarissimus Thomas

Bartholinus; cum ea percepta scriptum reliquit: *In Plantis
quamvis primo aspectu simplicissimo, reuera tracheæ sunt, & aeri
1675. n. 9. inserviunt, alia itidem Vasa, quæ deferendo alimento, & alia quæ
exco-*

excoquendo: quarta denique quæ peculiari succo colligendo inferunt, ut taceam illa quæ superflua excludunt.

PROBLEMA XXI.

Cur Testacea, quæ os non habent, attamen nutriantur?

QUÆsitum hoc ad multa Viuentium Genera extenditur, nempe Flores. Plantas, nonnullaque Insecta, ore carentia, illis tamen Natura modum suppeditauit ad alimentum attrahendum, & ad membra singula deterendum. Communis propterea omnibus responsio aptabitur. Queniamodum ergo Arbores fugant è terra, vel ex aqua humorem nutritium Vitæ, per poros radicum, sic Testacea illa quibus negatum os fuit, conueniunt cum plantis, quæ propterea Plantanimalia appellat Philosophus. Atque hic notandum: Inter Testacea sola Bivaluia, parte hac corporis priuata esse à Natura tamquam superflua, nempe quia alimentum captura erant ex Elemento, in quo nascuntur, fat erat in hunc modum attrahere. Os autem à turbinatis plerumque habetur; Vndè possunt præter aqueum humorem, alium etiam cibum attrahere: Sic vescuntur carnibus purpuræ; piscium quidissimi sunt Turbines dicti *Garagoi* ad escam piscium hamo captati, alia lutum amant, ut *Ballani*, de quibus alibi scripsimus; Marini *Echini* pisciculis, & vermiculis oblectantur, ex fundo maris expiscatis, Quapropter notauit Aristoteles, os ijs infixum extremæ corporis parti *exitum autem excrementi in parte suprema*. Cui hæc ex aduerso semper ori opponatur. Verum tamen est exiguo ea cibo indigere, utpotè exanguia, & idcirco frigidissimi temperamenti, quasi spiritibus destituti. Et quamuis in solum Ventrem, & Guttur fuerit ijs corporis moles aptata, non tamen sunt voracia, imò paucis, quæ sorbent contenta, nonnullaque vitæ degunt ad menses plures recepta, imò verius, suis in Testis sepulta, quin vnuquam ex ijs prodeant ad aliud sibi comparandum.

De part.
Anim c. 5.
num. 10.

PROBLEMA XXII.

Cur Turbinata habeant Operculum ?

EX obseruatione postrema antecedentis Problematis oritur præsens quæsitum ; cui antequam responso satisfiat , obseruandum est : ex tribus Classibus, in quas partiti sumus Testacea , numerosiorem esse Turbinatorum , nempe hac plures quasi subalternas species complectente, quarum singulis Operculum est impositum, Animali congenitum, eique semper infixum, vt ungues carni ; quoties autem intra domum suam se recipit illud claudit, tam benè sibi aptatum, vt vnum videatur corpus, nulla diuisione distractum , non secus, ac multæ Bivaluium species sese concludunt , connexis arctissime in omnem partem , valuis duabus , quibus componuntur . Hinc Aristoteles pronunciauit : *Turbinata Bivaluibus quodammodo assimilantur , quippe quæ omnia operculo quodam congenito carni patula opposito clauduntur .* Qua prælibata obseruatione , causam subdit deductam ex prudenti operatione Naturæ . Cuna igitur Turbinata toto corpore tam diligenter Natura munierit , ne munimento careret pars illa, opificio Testæ commensurata , quæ Ianua quædam est Arcis illius animatæ *presidij gratia* operculum omnibus suppeditauit , quo se munimento conclusa tutarentur .

Consimilia sunt Bivaluibus etiam Vniualuia , non Turbinata, namque licet vna tantum pelta clypeata , hæc tamen semper infixa scopulis est , quæ ex eiusdem Aristotelis Doctrina . Omne Vniualue , sit alieno septo , quodammodo Bialue : Sic vndeque tutante illud Natura, adeò verum est : foetibus quibuscumque, quos in lucem enititur, prouidæ Matris instar, Naturam consulere .



PROBLEMA XXIII.

Cur multa Turbinata, sint etiam cornibus
munita?

MAris Turbinata non pauca cum terræ Cochleis conue-
niunt, & quemadmodum his sese mouentibus, modo bi-
na, modo quaterna cornua ex capite prominent, ita illis eodem
planè modo consultum est à Natura. Borellius, obseruata in-
illarum vertice nigra macula, nihil hæsitans affirmavit: oculum
eam esse, quo viam explorant, per quam possint, sinè impedi-
mento reptare: *In limacibus*, inquit ille, *non solum dentes ac-*
cerrimi, sed & oculi in cornibus ducti. Videmus nigrum eo-
rum ab inferiore cornu parte, seu à cerebro, ad eorum partes su-
premas ascendere; cum moueri cupiunt, & gressum suum diri-
gere, quo cornua conuertuntur; Verùm non videtur mihi hæc
obseruatio necessitatem inducere, firmandi conclusionem, om-
ninò oppositam Aristoteli, qui lib. 3. Animalium, ea diuidens
in oculata, & exoculata, oculos negauit Limacibus: *Habent*
profectò, inquit, *oculos tum cetera Animalium omnia, præter-*
quam Testa intecta, & si quid aliud imperfectum est, ut Talpæ,
Quamuis punctum nigricans in summitate cornua præferant,
non propterea inferendum ex hoc oculos esse, sed potius macu-
las ad ornatum, alioquin dici poterit, plures pisces Argos es-
se, maximè oculatos, quandoquidem perfectissimum Microscopium
eorum pellem ostendit innumeris punctis, quasi pupillis
oculata. Rursum si oculos Turbinatis indulgere voluit Na-
tura, cur eos in extremitate tam remota à capite collocauit?
Summitatibus Antennarum in Nauibus commodari solet, ut
ita dicam, oculus explorator specula prospectans ab alta;
Animantibus suè mari, suè humi degentibus, fuerunt ocu-
li capiti infixi, non cornibus maximè productis, vel immani
proboscide in terram propositi. Quod si oculorum
nomine volumus eas maculas insignire, distorquetur æqui-
uoca nominis significatio, illi oculo propriè accomodata,
cui deest ex Aristotele visua potentia. Hanc in summis
cornibus, suè oculis Cochlearum non residere, euincitur pluri-
bus rationibus, De formatione oculorum in Animantibus

Obseru 98

Cap. 22.

Lib. de
Anim. 1. c.
2. num. 3.

De generi philosophari aggressus Aristoteles, constant, inquit, hi humore eodem, quo Cerebrum efformatur, humore nempe maximè humido; & quoniam post Animalis formationem, paulatim, concoquitur, & exsiccat, hinc est, ab initio cerebrum, oculosque intumescere, & in vitæ progressu imminui, atque ita debitam sibi perfectionem acquirere; iam verò in Cochleis, toto ore, & toto ventre hiantibus, cum cerebro pars nulla respondeat, non potest hæc extendi, ad oculos efformandos, eaque maculæ in recenter genitis apparent vix coloratæ, augentur quidem proportionaliter ad Animalis incrementum, nunquam tamen ut oculi, obtenta debita perfectione, decrescunt.

Ostendit hoc euidenter experientia mihi, Cochleam Echinophoram excorianti num. 19. tertiæ Classis expressam nempe cornua ipsius Callosæ substantiæ, & valde robustæ adinueni: unde potui in illa anathomem perfectissimam gladiolo excerre. Ex cornibus alterum in longitudinem discidi, deprehendique eandem omnino intimam extimamque substantiam, & colorem, quamvis macula, quæ oculus reputatur extremitate, extima infuscata aliquantulum appareret. Non contentus prima obseruatione institi alterum suauiter admodum abraderè, qua parte apparebat macula, seu ocularis pupilla, potuique illam facili negotio abstrahere, non secus, ac colorem pennicillo superinductum, illi substantiæ nervosæ. Atque adeò mihi euidenter factum est; non esse illam instrumentum visus, cum nulla ibi pars, vilo organo instruat, ad visum.

Arist.
Probl sect
1. num. 7.

Ex ipsarum autem motu, certò obfirmari potest non esse oculos. Hi enim pro eodem tempore non possunt ad contrarias partes conuerti oppositas omnino, ambobus scilicet ex eodem principio pendentibus, quod ad duas partes oppositas moueri simul non potest; si verò secus contigerit, malè consultum à Natura fuisset: Nempe multiplicatum appareret obiectum, ut duplicatum apparet, cum ex industria, & per vim oculos distorquamus; quemadmodum duplicatum appareret obiectum digitis duobus actum altero alteri superposito, sicque è suo situ naturali subducto. Iam verò Cornuta Testacea nulla prorsus lege in oppositas partes cornua contorquent siquidem aliquando, ita parallela extendunt, ut si ocularis linea, & directoria protraheretur, nunquam in idem obiectum inciderent, aliquando verò dilatant in angulum, ita obtusum, ut ad puncta distantissima, ac propemodum opposita ter-

mi-

minarēnt, quamobrem diligenter obseruantibus motum ipsarum, manifestum fit, data esse illi cornua à Natura in supplementum manuum, veluti cæco gradum tentanti, & obstaculum, aut periculum itineris exploranti. Duobus enim minoribus cornibus, in ijs, quæ quatuor cornibus sunt instructæ, paulatim reptantes, tentant identidem viam, reliquis verò duobus in aere libratis, & in diuersas partes contortis, certiores fiunt; posse per illud spatium tuto euehere domum, quam humeris baiulant, eiusque ponderi incumbunt, cum eam sustinent, & quidem si in his partibus præferunt sensum visus cur ad eum situm peruenientes in quo possunt impedimentum, aliquod deprehendere, non desistunt à motu, sed audacter in id quod obijcitur inuehuntur, ac si acutissimis sensibus essent armatæ, neque vnquam recedunt, nisi cum sentiunt dariciem, vel solidam lapidis, vel delicatam floris? Neque contentæ in se ipsas se collegisse, ad primum leuissimum eorum attactum, iterum, iterumque ea explorant, euaginati denuo paulatim corniculis, ad motum timentis, & non videntis. Enimuero nullum est Animal, adeò stolidum, vt spontè exponat incurfibus potentiam illam, quam instituit Natura, vt euitaret incurfus; nullum quippe reperias, qui oculis inuehatur in spinas, vt earum puncturas exploret.

Instructæ igitur fuere Cochleæ his veriùs brachijs, quam cornibus, vt ex ijs suppeteret auxilium ad motum; neque his omnes fuerunt instructæ, quamuis vagæ, nec locis scopulisque infixæ; sed illæ tantum, quæ motu progressiuo se prouehunt; cuiusmodi sunt Turbinata, de quibus Plinius. *Omne Turbinatorum genus mouetur, ac serpit*. Præter hæc inquit, Aristoteles, *non desunt complura, quæ cum sint absoluta, mouere tamen se nequeunt, vt Ostrea*, nisi in quantum dilatant, vel claudunt septa duo, intra quæ viuunt, vt alimentum trahant ex mare. De alijs nonnullis, quas Chamas leues appellant, scripsit Plinius vidisse se in gyrum torqueri, quin vnquam à loco occupato recederent, quemadmodum Rotæ firmo axi infixæ quantumuis incitatæ ad motum, nunquam recedunt à centro, super quod sese contorquent.

Iam verò si Turbinatis sese mouentibus, oculos negauit Natura, illorum defectum hisce instrumentis suppleuit, vt possent progredi, seque in se ipsa recipiendo, à contrarijs tueri, quemadmodum sensum olfactus perspicacissimum omnibus

impertiuit, quapropter, si quodpiam eorum aperta Testa-
leuiter tangatur, statim se ab hoste tutari contendit, quem
tamen, si oculos haberet, tam propè accedere non pateretur, sed
in alta illa cornuum veluti specula perlustrans, accessum prohibe-
ret, se claudendo. Imò existimauit Boetius acutissimo sensu
auditus eadem fuisse dotata, quapropter inquit, occultunt sese,
cum litus clamore aliquo perstrepat, vel ingens lapis in mare
deijcitur, vsque adeò inditum est cuiusque viuenti tueri se à
noxiijs incurisibus. Hoc autem sequutura Problemata in examen
vocabunt.

In Scotie
descript.

Tom. 2.
lib. 20.

Hist. nat.
de Coch.
art. 3.

Reliquum esset, hic artexere, quod in sua Cosmographia
refert Teuetus de Cochlea quadam in Germanico Orientali
Oceano inuenta, quæ præter ramosa cornua, vt cerui, duobus
oculis, colore viuacissimo colucentibus, erat instructa; sed
quoniam Ioultionus, illam, aut fabulosam existimauit, aut ma-
ris monstrum, ab illius examine, & censura abstineo, contentus,
eam suo loco subijcere oculis inter alias de qua sententiam fe-
rant curiosi indagatores prodigiorum Naturæ.

PROBLEMA XXIV.

Cur vocem non edant.

Omnium in mari viuentium proprium est: non posse vocem
aliquam edere, & quamuis pisces nonnulli vocales dicantur,
ipsi tamen vocem non edunt, sed quemdam quasi sonum, seu
stridorem, cum partes aliquas mouent, quibus eos instruxit
Natura ad attrahendam aquam, vel euomendam. Testacea ta-
men, quemadmodum, & omnia Crustata, omninò sunt muta.
Refert Strabo, speciem quamdam Nilum incolere, quæ *mugitum*
edit; sed ad veritatem illius Historiæ conciliandam satis est,
id experiri in Testis quorundam Turbinatorum, mugitu quo-
dam, horrorem incutiente perstreptentium, cum vel ad bellum,
vel ad venatum sono vocis humanæ instantur. Ex duplici au-
tem causa Testacea, vt alia quæcumque in mari Viuentia, sunt
muta. Primò enim vox ex Aristotele in aspera arteria effingi-
tur, cum aer ad respirationem attractus ex pulmonibus, impetu
excluditur; quæ autem pulmonibus egent, carent arteria, nem-

De Anim.
lib. 2.

pè

pè officina ad vocem elaborandam . In Testaceis totum corpus, in guttur, & ventrem extenditur, sinè pulmonibus, & arteria; non ergò possunt vocem vllam inflectere. Pulmones illis non indulsit Natura, quia cor negauit, ab ijs refrigerandum, temperato calore sanguinis, ex nouo aere attracto; neque aspera Arteria dotauit, quam Animali impertinit, ad aerem pulmonibus attractum introducendum. Secundò, quamuis essent instructa organis vocem formantibus illam edere non possent in aquis non admittentibus congruam illam aeris agitationem interpositam inter corpus percutiens, ac percussam, quæ voci formandæ, necessariò inferuit, vt clarius sequenti problemate. Animalia autem aquis sepulta peculiari aliqua refrigeratione, indigentia, quia non sunt exanguia, aerem non respirant, sed aquam. Atque huiusmodi sunt pisces, alia quia exanguia, ac propterea vix indigentia minima respiratione ob imbecillitatem caloris refrigerantur abundè humore illo partibus intercutaneis ingesto per poros, quibus sunt peruia, atque huiusmodi sunt Testacea.

PROBLEMA XXV.

Cur careant Auditu?

SEntiant omnes communiter cum Aristotele, Animalia in aquis degentia sub aquis audire, quod in quarto Animalium euincere, non vna ratione contendit ab experientia, deprompta, nempe ex piscium fuga ad strepitum Remorum, aquas impellentium: ex ipso incondito sono, qui editur ex industria ante piscatum, ad eos in retia congregandos: ex Delphinum præda, quos iam inter retia conclusos Piscatorum clamor propellit in litus, vbi vinciuntur captiui; ex alto silentio in alijs piscatibus indicto, ne vel leui sono pisces fugentur. Nonnulli tamen acriter in Aristotelem sic inuehuntur. Ad sensationem auditus, & ad formationem soni necessariò requiritur agitatio aeris intercepti inter corpus percutiens, & percussum. Quoniam verò hæc agitatio fieri non potest sub aquis, hinc cleri non poterit sonus, multoque minus audiri. Indè fit, vt si in fundo maris duo corpora percutiantur, quamuis ex metallo

De sensibus c. 8.

maximè sonoro elaborata non percipitur extra aquas sonus quemadmodum non auditur ingentium Ancorarum rumor; cum mari iactæ, saxa fundum implentia contundunt. Neque intra aquas audiri potest, quid extra illas agatur, nempe corpore densiore, aqua scilicet reperiuntur impulfum aeris agitati, nec potentis vltra procedere, sed in se ipsum reuerti. Atque ex Testimonio expertissimorum piscantium vniones, corallia, aliasque maris gemmas, innotuit hoc ipsum, referente Cassendo: ad altitudinem pedum sexaginta immersos aquis in Galliæ portu non percepisse tonitrua bombardarum è nauibus explosarum, propterea negandus est incolis aquarum auditus cum frustanea sit potentia illa, quæ nunquam ad proprium actum reducitur.

Lib. 4 sect.
1. c. 11.

Inter hoc recensendus est Cassendus, qui obiectis difficultatibus hoc pacto satisfacit. Ad reuerberationem remorum fuggiunt pisces non quia rumorem percipiunt, sed quia vident oculis agitari; vel tactu percipiunt vndantium aquarum impulfum, ita solet tonitru Silueum timore concutere, quia ex aeris refractione peculiarem aquæ commotionem impertit. Hinc sæpè non se fugæ committunt ex vocibus colloquentium, vel propè litus, vel in ipsis nauibus; subtrahunt tamen sese, ad leuissimam supremæ aquæ agitationem. Idemque Cassendus refert Lucium, extremæ aquæ innatantem non se subduxisse ad strepitum piscatorum, sed tunc solum quando ad eum prædandum cum silentio appropinquabant. Fabulosa propterea existimat, quæ narrantur de piscibus viuario conclusis, nempe audito campanulæ sonitu ad cibum accurrisse, vt celebris illa Crassi Muræna illum captans ex ipsius manibus cum vocaretur. Quod si hæc vera sint contingebant, inquit ille, quia piscis, aut cibum allicientem conspiciebat, vel quia ex aliquo aquæ motu admonebatur; quo pacto surdus, cæcusque famelicus manum cibo admoneret si præuio signo quopiam non semel percepto illum excipere assueuisset.

Dial. 1.

Iactis hinc indè in contrarium opinionibus ancipitem diu fuisse me fateor de Aristotelis sententia donec illam experientia animo penitus obfirmavit. Innotuit illa mihi ex curiosis Dialogis Donati Rossetti, in quibus dum eruditos sermones interse commiserent Ederimegorus, Oligetes, & Pandetes, interroganti huic; an sonus intra aquas perciperetur, affirmatiuè respondit Editemegerus, & experimentum attulit à se factum in mari,

im-

immersus aquis ad mensuram circiter semicubitalem, expertus sum, inquit, audisse me quidquid nescio quis sine vocis contentione discurrerebat, cumque longius aliquantulum à superficie aures applicuisssem ad poplitem loquuri; cubito, & semi aquis immersi, voces alta voce prolatas percipiebam; inclinata tandem aure ad pedes illius, motum aquæ, & sonum quemdam confusum excipiebam. Atque hoc experimento inter colloquendum inserto, concludit, sub fluidis corporibus audiri, formarique posse voces, quia fluida omnia possunt, ut aer crispari, & vndare, mensura tamen singulis proportionata corporibus, quandoquidem sicut in aere ad magnam distantiam vox non auditur, nec sonus, ita in alijs liquidis intra sphaeram, cuique commensuratam, sonus, aut vox propagabitur. Hinc manifesta fit ratio: Cur Piscatores vnionum à Cassendo relati, non perceperint tonitrua Bombardarum, & cur Anchorarum, iactus super lapides non sint auribus explorati, Experientia certum est: si quis ære campano personuerit inter aquas, extra illas sonitum exaudiri non leui tamen discrimine propagatum ac sonus in aere editus, ob corpus magis densum, per quod sonus effunditur. Quamobrem videtur mihi euinci posse in mari degentibus, & in aquis otiosam non esse potentiam auditus; cum possit illa ad actum suum redigi. Nullum de hoc dubium superest in Delphino Vituloque marino, nempe in ijs manifestè prodente se organo auditus interiore, ut notauit Rondeletius; sitque hoc clarius ex signis ab eis editis, cum illicijs allecti toto capite extra vndas porrecto, itinerantes naues comitantur. Non ita de alijs piscibus philosophandum, nempe in ijs non apparente instrumento auditionis, ut apparent organa odoratus. Multo minus id in Testaceis toto corpore imperfectis, & referentibus rudem potius, ac indigestam carnis massam, quam corpus organicum. Probabile tamen existimauit Aristoteles 4. Animalium; tali organo pisces esse instructos; cuius argumentum est, quod se arenis contumulant, cum ferrum admouetur, quo capiuntur. Ego tamen explorata non semel hac veritate nullis illa mallei tussionibus supra vicina saxa, potui exterrere, nequè deprehendi, ea ad illum strepitum se intra sua septa recipere, ac restas claudere. Sed tunc solum cum leuissimo etiam paleæ tactu tangerentur. Negato itaque ijs auditu, perspicacissimo sensu tactus ad noxia, & contraria effugienda, Testacea instruxit Natura,

Lib. 3. c. 3.

Cap. 8.
B. 24.

De Anim.
l. 3. c. 17.

Addi, & illud potest, non ad simpliciter esse, sed ad melius esse Animalis, vt philosophatur Aristoteles, sensus, auditus, visus, & odoratus fuisse à Natura concessos, quamobrem ij non omnibus debebantur, sed illis tantummodo quæ motu progressu incedunt, scilicet his ad alimentum sibi quæritandum progressuris, & ad ea effugienda, quæquæ eorum destructiuum molirentur, exploranda erant etiam è longinquo obiecta, ad quæ accederent, vel à quibus recederent. Et quia distantia obiecta solus percipit sensus, vel auditus, vel odoratus, vel visus, hinc dotata his tribus fuere Animalia progredientia, non verò immota, vel se vix mouentia, qualia sunt Testacea, degentia sub aquis.

PROBLEMA XXVI.

Cur Testæ Animatæ nullo sensu sint præditæ?

Testam esse Animatam, nemo potest ambigere; eandem enim semper figuram seruare proprietas est corporum virtute organica præditorum, quæ in solis residet Animatis, in quibus in gratiam alterius, Anima operatur; Arbores, Flores, & Herbas, esse animatas argumento est, peculiaris illa figura, per quam discriminantur ad inuicem. Ita in Cochleis septum illud Testaceum est animatum, quia sicut ossa in nobis, ita illud totum simul eas circumuestit, eademque semper figuræ lineamenta præsefert. Hoc supposito curiosum est inuestigare: cur vita Animalis viuens, & nutritione crescens, sensu tamen omni destituatur.

Sensus omnis ex Aristotele sensum tactus supponit, quo deficiente, deficiunt etiam gustus, auditus, & visus, Testis ergo tactu carentibus, quantumuis animatis, nullus alius sensus est assignendus. Eas tactu carere, ostendit experientia; si enim pungas, tundas, igne torreas, nullum in ijs sensationis signum experieris, vel occlusis Binaluibus, vel accelerato motu in Turbinatis, nisi quatenus offensa ipsum afficit inclusum animal; Qualia sunt in alijs viuentibus sensitiuis ossa, talia sunt septa in Testaceis, nempe vtrisque sensu carentibus, ex parili vtrobi-
que

De Anim.
c. 12.

que ratione, quam affert Aristoteles; Constat, inquit ille, Tañus temperamento quodam, & mediocritate tangibilium qualitatum; cum autem Ossa, sicut & Testæ, sint nimis terrea, adeoque à mediocre temperie, tañui necessaria, nimium distantia, hinc vtraque tañu sunt destituta.

Examinandum tamen superest: quo pacto, & qua via communicetur Testis alimentum, vt crescant? Curiosus hanc indagandi, inueni facile in Biualuibus, ac ferè in Vniualuibus omnibus non Turbinatis. Partibus enim viuientis in eorum singulis adhærentibus Testis, non secus, ac fructus, & siliqua fabæ inclusus, vel domui suæ testudo, dubitari non potest, per eam viam alimentum corriuari Testæ, vt crescente Animali, crescat & ipsa Animalis testa, eiusque bono commensurata. Dubitanti tamen mihi; num in ipsa etiam Turbinata corriuaretur, conatus est omnem dubitandi rationem auferre Scriptor, inter Recentiores non ignobilis, affirmans: horum etiam l carnem testæ inhære in profundiore parte Cochleæ, quæ spirarum centrum nuncupatur. Quia tamen in ferenda sententia de corporibus naturalibus, consilia petenda sunt, non ex mente sola, vel propria, vel aliena, sed in consultationem, & ipsi sensus vocandi, summo studio, semel atque iterum institi, vt hunc arceissimæ coniunctionis nodum deprehenderem, & inspectis ad vltimas fibras multis Turbinatis specie diuersis, in vna tantum potui illum detegere, solusque mihi obuiam fuit nexus ille, qui in Ovo putamen Vitello maritat, intercepto humore illo, quod albumen vocatur. Hinc non amplius anceps fui quin affirmarem in Turbinatis, nullo alio nexa copulante Testam cum Animali, nisi humore viscoso ex illius poris exudante, humore ipso Testam nutriri, sese ad existentiam Animalis accommodante. Neque à veritate absonum videtur addere: ipsa maris aqua, quasi lacte, ea enutriti, docente experientia: Arbores longè magis excrescere irrigatis aqua ramis, quam alimento ex Terra per radices attracto, quod planius fit in Corallis, fucoque marino erumpentibus videlicet ex durissima silice hisce plantis, nulla prorsus radice infixis, solaque maris aqua per poros vndequeque attracta enutritis,

PROBLEMA XXVII.

Cur Testacea , terræ Vegetabilibus non ab-
similia , nec viua , nec mortua odo-
rem vllum diffundant, vt
Plurima Vege-
tabilia?

Non absimilia Vegetantibus in terra esse Testacea, alibi cum Aristotele adnotauimus , nomen propterea Plantanimantium sortita. Iam verò , quamuis ad firmandam similitudinem inter duo , non requiratur perfectissima , & vniuersalis proportio inter ea omnia , quæ possunt ad inuicem affirmari ; ex eo tamen , quod sint affixa loco , ibique alimentum attrahant , necessarium ad vitam , & ad incrementum , dici possent Plantis non dissimilia . Non erit tamen abs re hic indagare , cur nullum vquam reddant odorem , vt plurima vegetantia ?

Probi. sect.
13. art. 4.

Problema fuit hoc ab Aristotele ventilatum disquirente : cur ex nullis speciebus Animantium suæ Aquatiliū , suæ Terrestrium odor vllus emanet ? Quamobrem prodigij loco censetur solam Pantheram suæ quoddam olere , reliqua Animantia alliciens ad sese ? Supponit igitur primò . Foetorem in Viuentibus ex cruditate alimentorum incoctorum prouenire , probatque assertum primò , quia sudoris excrementum in agrotis nonnullis , *male olet , vnde morbo maximè vitiantur , quibus tales esse non solent* , non alia sanè de causa , nisi quia in sanis corporibus sunt sufficienter concocta , non verò in infirmis . Hac suppositione , sibi veluti instrata , progreditur asserens , Animalia omnia , quæ carne constant , aut corpore , carni æquiparato , vt Pisces , Testaceaue , vtpotè humido affluentia , non posse aliqua excrementa satis abundè concoquere , atque ex his , dum viuunt , foetorem exhalari , & quidem graueolentiorē , cum post mortem putrescunt . Hinc pellis , & ossa humore carentia foetent nunquam . Hinc plantæ , vt plurimum nil graue olent , vel quia excrementis destitutæ , vel quia constantes calido , ac
sic-

siccò tēperamento, ea concoquente, quin potius, odoris, & aridis qualitatibus dissuunt, quibus pretium fecit hominis avaritiæ intenta ad eas in Syriam vsque, & Arabiam Regiones Sole, & calore torrentes, inquirendas, & per Orbem vniuersum dispartendas.

PROBLEMA XXVIII.

Cur diutiùs quam Pisces extra Aquas
viuant?

Piscibus Elementum Aquæ alimento est, vt cæteris Animalibus Aer. Inde fit, vt Pisces, vix aquis extracti intereant; sicut Aues aere priuatæ. Conueniunt cum Piscibus etiam Testacea, quæ tamen non tam citò moriuntur, sed ad dies aliquos vitam protrahunt nempè ad quadraginta, vt Ionstonus imò, vt alij testantur ad 50. vt Purpuræ. Vel quia succo suo aluntur, vel quia humorem imbibunt ex mari, ad eam mensuram ex Vornio, vt possint ad tantam dierum longitudinem vitam extendere, quod tamen è contrario deberet accidere, cum certissima Aristotelis obseruatione constet: exanguibus Animalibus breuiorem esse vitam, quam sanguine præditis: (mole tamen corporis aliquando in ijs supplente defectum sanguinis) Ratio eiusdem est, quia ad longiorem vitam protrahendam requiritur humidi pinguisque temperies, qua carent Exanguia, quare si apes, licet exanguis, diutius viuunt, quam alia nonnulla, prouenit ex hoc alimento humido, ac pingui, quod exugunt ex melle; Testaceis ergò exanguibus deficere prius deberet Vita, quam Piscibus, quibus sanguis per venas pleno amne decurrit. Nihilo tamen minus, sicuti verum est in aquis diutius viuere, quæ sanguine affluunt, quam quæ carent, ita veritati consonum est extra Elementum illud minus vitam protrahere. Duabus, vt ego arbitror rationibus potest veritas ista fulciri, quas antequam proferam, supponendum: Vitam consistere in temperie debita humidi, & caloris, vnde mascula Animantia, vtpotè fœminas calore excedentia, vitam in longiùs prouehunt, nec secus, ac in Rubro mari, calore feruentissimo, ad immanem magnitudinem excrescunt Testacea.

De longi-
tud. vitæ
pac. 5.

Arist. ibid.

De respir.
c. 10, n. 7.

Huic ergò Basi innititur ratio; quam primo loco attulit Aristoteles dicens, hoc euenire, quia Exanguia temperamento minus calentia minore indigent refrigeratione, exigentibus illam in maiore copia ijs, quæ sanguine abundant, nempe calore in ijs potentiore ad humidum, quo constant absumentum, atque hoc deficiente, sequitur corruptio. Depromi potest alia ratio ex ijs, quibus satisfacit quæsito Philosophus, cur Palmæ, Cupressus, aliæque robustiores plantæ diutius uiuant, quam Animalia sentientia? nempe: *quia habent pinguedinem, & viscositatem, & sicca, & terrestres existentes, tamen non habent facile siccabile humidum*. Hinc si quæ non facile consumuntur, nec facile corrumpuntur, manifestè infertur Testacea extra aquas uiuere diutius posse, quam pisces, utpotè magis imbuta qualitibus humidis, & viscosis perfectæ exiccationi resistentibus magis, tenuissimo calore lentè humidum exiceante.

PROBLEMA XXIX.

Cur Echini, seu Marini Erinacei Dentes habeant, & Oua, numero quinario disparia?

Cap. 9.

DEsumo Problema istud ex Philosopho lib. 4. de partibus Animalium, quod quam facilè perceptu est, tam obscura videtur mihi responsio, quæ ipse sibi facit satis. Supponit ipse nonnulla, quorum primum est. Echinorum Oua, quamuis dicta, reuera tamen Oua non esse, sed pinguedinem quamdam ex bona nutritione genitam; Secundum; Animalia omnia Ostreacea in aliquo corporis latere Oua gestare, Ouis Echinorum non absimilia: Tertium, habere hæc in se ipsis figuram sphericam, ac tandem non posse Ouam gestare, quod continuo toto corpore diffundatur, eique aptetur, sed quemadmodum reliqua Animantia, multa Oua in aliqua corporis parte gestare. His suppositis respondet problemati; cur Echini edant Oua quinario numero imparia, quibus possit Pentagonus delineari, si ex vno ad aliud extremum lineæ ducerentur? Sic ergò discursu progreditur?

Sphericum esse debet Echini corpus; Oua ergò gestare
de-

debet numero imparia. Ergò cum id commune omnium sit, proprium autem illius, nempe Echini, ut globi speciem gerat, oua numero impari sint necesse est. Probat autem illationem, quia si numero essent paria, cum sint ita rotunda, deberent totidem in uno, ac in altero latere gestare, in ambobus ergò lateribus essent Oua, sed non debent in ambobus gestare, ut secundo supposito præmissum est, debent ergò numero imparia gestare. Iam verò: tria esse non possunt, quia nimium essent diffusa interse, nec debent quinarium excedere, quia continuatum Ouum efformarent, & quodammodo unum, inquit Aristoteles ergò, &c. Atque ex hac illatione, ita obfirmata refert proportionem, quæ Oua inter, Ventres, ac Dentes Animalis debet intercedere, quamobrem nec quinarium excedunt, nec numero minore ab eo recedunt.

Intimas rei fibras, altius perscrutarer, Aristotelis ratiocinatione non omnem mihi dubitationem auferente, nisi planè persuasum haberem, immediatam nonnullorum effectuum causam nullo pacto posse innotescere. Excedit humanam intelligentiam ignauiaë mancipatam, D. Augustinus, inquit, & quam sublime sit, suis è lateribus veritatem ex rerum causis eruere, nobilissimus Virgilij versus testatur: *Felix, qui potuit rerum cognoscere causas*. Quamobrem sicut frustraneo labore quaeritur: cur trifariam partita sit, frons omnis herbae, quæ trifolium dicitur: & cur flores nonnulli quinque, alij verò sex folijs vestiantur, ita omnem ingenij conatum eludit, indagare: cur gestent Echini Oua, quina diuisione partita. Melius profectò veritatem detegit, qui dicit, quinarium implere, quia neque quatuor, neque sex, voluit esse Natura, quo pacto Ouidius Decumanum fluctum describens, inquit.

Posterior nono est, undecimoque prior.

Naturæ opera indagantes, neque omnia debent ex incuria, prætermittere, neque singula ex merito scrutari, & quando nil melius occurrit, ac suppetit pro ratione, & causa esse debet, illam, ad ostendendas rerum suarum affluentias ex ideis, & ararijs suis opulentissimis, ea depromere, quæ ad Mundi ornatum, ex tanta partium varietate conflatum possit abundè conducere.

De Chinæ
Dei 1702

Georg. 21

PROBLEMA XXX.

Cur Turbinatis Cochleis Auri admotis, videatur sibi quisque Maris susurrum excipere .

CRedula nimis facilitate circumfertur , ipsum maris susurrum aure percipi , Turbinata Cochlea auri admota quasi hæreditaria proprietate intonent ipsæ Testæ non secus, ac ex odorata radice fructus suauissimè olens, ab aliquibus plantis progignitur . Vulgaris planè error vera reputans, quæ per sensus apparent non ante ad examen vocata ; qui vt ab omnibus deprehendatur, satis est indicasse , susurrum huiusmodi non exaudiri solum admotis Cochlearum Testis , sed quocumque alio corpore, aurem occludente , sic docente quemlibet experientia . Ad causam huius effectum afferendam, distinguenda sunt duo genera corporum potentium huiusmodi susurrum ciere . Vel enim concauum, & inane est corpus, vel tale, vt aliquo pacto possit externam auris Cochleam occludere , impedita sensatione, auditus ? Si Concauum , & multo magis Turbinatum est corpus, vt Cochleæ quamplurimæ, enuncio auditum susurrum, esse sonum reflexum, vt in Echo , in Concauo corpore editum ex aeris percussione, qui semper agitatus contorquetur , & ex interna ipsius corporis superficie reflit , aut aeris illius , ex aure ipsa transpirantis , quæ transpiratio vix reuocari potest in dubium, quamuis enim inter Cochleam internam , & externam Auris nulla detur communicatio apparentis meatus (errante Alemeonte , vt notat Aristoteles , cum docuit , Capreas respirare per aures ; cum hæ sint organa ad audiendum fabricata, non ad respirandum) Cartilago tamen quæ in tympanum extenditur anibas diuidens Cochleas tenuissima est, maximèque porosa, vt reliqua omnia corpora, ex quibus propterea, vt notat Hypocrates, continui emanant effluxus sensum effugientes ; per illam igitur Cartilaginem potest halitus aliquis transpirare ex partibus internis transmissus .

Confirmatur hoc . Quia tympanum potest diffringi non
so-

solum impetu externi aeris violenter nimium agitati, quam obrem magnus sonus aurem obtundit, sed etiam ex Aere interno, quando non potest hic consueta facilitate, per poros Tympani transpirare. Idem Vrinatoribus contingere solet sub aquis non valentibus totum aerem internis viscerum cavitatibus inclusum, ore exhalare, aer ipse continetur non sine magna violentia muscutorum non distantium ab aure habente magnam affinitatem cum Ore; atque ex hac violentia excitatur calor nouusque halitus ex partibus calefactis, qui aditu non patente, neque per os, neque per aures, partem debiliorem infringit, nempe Tympanum, per cuius poros in exigua satis mensura potest exhalari. Ex hac pariter traspiratione prouenit susurrus si quocumque tandem corpore aurem obturante, traspiratio illa impeditur, & quidem eo maiore susurro, quod densius est ipsum corpus; sic obturata aure lino panno non duplicato, vix aliquis sonus percipitur, multus tamen, ac magnus, si, non semel complicatus pannus illam occludat.

Atque ut hoc planus fiat, sciendum est: in ipso auri organo externae Tubae, seu Cochleae, internam aliam Cochleam, e diametro collocatam respondere, & in huius vacuitate contineri aerem innatum, quo quamuis immobili ex sententia Aristotelis, ut melius fieri possit sensatio auditus; (quemadmodum in oculo, ut visio fiat, nullus debet color inesse, qui species inficiat ab obiecto transmissas, alioquin adulteratum obiectum aliam a sua formam indueret) attamen quia etiam aere ventis agitato sonum percipimus, existimo cum non paucis, immobilitatem aeris ab Aristotele assertam, nihil aliud significare, nisi continui aeris effluuium, cavitatem illam aeris implens, non potente sonoro corpore percipi, per auri sensationem, nisi detur spatium aliquod aere oppletum, utpote opportuno medio ad sensationem, quamuis aliquam crispationem, & undationem excipiat intra Cochleam praedictam contortus ex impulsu impresso ab externo aere in contiguum tympanum, aut per continuum aeris eiusdem effluuium corruatum per canaliculum palato Animalis infixum; cuius argumentum est sicca tussis, quam percipimus, cum aures irritamus, scilicet compressus aer internus versus asperam arteriam se proripit, & auri Orificium vellicans, prouocat tussim.

Quod si ille aeris motus non semper aure percipitur contingit id ex maiore sensatione ab alijs sensibilibus potentiori

bus

2. de Anim.
c. 8.

Probl. de
voce, & so
no se. 11.
c. 19.
De Cælo
3, c. 19.

bus proueniente; cuiusmodi sunt ea omnia corpora quocumque modo perpetuò commota, ac propterea, vt obseruat Aristoteles, *voces melius audiuntur noctu, quam interdum quia cum Sol omnia moueat, noctes solent esse quietiores; & alibi dicit: sonum non discernimus nisi comparatione facta ad silentium.* Pari ergò proportionem in re nostra: Agitatus internus aer, tunc fiet auditui sensibilis, quando externi sensibillioris sensatio remouebitur, & quia sensatio huiusmodi tunc impeditur, cum auris corpore aliquo occluditur, prouenit exindè quicumque tandem ille sit susurrus, eò maior, quò magis organum auditus obtunditur.

Sic oscitantibus nobis, internus quidam veluti boatus percipitur, neque tunc externus sonus clarè exauditur, non quia externa Cochlea sit obturata, per quam percussus aeris propagatur motus, vsque ad auris tympanum; sed quia spiritus ore excitatus claudit orificium canaliculi ex interno organo prouenientis, & aerem etiam conclusum comprimit, quo exitum frustra querente, & continua alterius aeris respiratione agitato, non antea exauditum murmur effingitur. Neque ergò in Cochlearum Testis excitatur susurrus ille, quasi illis indita sit maris proprietates, continuo susurro immurmurantis.

PROBLEMA XXXI.

Cut in Plenilunijs sint pinguiores.

LVna incremento suo omnium clausorum maris Animalium, atque Concharum membra turgere iubet, metaphoricè quidem, sed verissimè pronunciauit Palladius; cum verum sit, quod ex Græcis versibus Oppiani retulit Lippius.

----- *Cum Luna impleuerit Orbem*

Fama refert proprio plenos pinguescere testo,

Sed cum multiuagæ decrescunt cornua Luna

Diminui graciles, tali sunt lege coactæ.

Hinc notauit Isidorus: Conchas, & Cochleas inde vocatas esse, quia deficiente Luna cauantur, idest euacuantur, & minuantur. An benè illata sit nominis etimologia in examen vocet, cui per tempus vacat; abundè mihi est pro veritate

id

id asseri, & obfirmata veritate, rationem esse indagandam. Neque facile est, eam primò intuitu deprehendere; quæ enim, Lunam inter, & Cochleas intercedit relatio? Quamobrem pinguescente veluti Luna debeant, & ipsæ pinguescere? Non crescit Luna incremento molis, & globi, nec maiori vnquam, aut minori lumine clarescit, cum semper pro medietate corporis, seu æqualem lucis exuberantiam excipiat, sed inflexo ad nos radio, Luna se spectabilem præbet, & pro maiore, vel minore apparentia, dicimus, illam modo incrementa lucis, modo decrementa, ac detrimenta subire.

E contra Cochleæ, vero incremento pinguescunt, non quidem Testæ, nunquam imminutæ, sed caro intra Testacea septa conclusa, quemadmodum pinguescunt reliqua omnia Animantia, quæ perfectò modo nutriuntur.

Nullò solidæ rationis fundamento asseritur à nonnullis illas turgescere ex copiosiore tunc temporis alimento; cum enim illud habeant semper in promptu, neque excitato nouo aliquo motiuo innato appetitu Animalis, opinandum est, quocumque tempore pro sui necessitate, consuetam alimenti portionem illas attrahere. Probabilior videtur, & accommodata, etiam Testaceis, Aristotelis ratiocinatio, inquirentis: cur Echini in Plenilunio turgescant. Hi nempe frigidissimo temperamento constantes, utpotè exangues, ut pinguescant, non solum indigent cibo, sed calore; & quia cum dicimus Lunam, incrementa lucis accipere, augetur etiam lucis reflexio, & intendi necesse est, ex luce ipsa reflexa calorem, qua de causa, dixit Aristoteles: quemadmodum Sol singulis annis Hyemem, & Æstatem discriminat, ita Lunam in singulos menses huiusmodi varietates efficere, & auspiciatissimam esse Testaceis frigidissima humorum temperie compactis, sentientibus propterea Solis beneficium interdù, & quidem æstate intensius, Lunæ verò noctu plenilunij calore ipsi dem acceptissimo: addit propterea prouenire hinc, *ut æstate potius ubique vigent, præterquam in Pyrensi Earipo.* Pugnans tamen contra Aristotelem rationes nonnullæ, atque in primis Concharum perfectior est Constitutio mensibus intensiore frigore hyemantibus, non æstiuo calore feruentibus; neque certum omninò est: Lunæ lumine augeri calorem, itaut Viuentia aquis sepulta tantam exinde vtilitatem percipiant. Et quidem serenioribus noctibus plenilunij, intendi frigus experimur. Existimauit Plinius, Lunam esse

De part.
Anim c. 3.

De rerum
varietate
l. c. 37

De qualitat.
rer. lib. 6.
sect. 1. c. 14.

quoddam inferiora Viuificans, quamobrem dixit: *Hoc esse quod terra saturer accedensque corpora impleat, abscedens inanet: idèd cum incremento eius augeri Conchilia*, Cardanus dixit, id accidere. *Quoniam tunc aqua, & Limus, quibus vescuntur, attenuantur, & concoquuntur: idèd melius nutriunt, & calor tunc in illis augetur, quo fit, ut duplici causa pinguescant.* Examinandas alijs per otium relinquo prælibatas rationes arridente interim mihi, ratione Cassendi. Idem omninò ille dubium mouit, & conatus reddere manifestas, in multis Naturæ opibus illas, quas occultas qualitates vocamus pronunciauit, non aliam ob causam in Plenilunijs pinguescere Cochleas, & similia, humido temperamento constantia, nisi quia Luna, quam supponit corpus maximè humidum, copiosius illis nutrimentum suppeditat, atque hoc effunditur in inferiora; cum solis radij ex Lunari Disco terram versus reflexi, possunt secum particulas illas humidi superficialis conuehere, quæ in ipsa Luna existentes, alterantur à Sole; itaut Lux è Luna diffusa sit mistum quoddam ex calido, & humido, ac propterea prolifico, & apto ad nutritionem. Totum hoc obfirmat ex eo quod experientia, compertum fit, à calore non tantum Solis, sed etiam ignis, medio aliquo liquore, quasi vehiculo alteri corpori communicato, vel per refractionem procreari effectus mirabiles alterationum diuersarum. Quapropter porosa, & spongiosa caro Conchyliorum imbibitur tali humore, ad nutrimentum maximè opportuno. Hinc Alcmannus Poeta confingens Rorem Lunæ filium, cecinit.

Ros Iouis, & Luna vt soboles gratissima nutrit.

Hinc septimo Saturnalium Macrobius perpendens: cur Lunæ lumine carnes putrescant? Respondet: afferens Quæstionem Plutarci, tertio Conuiualium dicentis: prouenire ex humido suprabundanti genito ex illo Planeta incrementa maximè suscipiente; addens arbores ipsas, crescente Luna, vel plena præcisas, utpotè humore nimio prægnantes, stuppæ instar mollescere, ac tineas admittere.

Atque hic opportunè mihi accidit, rationem afferre, cur tantæ effimientur Conchæ nonnullæ, colores varios pro temporis varietate induentes. Non quidem ex Sympathia, aut connexionione cum Luna, ut aliqui imaginantur, hoc prouenit, sed ex humiditate, plus minutifusè colores adulterante, & quidem, magis accensos, si humectentur, ut pallore quodam exangues, si arescant magis.

PROBLEMA XXXII.

Cur Pigra stolidaque Animalia sint
Testacea?

Pigra sunt ea omnia Animalia, quæ temperamento suo plus aquei terreique imbuerunt, quam ignei, & aerei; ubi enim minor copia sanguinis, ibi copia minore fuerunt vitales spiritus, qui ignis instar viuidiore, magisque actiuas efficiunt partes viuentis. Testaceis ergo exanguibus, atque aqua, ac terra genitis piger motus, lentæque operationes sunt inditæ: adde: ijs animatam illam domum, semper baiulantibus, ex illius pondere tardari motum velociorem, ut plurimum, in vermibus liberè euagantibus; neque pernicitatem Piscibus inditam, debuit Cochleis impertiri Natura; earum enim, quamplurimis plantarum instar vescentibus, attracto alimento per poros non debuit imponi necessitas progrediendi ad victum quæritandum, neque ut piscibus dari debuit illis effugium per motum, quo se proriperent ab insidijs, & voracitate potentiorum; cum intra sua septa habeant in promptu effugium, ac tutamentum.

Ex eadem inopia sanguinis prouenit stupiditas illa, qua illis obruitur Phantasia. Atque ad hanc veritatem elucidandam arridet mihi, quod docet Philosophus, ubi quærit, meliorne censendus sit sanguis tenax, & pinguis, calidus tamen? An subtilis, & frigidus? Responderque hunc magis conducere ad potentias sensitiuas, atque intellectiuas; illum verò ad robustiora membra effingenda; atque proportionem consimili id asserit de humore illo, qui in exanguibus Animalibus, correspondet sanguini, sanguineorum. Hinc oritur inter Animalia exanguia ingeniosiores esse plerisque Apes, cum in his, loco sanguinis disfluat subtilis humor, quamobrem concludi potest: stolidas esse Cochleas; quia in his humor sanguini respondens, minùs subtilis, aqua, ac terra conflatur, continens solos spiritus potentes eas animare. Cur autem sint cerebro vacuæ, parte inquam, in qua residet Phantasia sensitiua inducens ad operandum, ea afferri potest ratio: Cerebrum inest Animantibus abundantibus sanguine, cum enim ipsum frigide

De part.
Animal.
lib. 2. c. 1.
art. 2.

De part.
Animal.
c. 7. n. 6.

sit attemperatum , necessaria refrigeratione per sanguinem adsparguntur ; quo refrigerio non indigent exanguia Animalia ; cum abundè hoc ijs suppetat, vel ex aere , vel ex aqua , in quibus degunt ; propterea carent cerebro , scilicet parte illa , in qua residet perfecta Phantasiæ potentia, quæ reddat eas sollicitas ad operandum .

PROBLEMA XXXIII.

Cur Cochleæ Testa non exuantur,
vt Crustata ?

Lib. 37. de
varietatib.

Crustatis à Cardano attentè observatis , quæ mollescunt aliquando superiore parte Dorfi , & inferiore durescant (quod equidem argumentum est : nunquam hanc exuisse) atque contra Testaceis æqualiter vndeque Testam durescere , dubium mouet ipse : Cur vt Crustata, ita & Testacea septum non exuant ? Rationes tres affert in medium . Prima : quia Testaceis vita breuiore peryodo definita , tempus non suppetit ad multa spolia sibi compingenda ; quamobrem , ea quæ ijs nascentibus est pro incunabulo , pro sepulcro est morientibus . Secunda , quia renouata Testa Crustatis tollitur ijs magnum impedimentum ad motum , illius pondere retardatum . Quapropter consuluit illis Natura, longa crura compingendo, quibus conatu incumbentia, vterentur tanquam vestibus ad leuanda seipsa in motum , è contra Testaceis vix repentibus nullius impedimenti est Testæ pondus , imò in ijs ad se tuendum munimentum habent , sicut fuga sibi consolunt ipsa crustata . Tertiò loco asserit ad Testam commutandam requiri , illam perfectè exsiccare , & separari à partibus humidis Animalis inclusi ; id quod faciliè euenit in Crustatis, quæ Crustam arido temperamento habent ; difficilè verò in Testaceis ; & prius quam Testa sufficienter exsicceretur, moritur Viuens eam inhabitans .



PROBLEMA XXXIV.

Cur Ballanus fulgore quodam splendeat?

INter maris prodigia, nulli secunda est lux, quam ex se ipsis Ballani effundunt. P. Achanasius Kircherius in suo Mundo subterraneo, dicit: Humorem ipsius sparsum inter tenebras videri igneam pluuiam, & experimento à me sapius inito, vidi splendescere, luce non absimili fulgori Lampyridum quidquid humore illo fuerat aspersum. Non tamen innata est Ballanis lux ista, ut corporibus alijs non paucis, & Viuentibus tum maritimis, tum terrestribus non fuerit impertita. De cornu affirmat hoc Aristoteles, & de fungo; & scimus, emissam aliquando ex dentibus, linguis, oculis, visceribus, pectore, brachijs, capite, & capillis hominis; Item ex Leone, Equo, Tauro, Lupis, Canibus, Vulpibus, & Serpentibus, & qui curiosus esset, noscendi casus non illepidos legat eruditissimum Librum, quem de Luce Animalium scripsit Thomas Bartolinus: Nobis à mari non recedentibus scire satis est: Dominum de Monconnijs vidisse, in Musæo Domini de Flans Rupellæ Piscem, qui dicitur Luna maris magnitudine cubitali, qui mortuus fulgore coruscabat, & refertur etiam à Gesnero, & Rondeletio: De Dactylis loquens Plinius, inquit; *His Natura in tenebris, remoto lumine, alio fulgore clarere, & quanto magis humorem habent; late in ore mandentium lucere, in manibus, atque in solo, ac veste decidentibus guttis.* Idem confirmat Lipsius.

Lib. 1. p. 1;
c. 7.

Lib. 2. de
Anim.

Tom. 1.
Itiner pag
437.

De lunar.
pisc lib. 15
de pisc. c. 7.
Lib. 9. c. 68

Dactylus illustrat radiato lumine Pontum.

Suppositus mensæ, lumine mensa nitet.

Idem D. de Monconnijs, asseruauit ampullam plenam humore ex ijs expresso, qui per noctem integram coruscavit; cunisque voluisset illum ad stillicidium vocare, lux euauuit. Dominus de Viu scribens ad Dominum Auzout, asserit, inuenisse in Ostreis, & Microscopijs explorasse tria genera, seu species Vermiculorum: *Prima fuit albida, habens utrinque singulos 24. aut 25. pedes bifidos, ex vno capitis latere apparebat nigra macula. Dorsum simile Anguille exuijs denudata. Scunda rubra, cui sunt plurima plicæ in dorso pedes non absimiles*

In diars
erudit. 31.
mart. 1666

prio-

prioribus, oculos in capite vnus. Tertia species variegata, habens caput simile soleæ, multosque cirros pilorum albicantium, à lateribus, Priores duæ species ex materia constant facile corruptibile, & vertuntur in materiam glutinosam, & aquosam, quæ decidens ex Testa lucebat spatio viginti secundarum. Eiusque lux erat violacea non absimilis sulphuri accenso. Obseruauit insuper tunc Vermes illos coruscare, cum Ostrea excussa, ipsi deciderent, & irritatos, vel lucem non effudisse, vel quasi momentaneam breuique illo spatio, vna cum luce vitam deficere.

Vidit Cardanus in spinis nonnullis piscium in mari Britanico Scotiæ lucem, & carboni accenso confirmilem ad quinque dies fulgore protractum Georgius Margrauius narrat de Pisce, quem Brasilienses Iurucapebam appellant, seu Itaiaram; de Crustatis Leo Allatius, qui ad Licerum scribens, dixit: ad illorum lucem potuisse characteres legendo percurrere. De Rubri maris Ostreis Ælianus refert, & de Pisce, quem pulmonem dicunt obseruauit Bellonius, de Lucerna verò cecinit Lippius.

Est mihi Lucerna piscis, quod lingua resulget.

Si noctu aspicias, lumina vera putes.

Et Malatesta.

Opusc. de
pisc c. 3.

*Questo quando d'estate più serena
Splende la notte, e l'onda più tranquilla
Vibra la lingua sua, da cui balena
Un fulgor, che su'l Mar spesso sfauilla.*

Delphini oculos in confirmationem Oppianus assert, & de nonnullis immanibus Cætis Olaus Magnus, quorum oculi in circumferentiam cubitorum decem extendebantur, & de pupilla vna ex ijs, quæ rubrum, & flammeum colorem referens à longè in tenebrosis temporibus inter undas veluti ignis accensus piscantibus apparet. De Sarmatica Cochlea præter Tenetum, testatur Pereus.

Lib. 21. hist.
nat. sept.
c. 5.
Per-lib. 14

Iam verò tam prodigiosæ lucis causam inquirens præfatus Bartolinus, confutat reliquas, quæ à multis circumferuntur rationes. Atque in primis cuilibet contradicit, qui dum lucem, ab Animalibus emanantem, tanquam miraculum admiratur, eiusque Auctorem Deum solum esse sibi suadens, excludit ab eius consortio Naturam. Secundò loco contradicit agnoscanti huiusmodi effectum à Cælo; cum hoc sit causa extrinseca vniuersalis, & remota, potens disponere corpus inferius, illudque
alte-

alterare, remoto humore impediēte, quemadmodum ex Plinio nouimus, plantam Nictetretum diebus triginta exsiccata, ad Lunæ lucem fulgere; & lucem commodare, ut euenit in Bononiente lapide minerali. Neque subsistit Georgij Reischij doctrina, asserentis lucem animantibus communicatam ab igne; hoc enim posito, posset ut ignis extingui ab aqua. Itaque in examē vocat: An immediata lucis huiusmodi causa sit putredo, ut asserit Aristoteles; quamobrem multa ligna pisciumque nonnulli non lucent, antequam putrescant. Et Galenus: *Equidem vidi*, inquit, *Columbarum stercore, ob putredinem accensa arsisse*. Idem de Lan pyridibus Esichius affirmat. *Lampyrus est animalculum, ex stappa, seu sarmentis natum sine dubio propter putredinem antecedentem*. Verum ita philosophando, obuium non est explicare modum, quo ex putredine oriatur splendor. Existimant nonnulli gigni ex calore atque humiditate; nempe hic excitatur ex humidis densisque corporibus, sicuti frumentum ac fenum incalescant facilius, si humescant, quam si exsiccantur. Quare docet Varo, in curandis equis ne ungulas comburat sterces in stabulis cauendum est. Verum hoc sustineri non potest; si enim in causa esset putredo, videremus in omni parte pinguis corporis putrefactioni obnoxij lucis generationem; & quia nobiliorem seipsa effectum causa generare non potest, inquit Bartolinus: propterea ex putredine lux oriri non potest. Putredo igitur id solum efficit, ut in sua principia resoluta composito, vel ad minimum à stricta partium vniōe laxato, latentia luminum semina ob elementorum missionem, suppressa quidem non genita libertati suæ reddat, quo pacto à putredine seiunctis partibus alicuius compositi insecta non pauca ex ijs seminibus antea semisepultis generantur; propterea non ex quocumque misto inest propria mistura apta ad splendorem. Multò minus id dici de Bellanis potest, quia illorum humor, antequam putrescant, coruscat, imò ijs corruptis, corrumpitur Lux.

Excitatur aliquando flamma, & lux, ex attritu duorum corporum, ut ex calyce cum filice, & ex arboribus vento agitat, *mutua dum inter se ramis stirpesque teruntur*; nempe motu illo excitata in flammam spiritosa substantia, sic confrictis equis, & ex eorum pelle sublatis fuliginosis excrementis, porisque cutis apertis, euaporant spiritosæ partes in scintillas, quemadmodum etiam ex Felis pelle. Ita in puella quadam, inquit, Faber obseruasse se dum pectine crinem euolueret, deci-

Lib. 10.
marg. phi.
los. tact. 2
c. 10.

Lib. de af-
fect misto-
rum lib. 2.
de morb.
De Lampi-
ridum ge-
nerat.

Lib. 2.
c. 3.

Lucret. 1. 5

Pall. sparg
c. 14.

duas

duas in eius sinu scintillas, quasi cadentes stellulas; quo portento Puella perterrita, deliquium subito passa est, mox animo erecta, ubi ab eodem Fabri portenti causam excepit. Verum, hæc etiam causa extranea est, neque afferri pro Ballanis potest fulgurantibus, etiamsi nullum patiantur attritum.

Suppono propterea quod asserit Bartolinus in singulis corporibus lucem aliquam contineri, concludique à generante, seu producente congenitam, quemadmodum in silicibus, inquit Virgilius.


Encid. l. 6j

*Queruntur semina flammæ.
Abstrusa in venis silicis.*

Quæ pro opportunitate loci, temporis, & conditionum se prodant (prætermittam hic quæstione, utrum actu, vel virtute, flammæ, illa contineatur) & nono Problemate idem Bartolinus asserit hanc observasse, vel in ipsa maris aqua, ex qua educto strophio, aquis immerso, noctu erumpebat fulgor; quod ipsi argumento fuit, in ea imbibitum esse humorem oliginosum, sulphureum, falsumque facile abeuntem in flammam, qua de causa dixit Aristoteles: Aqua Maris difficilius ignem suffocari.

Seç. 23.
Probl. 15.

Inditis ergo, & immistis saxo; quo generantur Ballani nitrosi sulphureisq; spiritibus, quod eninci potest ex eo quod ferro in frustra concisum, mineralem odorem exhalat quasi cornu in igne vti: dicendum est, Ballano ipsi immistos esse huiusmodi spiritus, eodemque aquis educto, & sublato impedimento densi, & frigidi ambientis, eos facile erumpere, & quia ex constitutione Naturæ facile concipiunt ignem, vel ex tenui calore aeris, per quem transeunt, vel ex motu ipso, quo transpirant, accenduntur, & lucent, eo pacto quo super cœmeteria, & cadauera pendentia ex patibulis, ignis ille apparet, qui à Meteorologicis dicitur: *Ignis fatuus, & ignis lambens*, compactus fumositatē subtili, & exhalatione viscosa, ex ratione consimili accensa splendenteque.



PROBLEMA XXXV.

Cur in tanta colorum varietate, Cochleas picturantium, Cæruleus nunquam appareat?

Color, vulgò dictus Cyaneus, vocatur etiam Ultramarinus, vel quia, ut existimat Brasauolus intensior est illo, qui apparet in mari tranquillo, vel quia ultra mare quærendus est, ut placet Falloppio. Imò à Latinis dictus est Cæsius, & Cæruleus, ut notat in Commentarijs super Martialem Perottus, ex eo fortasse, quod cum cælellis substantia appareat, vix in terra, nunquam, vel rarissimè reperiatur in mari. Verùm quæcumque tandem sit nominis Echimologia, illud certum est, millenas inter Cochleas, & Conchas; quas ex diuersis maris sinubus potuit mihi expiscari amicorum industria, & amor, & ex omnibus quas in tot Musæis inspexi, asperfas maculis, variegatas, tessellatas, infectas tinturis innumeris, fascijs, & coloribus pigmentatas; nullam vnquam depræhendi, quæ se ostenderet, Cæruleo picturatum. Quamobrem rationabile dubium me occupauit, ac impulit ad indagandum: cur color huiusmodi, neque in Conchis, neque in Mari appareat.

Non me latet indagare Naturam, Originemque colorum esse: omnium *Philosophiæ partium difficillimam*, ut Scaliger adnotauit: temerarium tamen non est, circa id philosophari; cum non sit impossibile scitu, id totum, quod est difficile exploratu, atque ut alibi diximus: sterilis est voluptas contemplandi Naturæ opes, ubi ad illorum causas indagandas non progreditur ratiocinatio. Igitur antequam ad Officinam coloris, cærulei iter infernamus, ne à recto tramite aberremus, obfirmanda sunt nonnulla, quibus altero veluti pede possimus consistere, altero felici tramite ad terminum vique progredi. Reiecta igitur primò, ut falsa sententia Epicureorum, atque Athomistarum, qui in absentia lucis, negabant esse corpora colorata, assero cum Perypateticis: colores luce quidem detegi, non tamen semper luce generari. Sunt hi sæpissi-

Apud Bernard. Cæsius de mineral. l. 2. sect 5. n. 29.

Sect. 315.

Contra Card sect. 20.

De color
pars. 2. c. 14.

Lib. de co-
lor. c. 4.

Seç. 18.
Probl. q. 31

mè qualitas inhærens, permanens propriaque rei coloratæ . Propriam dixi, ac permanentem , cum aliquando accidentalis sit ex diuersa commistione proueniens , atque ex mera dispositione, partium diuersa , color vnus abeat in alium , omninò oppositum, vt in præclara experientia , tunc adnotauit Boiles , cum per vitrum abrafo nigro osse in stamina tenuissima distracto, illorum massa apparuit alba , non secus, ac papyrus ipsa, & cæruleus puluis, flauo commistus , in viridem colorem euasit . Aliquando etiam accidentalis est , quia agente extrinseco potest faciliè variari . Ita mutatur color in Calybe, igni attemperato , abiens ex auro ad rubeum , ex rubeo ad violaceum . Ita admotis igni Conchis Pectinibus : præclarissimis coloribus infectis , vidi ego, colores euanescere , & purpurinis, flauis, & violaceis substitui colorem pallescentem , & cinereum . Qua de causa Aristoteles innuens colorum materiam : Porro, inquit , *quæ tinguntur omnia colores à tingentibus sumunt , multa enim floribus è terra nascentibus, & radicibus tinguntur, & corticibus, & lignis, & folijs, & fructibus ; præterea multa terra , multa spuma , multa & atramento ; quin etiam nonnulla Animalium succis , alia vino , quadam fumo, alia lixiuio , multis mari , ceu pili maritimarum ; etenim hi à mari rufi euadunt ; & alibi , ultimi huius effectus causam inquirens, dixit : Vtrum, quia mare sua salsugine calidum & squallidum est, tale autem quodque pilos conficere rufos potest, vt lixiuia, aut auri pigmentum .* Vt nono capite aduertimus, de coloribus in vniuersum loquentes . Atque mutationis huiusmodi fiunt in coloribus, quibus delibuta est sola superficies , vt inductione fructuum, calore Solis, ac tempestate maturescen-
tium, ibidem adnotauimus, & in ipso calybe, vt viola colorato , manifestè apparet, si per medium frangatur. Aduertendum secundo, colorem permanentem proprium, vt in gemmis, quem semper videmus rubrum in Pyropo , viridem in Smaragdo , cæruleum in Sapphiro , prouenire præcipuè ex admistione humorum materiæque vniuersæ, quibus componuntur, aut aluntur corpora colorata, vel sint Mineralia, vel Gemmæ, vel Glebæ, vel Vegetabilia, vel Animalia .

Quæ autem sint magisteria , alterationes , concoctiones , viresque Naturæ , in hoc opere nobilissimo pingendi , diximus arcanum esse solis Angelorum intelligentijs peruium , cum tot ipsa, ac tam varia sint gradu numero, & excellentia, quàm multi colores discoloresque tincturæ sunt , quibus creatæ substantiæ

apparent infectæ. Posse tamen à nobis principes causæ agnoscî, quibus Natura vitur, tanquam officinatoribus ad corpus omne coloribus imbuendum. Persuasum sibi voluit Paracelsus, idque in examen vocans, iuxta artis chemicæ magisterium, agnoscendo in rebus omnibus tria celeberrima chemicæ principia hypostaticæ: Salem, Sulphur, & Mercurium, scilicet Salis nomine spiritum acidum corrosivum; Sulphuris verò spiritum siccum, ac penetrantem, ac tandem pro Mercurio, vaporem humidum, ac tenacem docuit: *colores omnes ex sale prodire; quandoquidem Natura colores protrahit ex sale, cuique speciei dans illum. qui ipsi competit, tandemque concludit: itaque quippè rerum omnium corpora cognoscere vult, huic opus est, ut ante omnia cognoscat sulphur, qui desiderat novisse colores, is scientiam istorum petat à sale, qui scire vult virtutes, is scrutetur arcana Mercurij. Sic nimirum fundamentum hauserit misteriorum in quolibet crescenti indagandum, prout Natura cuilibet speciei ea ingessit.*

Alij figuram corporum Sali tribuentes, ut dictum est Problemate XIII. colorandi facultatem proprio sulphuri tribuunt, hoc est alteri ex principijs componentibus mista, in quæ singula possunt resolui. Neque fallax meo iudicio est argumentum ab experientijs depromptum, atque ne alibi exposita, iterum prodeant in scenam, audiamus Chemicos philosophantes ad experimentum Feburij Chemicæ Angliæ Regis, qui: *salem Tartari lixivium, eo usque prouexit, ut in vitrea cucurbita sublimando, altè exurgens germinatissimam vnam (si colorem exceperis) mira similitudinem referret. Quid ergò mirum (ipsi dicerent) si vna cum Vux figura, Vux color non gignitur? Pender hîc ex sulphure, illa ex sale. Primum maximè spiritosum subtileque ad omnem segregationem, vi ignis effectam, se subtrahens, totum evanuit in tartari calcinatione, alter verò constans parte magis terrea, ac pingui subsidit in cineres.*

Si ratiocinationem hanc longius protraherem, extra propositum argumentum abducerer, neque cursim Auctorum sententiæ in diuersa distractæ exigi possunt ad trutinam. Imò, ut aduertit P. Bartolus: *Impresa dalle più celebri Academie de Letterati, che hoggidî fioriscono sarebbe: l'applicar concordemente per alcun tempo l'ingegno, e la mano intorno à questa sola specie di lauori, che tutta è della virtù formatrice de sali, facendone ogni possibile varietà di sperienze rettificata, e sicure. E ne habrebbe il Mondo non senza gran merito, e pari gloria degli Autori,*

Del Ghiac
c'ò f. eticu
22. 21.

vna delle più splendide, e misteriose parti della Filosofia naturale.

In re nostra satis est scire: Colores multos ex Salibus proficere, quod curiosis experimentis intimè prospexit Boiles. Percurret noscendi cupidus eruditum tractatum, quem de coloribus inscripsit; cum ab instituto meo maximè alienum sit ab alijs euulgata in paginas nostras transfuehere, sed illud solum, inquirere, quod alijs, vel menti non accedit, vel calamo non excidit, nempe: cur cæruleo colore non appareant Cochleæ pigmentatæ? Antequam cominus rem attingam, præmitto id quod contra Paracellum Boiles idem aduertit: Nempe, vniuersalia principia ad obfirmandum veritatem indagatam, inniti experientijs non posse, adeoque sales non sufficere ad generationem colorum, cum hi, pendeant à Natura corporum singularium, quæ pinguntur à salibus quod euidenter ostendit, quando vno eodemque spiritu acidi salis flores nonnulli crocei coloris subalbum induerunt, & croceus flos Rubbiæ euasit in rubrum. Sic eadem vi exsiccatiua ignis colore rubeo lateres imbuuntur, cinereo lignum, croceo plumbum, ferrum violaceo, quod Sancto Isidoro argumentum præbuit existimandi colores perfici potius calore, quam generari, ideoque ait *Colores dicti sunt quod colore ignis, vel Solis perficiantur.*

His prælibatis, quasi ex limine progrediar ad examen coloris cærulei. Apparet hic natiuus in Fructibus, Floribus, Herbis, Liquoribus, Animum Pennis, atque Lapidibus, non tamen in testis Testaceorum, saltem non in eo gradu tincturæ exuberantis, vt in Floribus, Pennis, Lapidibus; atque, vt hoc arcanum Naturæ intimè perscrutetur pulcherrimus est in Saphiro, Orientali gemma, quam Indi Calecutani, Cananores Zeilani, & Peruani, apud quos generatur, Nilam appellant; apparet in lapide Zaphirino vulgò dicto Lapislazulo, aut Turchina. Atque huiusmodi lapides, teste Plinio Theophrasto, & Discoride Auctoribus eruditi finis, & accuratis Naturæ indagatoribus, gignuntur in Metallorum fodinis, ac præcipuè cupri, auri, & argenti; quod adeò certum est, vt Agricola signum infallibile dicat auri, vel argenti ibi esse, vbi cæruleus apparet in terra. Et quia Zaphirinus auri, vel argenti venis semper internitet, Mesues illum inter stellatos lapides numerauit. Ità in Silesiæ Oppido, quod Golderbergum à vicino monte auri ferace dicunt, perfectissimus gignitur. Propè Cyprum in cauernis, maris impetu excavatis refert Agricola vna cum feracibus metalli venis gigni.

Iam

Exper. 27.
28.

Lib. 19.
vulg. c. 71

Lib. 7. de
re metall.

Iam verò si in solis metallorum Fodinis, & non alibi generantur lapides, cæruleo illustrati, dicendum consequenter est, inesse ibi materiam, aptam ad colorem hunc producendum, cui à raritate pretium augetur. Existimavit Agricola huius generationis materiam esse metallum ipsum, & cæruleum tunc gigni, quando spiritus aliquis salis acidi, & corrosivi illam corrodit, & quemadmodum inquit ille, *si succus vehementer acidus conclusus circumsteterit æris materiam ipsam erodens eruginem efficit*. Ad cuius generationis experientiam Natura nos excitavit dicimusque conficere tam eruginem rasilem quam cæruleum. Atque ut hoc dilucidè appareat, digna sunt, quæ in Theatrum dedit experientia, varijque modi, quibus ars extra fodinas tam illustrem colorem comparat sibi. Et primò quidem extrahitur ab argento, si argenteæ laminæ Mercurio prius immerse ponantur in vase, una cum sale ammoniaco in quantitate non exigua diluto aceto, ita tamen, ut laminæ non sint vasi immerse; mox obturato per dies aliquot vase tumuletur sub stercore equino, ut Cardanus docet, ipsdemque tandem è stercoreatio illo tumulo erutis, eradatur Tartarum illud, quo apparent circumæstetæ, quod aqua pura ablutum, postquam igne prius incaluit, in cæruleum, nigrissimum transit. In arte vitraria alij sibi comparant Mercurio, Sulphure, & Ammoniaco sale, igne calcinatis, quo usque cæruleus fumus euaporet. Conficitur nigrissimus æris æruginè, una cum Ammoniaco sale, sterquilino sepultis, & quidem mihi contigit id obseruare, quod postea adnotatum ab Aquilonio inueni, nempe æris æruginem aceto acidissimo, & ammoniaco sale ebullientem, cæruleum induere, & viriditatem suam omninò deperdere; gignitur etiam ex laminis æris, infusis oleo ex Calchantho, urinæ spiritui immisto; aqua ex viua calce sale ammoniaco diluta, intra vas Æneum collocata cæruleo colore tingitur. Laet, qui hoc docet, addit: per elambicum distillatis floribus Anthemidis, una cum spiritu Terebinthi, salis ammoniaci, & aquæ in vase æneo apparere innatans aquæ oleum simile oleo ex saphiro, eumque colorem ex sale ammoniaco prouenire, qui ex ære sugens colorem, oleo commiscet. Igitur ex his omnibus experimentis, & artis industrijs argui potest absconditum magisterium Naturæ, cuius peritia, vel in eo maximè sita est, ut scitè applicet actiua passiuæ instituta verò quamuis præ manibus habeat rerum causas ipsi ignotas, effectus quamplurimos arti interd-

Lib. 2. de
ortu caus.
subterr.

Lib. 5. de
subtil.

Agr. c. 1. 9.
de nat.
fossil.

Optical.
prep. 39.

Laet. 1. 2.
de gem.
c. 43.

dicit, qui ex diuersarum rerum applicatione resultarent. Quamobrem sentiendum est, ad generationem cærulei in lapidibus, requiri semper combinationem materiæ metallicæ, salis acidi, corrosiui, & potentem calefactionem, vel ea fiat vi ignis, vel spirituum sulphureorum, & salnitrosorum in opportunis circumstantijs calorem faciliè concipientium; atque hoc ita obfirmato, statuitur Opinio Vvillis, affirmantis ex sulphuribus pendere colores. Iam verò si ex terra nos transferamus ad mare, hic sinè dubio frustra inquisitio fiet de colore cæruleo in lapidibus, & in septis Testaceorum, quæ conueniunt in pluribus cum lapidibus. Si cæruleus lapidum necessariò supponit metalli alicuius generationem, vt ex adductis experimentis constat; in eo certè metallo requiritur calor penetratiuus materiæ dispositæ, potens illam concoquere, fermentare, & in metallum tingere ad mensuram dispositionis, quæ inest metallo, in quo operatur. Atque hic calor à Chemicis dicitur Sulphur, quo nomine iuxta mentem Aristotelis intelligitur vapor ficcus, & spiritosus, qui etiam Auripigmentum dicitur à Gebro, & sequacibus, vt aduertit Falloppius. Et quia hoc sulphur non reperitur in Elemento Aquæ, humiditate, & frigiditate sibi congenita illud dissipante, ac penitus extinguente, excludit etiam ab Elemento illo generationem omnem metalli, adeoque tincturam omnem cærulei in corporibus, vasto illo Elemento absconditis.

4. Meteor.

De re metal. c. II.

Verum quia apparet ex dictis spiritus acidus, corroden-tes, & salfos conducere plurimum ad cærulei tincturam, quandoquidem ex qualitate metallicarum defectu fieri non potest in mari tinctura exuberans saphiri, examinandum superest: cur saltem in gradu magis remisso gigni non possit in mari, vnde- quaque acido, & salnitroso, adeoque Testaceorum feraci, qualis apparet in fructibus nonnullis, in plurimis floribus, & in varijs auium pennis.

Parem explicatæ quæstioni difficultatem patitur dubium hic propositum, atque intimè inspectis vastissimis officinis, in quibus qualitates, quas occultas dicimus, vtpotè intelligentiæ nostræ non perceptibiles, operantur magisterio artis ratiocinationem nostram eludentis, subscripsissem, manusque deditsem Aristoteli, vbi dixit: *Quemadmodum Vespertilionum oculi se habent ad lumen diei, ita intellectum anima nostra ad ea quæ omnium sunt manifestissima se habere.*

Metam.
c. II.

Re-

Referunt sæpè corpora omnia proprietatem Solis, eò magis luce sua imperiij obtutibus, quò magis peruia oculis illa est; Iam verò si cæcutimus in Sole, vt quidde coloribus iudicarem? Prouidentissimè constituit Deus, humanum ingenium supra se, & supra omnia eleuatum deprimi pondere ignauix suæ, quam experitur maximam, vel in quouis exiguo Naturæ opere, etiam cum illud aggreditur exertis omnimodis conatibus philosophandi.

Magistra tamen experientia, vel in nubilo, & in tenebris multa dignoscimus. Hæc autem docuit me, cæruleum quemlibet ex aliquo minerali metallico expressum; comparari semper, tum ab Arte, tum à Natura, medio aliquo corpore falso, & acido: sicut autem verum est hisce corporibus comparari; ita verissimum est in alio quocumque corpore destrui ab his colorem huiusmodi. Mihi hoc manifestè innotuit cum diuersis quatuor liquoribus, acido, falso, & corrosiuo, nempe succo mali limonij, aceti, vrinx, & aqua ex salnitro confecta. Singulis adpersi vno eodemque tempore, mox seiunctim particulam Bombycini cærulei, pennam colore cælesti nitidissimam, exiguam quantitatem Indici, nempe succi ex herba Gasto, cum modico pulueris cærulei, quem communiter Encaustum dicunt, conflatum in officinis Vitrarys ex laminis æreis. Iam verò ab hisce corporibus salis, & corrosiuis, destructus omninò fuit cæruleus proportionato tamen temporis interuallo pro minore actiuitate cuiuscumque, præterquam in Encausto, qui suum semper colorem retinuit imò nitidiorem imbuat aqua forti immersus, quæ vtpotè vehementior, cæruleum consumpserat in penna, in Indico, & in Serico. Eandem Metamorphosim in Floribus obseruauit Boiles, cum repetitis experimentis edidit: violæ cæruleæ succum mutari in rubrum ex salibus acidis, Experim,
nempe ex salis spiritu, calcantho aqua salnitrosa, aceto, & salibus volatilibus Animalium nempe ex spiritu cornu ceruini, vrinx, salis ammoniaci, & sanguinis, quemadmodum etiam ab alijs salibus alcalizatis color ipse viridis transformatur. 201

Supererat examen liquorum, qui cæruleo imbuuntur à corpore aliquo, nullo adiutore metallo. Quando autem mihi ex proximo comparabam voluptatem illam, tunc perceptam, cum experientix magisterio edoctus intellectus, aliquid de nouo addiscit, inueni illam mihi comparatam à præfato Boile, didicique vrinx sale suffuso, colorem flauum aquæ impertiri, quæ

Art. mag.
luc. l. 1. c. 3
Nic. Mo-
nard. lib.
simpl. ex
Indic. 6. 17

quæ antea ex calchantho cærulea apparebat. Præclarior visa est mihi aquæ transformatio cæruleo infectæ ex ligno nefritico mirabili. Mexicani, apud quos nascitur, dicunt illud Coathl, ac Zlapazathi, & præter Kircherium dicit Monardus illud ipsum quod ego conspexi, nempe, infusum aqua dimidia hora post iniectum lignum, aqua cæruleum colorem contrahere, qui sensim intruditur pro temporis diuturnitate, tamen si lignum candidum sit. Hanc inquam aquam vidit Boiles flauum contrahere modico aceto infuso; mihi autem limpida prorsus apparuit, ut antea, cæruleo penitus euanescente, immixtis paucis guttis spiritus salnitri. Non contentus primò experimento Boiles, aquam illam elambicco distillauit, quæ limpida egressa in elambiceo fundo nitidum cæruleum subsidentem reliquit, sed eodem acido aspersa, flauum repente contraxit.

Ex his omnibus accidentibus, ac transformationibus obseruatis in cæruleis coloribus, quibus fuere imbuta panni, flores, herbæ, liquoresque, videor mihi habere præ manibus argumentum sufficiens causæ, cur in Testaceis non appareat color huiusmodi? Non solum hæc sale maris sepulta sunt, sed conflata ex materia multiplici salsa, nitrosa, acri, & corrodente, tam in testis, quam in carnibus, videlicet plena qualitatibus oppositis generationi coloris huiusmodi ex raritate sua pretiosissimi, possunt autem solum apparere ijs omnibus coloribus picturata, quibus non contradicit, imò maximè confert spirituum salnitralium Natura. Interroganti verò. Cur hanc potius, quam aliam speciem induant coloris, siue ex sulphuribus, siue ex salibus, fatisfacere responso allato à Boile, accuratissimo omnium indagatore Colorum Naturæ, nempe; *Responsum dare, quod satisfaciatur meum ingenuè fateor incaptum hactenus supergreditur?*

Experim.
40,



PROBLEMA XXXVI. & Vltimum.

An à Cochlea Venerea, quam Echeneidem,
seù Remoram dicunt, possit Na-
uium cursus retineri.

OMnes conueniunt: Viuere in mari Remoram, quam Græci *Echeneidem* à retinendis nauibus dicunt, Latini verò *Remoram* à *Remorando*. Non omnes tamen in eius descriptione conueniunt. Mutianus post narrationem Nauis à Perianthro expeditæ, vt in secunda parte relatum est, in medio cursu, seù improuisò retentæ, dixit, prodigiosum hunc effectum tributum fuisse, vni Cochleæ, quam ipse Muricem appellat, verum dum asserit: *eam latiore purpura, neque aperto, neque rotundo ore, neque in angulis producente rostro, sed simplici Concha utroque latere se colligente*, inde arguit Rondeletius, fuisse Veneream, descriptam à nobis num. 231. Claf. 3. Plinius cum narrasset: Lib. 3.
Nauigante Antium versus (nunc Neptunum dicunt) Caio Cæ- C. 7.
fare Caligula in triremi, quam remiges quadringenti impellebant, addit: *cæpit stare nauigium*: cumque plurimi sese præripuissent in mare, ad causam tam improuisi euentus inquirendam: *circa nauim pisciculum inuenere adhaerentem gubernaculo, ostenderuntque Caio*, & alibi: relata mora nauis Antonij pugnantioribus eius suppetias ferentis, dicit: *Qui tunc postea videre*, de eodem pisce loquens, *eum Limaci magna similem dicunt*. Affirmant alij cubitum magnitudine excedere, & Aristoteles eum esse ex genere Piscium inter saxa viuentium.

Dubium omne ex animo abrafisset, si figuram illius, & lineamenta adumbrasset. Verùm fuerit hoc neglectum, vel ex incuria, vel ex imperitia, nobis ille cæco quodam modo est indagandus; atque in tanta euentuum diuersorum varietate, nil aliud certè nobis afflatur nisi. Remoram pisciculum esse, tanta vi præditum, vt torporem, ac moram iniicere ingentibus etiam nauigijs possit.

Parua Echeneis adest, mirum! mora puppibus ingens,
Cecinit Ouidius, euentum adeò insuetum admiratus, sed non.

ultra progressus est ad discutendum . Vtrum euentus ille veritati innitatur, & quo id pacto possit contingere ; Plinius existimat non posse rationem asserri, eumque effectum, *sponse suæ* occurrere, *immensum potentia occulta documentum* . Scaliger etiam occultè id tribuens qualitati, dixit, Temerarium esse illam inquirere . Quemadmodum enim terra in centro consistit Mundi, *ponderibus librata suis*, Cælum verò sua semper vertigine circumfertur ; ita quibusdam corporibus inest potentia mouendi, vt in magnete ferrum mouente ; alijs verò inest principium quietis impertiendæ, inter quæ Echeneis recensenda est, quo pacto piscatoris manum torpedo reddit immobilem, quamuis non illam attingat . Quod si non quæritur : cur frigus opponatur calori : ita inquirendum non esse ; cur corpora habentia in se principia motus, & quietis, alia motu impellant, alia quiete sistant . Detur totum Scaligero, negare tamen ille non poterit : haud frustra inquiri : Num piscis huiusmodi possit has vires exercere ; dum non ita omnibus obuium est, ab eo naues sisti, quemadmodum calorem oppositum frigori certum est apud omnes .

Apud Ges-
ner. de
aquat. l. 4.
Lib. de
Aquat.

Gillius curiosus indagator Piscium Naturæ, de Echeneide loquens : *Echeneidem*, inquit, *non vidi, neque ex quantumlibet infinitis percunctatus sim, quemquam piscatorem inuenire potui, qui hunc ipsum hæc tate viderit* . Adamus Lonicerus abiit in eandem sententiam, additque (an apud se verum deputauerit : an verò ad ingeniosè disputandum sibi reseruauerit incertum) stetisse Periandri, & Caij Cæsaris naues, Remora detentas, præfagium fuisse euentus futuri ; quamobrem stetit altera, inquit ipse, *tamquam indignum indicante Natura homini id quod conseruationi ipsius donatum esset auferri* .

Altera verò quia eadem Natura optabat (futura Cæsaris cæde præcognita) *ab ipso malum auertere, atque a cursu infanso, & infelici reuocare* . Verùm hoc est humanorum euentuum arbitrium, & imperium Fato, & Fortunæ committere, quod Ethnicum est, cœloque elementari mirabiles illas virtutes tribuere, quæ tam varijs euentibus vitam distinguunt à primo, & inauspicato nascentis momento, exindeque prædictione anteuertere, quæ postea respondent euentu, spectra, & umbras quasi venari, funestorumque euentuum terrorem anticipare ; philosopho non deliranti incumbit studium, intimas rerum fibras scrutandi, vt è propinquo veritatem qua fieri potest inspiciat, nec pro

pro libito fabulari credula facilitate amplectendo quidquid se menti offert veritatis larua personatum. Proponit hoc Problemata Aristoteles, disquirens: qua vi pisciculus tam exiguus possit, tam ingentibus nauibus moram iniicere? Atque hoc supposito tanquam certo, conatus est, dubium omne paritate diluere, quæ in ipsa Navi sese offert. In ipsa, inquit ille, tam exiguae molis gubernaculum minima vi circumactum potest nauem totam dirigere, & contorquere; in eaque non immoto gubernaculo, sed hinc inde conuerso sistitur motus, & cursus, atque in vniuersum verum est. Motorem collocatum in extremitate corporis moti, posse mouere facile partem alteram eiusdem corporis, atque hoc non aliam ob causam. Nisi quia in rebus se mouentibus, *prima pars fertur celerrimè in extrema motus remissione, quo pacto in ijs quæ feruntur in fine cessat impetus*, vnde potest facile remoueri, ac retardari; Ita clauus infigitur puppi Nautis extrema, quia potest facile contorqueri, & idcirco puppim mouere, quæ incitatur motu tardiore, quam Prora, ac propterea minus renitens motori; quo fit quòd Prora moueatur, & ipsa ad motum gubernaculi in puppi. Ex his omnibus infert Philosophus: posse etiam Echeneidem Nautis gubernaculo adhærere, & pernitate motus huc illuc impellendo corpus ipsius, ambiguum motum proræ imprimere, quo nautis cursus non parum retardetur.

Bene est: detur hoc Aristoteli, non ideò ex ratiocinatione illa euidenti argumento concluditur de Echeneidis vi, contradicente historiarum fide. Plinius ait: *circa nauim adhaerentem gubernaculo, inuentam fuisse Remoram*. At Cardanus asserit: cursum illi inhibuisse, fundo inhærentem; Plutarcus verò lateri. Neque solum asseritur: cursum nauibus inhiberi, sed immobiliter sisti. En ex ipso Plinio descriptam historiam: *Paruus admodum piscis Echeneis (ruant venti licet, & procella) imperat furori, viresque tantas compescit & cogit stare nauigia, quomodo non vincula vlla, non anchoræ pondere irreuocabile iacta. Infrenat impetus, & domat Mundi Rabiem, nullo suo labore, non retinendo, aut alio modo, quam adhaerendo, & Cassiodorus: Indici maris Conchæ simili potentia, labris suis nauium dorsa fixerunt, quarum quietus tactus plus dicitur retinere, quam exagitata possint Elementa compellere. Stat pigra ratis sumentibus alta velis, & cursum non habet, cui ventus arridet, sinè anchoris figitur, sinè rudentibus alligatur*.

In mecha-
nics.

In sympo.
27.

Lib 9. c. 38
lib 32. c. 2.

Lib. va-
riar.

Problema hoc fufius examinavit in Academia Philofophico-mathematicorum Romæ fub fapientî directione Illuſtriſſimi Præfulis Ciampini P. Franciſcus Eſchinardi Societatis Jeſu, qui attentè aduertit : Tria in aliquo corpore impellendo requiri . Primò aliquo pacto coniunctum eſſe potentia mouenti . Secundò mouentis partes inter ſe vnitas . Tertiò motorem eſſe immobilem , & inhærentem alteri corpori immoto . Supponit ulterius . Non poſſe à mouente exeri vires maiores illis , quibus reſiſtere valeat extremum illud corpus , cui inniuntur vires illæ , idque præclara ſanè experientia demonſtrauit ; cum æquilibrato æquali pondere , & homine , vtroque pendente ex Trochlea, quamuis ille conatum omnem exhibuerit , eleuare nunquam potuit pondus ſeiſpo maius , niſi quando immotæ Trabi pedes infixit . Hinc non eſt damnanda iaſtantia , quæ imponitur Archimedi , cum danti vnicum palmum corporis extra Mundum immoti, quo pedem figeret , fidem ſuam oppignorauit, fore vt non terram ſolùm ſuo è centro diuelleret , ſed Mundum vniuerſum impelleret . His ratiocinando prælibatis , argumento procedit , tandemque concludit . Non poſſe Remora nauim ſiſti , quamuis enim illa adhærere poſſit ligno , ibique conſiſtere ſinè partium ſuarum diſcontinuatione ſeiunctioneque, immobilis ſtare non poterit contra vehementem maximè impetum à naui , ventis, remiſque propulſa , iniectum, aquis Natura valdè mobilibus , & ex aquis tranſeuntem ad Remoram . Itaque ſi Mutiani narratio vera eſſe non poteſt de Concha Venerea , cum ipſi aptari Ariſtotelis ratiocinatio non poſſit, iſdem de cauſis potiori iure non poterit dici de Piſce ab eodem exhibitò .

Vnum ſuperreſſet : Vtrique Remoræ nempe ac piſci memorato inditam fuiſſe virtutem conſiſtendi contra omnem contrarium conatum immobilem, ſinè dependentia à corpore, cui ambo adhærent . Verùm id contendere eſt apertè contra veritatem rationemque pugnare, docente experientia , etiamſi depræhenſa fuiſſet Remora illa , aut ille Piſcis inhærens nauibus , quocumque vel leui manus conatu auelli facilè potuiſſe . Iam verò ſi manus vna potuit illam euellere , & à ligno , & à mari, an non poterit eandem abſtrahere impetus conceptus à Naui , validiſſimis ventis plenique velis liquido Elemento inuecta ? Quamuis magnes ad ſe ferrum trahat , & artiſſimo ſympathiæ nodo illud ſibi deuinciat , ſi liber pendet in aere ,
pote-

poterit vtrumque à maiori vi huc illucque transferri pro libito .
 Ventis igitur propelletur tum nauis, tum Remora, quamvis hæc
 illi firmiter adhærescat . Neque narratio quæcumque rei pro-
 digiosæ debet fidem à Philosopho exigere . Verùm quidem est,
 Sanctum Basilium, Sanctumque Ambrosium in ea memoranda,
 nihil hæsitantes argumentum ex ea desumpsisse , diuinam po-
 tentiam ostendendi, tot modis participatam creaturis, dicente:
 primo . *Nonne in paruo hoc eandem potentiam Conditoris si-
 gnificationem accipis ?* & altero : *An & huic putas sine Creato-
 ris munere tantum potuisse suppetere virtutis* . Verùm in hoc
 fidem suam conditionatè manciparunt, & libertatem cuiusque
 fecerunt indagandi in his prodigijs veritatem .

In examer
 hom. 7.
 Examerl
 lib 3. c. 10.

Pro Conclusionem Problematis digna est Plutarci obserua-
 tio . Res nempe quamplurimas non esse causas accidentium,
 nonnullorum ijs annexorum , sed simultaneos effectus tertiar
 alicuius concausæ, vel ignotæ, vel difficilis indagationis . Ita
 Lucernæ lycno incumbens fungus , non est causa pluuiæ , sed
 vtrumque sit, pluuiæ nempe, ac fungus, ex aeris addensatione,
 concretionequè vaporum, ita nauis, inquit ille, retardari potest
 ex nimia algæ, & musci copia innascentis ; quâ de causa sæ-
 pius afflicte naues recreantur expoliunturque, atque intra mu-
 scum, vel algam potest abscondi Remora , seu Piscis , seu Co-
 chleæ ibi genitæ, vel pabulo illectæ, quod reperit . Potest etiam
 fitti nauis improuiso , & præcipiti aquarum decursu , internas
 aquas concitante, vt non semel accidit . Et in Ostio freti Ma-
 mertini naues optimè instructæ, dum propellebantur ventis in-
 citatissimè vela omnia implentibus, repentè visæ sunt fitti, cum
 occurrerent aduersæ aquarum fluentæ , atque exertis hinc indè
 pari conatu viribus, vtraque in alteram adnitente , & neutra al-
 teram in contentione superante, omni penitus motu naues pri-
 uabatur .

Lib 2, simp
 1. ac probl
 7.

Verùm quia lacinioso nimis adhibito discursu hac super
 re mens euagaretur , satis est mihi abrupta longiore peryodo
 lacinijque, ac velis contractis finem imponere, quadrigentis, &
 eo amplius speciebus diuersis indicatis , potius quam exacta
 delineatione descriptis, pluresque dubitandi rationes, & quidem
 non ad puerilem ludum insinuasse si non omni difficultate euo-
 lutas , & enodatas ad recreandum tamen sapientis animum at-
 temperatas .

Etenim de aliqua materia scribere , eodem ferè modo fieri
 de-

debet, quo conuiuium instruitur, in quo nec singula fercula comminuuntur in frusta, vel scinduntur in partes, nec omnia in vnā massā congesta apponuntur conuiuiis. Sed pars aliqua manet vi aliqua conuiuantium denti scindenda, probandaque seponitur.

Et quemadmodum in conuiuijs indecora est ciborum penuria sic nimia copia fastiditur. Quamuis hic ab omni me nota vindicaret Plinij Iunioris lepido sale conditus apologethicus pro sua epistola longiore peryodo in multas paginas excurrente, ad Apollinem directā, in qua explicabatur descriptio ruris sui ad omnes delicias voluptatesque instructi: *Cum villam, inquit, oculis tuis subycere conamur, non epistola quæ scribit, sed villa quæ describitur magna est.*

FINIS;



INDEX.

A

A Qua aliquorum fontium
cur faciliè laquidescat. pag. 200

Animalia mole licet minima
sapienter considerata. 9.
10.

Parna generantur in ma-
iori numero, qua maxima.
pag. 19

Multa viuunt sub diuersis
formis accidentalibus suc-
cessiue productis. 31

Generantur intra gallas
sinè semine præuio à muicis
relieto. 33

Cur generantur intra la-
xa. 34

Exanguia carent corde. pag. 226

Exanguia breuiorem vi-
tam agunt quam sanguinea.
pag. 244

Sanguinea longius, quam
exanguia viuunt extra a-
quam. 244

Antalia dicuntur aliqua Testa-
cea. 91

Apis construit cellas rotundas
non pentagonas. 210

Aristomachus 62. annos in A-
pum studio transegit. 81

Aristoteles Animalium histo-
riam scribens ab Alexandro
inuatur. 37

Laudatur propter Anima-
lium historiam, & Proble-
matum libros, licet in mul-
tis rationes falsæ sint. 175.

Ars materiam superare hiper-
bolicè dicitur. 83

Auditu carent Testacea. 237
Eius organum quomodo
destruatur. 246.247

Auris Animalis duplici Co-
chlea munitur. 247

Auris marina dicitur Concha
vniualuis. 91

B

B Alanus quid significet. 29
Animal est Testaceum,
vnica valua inclusum. 91

Nascitur è saxo. 30.31
Cur nocte splendeat. 253.
& seq.

Quomodo in visceribus
saxi augeatur. 35.36.
Describitur. 101

Biualuia dici possunt Testacea
omnia. 233
Buccina Cochlea. 121.130.134.
136. & seq.

Bonarota nunquam duos om-
nino similes vultus sculpsit.
pag. 53

INDEX.

C

Calligula ad triumphī significationem Turrim Cochleis exornauit. 17

Calor est causa diuersorum effectuum iuxta varietatem corporum per quæ communicatur. 250

Caracteres aqua formati quomodo legi possint. 206

Cerebrum cur frigidum sit. pag. 251

Cochleæ sapientis studium merentur. 1. 16

Qua ratione delectent. 4.

7.

A mulieribus Brasiliæ, vt ornamenta capiti impositæ. pag. 12

In tria genera diuiduntur.

pag. 17

An generentur propagatione speciei. 20. & seq.

Difficillimè describi possunt. 86

Quomodo dici possint secundæ. 26. 27

Omnes inter se dissimiles. 53

Earum varietas describitur. 54. & seq.

Pretio superant Vasa à Raphaele Verbinatè depicta.

pag. 56

Sideribus similes. 58

Prouidentiam Diuinam indicant. 65

Earum vsus, & utilitas. 72. & seq.

Monetarum loco adhibentur. 73

Cibum suppeditant. 73

Agriculturæ seruiunt. 74

Architecturæ, & Arti militari. 74

In Piscatu, Choreis, & Ludis. 74

Arti mechanicæ. 76

In conuiujs, & à luxu scæminarum malè adhibentur. 77. & seq.

Tenantur in Museis vt res pretiosæ. 81. & seq.

In Paginis delineatæ finè coloribus priuantur venustate præcipua. 87

A sapientibus pretio habitæ. 173

Cochlea os habens in latere sinistro. 157. & 158

Cochlea dicta Celata. 114

Cornu Cerui. 127

Cilindrus varius. 127. & seq.

Corona Pontificia. 127

Depressa margaritifera. pag. 133

Galei formis. 135

Muricata. 135

Olearia. 113

Romboides. 103

Sarmatica. 141

Veneræ vide Veneræ

Vmbilicata. 117. 141

Vmbilicata margaritifera. pag. 133

Claudius Cæsar iubet à militibus manus impleri Cochleis. 3

Coagulatio quando fiat. 198

Co-

I N D E X.

Colores in Cochleis vnde oriantur. 58.& seq.

Septem præcipui, ex quibus cæteri constant. 60

Distribuant Animalia in tres Classes. 60

In Purpuris variantur, prout maris temperies exigit. 63.148

Cur in superficie externa appareant. 38.205.

Ornant, & distinguunt. pag. 224

Cianeus cur non inueniatur in Testaceis. 185.& seq.

Concha Anatifera dicta. 95

Concha Corallina Pictorum. pag. 99.104.105

Cama, quæ nam sit. 105

Dentata. 106

Fasciata. 107.111.135

Imbricata. 109

Lenis. 104.107

Longa. 104.108

Perfusa. 99

Rugata. 105.108

Striata. 107.111

Concha dicta Cozza. 109

Cornua cur sint in Cochleis. pag. 68.233

Cornelius Meyer Tiberim frangat argine, ne Romam inundet. 220

Creaturæ licet minimæ sunt consideratione dignæ. 7.8

Sunt veluti paginæ, quas omnes legunt pauci intelligunt. 8

Delectant nouitate non excellentia. 8

Sapientix Diuinæ opera. pag. 9

Hominnm mentes superbas humiliant. 10.12

Elingues Deum laudant. pag. 11.14

Affectum non curiositatem explere debent. 12.13

Deum publicant, vt res maximæ. 13.14

Dei amorem consideranti ingerunt. 14.15

Cor non inuenitur in Testaceis. 226

In Animalibus est, vt Sol in Mundo. 226

Animalibus sanguineis necessarium. 226

D

DAgilis Concha. 102.158

Dentes non sunt in Testaceis, neque in parte superiori oris cornigerorum. pag. 229

Diuersitas Colorum in Testaceis notas distinctionis facit. 224

E

EChinophora Cochlea. 115

Eliogabalus Araneorum telis Romæ magnitudinem explicat. 81

Error cum veritate utilis. 59

Ericinus Marinus. 41

Cur quinque oua, & dentes habeant. 244

M m

A D.

INDEX.

A D. Ambrosio confide-
ratus. 172
Saxo haret ante maris
præcillas. 71

F

FEl cur non habeant Testa-
cea. 230
Fœtor in Animalibus vnde o-
riatur. 242
Figura corporum à quo pro-
cedat. 210
Rotunda quare sit in la-
pidibus, & Cochleis mari-
nis. 215

G

GAideropoda Concha bi-
ualuis. 100
Galba quid sit ex Aræo. 214
Geographia dicitur Cochlea.
pag. 157
Generatio omnium rerum sit
concurrente Deo 20. & plu-
ribus modis. 22
Giottus perfectum circum-
sola manu delineabat. 53
S. Gregorius Nissenus igno-
rantiam fatetur Naturæ o-
pera perscrutando. 74

I

IStrix marina dicitur Purpu-
ra. 150
Iecur cur non detur in Testa-
ceis. 230

L

LApides quomodo formen-
tur. 39
Animalium membra refe-
rentes. 47.
Sub aquis calidis facilius
generantur. 187
Diuerſi in venis, & visceri-
bus inuenti. 216
Lien cur non sit in Testaceis.
pag. 230
Linea spiralis in omnibus ge-
nerationibus principium ponit
iuxta aliquorum senten-
tiam. 214
Lisippus delectabatur monetis,
quæ sibi soluebantur pro sta-
tuis à se sculptis. 87
Lux Animalium vide splendor.
Luna quomodo impleat Testa-
cea. 248
Quomodo dicatur cresce-
re, & minui. 248
A Sole illuminata radios
infectos à suis qualitatibus
refle&it. 250
Quare putrefactionem in
sublunaribus prouocat. 250

M

MAtres Vnionum. 9.178
Non innotant aquis.
pag. 146
Neque gregatim natant.
pag. 180
Cur certis anni mensibus
solum accipiantur. 181
Mare cur Neptunno tridente
ar-

I N D E X.

armato exprimatur. 29
 Aquas varijs humoribus
 mistas habet. 62
 Magis calidum est quam
 Lacus. 188
 Aquas habet magis nutri-
 tiuas, licet minus potulen-
 tas. 189
 Materia, quæ nam sit apta ad
 Testaceorum generationem.
 pag. 37
 Membra cur non diuersa in
 Testaceis reperiantur. 222
 Cur in Animalibus ferè
 rotunda. 218
 Miracula à veritate deducun-
 tur. 58
 Mitulus Concha. 103
 Mundus Museum est plenum
 statuis à Deo factis. 13
 Est veluti Pinacotheca
 corpori, Bibliotheca animo.
 pag. 72
 Motus Animalium perfectorum
 supponit principium perfe-
 ctæ vnum. 221
 Quotuplex sit in eisdem,
 pag. 221
 Testaceorum non iuuatur
 à circumuolutione spirarum.
 pag. 221
 Murena cibum captabat è ma-
 ribus Craffi. 239
 Murex quid. 153
 Murex Gibbosus. 130
 Albus. 133
 Varius. 153. & seq.
 Musica dicitur Cochlea. 154

N

Natura ibi generat, vbi dis-
 positiones aptæ ponun-
 tur. 50
 Veluti prudens Artifex
 operatur propter finem. 175
 Nautilus Concha dicitur à na-
 uigando. 70
 Describitur. 87
 Vniones non producit. 178
 Nerita Cochlea cur dicatur.
 pag. 137
 Describitur. 55
 Varia. 133. 161. &c.
 Nuces marinæ sunt Cochleæ
 binalues. 103. 111

O

Oculus cæsus dicitur Co-
 chlea. 122
 Oculis carent Cocleæ. 233
 Omnipotentia Diuina non de-
 primitur si dicatur causa im-
 mediata omnium, 21
 Os cur in parte dextera habeant
 Cochleæ, aliquæ autem in
 sinistra. 219
 Operculum cur detur in Testa-
 ceis Turbinatis. 148
 Ossa magis dura sunt post mor-
 tem Animalis. 198
 Cur non dentur in Testa-
 ceis. 226
 Gigantum an vera sint,
 quæ è terra eruantur. 48
 Ostrea. 107

INDEX!

P

Pinna maris habet socium
 cancellum. 70.73
 Patella Concha. 89.&c.
 Pili, & Pennæ à quo nutrian-
 tur. 207
 Pentadactylus Turbo. 123
 Philosophia naturalis experi-
 mentis edocetur. 5
 Plantæ in qua parte os ha-
 beant. 224
 Carent ventre. 224
 Vt Infantes alimentum
 recipiunt. 224
 Petrus de Valle oblectatur Te-
 staceorum piscatu in mari
 Rubro. 9
 Pluma dicitur Cochlea. 127
 Pulmones sunt instrumenta vo-
 cis. 236
 Purpuræ magni habebantur ab
 Antiquis. 147
 Purpuras mercabatur ZenoPhi-
 losophus. 147
 Purpurarum Piscatores vesti-
 galibus non grauabantur.
 pag. 148
 Earum piscatu mancipia
 Tiri libertati reddita. 148
 Quomodo earum color
 obtinetur. 149
 Linguam an habeant Pur-
 puræ qua Testas tenebrare
 possint. 149
 Multiplices illæ sunt. 150
 Quamdiu viuunt extra a-
 quam. 155
 Putrefactio quomodo à Luna
 prouocetur, 250

R

Recreatio homini necessa-
 ria. 1
 Laudem meretur, cum ad
 finem optimum dirigitur. 1.
 Sapientis qualis esse de-
 beat. 107.176
 Quomodo Cochlearum
 obleruatione habeatur. 4
 Musicam imitatur. 176
 Rosa Polonica quid. 212
 Ros in Florum colores trans-
 mutatur. 217

S

Sales Volatiles, & Fixi figu-
 ras exprimunt corporum
 quorum sunt. 211
 Vndè figuras proprias ob-
 tineant. 214
 Virtutem propagatiuam
 continent. 27
 Saxum à Vermibus corroditur.
 pag. 30.37
 Saxum in quo Ballani nascun-
 tur. 31
 Scipio cum Lelio delectabatur
 Cochleis. 1
 Scutum Æneæ à Venere datum
 Testaceorum calyces expri-
 mit. 222
 Sensu carent Testæ. 238
 Splendor Balanorum vndè oria-
 tur. 253
 A multis rebus emanat.
 pag. 253
 Spondilus Concha bivaluis.
 pag. 100

Stu-

INDEX.

Stupiditas Phantasiæ sanguinis
defectu causatur. 251
Sturio Piscis tonitru perterre-
fit. 238
Strombi multiplices. 124. &
seq.
Succus lapidescens quid sit. 40
In aquis multis commisce-
tur. 40
Sufurrus maris cur videatur au-
diri admotæ auri Cochleæ.
pag. 246

T

Tactus in quo consistat ex
Aristotele. 241
Tellinæ pedatæ. 95
Testacea univaluia, quæ nam-
sint. 18
Quæ nam Bivaluia, & Tur-
binata. 18
Quare aliqua testis duris
aliqua tenerioribus tegan-
tur. 35
Testæ non sunt ex aqua glacie
constricta. 38
Lapidibus sunt similes. 39
Cur adeò duræ. 40
Non omnia generantur in
mari. 41
In terra multa reperiun-
tur. 41
Plantis similia. 46. 120
Vt Plantæ nutriuntur. 230
In mari potius quam in-
lacubus nascuntur. 258
Ore prius quomodo nu-
triantur. 231
In mari potius quam in-
Terra generantur. 190

In Indiarum Australium
sinubus frequentiora. 263
Supra ligna, quam supra
saxa. 195
Non formantur rore. 195
Cur duros habeant cali-
ces. 197
Cur sint pigra in motu.
pag. 251
Sub aquis non sunt tene-
ra. 196
Pluribus tunicis compo-
nuntur. 200
Cur multa Turbinata. 208
Cur multa saxis affixa. 201
Cur multa striata. 203
Cur odorem non exhalant.
pag. 242
Cur extra aquam diutur-
norem vitam, quam pisces
ducant. 243
Urinæ excrementa non
eiiciunt. 156
Testæ simul cum Animali ge-
nerantur. 51
Non iuvant ad motum.
Animal inclusum. 68
Animantur licet sensu ca-
reant. 234
Cur non mutantur sicuti
Crustæ in Crustatis. 252
Timpanum Auris quomodo
frangatur. 246
Tussis quare exciteetur cum au-
ris perfricatur. 248
Tuba Cochleæ dicitur. 127
Tulipa Cochleæ. 195
Tonitrua Sturiones perterre-
faciunt. 238
Turbo levis. 115. 129
Mar-

I N D E X.

Marmoreus.	137
Multiplex.	117.125.&c.
Turbinata tribus figuris com- ponuntur Spirali, Piramida- li,& Circulari.	219
Testis non uniuntur sicuti Bi- ualuia.	238

V

V ermis saxa corrodens.	19
Vermis ex flore hyacin- tho natus.	35
Venter Testaceorum qualis.	224
Vegetabilia maris saxea.	47
Venerea Cochlea cur dicatur.	79
Multiplex.	80
An sit Remora, qua Nauis retardatur.	265
Viuentia in mari vitam non amiserunt in Diluuiio uni- uersali.	45
Vmbilicus.	114
Vmbilicata vide Cochlea.	
Vnio cur dicatur Margarita.	93
177.	
Ad quam molem crescat.	
pag.	94
Vbi producat.	95
In qua Concha.	100
Ab omnibus pretio habi- tus.	176
Rore non formatur.	179

Quomodo e mari acci- piatur.	179
Corticofus est.	182
Vnde colorem induat.	182
Quomodo expoliatur.	182
In Visceribus Animalis gi- gnitur licet aliquando testis connexus.	183
Ab infirmitate potentiz expultricis perficitur.	187
Vox non emittitur à Testaceis.	
pag.	236
Quomodo à viuentibus formatur.	236
An audiat sub aquis.	
pag.	238
Vt formetur requiritur agitatio aeris inter corpus percutiens,& percussum.	236

X

X erxes Platani amore cap- tus.	9
Pontem nauium extruxit, vt mari frenum imponeret.	
pag.	173

Z

Z eno Philosophus Purpu- rarum mercaturam exer- cuit.	147
--	-----

Catalogus Authorum quorum mentio facta est.

A

Ælianus .
 Æneas Silivius.
 S. Augustinus
 Agricola .
 Aquilonius .
 Alexāder ab Alexādro.
 Aldrouandus.
 Allatius.
 S. Ambrosius.
 Annibal Caro.
 Antonius le Grand.
 Appollinaris Episcop.
 Arueus .
 Aristoteles .
 Athenæus .
 Ausonius.

B

S. Basilus.
 Basilus à Seleucia .
 Bartolus Daniel.
 Bartolinus Erasmus.
 Bartolinus Thomas.
 Baptista .
 Beda .
 S. Bernardus.
 Berni.
 Beccanus .
 Bellonius.
 Beregardus.
 Boccacius.
 Bodinus .
 Boyle .
 Borellus.
 Boldonus.
 Boetius de Boot.

C

Cabeus .

Cardanus .
 Caracenus Isidorus.
 Calceolarijus .
 Cassendus .
 Celijs Calcagninus .
 Celijs Rodiginus.
 Cedrenus.
 Cefius.
 Cicero .
 Columna.
 Crassius .

D

Dantes.
 S. Dyonisius Areopag.
 Diarum Eruditorum .
 Diodorus Sic.

E

Empedocles.
 Epitectus .
 Esichius .
 Eschinardus .
 Euclides.
 Eudemus.
 Eustatius.

F

Fabri .
 Falloppius.
 Fracastatus .

G

Galenus.
 Geber.
 Gesnerus.
 Gilius.
 Gilibertus Abb.
 Gonzalus Ouiedus.
 Gratianus .
 Grassettus Hipol.

S. Gregorius Nazianzen.
 Grandus .
 Gratius.
 Grefelius Georgius.

H

S. Hieronymus.
 Huochius.
 Horatius Fl.

I

Imperatus.
 Ioannes Boemus .
 Ionstonus .
 Ipocrates.

K

Kircherius.

L

Laet.
 S. Leo .
 Lister .
 Lucerna.
 Lucretius.
 Ludouicus de S. Marthe,

M

Marbodeus.
 Macrobius.
 Maiolus.
 Malatesta.
 Margrauius.
 Marcus Victorinus.
 Marcellus Virgilius.
 Martialis.
 Monardes .
 Musæum Cospiannum .
 Musæum Muscardum .
 Mutianus.

O

Olaus Magnus.

Olaus

Olaus Borrichius .	S. Prosper .	Stobæus .
Oliua .	Quirinus .	Strozza .
Olimpiodorus .	Quintus Curtius .	Steno .
Oppianus .	R	Suidas .
Ouidius .	Reischius .	Suetonius .
P	Renatus de Cartes .	Surius .
S. Paulinus .	Regnerus de Graaf	T
Pachimerus .	Rhedus .	Tassius .
Paracelsus .	Rhø .	Tachenius ,
Panzirolus .	Riccardus à S. Victore .	S. Theodoricus Abb.
Pappus Alexandrinus .	Rondeletus .	Terfagus .
Pausanias .	Rossettus Donatus .	Teophrastus .
Pereus .	S	Tertullianus .
Petrarcha .	Salustius Eubartes .	Teuetus .
Philippus à S. Trinit.	Sandæus .	Tirius .
Piccinellus .	Sarina .	V
Petrus Martir.	Sauottus .	Vander Boechius .
Pisidias .	Scaliger .	Velfchius .
Pigafetta .	Secuola de S. Marthe .	Vespuccius .
Plato .	Scilla .	Virgilius .
Plinius .	Seneca .	Vvillius .
Plutharcus .	Silius Italicus .	Vormius .
Pollux .	Solinus .	
Propertius .		

Typographorum Errata sic corrigè .

Pag. 24. quando habet, quando philosophati. 26. ostrea sexus, ostrea sexui
30. spugnis, spongijs 38. ab eo quam, ab eo quem. 43. alipnod, aliquod.
51. exercuerat, exaruerat. 53. Veritatem, Varietatem. 55. Victata, Vistata.
61. suat vnus sint vnus. porzione, passione. 71. em, cui. 73. omnin, omnia.
98 hoc ritu, hoc ritu. 79 vtntur, vtuntur. 87 amatorem, amatorum. nihil
difficilior, difficilior. 88. in testò, iuresto. 89. ripas, ripas 180. mouetur,
mouentur. 184. Vrinarouibus, Vrinaroribus. 193. Maribus, Maribus.
ozis exactis, horis exactis, 198. fuerant munimentum, fuerat. 199. durities,
duritie 201. illius est, illis est. 205. infinitum eius, infinitam eius 210. in-
terioribus, interioribus. figuram, figuram. architectantur, architectantur.
215. Intexerunt, intexont. 218. aqua, aque 228. Nookio, Hookio 240. ad
melius, ad melius. 241. é lateribus, é latebris. 249. vbique vigent, vigeant.
250. commicato, communicato plus minutius, minutuè. 255. Bellanis
Ballanis .

Cætera minoris momenti Lector facile animaduertit.




Icones Testaceorum
quæ in Parte Secunda describuntur





CLASSIS
PRIMA
TESTACEORVM
VNIVALVIVM
NON
TURBINATO
RVM

I




2







3




4



5



8




9





10




6




7




11




12




13




14



15




16







17



18

19




A




20


E




F




B




G



C




D







I



A



B




2




C









3




4







II




I2




I3




I4




I5




I6




17





18




19







23




24




25



26




27








28




29





30



31



32






33



35




37




34




36




38




40




39



41



42



43



44



45



46




47






48




49




50



51




52




53






54




55








59




f


60




61




62




63




64




65

f₂


66




69




70




67




68




71




72




73




74




75



76




77




78




79




80



81




82




82


83




84



85




86







87




88




89




90




91




92



93




94




h

95





96




h2


97





98



99




100






CLASSIS
TERTIA
TESTACEORVM
VNIVALVIVM
TVRBINATO
RVM


1







2




1







9




10




12




11









13



14









k


20




19



21




22



23




24




k2


25




26




27




28



29




30




1




31



31






32




33




34




35




36




37



38




39



40




41



42



43



44




45



46




47



48



49




50




51



52




53




54




55




56




57




58




59




60




61




62




63




64




65




66




67




68



69




70




71

72





73

74



75


76



135




77




78




79




80




81




82




83




84







85




86




87




88




89




90




91




92




93




94




95




96




97




98




99




100




101



102




103




104




105




106




107



108



109




110



111



112




113







114




115




116




117







118




119



120




121







122




123




124




125




126




127




128




129




130




131




132




133




134




135




136




137




138




139




140




141




142




143




144




145




146




147





148




149




150




151




152




153





154




155




156




157




158





159




160




161




162




163




164




165




166




167




168




169







170





171





172




173




174








175



176

177





178




179

180


181




182




183




184



185




186




s

187




188




12




189




190




191




192



193




194




t


195




196



197




198



199




200







201




202




203




204




205




206




207




208




209




211




210




212




213








214




215





216




217




218




219



220




221








222





223





224




225




226




227




228



229




230







231




233




232




234





235





236





237



238





239




X2

240





241




242




243




244




245




246





247




248




249




250




251




252



253




254







255




256




257




258




259




260



261




262




γ2


263




264




265




266




267




268




269




270




271




272




273



274




275







276




277




278



279





280





aa







aa2




285




286








287




288

bb


289



290





bb2







291

292




293







297




298




299







300



301




302




cd2


303




304




305




306



307




308




dd

309




310




dd2

311




313




312

dd3


314




315




316




317




318




319




320




321




322




323




324




325




326




327







328




329




330




331




332




333




334




335




336





337




338




339




340




341




342




343




344




345




346




347




348



349




350




ff2


351




352



353





354




355


356




357




358



359




360







361




362




363



364




365




882


366




367




368




369




370




371




372




373



374




375



hh


376




377




379




378




380




381




382




383




384




385




386




387




388




389




390




391




392







393




394




395




396




397




398




399




400




403




401



402










406




407



KK2


















SPECIAL — 80 B
11/6/16

